

18



Ex Bibliotheca
majori Coll. Rom.
Societ. Jesu

- B - 24





FRANCISCI LE ROY
INSULANI

è Societate IESV Doctoris Theologi

TEMPLVM
SAPIENTIÆ.

SIVE

DISSERTATIO
MYSTAGOGICA

In qua de Templo Sapientiæ, partim historico seu literali, partim mystico ac spiritali, sensu differitur;
illudque nominatim disquiritur:

FVERITNE TEMPLVM
SALOMONICVM

Supremæ Dei Sapientiæ, speciali titulo, ac vero nomine

DEDICATIVM.

AD SANCTISSIMVM
DOMINVM NOSTRVM

ALEXANDRVM VII.
PONT. MAX.



INSULIS,

Ex Officinâ NICOLAI DE RACHE, sub Biblijs aureis.

M. DC. LXIV.





SANCTISSIMO DOMINO NOSTRO ALEXANDRO VII. PONTIFICI MAXIMO

FELICITATEM.

SAPIENTIÆ TEMPLVM, è suis, non dicam parietinis aut rudibus, sed quasi cineribus pulueribusque, in quos illud æui longinqua verustas redegerat, qualicunque meo conatu excitatum, Tibi repræsentare fert animus, ALEXANDER PONT. MAX. ac SAPIENTISSIME: non vnâ, nec spernendam causâ, in eam, vt videri posset, audaciorem cogitationem adductus.

Nam neque templum, quodcunque esset, fas intelligebam publicè poni consecrariûe; absque Hierarchæ conscientia: & Templi Sapientiæ inspectionem, suo quodam iure censebam, ad summi, eiusque sapientissimi, Sacrorum Principis providentiam (si id tanti censeret, dignâ- returque) pertinere.

*De consec.
Dist. 1.*

Nec iam absterrebat me illa species; quasi temeritati & audaciæ affine esset, isto veluti Doctrinæ ludo; (vt S. Ambrosij vocem vsurpem) exili nimirum Scriptione, neque re aliâ,

*Prefat. in
Psalmos.*

quàm Tituli forsitan honestate , aut quadam imagine nouitatis , commendabili , detinere vel-
le Principis oculos , in Reip. Christianæ grauif-
simas curas intentos ; aut tantillum etiam inter-
pellare , & ad se aduertere magnam Mentem ,
quæ tanquam per omnes artus infusa vasti Cor-
poris , salutem excubet orbis terrarum.

Quippe quod non vana spes erat ; Te , sum-
mâ aliàs benignitate ac facilitate Principem ,
eundemque bonarum artium ac disciplinarum
vniuersè fautorem , istius priuatim argumenti
Dissertationem non admodum fortassis asperna-
turum. Quin potius , qui amantium est mos ,
ut siquid scilicet , eius quod ament , aliquam præ-
ferat imaginem , aut ad illud sanè quomodo-
cunque pertinere videatur , id verò cupidè ac
perlibenter excipiant : eodem Te more videli-
cet , vel inspecto tantum Sapientiæ nomine ,
Tibi , etiam puero , Salomonis exemplo , ada-
matam , perque omnem deinceps ætatem stu-
diosissimè cultam , nunc quoque (quod item de
Salomone conscriptum est) pro eâ , in qua es ex-
cellitate dignitatis , magnificè tractas , atque exor-
nas ; Tractatum hunc , eius veluti formam ac
lineamenta describentem , propenso animo , &
(si fas dicere) etiam inclinatâ maiestate , res-
pecturum atque adoptaturum esse.

Non molestè feres , ut existimo , quando hic
locus ita postulat , me , vel quantum Tibi ipsa
debeat Sapientia , vel Ipse libenter acceptum re-
feras Sapientiæ , sermone non longo commemo-
rantem.

Enim-

Sap. 8. v. 2.

*2. Machab.
2. v. 9.*

Enimuero FABIVM mirabamur , vel in priuatâ vitâ MAXIMVM, non modò ΦΙΛΟΜΑΘΗ, quam nomenclationem sua ei imposuerat modestia, sed ΠΟΛΥΜΑΘΗ quoque, immo ΠΑΝΣΟΦΟΝ; vniuersum quippe disciplinarum orbem , & siue humanæ, siue diuinæ Sapientiæ partes omnes , vastâ illâ mente complexum. At posteaquàm in Purpurâ primum, nec longo exinde interuallo, in Petri Cathedrâ, MAXIMVS ALEXANDER apparuit, suspexit Christianus orbis , adorauitque refulgentem in Capite suo lucem illam Virtutis ac Sapientiæ. Cuius adeò , siue experiendæ , siue propiùs inspiciendæ studio , protinus excita sagax ac sapiens Aquilonis Regina , vt illa quondam Regina Austri, venit & ipsâ à finibus terræ, vt nostri audiret sapientiam Salomonis. *Matth. 12. v. 42.*

Ergo , qua veluti manucente, supremi honoris solum sublime conscenderas, eandem, ad summæ Diuinitatis exemplum, sedium Tuarum *Sep. 9. v. 4.* assestricem , & consortem , adsciscens Sapientiam , continuò ex eius dictatis institutisque Rem Christianam administrare ac moderari aggressus es. Cui itidem studio institutoque vsque insistens , cum Tibi commissum Dominicum gregem sapientissimis legibus instruis, tum assistens Tibi Purpuratorum Patrum Collegium, sapientissimis hominibus. Perinde atque si totidem excelsis columnis (nam & hoc nomine video Purpuratos Patres , à Theodidactâ , & Christo in paucis dilectâ , *a. Orat. 20. factâ die 14. Februarij Anno 1378.* S. Catharinâ, ciue Tuâ, appellatos) fulcire stunderes , quod Tibi

cordi est, Templum Sapientiæ; & felicia illa re-

præsentare Gregorij verè Magni tempora ; de quibus delectat Ioannis Diaconi, huic equidem loco peropportunas , voces recog noscere ; in Vitæ illius historiâ ita scribentis. ^{b.} „Tunc rerum

b. Lib. 2. c.
13. 14.

„ Sapientia Romæ sibi Templum visibiliter quodammodo fabricauerat, & septemPLICIBUS artibus, veluti columnis nobilissimorum totidem lapidum, „ Apostolicę Sedi s atrium fulciebat. - Refloruerant „ ibi diuersarum artium studia : & qui vel sancti- „ moniâ , vel prudentia fortè carebat , suo ipsius „ iudicio subsistendi coram Pontifice fiduciam non „ habebat. Arceſſebantur pontificalibus profundis „ consilijs, prudentes viri, & quę sequuntur.

Quorum Tu itidem sapientissimorum virorum, seu statis coetibus, seu, vbi res postulet, etiam extra ordinem institutis congressibus; tam assiduus & indefessus ades; vt si, quadam supremæ Sapien-

c. Preh. 9.
v. 12.

tiæ æmulatione, Te quoque delectet, ^{c.} „ habitare „ in consilio, & eruditis interessè cogitationibus; aut, quod de Magno olim Theodosio prædicatum, ^{d.} „ quidquid homines laborem vocant, vestrâ natura sit.

d. Lat. Pa-
car. paneg.

Quid enim aliud esse dixerim , quòd ipsas etiam remissiones , & interualla negotiorum, non otio languido & inertî, sed studio dedicatis exercitationi quę sapientiæ? Et nunc adhibitis, vario genere disciplinarum excellentibus hominibus, si quid in qualibet, aut præclarum, aut rarum, aut nouum inesse videatur (quid enim intactum relinquat summum ingenium?) aut disquisis, aut disputas : nunc Tecum ipse solitarius, Te dignis frueris & acquiescis cogitationibus;

nibus; &, non Tibi operôsâ illâ quidem, attamen attentâ & eruditâ cessatione, quod siue animo exercendo propriè seruiat, siue in commune possit prodesse, commentaris. Quò Tibi profectò iustius vsurpes, quod Magnum ad sese inuitans Basilium, ambitiosius iactantiûsque, in hæc verba scripsit Iulianus Augustus: „ Ex eo Epist. 12. ad Basil. accidit (quod sine inuidiâ dicere liceat) vt „dum relaxamur, seria agamus.

Ita adeò vtrisque rebus, & siue publicè, siue priuatim quid agites, instituti vbique retinens, ipsi operaris semel adamatæ Sapientiæ: & quæcunque rebus varietas incidat, æquabili mentis constantiâ & vitæ tenore, philosopharis.

Nec verò ipsius Sapientiæ tantummodo, sed eius gratiâ atque respectu, etiam virorum Sapientium delectaris consuetudine, & illius Te atque istorum, pro genio Tuo amatorem, pro autoritate fautorem & patronum, ostendis.

Atque hæc causæ sunt, MAXIME PONTIFEX, ex ipsâ desumptæ suscepti argumenti naturâ, & quâsi materiæ visceribus, quibus haud temere adductus videbar, vt exilem istam de Sapientiâ Dissertationem, sponte quidem suâ ad Te euntem, & cognatæ indolis propensione, in Tuo sapientissimi Principis augusto nomine apparere cupientem, Tibi denique propriam dicarem, &, quod nunc facio, venerabundus repræsentarem. Vt alias interim plures tacëam; deuotissimi nostri obsequij, & obstrictissimæ obseruantie, causas, seu communes nobis cum cæteris, siue Ordini nostro proprias: in quem, magna Tua & verè
immor-

immortalia merita, clariori voce nostri loquentur, & in sæcula dident, Annales.

Sed stylum sisto; mihi ad extremum, ab ipsâ temporum comparatione, geminam hanc tanquam felicitatem gratulatus: quodd, & huius Templi Sapientiæ componendi, atque adorandi, cogitatio, mihi sub id tempus iniecta sit, quo Tu pariter, inter alia Opera sanè præclara, quibus almæ Urbis faciem mirificè honestas ac perficis, Ædem instaurabas Romanæ Sapientiæ; & in annum istum Operis incidat editio, quo mihi opportunè liceat, hoc publico ac festo munere, atque (vt principio appellabam) doctrinæ ludo, clementissimi Tui Principatus, ex ritu veteri, Decennalia celebrare. Cui annos multos atque felices, Cæli benignitate superadijci, & meum, & orbis Christiani est Votum.

*Dis Cass.
hist. Rom.
l. 53.
Nazar. pa-
neg. Con-
stant.*

Scribebam in Romano Collegio xiv. Cal.
Maij MDCLXIV.

SANCTITATI TVÆ

DEVOTISSIMVS

FRANCISCVS LE ROY
E SOC. JESU.

IOANNES PAVLVS OLIVA

Societatis IESV Vicarius Generalis.



UM Opus, cui titulus, **TEMPLUM SAPIENTIÆ**, à P.
FRANCISCO LE ROY nostræ Societatis Sacerdote con-
scriptum, aliquot eiusdem Societatis Theologi recognoue-
rint, & in lucem edi posse probauerint, potestatem faci-
mus, vt typis mandetur, si ijs, ad quos pertinet, ita vi-
debitur; cuius rei gratiâ has literas manu nostra subscriptas,
sigilloque nostro munitas dedimus Romæ 15. Februarij 1663.

JOAN. PAVLVS OLIVA.

APPROBATIO.

HOC **TEMPLUM SAPIENTIÆ**, cuius mihi censura à Reue-
rendissimo Patre Magistro S. P. A. mandata est, summi cum
voluptate & admiratione perluaui. Nam sapiens Architectus,
idemque Mystagogus, P. FRANCISCUS LE ROY, eius fun-
damenta posuit in montibus sanctis sacrarum Scripturarum; illudque rite
extruxit ad amussim Orthodoxæ fidei, & ad normam Christianæ probi-
tatis. Per eius adyta, aditus patet ad reconditam eruditionem, ad subli-
miorem Philosophiam, & ad summi Boni possessionem. Debet igitur omni-
bus pandi, vt quicumque ipsum adierint, veræ Sapientiæ Mystæ efficiantur.
Sic censeo ego infra-scriptus Sacrarum Congregationum Indicis ac
Rituum Consultor, & Monachorum Reformatorem S. Bernardi Abbas
Generalis. Romæ die 25. Aprilis 1663.

D. JOANNES BONA.

Imprimatur.

F. RAYMUNDUS CAPISUCCUS
Ord. Præd. Sacri Apostolici Palatii
Magister.

Tt.

APPRO.

A P P R O B A T I O.

TEMPLUM hoc *Sapientiae*, à R. P. *Francisco le Roy Societatis Jesu*, non minus firmiter quam eleganter constructum, exornatum, consecratumque; opus verè regium, quantum quantumque est, ad veram Sapientiae Regiam, regalesque, in intimo ipsius penetrali reconditas, opes immensas: ad virtutis inquam, & sanctitatis scholam, ac tandem ad supremæ tranquillitatis arcem, caelestem illam Jerusalem, securo passu Lectorem deducet. Nullus in illo ædificio offensionis lapis est pertimescendus; nulla immundities, nullus contra fidem aut bonos mores impingendi locus; simulachrum nullum. Quin abditus hic quilibet æternæ Sapientiae amator, Divinitati factus quodammodo in Arca propinquior, per opportunas caelestis disciplinæ præceptiones hauriet, quibus in summam superemmi Numinis, atque veræ Sapientiae admirationem, cultum ac dilectionem raptus, facile cum fructu, quod videtur esse finis Regiæ Authoris, exclamabit: *Quam distant æterna rationes temporalibus!* Ita censio Tornaci hæc 15. Decembris anno 1664.

ÆGID. PLESSIERA
Cen. Tornacensis Libr.
Censor.

P R I V I L E G I U M.

EGo infra-scriptus Societatis Jesu in Gallo-Belgica Provincialis, iuxta Privilegium eidem Societati concessum, quo Typographis omnibus prohibetur, ne libros ab eiusdem Societatis hominibus compositos absque Superiorum permissione imprimant; facultatem do NICOLAO DE RACHE Typographo Insulensi, ut librum cui titulus est, *TEMPLUM SAPIENTIÆ*, à R. Patre FRANCISCO LE ROY eiusdem Societatis compositum, & à R. Admodum Patre nostro Vicario Generali approbatum, ad sex annos proximos imprimere, & libere distrabere possit. Datum Insulis 12. Decembris 1664.

JOANNES BLAUWART.

E R R A T A.

Pagina 18.	Linea 30.	quidam.	Legit quiddam.
Pagina 10.	Linea 11.	elidatur.	Legit abstrahatur.
Pagina 30.	Linea 20.	alijum.	Legit alijum.
Pagina 72.	Linea 25.	namque significat.	Legit namque significat.
Pagina 24.	Linea 18.	Patrum.	Legit Patrum.

SYLLABVS

Partium & Capitum huius operis.

PROLVSION MYSTAGOGICA.

Siue, studiosi lectoris in Sapientiæ templum
Introductio.

- § I. **N**OSTRÆ cogitationis occasio, & descriptionis, in-
scriptionisue causa. Pag. 1
- § II. Dissertationis huius argumentum proprium in solis probabilibus
coniecturis consistere: nec ideo tamen ab eo abstinendum fuisse. 5
- § III. Ex hac Mystagoga Disquisitione variam capi posse ac mul-
tiplicem utilitatem. 8

TEMPLI SAPIENTIÆ PARS PRIMA.

Templi Diuinæ Sapientiæ historica, siue (vt ap-
pellant) litteralis disquisitio.

- CAP. I. **R**OMANOS, Gracosue, quemnam Deum Iudei
in templo suo colerent, incertum habuisse.
Eiusce rei causæ nonnullæ. Pag. 11
- CAP. II. De Baccho à Iudeis culto ridicula quorundam opinatio.
Aliorum item de Ioue, aut Saturno. 15
- CAP. III. Ex aliorum sententiâ, Cælum, Mundum, Elementa, siue
borum Præsides Genium, Deum Iudeorum fuisse. 21
- CAP. IV. Magnificum illud Ierosolyma templum, vni soli summo ac
vero Deo dedicatum. De eius proprio titulo, quaesitum. 24
- CAP. V. Templum Salomonicum, Dei Sapientiæ speciatim ac propriè
consecratum videri. Prima eius rei coniectura, ex fabrica
siue, Arca inquam saderis tutelâ & cultu, deducta. 26

★

CAP. VI.

SYLLABVS

- CAP. VI. *Arcam fœderis, Diuinæ Sapientiæ Symbolum proprium, expressum, fuisse. Eiusdem fines, & usus, peculiares, expens.* Pag. 28
- CAP. VII. *De mystica Cherubinatorum effigie, arca fœderis, & templo Salomonico adiectâ. Cherub nomine significari cognitionis plenitudinem. Nona exinde ac specialis in rem nostram coniectura.* 33
- CAP. VIII. *Sphingum Ægyptiarum, & Cherubinatorum templi, analogia. Etiam Sphingas, notas ac symbolum sapientiæ fuisse.* 36
- CAP. IX. *Aurei vituli, quos Ieroboam fecit rex Israël, num affine quicquam cum templi Cherubinis habuerint.* 41
- CAP. X. *Concluditur demum antea à nobis proponi cæpta, atque ab arca fœderis & Cherubinis templi desumpta, ratiocinatio.* 47
- CAP. XI. *Affirmatur eadem cogitatio ipsius Salomonis auctoritate.* 50
- CAP. XII. *Ad idem, ex IESV filij Sirach Sapientiâ, non inefficax argumenti ratio.* 55
- CAP. XIII. *Ex eo quòd, ex mente Patrum, is qui Moyse apparebat in deserto, fuerit Dei Filius, nonnulla thes. nostræ confirmatio.* 57
- CAP. XIV. *Idem confirmatur, ex eo quòd templum Salomonicum fuerit figura corporis Christi.* 63
- CAP. XV. *Breuis antedictorum, & scopo nostro non inopportuna, collectio.* 66
- CAP. XVI. *Quædam de mente Patrum, rei amplius illustrandæ, prolata.* 68
- CAP. XVII. *Templi S. Sophiæ, quod Iustinianus Imperator Christo posuit, ad priscum illud Salomonicum responsus & analogia.* 72
- CAP. XVIII. *De opinione Ludouici ab Alcazar, Templum Salomonis Deo Victori propriè fuisse ædificatum, existimantis.* 77
- CAP. XIX. *Occurritur cuidam difficultati; & susceptæ disquisitionis finis imponitur.* 82
- CAP. XX. *Ex his quæ historicè dicta sunt de templo Sapientiæ, via post dicendû præstruitur, atque munitur.* 84

PARTIVM ET CAPITVM.

P A R S II.

In qua de diuinæ Sapientie templo, partim allegoricâ ratione, partim anagogicâ contemplatione, disseritur.

CAP. I. **V**NIVERSVM hoc, ex sapientum sensu, magnum ac magnificum in primis, summa Diuinitatis templum esse. Pag. 87

CAP. II. In opere mundi, summam Dei sapientiam, præ cæteris ei attributis, elucere. 93

CAP. III. Res omnes creatas, quasdam Dei loquentis voces, aut diuini Verbi tanquam expressiones esse. 97

CAP. IV. Vberior atque expressior proximè dictorum declaratio; et ad propositum nostrum applicatio. 100

CAP. V. Vniuersum hoc nihil nisi Echo nem Verbi diuini esse, vario repercussu, multipliciq; responso, resonantem. 104

CAP. VI. Ex rerum omnium Vniuersi tanquam vocibus; carmen quoddam aut canticum existere, quo constet harmonia temporum, et ipsa uirum dissonantia Vniuersitas. 108

CAP. VII. De concentu celi; orbiumq; celestium cum nouem Angelorum chorus consonantia. 112

CAP. VIII. Nonnulla adduntur ad mundi harmoniam spectantia. Obiter admonitum: Non parum referre, quas aures, quos oculos, ad naturæ voces, rerumque formas percipiendas, adferamus. 116

CAP. IX. In cunctis Dei operibus, diuina artis ac sapientia notas recognoscere, in eoq; subinde studiosius se exercere; rem esse dignissimam sapiente. 120

CAP. X. Exercitationis proposita accuratior commendatio. 124

CAP. XI. Ipsa admonente naturâ rerum, rebus his creatis, non nisi ad factoris laudem atque gloriam utendum esse; earumq; gratiâ, assiduam Deo gratiarum actionem esse reddendam. 129

CAP. XII. Afficiendus esse res Vniuersi, velut magni carminis particulas, nequæ illis fortasse per se aut solitariè spectatis, insipienter offendatur. 134

CAP. XIII. Rerum labentium amore improvidè teneri mortales; earumq; abscissu, aut subtrahitione, etiam stultè cruciari. 138

CAP. XIV. Quoniam cursu rerum; diuinam adorandam providentiam, et siue prospera, siue aduersa obtulerint, eidem pariter acquiescendum esse. 143


CAP. XV.

SYLLABVS

- CAP. XV. Eiusdem præcepti pertractatio. Vtriusq; rebus rectè
vrendum, vtriusq; philosophandum. Sapienti. Pag. 145
- CAP. XVI. Impositum rebus à summa prouidentia ordinem, omni
ex parte vitari non posse; sed qui à primo eius ordine
pro:erue discedat, hunc in alium quendam infelicitè
incidere. 151
- CAP. XVII. Sapientis esse, constituta Dei prouidentia potius
obsequi, eà re Deo placiturum; quàm ei frustra veni-
tendo, malum effici & parà dignum. 156
- CAP. XVIII. Ad illud reditur quod fuit initio propositu. Demonstraturq;
specialius, quã ratione in hoc mundi templo, sese præ cate-
ris agnoscendam adorandamq; exhibeat Sapientia Dei. 160
- CAP. XIX. Appendicula, & conclusio proximè dictorum. 166
- CAP. XX. Ad extremum concluditur: Mundum hunc ut proprium
Sapientia Dei templum, à nobis habendum & obseruan-
dum esse. 169
- CAP. XXI. Rerum à nobis antè dictarum plenior ex Apostoli verbi
confirmatio, atque illustratio. 171
- CAP. XXII. Diuini consilij ratio, in mundo condendo, mittendo Filio,
homine ad salutem adducendo, in pauca colligitur; sibiq;
per omnia bellè consentiens ostenditur. 175
- CAP. XXIII. Argumenti capite superiore capiti executio. 178
- CAP. XXIV. Celestem Ierusalem, seu celum, Beatorum sedem, tem-
plum Dei augustissimum esse. 181
- CAP. XXV. Patriam celestem, sedem esse propriam, regionem, re-
gnum, atque adeo templum, Sapientia diuina. 183
- CAP. XXVI. Ita conuerſandum nobis in hoc seculo, quasi in atrijs cele-
stis Ierusalem, æterniq; templi Sapientia, verſemur. 187
- CAP. XXVII. Eternum regnum diuina Sapientia, vel ex hac vici-
in nobis inchoandum esse. 191

P A R S III.

Tropologica templi Sapientia, & morum nostrorum sanctita-
tem propius spectans, expositio.

- CAP. I.  TIAM cuiusque nostrum animam, inhabitantis
Sapientia Dei, templum efficiendam. Pag. 195
- CAP. II. Rectam indolem sincerumq; animum, ad sapientia discipli-
nam, eiusq; in nobis ædem excitandam, adserendum. 200

CAP. III.

PARTIVM ET CAPITVM.

- CAP. III. *Conditum in nobis Sapiencia templum, animi paritate corporisq; pudicitia, tuendum esse atq; colendum.* Pag. 204
- CAP. IV. *Ad hoc ipsum referre plurimum, si quis à primis annis Sapientiam adamauerit, eamq; in sponsam sibi met adoptare studuerit.* 208
- CAP. V. *Concluduntur quæ modo dicta sunt: & quædam proferruntur, egregiorum iuuenum, Sapientia sponsorum, exempla.* 212
- CAP. VI. *Sapientia consuetudine castisq; amplexibus frui volenti, secessum à turbis studiisq; exquirendum esse.* 216
- CAP. VII. *Eundem in finem, etiam memorum recessus, rurisq; secreti solitudo, obiter commendata.* 221
- CAP. VIII. *Quod in nobis est Sapientia diuina simulacrum, præstantissimarum virtutum cultu, perficiendum, & exornandum esse.* 223
- CAP. IX. *Qui Sapientia in se habitantis sacrarium effectus sit, id ipsum externo habitu, ipsaq; morum honestate ac sanctitate, profiteri debere.* 229
- CAP. X. *Ad sapientiam aspiranti, ante omnia falsas ac præposterar, de experendis, fugiendisq; vulgi opiniones, ex animo esse euellendas.* 232
- CAP. XI. *Confirmatio dictorum, & quiddam, de tenerâ etiam ætate ad honesti studium instituendâ, per occasionem adiectum.* 235
- CAP. XII. *Etiam primam pueritiam, videri, primis honesti notionibus, & quasi quibusdam rudimentis sapientia, rectè & utiliter imbuendam.* 238
- CAP. XIII. *Sapientis esse, ab initio excessum quiddam cogitatione præsumere; magnâq; mensura vitam suam metiri.* 243
- CAP. XIV. *Expenditur S. Ambrosij locus insignis; Beatam vitam in altitudine sapientia, suauitate conscientia, virtutis sublimitate, collocantis.* 250
- CAP. XV. *Sapientem à stulto, hoc maximè distare; quod ille æternis rationibus, hic temporalibus ducatur.* 255
- CAP. XVI. *Nonnulla iam dictis superadduntur, atque propius ad actus nostros, & summq; vita, applicantur.* 261
- CAP. XVII. *Consektariè deducimus; æquabilem vitam institutiq; constantiam, cum sapienti maximè propriam, tum eidem oppido decoram, atque iucundam, esse.* 268
- CAP. XVIII. *Christiani cuiusdam Sapientis effatum: Sine affectu & decore, cruciq; affixam, adorandam esse veritatem.* 273
- * 3
- CAP. XIX.

SYLLABVS PART. ET CAPIT.

- CAP. XIX.** *Profana priscorum Philosophorum sapientia curiosum & immodicum studium, vera ac asuina sapientia non mediocri impedimento esse.* Page. 279
- CAP. XX.** *Adamandum esse praeter ceterum diuinarum Litterarum studium. Quaedam in rem nostram, nuperorum eruditiorum exempla.* 284
- CAP. XXI.** *De nonnullis effatis praeceptisue salutaribus, ex his quae sparsim isto opere tradita sunt, ad usus opportunos, recolligendis.* 287
- CAP. XXII.** *Quaedam proponuntur vera sapientia effata, cuilibet homini ad bene beatę viuendum opportuna.* 290
- CAP. XXIII.** *Pronuntiata alia eidem fini subseruientia.* 296
- CAP. XXIV.** *Quae proposita sunt effata vera sapientia, non leuiter atque transcursum obeunda, sed studio aliquo sollicitiore consideranda. Quamobrem otium cogitationis rursus ac serio commendatum.* 302
- CAP. XXV.** *Ex traditis praesenti Tractatu ad extremum colligitur: vera celestisq; sapientia studio, nihil omnino esse in vita anteponendum.* 306
- CAP. XXVI.** *Eiusdem studij ac cupiditatis incitanda gratia, sapientia celestis dotes ac decora, fructus ac commoda, compendio recensita.* 313
- CAP. XXVII.** *Non sine labore acquiri celestem sapientiam; proindeq; ad eam ardens studium, & magnam animi alicritatem, adferendam.* 320
- CAP. XXVIII.** *Laborem susceptum vera sapientia gratia, ipso tempore usuq; dulcescere; quin etiam inter initia, ipso nobili conatu, generosis animis iucundum esse.* 325
- CAP. XXIX.** *Extrema nostra, super hoc opere, studiosi lectoris allocutio.* 330
- CAP. XXX.** *Sapientiam amanti ac desideranti animae, pro ea celestis obtinenda adipiscendaq; ad Deum patrem luminum suspirationes.* 334

PROLVSION
MYSTAGOGICA.

S I V E

STVDIOSI LECTORIS

I N

SAPIENTIÆ TEMPLVM
INTRODVCTIO.

§. I.

*Nostræ cogitationis occasio, & scriptionis, inscriptio-
nisue, causa.*



Nunc abhinc sanè compluribus, cum in celebri Academiâ Duacenâ theologicas disciplinas publicè traderem, à religiosissimis sacri Ordinis Prædicatorum Patribus requisitus, ut S. Thomæ Doctores Angelici festum diem; solenni de more loci laudatione celebrarem; pro meâ, tum erga cælestem illum diuinumque virum religionem, tum in illius sanctissimum Ordinem obleruantia, equidem perlibenter assensus sum.

Comque istud mihi sumpsissem argumentum dicendi, ut Sancti Doctores cælesti Sapientiæ commendandæ, id potissimum

mum ostenderem : hoc vnum egisse illum in omni vitâ , vt in mente suâ , velut in quodam monte sublimi , diuinum quasi templum extrueret Sapientiæ , antiquo , illi quod sapientissimus Salomon in monte Moria augustissimum excitasset , haud absimile ; quippe quod censerem expressam fuisse S. Thomæ mentis imaginem : quemadmodum , item existimabam , Summam S. Thomæ theologicam , magnæ illius mentis simulacrum , seu veriùs , templi Sapientiæ , quod in mente suâ Doctorum summus , magno conatu atque studio ædificasset , veluti modulum & epitomen censi posse. Hæc , inquam , dum mecum attentiore curâ versatam , in eoque ptoinde totus essem , vt inter vtramque ædem illam , corpoream alteram in monte Moria , incorpoream alteram , in mente Aquinatis extructam , proportionis ac conuenientiæ vndique argumenta conquirerem ; ipsis quoque Summæ B. Thomæ Partibus , cum partibus seu membris templi Salomonici , haud incongruenti ratione , comparatis : in eam denique cogitationem , non tam deueni quàm incidi ; vt Salomonis templum , cui excitatum in Angelico pectore Sapientiæ templum conferebam , & ipsum quoque suspicaret peculiari quadam ratione ædem fuisse supremæ Dei Sapientiæ ; atque eo nomine , diuino Numini (ipsâ id agente designanteque Dei Sapientiâ) priuatim ac propriè consecratum.

Eam igitur suspensionem , vt quæ argumento , quod tunc tractandum susceperam , perfectioris analogiæ ratione , belissimè congrueret , cùm adamassem ; in eam subinde me profundius penetrans , & rerum fines , modos , adiuncta , verborumque diuinæ Scripturæ ad inuicem responsus considerans , animaduerti denique , eam non absurdè posse defendi : quin etiam censui , eam ipsam nostram cogitationem , plausibilium coniecturarum tanquam ornatu circumvestitam , & siue sacræ , siue profanæ eruditionis variâ quasi luce aspersam , posse quendam colorem , formam , speciem accipere , etiam doctorum nonnullis non omnino fortasse displicituram.

Itaque eandem commentationem , in Academico eruditæque confesso , per eam quam dixi occasionem , tum quidem obiter propositam , & doctis auditoribus probabilem visam ,
nunc

nunc verò pluribus explicatam & illustratam, audeo demum amicis hortantibus iuris publici facere, & sapientum de eâ sensum ac iudicia experiri. Quod ut tandem facerem, istæ me causæ porissimum impulere.

Primum, quòd induxissem in animum, hunc meum conatum, quicumque esset, ad ipsam sacrarum litterarum explanationem nonnihil posse conducere, eiusdem locis compluribus lucis aliquid addere, eiusdem sibi per omnia consonantem atque constantem harmoniam, siue (quod dixit S. Augustinus) *castorum eloquiorum unam faciem*, & vultum semper eundem, ostendere.

L. 7. Conf.
c. 21.

Deinde, quòd hinc gradu factò, demonstrare prouum fuerit: qualiter diuinus Artifex, ab rerum initio ad finem usque sæculorum, non tantum omnia in sapientiâ fecerit, sed vniuersum rerum ordinem, ad sapientiæ suæ ostensionem; cultum, gloriam, manifesto quodam æternæ mentis consilio, disposuerit: atque adeò non ædem duntaxat Salomonicam, sed tum mundum ipsum, tum & præcipuè cælestem Sanctorum patriam (quorum ædes illa figura fuit) velut rempla quædam Sapientiæ suæ esse voluerit.

Postremo, quòd istud etiam extare posse videretur huius operæ pretium; quòd istà, seu doctæ nouitatis, seu sacræ curiositatis illecebrâ inductus legentis animus, dum noscendi studio longius sensim prouehitur, rerumque ipsarum attendit inter se congruentiam, ordinem, conspirationem, vnaque supremæ, & diuinarum sedium allestrix Sapientiæ, erudito lusu vniuersa molientis, moderantis, atque ad fines suos suauiter ac fortiter perducentis, pulchritudinem miratur, honestatem, decus, gloriam, & ipse incipiat amator fieri formæ illius, eamque vnicam vitæ magistratam, motum ducem, laborum adiutricem, curarum solatium ac delinimentum habere; ad ipsius leges se totum fingere ac componere; in hoc orbe mundano, veluti in quodam Sapientiæ Templo versari; atque ad cælestem demum patriam, tanquam ad perfectæ consummatæque sapientiæ sedem, cæteris posthabitis, aspirare.

Quæ quidem omnia in antecessum indicata, & huius Pro-
lusionis paragrapho tertio, vtilitatum nomine, quæ ex hac
nostrâ commentatione sperari possint, aliquanto vberius ex-
ponenda,

ponenda, clarè demonstrabit decursus Operis, & adiecta ad primam eius Partem, aliarum aliquot magis morata tractatio.

Interea hinc iam satis apparet, etiam inscriptionis huius Opusculi ratio. Eò enim rectè inscribitur Templum Sapientię, quòd argumenti pars potissima in eo sit, ut ex ipsis templi Salomonici rudieribus, nouum quasi templum Dei Sapientię excitetur. Ut nihil iam dicam de reliquis adiunctis argumento primario Partibus; in quibus ipsum Vniuersum, Cælumque Beatorum sedes, ipsaque adèò sapientis mens, etiam quædam Sapientię templa censenda esse demonstrantur.

Simili ex causâ Dissertationem hanc nuncupauimus Mystagogicam. Nam, quando, sic radente Tullio, *hi qui hospites ad ea quæ (in templis) viscenda sunt ducere solent, & unumquidque ostendere*, Mystagogi olim vocabantur; mihi equidem visum in proposito, has tanquam partes assumere, dum lectorem meum in antiquum Salomonis templum inducere contendo, eiusque arcana nonnulla studiosis mentibus, huius officio commentationis, aperire.

Quâ item ex causâ S. Cyrillus Ierolosymitanus, Catecheses suas, quòd earum ope, iniciandos in mysteriorum Christianorum cognitionem induceret, Mystagogicas appellauit. Eodemque sensu S. Maximus monachus & Martyr librum edidit de Ecclesiasticâ Mystagogiâ. Extatque nostri Ludouici Cressolij non paruum volumen, quod quia versetur in tradendâ sacrorum hominum disciplinâ, eâ re Mystagogum intcipit. Cuius etiam Operis libro 1. capite 21. hanc præclaram laudat Gregorij Theologi sententiam: *Mystagogia, seu sacra disciplina, finem esse, ipsius Pulchri Boni consortio & contemplatione perfrui.*

§. II.

Dissertationis huius argumentum proprium in solis probabilibus coniecturis consistere : nec ideo tamen ab eo abstinendum fuisse.

Cæterum in primo limine, meus mihi Lector admonetudus est, ne in argumento abstruso atque perplexo, evidentes demonstrationes, seu indicia convincentia requirat. Quandoquidem (quæ est ipsius materix, suis quasi ruinis iam olim sepultæ, obscuritas) satis esse possit conatum nostrum æqui bonique consulentibus, si varijs hinc inde collectis, præsertim autem è divino petitis Oraculo, atque aceruatis, & sub vnum tanquam aspectum positis coniecturis, suspicio nostra reddatur non improbabilis; neque quasi pleno die collucens, sed vel crépero tincta lumine, inter obsoleta ævo rudera, interlucentis veritatis.

Quippe res ardua (inquit ad Titum Vespasianum Plinius) *Præf. hist. vetustis novitatem dare, novis auctoritatem, obsoletis nitorem, nat. obscuris lucem, fastiditis gratiam, dubijs fidem. Itaque etiam non assecutus, voluisse abunde pulchrum atque magnificum est. Sic ille.*

Quapropter me valde delectat opportuna quædam S. Gregorij Nysseni, ad suos de Opere sex dierum commentarios ira proloquentis, oratio : *Nostra verò quicumque legerint, & aliquid præter communem opinionem inveniunt, sic accipiant, ut sine ullius iniuriâ in dicendi exercitatione probabiliter disputata. Neque enim propositam defendere, aut dogma constituere profiteamur, ut calumniantibus occasionem præbeamus; nec hisce scriptis interpretationis doctrinam tradere, sed animum & cogitationem nostram in hoc argumento duntaxat exercere. Ista Nyssenus. Quæ ad eam, quam modò habemus præ manibus, Mystagogicam dissertationem, quadam instituti similitudine, translata, suæ, quæ pro se Nyssenus protulit, pro memetipso usurpata, me (si benevolos nanctificat iudices) excusabunt; sin minùs æquos, ipso tanti auctoris exemplo, & facti similis conscientia,*

tiâ, solabuntur. Neque enim ego itidem in hoc Opere, aut dogma constituo, aut commenerationem meam, sicuti minùs probabitur, contentiosius defendere contendo; sed in hoc erudito pulvere, animum meum, absque cuiusquam iniuriâ, fortè etiam cum nonnullo fructu, veluti per quandam remissionem, exerceo.

*L. 1. de part.
anim. c. 5.*

Nempe ineruditi sit ingenij, nullo materiæ discrimine, æqualem in cunctis quæ disputentur, evidentiam requirere: & in re obscurâ atque perplexâ, si de eâ quæri dignum fuerit, mediocribus contentum non esse, non est humanitatis. Potissimum autem, si res aliqui nec scitu indigna, nec inuicunda, suâ tamen (vti dicebamus) antiquitate, altè abstrusa, & quasi sepulta sit, eoquæ ab oculis inuestigantium semota. Vt enim quæ de calorû naturâ, ob summam eorum à terræ globo distantiam, non nisi per coniecturam attingimus, tamen etiam curiosâ ingenia (velut post Platonem in Critia, obseruat Aristoteles) ipsa materiæ seu dignitate, seu nouitate delectant: ita res quas à nobis procul submouit temporum longinquitas, siquid earum dignum cognitu, vel probabili tantum coniecturâ deprehensum sit, cupidius amplecti atque exoculari solemus; ipsâ rei vetustate videlicet pretium addente recens inuentis. Nimirum antiquorum operum ipsa etiam fragmenta delectant; & quamuis truncæ abruptæque prisci temporis imagines, in palatiorum tamen propylæis, horumque spatij, visuntur.

Tenent etiam spectantium oculos è suis ruinis recens effossa marmora; quibus vt vetustas quandam quasi auctoritatem conciliat; ita nouitas inuentionis accendit cognoscendi cupiditatem.

Porro iniurius sit in bonas artes, qui cuiusque rei inuentionem ab suis initijs vndequeque velit esse perfectam. Scilicet tempore perficiuntur omnia; multaquæ dies sequens aperit; & querendo, vestigando, scrutando, eruuntur quæ antè latebant, sensimque apertam proferuntur in lucem. Priorum siquidem, tametsi rudia atque imperfecta inuenta, acuant subsequenterium industriam: ac quemadmodum in glomere contingit, repperito adductoque lini capite; ita in artibus ac disciplinis, tenui subinde inuento principio, longa rerum connexarum series, & non vna veritas, quæ recta latebat, euoluitur.

Alterum

MYSTAGOGICA.

Alterum orbem mundo ignotum, & toto à nobis diuisum Oceano, extare in natura rerum, pertenui primùm & subobscutà apud veteres suspitione ferebatur. Atqui id, procedente tempore, alijs ex alijs indicijs probabilitatem intendentibus, credi cœptum est: tandemque nupero sæculo, præstantium virorum audaci conatu, tentata via, rei que veritas, sero scilicet sed certo denique, & nostro huic orbi veteri, peropportuno experimento comperta. Quod ipsum & ad atres reliquas, disciplinalque etiam theoreticas transferre licet: in quibus plerumque similiter ipso tempore, à non absurda suspitione ad probabilitatem magnam, ab hac ad veritatem, siue, vt in scholis potius loquimur, ab opinione ad scientiam, ordine quodam fit progressio. Vt enim egregiè expressum habes in Cebetis Thebani Tabulâ: Fas quidem non est Opinionibus ad Scientiam ingredi; suos tamen alumnos ipsæ introducunt ad Scientiam, & (vt ipse ait) tradunt germanæ Disciplinæ; ad eum modum quo nauiculæ onerariæ in emporium merces inducunt, quò tamen ipsæ non subeunt, sed oneribus exemptis abscedunt, alias atque alias subinde merces importantur. Cui simile quiddam inuenio apud S. Augustinum; dum, in rerum scientiâ quærendâ, sensibus nos vti, vt nauigio, significat: quippe quos dimittimus, vbi cõ nos, quò tendebamus, peruenerint.

*L. 1. Soliloq:
c. 4.*

Vt hinc non absurda ratione fieri dicatur; quòd disciplinæ pleræque omnes, paucis quidem decretis, sed pluribus consent non nisi coniecturâ verisimili, aut probabili ratione nixi; atque in his ferè tota Doctorum versetur & consumatur industria.

Siue id ita fieri dicamus (quod etiam obseruat Cornelius Celsus) ingenij excolendi atque honestè exercitandi gratiâ; siue studio exornandæ & velut amplificandæ disciplinæ; siue, & præcipuè, vt ijs versandis agitandisque, sensim lux rebus maior accedat; & si fieri potest, deprehendatur aliquando quid sequendum sit, & ad ipsum tandem deueniatur quasi cubile veritatis.

*Præf. in lib.
de re med.*

Quam coniecturalium verisimiliumue tractationem à scientijs si remoueris, omnem homini proficiendi viam, & ipsis honestissimis artibus, ad aliquam sui perfectionem perueniendi, spem ademeris.

§. III.

Ex hac Mystagogica Disquisitione variam capi posse ac multiplicem utilitatem.

Non igitur accusabit, opinor, sed suâ potius benignitate adiuuabit lector eruditus conatum meum, si argumentum per se non ignobile, ascitis vndique ac conquistis rationibus, probabile reddere atque illustrare satago: & velut in isto spectabili cælo interdum vluuenit, ut minutarum stellarum, facularumque multitudo, quæ hinc illinc sparæ per æthera, propter paruitatem visum fugiant, ubi eas fortè casus quispiam eundem in locum congregauerit, sibi que adiunxerit, iam muruâ ad inuicem coniunctione euadant spectabiles, & noui, neque adhuc visi sideris formam, mirantium oculis obijciant: ita ego iunctis coniecturis pluribus, quæ parum fortasse iuuent singulæ, attamen ad idem efficiendum conglobatæ, ei argumento quod tractandum suscepi, non contemnendam lucem adferant, in cælo isto Mystagogico nouum ostendo phænomenon, atque (si ita fas est dicere) ex multis faculis, quasi nondum visam stellam accendo.

Etenim res digna videbatur, & apud sacratum litterarum studiosos præsertim commendabilis; si Templo illi sanctissimo simul atque augustissimo, quodque vero ac summo Numini omnium primum excitatum esset, qualicunque meâ commentatione, aliquot, si possem, decus adderem, eiusque sacram suppellectilem exornare quodammodo ac locupletare studerem, atque in eâ re ita versarer, ut potissimum eius condendi templi primævas causas, & origines inquirerem; speciale nimirum diuinæ mentis in eo excitando consilium, quantum ex Dei verbo coniectari posset, aperitem: demum quidquid eius scrutando deprehensum esset, id omne ad sapientiæ diuinæ gloriam, pietatem in Deum, ac Christianæ vitæ informationem transferrem.

Epist. 108.

Nam si hi qui Philologi vocantur (quorum muneris ac professionis alicubi meminit etiam Seneca) sacrosanctæ, ut ipsi appellant,

appellant, at re ipsa profanæ, antiquitatis monumenta tractantes, & nescio quibus de prisca superstitione minutis quæstionculis libros implentes, commendantur tamen, siquid ad priscos ritus noscendos, aut veterum Scriptorum intelligentiam, appositè dixerint: non mihi credidi indecorum quippe censendum, si in rebus ædis Salomonicæ exquisitis, ipse tanquam sacrum antiquarium agerem; & , tum alia plura, quæ ad eius ornatum, sacra, ritus, symbola faciant, scrutarer curiosius, tum illud studio atque opere magno contenderem, prisca ipsius Ædis diuinæ inscriptionem (siue, sub quo illa speciali nomine, diuino cultui dicata & consecrata sit) in ijs quæ restant antiquitatis vestigijs, tanquam in obsoletis æuoque derolis marmoribus relictam, eamque iam fugientibus notis, ac præne consumptis characteribus, vix apparentem, probabili saltem coniecturâ restituerem, restitutamque publici iuris facerem, non sine aliquo (si Deus dederit) sacræ disciplinæ, ac Christianæ pietatis emolumento.

Nam qui rerum à nobis tradendarum, de supremâ Dei Sapientiâ, non templi duntaxat Salomonici, sed totius gentis Israëlitiæ custode ac præside (quin & ipsius mundani cursus peculiari rectrice & administratrice) notionibus, animum suum aliquoultque informat atque imbuet, multâ sese luce continuo circumfusum aspiciet, & studij sui dulce pretium, fructusque capiet iucundissimos.

Hinc enim (quod antè dicere cœpimus) apertior euadet varijs in rebus diuinarum Scripturarum intelligentia; vtriusque sacri testamenti illustrior exstet conspiratio atque consensus, & tanquam duorum oris diuini labiorum vnitas; elucescent plurium figuratum vmbre; magis apparebit diuinæ mentis, in Filio in terras submittendo consilium, & Verbi incarnati, atque in nobis habitantis, congruentissima rebus œconomia; ipse denique mundi cursus, sæculorum ordo, Vniuersi ratio, lucem hinc quandam accipient: quippe quæ ab ipsâ profecta Dei Sapientiâ, eiusque legibus & imperio à fine ad finem prouidentissimè gubernata, illius in sese quandam præferunt expressam imaginem, eoque denique sine clauduntur, qui sempiterna sit atque beata participatio diuinæ Sapientiæ, & humanæ mentis, quæ quidem in vita diligens Sapientiæ cultrix fuerit, certa & inconculsa felicitas.

Ergo

10 PROLVISIO MYSTAGOGICA.

Ergo & hinc quoque notior existet arcanus quidam inter mundanā & supramundana, responsus. Excitabiturque humanus animus ad amorem vniuersæ condentis ac disponentis, atque artificiosâ motione per omnia regnantis Sapientiæ : quam cum intelliget, purâ etgâ Deum, religionē, honestate morum, æquabili vitæ vniuersæ constantiâ, nobis colendam atque repræsentandam esse, vel eo nomine ad eas egregias artes, præclaraque studia inflammabitur.

Verùm ipsa deinceps pro se loquetur Dissertatio, iam enim propius in rem ipsam ingredimur : si tamen prius, vti fieri amat, augustam basilicam spectandi studio subeuntibus, in ipso quasi vestibulo nonnihil scilicet resistamus.



TEMPLI

TEMPLI SAPIENTIAE

PARS PRIMA.

Templi Diuinæ Sapientiæ historica, siue (vt appellant) litteralis, disquisitio.

CAPVT PRIMVM.

Romanos, Græcosue, quænam Deum Iudæi in templo suo colerent, incertum habuisse. Eiusce rei causæ nonnullæ.



ONENDVM hic esset ante omnia, tanquam indubitatum apud omnes, qui historię sacrę quicquam gustarint, rerumque nationis istius aliquousque consēj sint: Iudæos vnicum, verum, atque supremum Numen, vniuersitatis factitorem ac Dominum, (non aliquem ex his quos fatuo errore delusa gentilitas Deos credit) pro Deo habuisse; eiusque vnus magno nomini ac gloriæ, templum illud suum augustissimum, quod habuere Ierosolymis, crexisse & consecrasse.

Verùm quia profani Scriptores, rerum eius gentis ignorantie, variè circa hoc allucinati sunt, possumusque fortassis quædam adferre, ijs quę alij eo in genere adhuc obseruauerint, distinguendis nonnihil atque illuminandis: placuit, opportunè eo de argumento prolusione, istud templum nostro Salomonico tanquam vestibulum præstituerè, aut sanè (quando id in rem propositam bellè congruit) veluti quoddam *Atrium Gentium*, ante & extra templum ipsum adornare. Quod vel hinc minùs deceat Theologum: quod Sanctum quoque Augustinum minime piguit, operę quidpiam in eâ disquisitione ponere: quemadmodum mox apparebit, ea quę subiungemus legenti.

Porrò quod Scriptores profani, quem tandem Deum Iudæi

A

colerent,

colerent, incertum habuerint; vel si qui nonnullis indicijs id conjectare, & quasi ariolari aggressi sunt, ea in re toto (vt videbimus) caelo aberrauerint; non vniacaula proferri potest.

Primùm etenim, cum Iudæa gens, neque adorata cæteris gentibus numinâ, aut simulacrâ, coleret; *Depictis* vñ ait *Ad. Gent. c. 26. l. 13. c. 4.* Tertullianus, *communium istarum diuinitatum*; siue vt, Plinius, *contumeliâ numinum* (quæ nempe cæteræ gentes colerent) *infignis*; neque Dei sui vllam patèretur effigiem, iminò neque nomen vulgò proderet, quippe quod diceretur ineffabile; ac solum Dominum, aut Deum Israëlitis appellaret; vt vel hac ipsâ ætate, apud Philonem, Iudæis opprobrant Caius Cæsar, quod Deum sine nomine colerent; exinde meritò incerti hærebant exteri populi, quem tandem Deorum ea natio veneraretur.

Legat. ad Caium.

Accedebat, quod vnico in templo, quoque (etiam mortis pœnâ proposita) profanorum quorumuis accessui, quin & oculis etiam lubducto, sacra sua Iudæi peragerent; ipsis quidem adytis, quæ Sancta Sanctorum appellabant, veluti propriâ atque secretâ Numinis sede, extra Pontificem, cui semel quorannis illuc subintrare fas erat, cuius etiam initiatorum atque mystarum inaccessis.

Tamen intrauit illuc Magnus Pompeius, captâ Ierusalymâ; *Lib. 3. c. 5. Viditq;* (vt Florus loquitur) *illud grande impie gentis arcannum patens, sub aureo vtri caelo.* Sed vel hinc potius res perplexior, maiorque animis dubitatio suborta est; quando (quæ verba sunt Cornelij Taciti) *inde vulgatum, nullâ intus Deum effigie, vacuum sedem, & inania arcana.* Subductâ iam olim videlicet & arcâ fœderis, occultataque Ieremiæ Prophetæ studio, vt describitur in historiâ Machabæorum.

Hist. l. 5.

Lib. 2. c. 2.

Vt vel his ipsis Cornelij verbis, multoquæ ampliùs Iosephi Hebræi sacerdotis testimonio, qui etiam de suo tempore loquens, disertè tradit, *In Sancto Sanctorum nihil prorsus positum fuisse*; planè redarguantur, qui ipsam arcam testimonij, à Tito Cæsare è Iudæa allatam, & in triumpho gestatam, minùs consideratè prodidère.

Lib. 6. de bello c. 6.

In Oñanis.

Neque enim ego huc pertinere existimem, quod apud Minutium Felicem Cæcilius quidam in hunc modum loquens inducitur: *Iudeorum sola & misera gentilitas, vnum & ipsi Deum, sed palam, sed templis, aris, victimis, caeremonijsq; coluerunt*: Contra quam Christiani videlicet, qui per ea adhuc adolescentis Ecclesiæ tempora, templis manifestis, sacrisque publicè carebant.

Pergit:

Pergit: *Cuius* (scilicet Iudzorum Dei) *adeò nulla vis, nec potestas est, ut sit Romanis hominibus cum sua sibi natione captivus.* Non hæc, inquam, ipse sic accipiam; quasi dicantur arcæ gratiâ, quæ cum Deum Israël repræsentaret, in victorum manus potestatemque venerit: sed eò potius, quod Ierosolymis potiti Romani, lummi Dei templo destructo & spoliato, omnem consequenter illius cultum aboleuerint; vario etiam templi instrumento, candelabro septemplex, mensâ panum propositionis alijf. quæ nonnullis (quorum hodieque vestigium aliquod in arcu Titi ad Forum Boarium videre est) non item arcâ, quæ aberat, triumphali pompâ in Capitolium, translatis, ac deinde partim in templo Pacis, partim in Palatio asseruatis. Atque id denique ex ipsâ Iosephi narratione manifestum est: quippe qui triumphum illum describens, & templi spolia in eo gestata particulatim enumerans, nulpîam arcæ Dei meminit; cuius vtique præcæteris mentio facienda fuisset, si & ipsam inter spolia inueniri contigisset.

Lib. 7. bello
c. 24.

Quod si (vt porrò pergam, quod antè cæperam, dicere) vel priore vrbis Ierosolymæ casu Pompeius, vel Titus Cæsar posteriore, arcam forderis in sua sede, in iplo inquam Sancto Sanctorum, stantem deprehendissent; potuissent fortasse Romani, pro recepto tunc temporis vlu zuique genio, hanc sanè pro Deo Iudzorum recognoscere: quemadmodum olim Philistæi, adductâ in castra arcâ Domini; venisse Deum in castra vociferati sunt, &: *Hi sunt Dij qui percusserunt Egyptum* &c. Cum præsertim alienum non esset à gentium moribus, rem etiam rudem atque informem, siue, neque hominis alteriusve animalis, neque vllius nature quâ mundus constat, figurâ præditam, pro Deo seu Idolo colere: Quando & simulacrum Veneris Paphiæ, non effigie erat humanâ, sed informis duntaxat figura, in metè modum, vt ait Tacitus, aut (vt Maximus Tyrius) in morem albæ pyramidis exurgens: & Matrem Deum Pessinunte Romam aduectam, solum sacrum quendam lapidem fuisse, Livijs testatur; & Cererem Farream Tertullianus, *Sine effigie, rudî palo & informi ligno prostitisse.* Qualiter etiam tradit modò citatus Maximus, solitos agricolas in horto natium stipitem, statuam, vt ait, verè rusticam, Baccho figere; Arabas autem, etiam lapidem quadrangularem pro Deo habuisse.

1. Reg. 3.
v. 7. & 8.

Hist. l. 2.
Dissert. 28.

Dec. 3. l. 9.
Ada. Genes
c. 16.

Vt de Cherubinatorum simulacris nihil iam dicam: in quibus illi ex vlu suo aliquam facillè diuinitatem agnoscerent, eadem

illa, siue Victorię, siue alterius familiaris sibi numinis, imitamentum interpretati.

At enim Romanis victoribus in intimum oraculum, seu Sancta Sanctorum, subingressis, inuentaque sede vacuâ, atque arcanis inanibus; profectò siue id oculis suis vsurpantes, siue famâ auditioneque accipientes, stupor vrgebat & tenebrę, iamque minus erat, quod de Iudęorum Deo suspicarentur.

Postrema denique eiusmodi erroris aut ignorationis occasio proferri potest, exigua aut nulla apud externos, Historiarum gentis Hebręę cognitio. Quamobrem Iosephus Hebręus libro 1. contra Appionem, cum eorum nonnullos, qui res Iudęicas quasi obiter attigissent, dixisset in varijs falsos fuisse: *Quibus, inquit, venia danda est, quoniam magnam nostrarum litterarum peritiam non habuere.*

1. Mart. 1.
v. 19.

Satyr. 14.

Atque extabat quidem, saltem post Ptolomęi Philadelphii tempora, veteris instrumenti Gręca versio. Sed, siue de gentis ipsius contemptu eorum quoque litteras externę nationes fastidierint; siue Iudęi ipsi sacros Codices, quoad fieri posset, occultos habuerint, ne in profanorum venirent manus, qui (vt factum legimus 1. Machabęorum cap. 3.) ijs ad suas superstitiones abuterentur, aut res ipsas in contemptum traherent; siue, quod eorundem pauca exempla superessent, plerisque codicibus, Antiochi iussu Epiphaniis, concisiss, ignique consumptis; quem etiam in sensum accipere possumus, quod Mosis volumen luuenalis, arcanum (quasi arcę celatum, nec tantum argumenti ratione, sed & sui gratiâ, occultum ac reconditum) appellaret: His inquam alijsue de causis, Iudęorum res ac Religionis constat, exteris nationibus, maximam partem inexploratas incompertasque fuisse.

Vt qui siue de Gręcis, siue de Latinis Scriptoribus, eâ in parte, magis sapere visi sunt, in eâ caligine rerum, ignorationem suam profiteri maluerint, & Iudęorum Deum incertum ignotumue appellare, quàm de re occultâ specialius aliquid definire: Quod nonnulli fecere, vt videbimus, vanâ coniecturâ, & apud veritatis conscios deridiculâ suspitione.

Iean. 4. v.
22.

Quamobrem non absurdè Lucanus libro 2. sui Operis ita cecinit: *Et dedita Sacris Incerti Iudęa Dei*: Incertum illum Deum appellans; non quasi Iudęi & ipsi ignorarent quod colerent, in quem sensum olim Athenienses, forsan Epimenidis Philosophi sualu (vt in eius vita significat Laërtius) aram crexerant, inscripserantque,

serantque, *Ignoto Deo* ; sed quòd genti Romanæ alijsque po-
 polis ignotus esset, neque qualibet factâ inquisitione, in eius
 notitiam venirelicuisset. Sic enim de eo Poëtâ S. Augustinus lib.
 1. de consensu Evangelistarum cap. 30. Proinde quidam Lucanus,
 magnus eorum in carminibus declamator, credo & ipse diu quærens,
 sue per suas cogitationes, sue per suorum litteras, quisnam esset
 Iudeorum Deus, & quia non piè quærebat, non inueniens; maluit
 tamen incertum Deum, quem non inueniebat, quàm nullum dice-
 re, cuius tam magna documenta sentiebat. Ait enim: Et dedita sa-
 cris Incerti Iudæa Dei. Hæc Augustinus.

Porro ad sacra Iudeorum quod attinet, nihil adeò mirabi-
 mur, multa fugisse aut latuisse Romanos: quando & ipsos in sa-
 cris suis domesticis (siqua paulo occultiora essent) variè constare
 fluctuatos, incertosque hæsisse. Sic enim & circa Bonam Deam,
 quam alij Carmentem matrem Euandri, alij Fatuam Fauni vxo-
 rem, alij aliud commenti sunt; & circa Vestæ simulacrum (quod
 aduersus vulgarem errorem, nullum in eius æde fuisse tradit
 Ovidius) circaque ipsum Palladium, aut siquod aliud asseruaba-
 tur imperij pignus multum sanè allucinati sunt. Cum & ipse Ro-
 mæ tutelaris Deus, mæne esset, an fœmina, aut quo tandem
 nomine nuncuparetur, vulgò nescirent; uti quidem Plinius at-
 que Plutarchus obseruauere. Additque alibi idem Plinius alte-
 rum fuisse occultum, ac velut sacrum, vrbis nomen, quod enun-
 tiare, arcanis caeremoniarum nefas haberetur: Et meminit quo-
 que Festus Pompeius arcani cuiusdam sacrificij, quod in arce
 fieret ab auguribus, adeò (inquit) remotum à notitia vulgari,
 ut ne litteris quidem mandaretur, sed per memoriam successorum
 celebraretur.

Verùm his omiſſis, nonnulla eorum, qui, Iudeorum Deus
 quis esset, definitè diuinare ausi sunt, deliramenta subijciamus.

C A P V T II.

*De Baccho à Iudeis culto, ridicula quorundam opinatio.
 Aliorum item de Ioue, aut Saturno.*

VT ab eo autem, quod postremum dixi, exordiar, eoquæ me
 expediam perpaucis: Varro (ut inquit libro modò à nobis
 memorato Augustinus) quo doctiorem apud se neminem inueniunt,

Deum Iudaorum Iouem putauit; nihil interesse censens, quo nomine nuncupetur, dum eadem res intelligatur. Quasi in hanc mentem Varro venerit; quòd cùm animaduertisset (vt ait ibidem Sanctus Augustinus) Iudæos summum Deum colere, nihil aliud suspicari potuerit quàm Iouem; quem illi vtique summum Deorum existimarent.

Nisi illum etiam ita dicamus esse locutum, quòd ex plurium opinione (quos capite proximo referam) illos censeret cælum aut æthera venerari, qui à Gentilibus appellaretur Iouis nomine; quòd iste spectat Ennianus versus quem Cicero refert libro 2. de naturâ Deorum: *Aspice hoc sublime candens, quem inuocant omnes Iouem*: Et hi Euripidæi:

*Vides sublime fufum immoderatum æthera,
Qui tenero terram circumuectu amplectitur?
Hunc summum habeto Diuum, hunc perhibeto Iouem.*

Alij dicunt (subdit ibidem Hipponensis Præful) *Saturnus est; credo propter Sanctificationem Sabbati, quia isti eum diem Saturno tribuerunt.* Quò item respiciens Cornelius Tacitus, de septimi dici, immò & anni, solenni Iudæis otio agens: *Alij* (scribit) *honorem eum Saturno haberi: seu principia Religionis tradentibus Idæis, quos cum Saturno pulsos, & conditores gentis accepimus; seu quòd è septem sideribus, quis mortales reguntur, altissimo orbe, & præcipuâ potentia stella Saturni feratur; ac pleraque caelestium, vim suam & cursum, septimos per numeros conficiant.*

Quò itidem Forlani respexerit Hieronymus Cardanus, dum (veluti refert Bullingerus noster libro 2. de diuinatione capite 1.) non irreligiosè minùs, quàm vanè scripsit: Legem Iudaicam à Saturno, sicut & Christianam à Sole & Mercurio, & Mahometanam à Sole & Marte, ortum habuisse.

Atque his, affinibusque coniecturis niti potuerunt, qui siue de Ioue, siue de Saturno, vt dictum est, censuerunt.

At de Baccho idem Tacitus: *Sed quia sacerdotes eorum tibiâ tympanisq; concinebant, hederâ vincebantur, vitisq; aurea templo reperta; Liberum patrem coli, domitorem orientis, quidam arbitrati sunt: nequaquam* (inquit) *congruentibus institutis. Quippe Liber festos latoq; ritus, posuit: Iudæorum mos absurdus sordidusq;. Sic ille.* Verùm quòd hederâ vinciri solitos sacerdotes ait, nimisquam falsum est: De tibiâ & tympanis, admitti potest; de vite aurea, mox viderimus.

In

In hac de Baccho opinione; libro 4. conuiuialium quæ- Quæst. 3.
 stionum; sub persona cuiusdam Mætagenæ, multum se amat
 Plutarchus; coniecturis vñ non paruis infelicibus; tamen si
 in his falsa veris intermisceat; vt videbimus.

Igitur Bacchum à ludæis Ierosolymis coli, suspicio primùm
 esse potuit, ex festo scenopægiæ, seu tabernaculorum: in qui-
 bus illi, ex arborum ramis, & potissimum (vt quidem Plutar-
 chus) ex palmiribus atque hederâ contextis, ipsos septem dies to-
 tos, conuiujs ac vino ducebant. Non secus atque in Veneris ho-
 norem (iunctim fortassis & Adonidis, siue Liberi) festum tri-
 noctium celebrabant Gentiles, in calis myrto implexis; vt vide-
 re est in eleganti illo Poëmæte, Peruigilio Veneris inscripto, &
 à Petro Pythæo nescio vnde inuento, atque à Iusto Lipsio in Ele- Lib. 1. c. 3.
 ctis suis illustrato: vbi hæc inter cætera:

*Cras amorum copulatrix inter umbras arborum
 Implicat casas virentes de flagello myrteo.*

Et: Iam tribus choros videres seriatos noctibus,
 Congreges inter cateruas ire per saltus suos,
 Floreas inter coronas, myrteas inter casæ.
 Nec Ceres, nec Bacchus absunt, nec Poëtarum Deus.
 Detument, & tota nox est peruigil à cantibus.

Ita ibi.

Augebat porrò suspicionem, quòd per id Festum Iudæi, crade-
 phoria atque thyrsophoria, vt inquit Plutarchus, celebrarent;
 gestatis nimirum arborum ramis, non vitis (quod ille ait, pa- Leuit. 23.
 rum consentaneè Scripturæ) sed, vti diuinum ferebat præ- 7. 40.
 ceptum; ligni densarum frondium, quam myrtum esse vo-
 lunt, salicum de torrente, atque palmarum; adjectis, & (vt Lib. 3. antiq.
 tradit Iosephus) indidem dependentibus, fructibus arboris pul- 6. 10.
 cherimæ, quam citream passim, Iosephus perseam, inter-
 pretatur. Quo ornatu lætabantur, saltabant inquam ludibun-
 di, coram Domino; adjectâ eius festiue pompe, ad lituorum
 citharæque modulos, septenâ circa sacram aram circumductio-
 ne. Nam & tubis exiguis (inquit Plutarchus) sicut Argini Bac-
 chanalibus utuntur, ad euocationem Numinis; & alij progre-
 diuntur citharis ludentes, &c.

In quo sanè ritu, rem minùs attentè contuentibus, non
 obscura apparebat imago profanorum Orgiorum, aut species
 hominum, in Liberi honorem, thyrsophoria aut ophopho-
 ria

ria celebrantium. Quò non nimis absurdè credi posset, etiam Iudeos Liberum patrem colere, traductà ad sese, toto Oriente celeberrimà, Dei visitatoris religione. Neque iam mirum sit, si Nicanorem ducem libro 2. Machabæorum, compingatum legamus: se Templum Dei, Libero patri consecratum, quasi quadam cultus utriusque Numinis similitudine, ad id faciendum prouocante. Arque inde fortè quoque nata sit, amara illa necessitas, quà iussu regis Antiochi, *Cum Liberi sacra celebrarentur, cohebantur* (infelices Iudei) *hederà coronati*, seu ve habent Græca, hederam gestantes, *Libero Patri circuire*: aut etiam quod, ante hæc tempora (si libro tertio Machabæorum dicto credimus) Regis Aegypti iussu Prolomæi Philopatoris, Iudeorum corporibus inustum fuerit folium hederaceum, ut hoc quoque signo quasi Bacchi cultores designarentur.

Accedebat ad ea quæ diximus, & sacer summi Sacerdotis ornatus (velut equidem conijcio) ei non prorsus absimilis, quo Bacchi sacerdotes virentur. Quò nonnihil faciunt, quæ Strabo in sua Geographia memorat de quibusdam Indiarum populis, qui se de Bacchi genere esse, eo in ceteris argumento colligerent; *Quod eorum reges castrensem apparatus, & ceteros exitus, cum tympanis & flolâ floridi coloris Bacchico more facerent.* Et distinctius postea: *Bacchicum est etiam (inquit) sindonem & mitram gestare, & unguentis uti, & floribus cingi, & tympana ac tintinnabula exeuntem regem precedere.* Vbi utique obseruari possunt & sindon & mitra & flolâ floridi coloris, & unguenta, & tintinnabula, Iudeorum quoque Pontificibus usurpata.

Expressius autem Plutarchus: *Pontifex maximus (Iudeorum scilicet) festis diebus mitratus ingreditur, binnulli pellem auro contextam indutus, tunicamq, ad talos pertinentem gestans, & cothurnos: multa autem tintinnabula dependent de veste, quæ inter ambulandum strepitum edunt.* Ista Plutarchus: addens insuper & illud indicium, sed ex falso interpretatum; quòd illis suem odiosam esse dicat, ob Adonimâ sue interemptum.

Postremum sit argumentum illud; quod teste Tacito, quidam trahebant ex vite aureâ Templo repertâ. Quod multò erit efficacius, si quandam sequamur doctissimi viri Iusti Lipsij coniecturam; quæ quoniam interest historię, & ad sacrum Mystagogum pertinet, noui est absque aliquâ disquisitione prætereunda.

Lib. 2. c. 13.
6. 5.

Is igitur in Lucij Flori de Pompeio verbis, quæ antè laudauimus,

mus, postrema illa *sub aureo vti celo* (quæ obscurum quiddam huicemque præferebant) emendanda censet, perleui voculæ mutatione, *sub aureo vitem celo*. Vt arcanum illud impiæ gentis (sic enim tunc Iudæi ob Deorum contemptum, vti & deinceps Christiani, audiebant) vitis fuerit autem, magnæ artis & pretij in ipso templo collocata. Eiq; suspitioni fauere, tum Taciti verba suprà posita, tum quod tradit Iosephus de vite autem Cnæo Pompeio ab Aristobulo dono missâ, & postea in templo Iouis Capitolini dedicatâ, atque, vt ex Plinio (si tamen res eadem) colligere est, triumpho Pompeij Asiatico illatâ.

Lib. 14. antiq.
fig. c. 5.

Lib. 37. c. 2.

Hoc verò admissio, vt dicebamus, nimio sanè plus efficax erit, inde sumpta argumenti ratio.

Nam cum apud Florum manifestum sit, grandis illius atcani nomine (vti & apud Tacitum; dum arcana inania fuisse dicit) ipsa templi adyta, seu Sancta Sanctorum intelligi, aut secundum Lipsij emendationem atque expositionem, secretum quoddam mysterij plenum, *Quod templi sui adytis Iudæi celarent ac colerent*, idque indicet, *celum aureum*, quod videtur fuisse proprium Sancti Sanctorum. si reuera in ipso templi penetrali vitis aurea reperta esset, veluti cultui ac venerationi proposita, nulli iam videretur ambiguum, quin Liberum patrem in templo suo Iudæi colerent, cui ex vsu gentium vitis sacra esse cognosceretur.

Verum vt homini erudito atque acuto permittamus sanè coniectationem suam, demusque ita scripsisse Florum: at si ita scripsit, verum scripsisse non facile adducar vt ctedam.

Quale coim illud est, vt gens ad superstitionem religiosa, in ipsis adytis, vice arcæ Dei sedentis super Cherubim, & per ipsam quondam tot prodigia designantis, autem vitem substituerent; ad eamque sua, seu vota deferrent, seu sacrificia offerrent? Cum præsertim non essent nescij, cui tandem inuidiæ se objicerent; obtestaturis nationibus, quasi relicto Deo Israël, ad ritus gentium, Libeto patre culto, desciuissent.

Quid, quod nullus scriptorum (Floro omisso, de quo quærimus) tei eiusmodi gentis moribus tantum abhorrerentis meminerit? Cum è contra liceat commentum istud ex Iosepho Hebræo, vt quidem arbitror, satis apertè conuincere: qui non vno loco, hæc quæ Pompeius in templo viderit exactè & vno eodemque modo describens; solum recenset ex auto inentas,

L. 14. antiq.
c. 8.

L. 1. de bello
c. 5.

B

cande-

Lib. 2. *contra Appian.*

candelabrum, & vascula; itemque congestam odoramento-
rum copiam, sacræque pecuniæ ad duo millia talentum; nul-
lâ istius viris, sed neque arcæ (quæ, uti dixi, aberat) men-
tione. Qui rursus alibi, aduersus Appionis Grammatici per-
ridiculum, de cultro Iudæis aureo alini capite commentum,
absolure negat, à Pompeio, Crasso, Tito Cæsare, quicquam
istî affine in templo, sed purissimam pietatem inuentam
esse.

At scripsit Tacitus, vitem auream templo repertam.

Primum: templo, scripsit, non ipsius adytis, siue arcanis;
quæ idem ipse, Pompeio intrante, vacua inuenta atque ina-
nia, postea tradidit.

L. 15. *antiqu.*
c. 14.

Rursum, cum istic (seu quo loco vitem auream repertam
dicit) Pompeium Tacitus non nominet, potuit potius ad Tui
Principis, cuius tunc scribebat historiam, in templum ingres-
sum respexisse: quo tempore non in Sancto Sanctorum, sed
ad ianuam templi principem, *sub columnarum capitibus* (ut
testatur Iosephus, de templo ab Herode restituto, & exor-
nato agens) *vitis expandebatur, botryones aureos habens penden-
tes; opus mirandum seu materia, seu artis pretio; tum etiam
ipsâ magnitudine*: quippe cum idem alibi tradat, eos racemos
staturâ hominis fuisse.

Lib. 6. *de bello c. 6.*

Etsi sint qui eos, de Iosephi mente, non auro solidiore,
siue eius metalli veluri crustis ac laminis, sed filis duntaxat
aureis, Phrygionis opere, constituisse existiment. Vide Villal-
pandum.

Lib. 14. *antiqu.*
c. 5. & c.

Neque verò plus est in Aristobuli aureâ vite præsidij. Quam
utique ab eo ad magnum Pompeium, etiamnum Damasci
agentem submissam, priusquam is, rebellante Aristobulo, &
Iudæis templo sese defendentibus, veniret Ierusalem, tem-
plumque expugnaret, ex eodem Iosepho hæc ipsa narrante,
manifestum est. Ut iam in templo reperiri non potuerit,
Pompeio illud iure victoriæ ingresso. Veruntamen neque eam
vnuquam in templum illatam, sed potius ab eo Principe, in
Alexandri regis, parentis sui, Pinacothecâ, aut Thesauris in-
uentam, atque ita Pompeio dono missam, verisimile est. Alio-
qui enim quomodo Aristobulus, pene adhuc priuatus, & de
regno cum Hirçano fratre natu maiore, eodemque summo
Sacerdote, decertans, ausus, aut etiam permissus esset, rem-
tanî pretij donarijs templi subtrahere, Duci Romano sub-
mittendam,

mittendam, & (uti non vana poterat esse suspicio) in templo Iouis Capitolini, aut siquo alio, profanè & impiè dedicandam? Verùm hæc hæcenus.

C A P V T III.

Ex aliorum sententiâ, Cælum, Mundum, Elementa, siue horum Præsidem Genium, Deum Iudeorum fuisse.

Augustinus libro aliquoties antè laudato, idem nobiscum argumentum tractans, & de Gentilium circa hæc sensu exactiùs inquirens, ita instat vigesimo nono capite. *Quid dicunt de Deo isto Sabaoth, quod interpretatur Deus virtutum, quia illi seruiunt virtutes Angelorum?* Tum ista ibidem subiicit: *Andiui quendam eorum dicere, se legisse apud nescio quem Philosophum, quòd ex ijs quæ Iudei in suis Sacramentis agerent, intellexisset quem Deum colerent* Præpositum, inquit, istorum elementorum, quibus iste visibilis & corporeus mundus extructus est. Cum in Scripturis Sanctis: Prophetarum eius (ut subdit, commentum istud redarguens, Augustinus) aperte ostendatur, illum Deum colendum præceptum esse populo Israël qui fecit cælum & terram, & à quo est omnis vera sapientia.

Quibus autem Iudeorum Sacramentis Philosophus ille nescio quis, ad ita opinandum adductus sit; nec Augustinus prodixit, nec ego satis conijcere possum. Nisi fortè ex ijs quæ de arca Dei, & veste summi Sacerdotis, mundum seu intelligibilem seu sensibilem repræsentantibus, dicuntur, aliquid legens, nec satis intelligens, in eam opinionem deuenerit.

Dicente enim Scripturâ diuinâ: *In veste poderis quam habebat* (Aaron scilicet) *totus erat orbis terrarum*: vniuersum illum summi Sacerdotis ornatum, tum Doctores Hebræi, Philo atque Iosephus, tum è nostris, præsertim S. Hieronymus, ad Symbolicam huius Vniuersi omniumque eius partium significationem, variè adaptauère. Duobus porro arcæ Cherubinibus quidam (Philone teste, in Vita Moïsi) adumbrari dixerunt, *Duo cæli hemisphæria, inferius & superius, sibi innicem aduersè opposita: omne enim cælum esse volucre*. Cui simile quiddam commentatus Clemens Alexandrinus, ait: binos illos Cherubim, arcæ impositos mundum intelligibilem repræsen-

Sep. 8. v. 24.

Epist. 128. tom. 3.

Lib. 3.

L. 3. Strom.
c. 5. ranti, duas vřas, aut duo potiùs hemisphæria significare. Sed habent (inquit) ambo duodecim alas , & per circulum Zodiacum, & tempus quod in ipso fertur, significant mundum sensibilem. De his, ut existimo, dicit & tragædia loquens naturaliter : Et indefessum tempus perenni fluento plenum circuit, ipsum seipsum pariens. Et gemina cursa perniciter errantibus alarum motionibus Atlanticum seruant polum. Ita ille.

Lib. de persugis.

Lib. de agricolt.

Epist. 6.

Denique quod Philo, alio quodam loco quem infrà referam, ex suâ iam sententiâ loquens significat, eisdem Cherubinos esse virtutes diuinas, currus totius vniuersitatis motrices, quibus Verbum Dei, vniuersi Rector pro Auriga sit : quod idem alibi etiam expressiùs tradit, dicens ; Deum Pastorem ac regem vniuersi, eidem ut magni regis βασιλεως (seu quasi Protegem) præfecisse Verbum, primogenitum filium suum ; imitatus, opinor, Platonem (qui Epistolâ quadam, Deum vniuersi rectorem apertè distinguit ab eisdem rectoris Patre ac Domino) aliosque vetustiores Philosophos, de quibus fusè Eugubinus libro 1. de perenni Philosophia cap. 3. Id, inquam, faciliè potuit à legentibus eam in pattem accipi, quasi Iudæi in atcæ typo, non supremum Deum colerent, sed inferiorem quendam mundi rectorem ac præsidem, siue (ut ille inquebat) istorum elementorum, aut partium quibus Vniuersum hoc constituitur, Præpositum.

De præscrip.
cap. 48.

Quemadmodum etiam Cerinthus (Tertulliano teste) alijque vetusti heretici, quibus utique erant familiares sacræ litteræ, attamen Deum Hebræorum non ipsum supremum mundi Dominum, sed vnum esse ex Angelis, existimauere.

L. 15. Geogr.

Huc spectant & illa quæ Strabo scripsit, ita loquens de Moyse : Affirmabat enim Aegyptios non rectè sentire, qui bestiarum ac pecorum imagines Deo tribuerent ; itemq, Afros & Græcos, qui Dijs hominum figuram affingerent. Id verò solum Deum esse, quod nos & terram ac mare continet ; quod cælum, & mundum, & rerum omnium naturam appellamus : cuius profectò imaginem, nullus sana mentis, alicuius eorum quæ apud nos sunt similem, audeat effingere.

Iuuen. sat.
14.

Eodem & illa Poëtæ Satyrici :

Quidam sortiti metuentem sabbata patrem,
Nil præter nubes, & celi numen adorant.

Nam

Nam de nubibus quidem quod ait, non eò dixit, ut existimo; quòd Iudeos reipsa nubes colere crederet: sed vel, quòd Iudei precantes, oculos in cælum intenderent, perinde acque si nubes ab ijs adorarentur; vel, ut quidam obseruant interpretes, fortassis alludit ad Aristophanis Comœdiam, *Nubes* inscriptam; in qua ille Socratem (qui scilicet veluti religionis patriæ contemptor, in vulgus malè audiit, eoq̃ue ad extremum damnatus est) ridiculè inducit, Dijs cæteris neglectis, Nubes colentem, calq̃ue inuocantem, isto catmine:

O rex immense aër, qui terram pendentem undique cingis! . *Ab. 1. scèn.*
O rutilè asber, ô venerande Nubes, quæ fulmina vento mittitis! 3.

Quod si pari loco Iudæos cum Socrate Satyricus habuit, id tantùm voluerit istis versibus, quod his verbis expressit Tacitus: *Judæi mente solâ, vnumq̃ Numen intelligunt*: rectoq̃ue sensu eos dixerit, solum Cæli Numen adorare. Quando *Tob. 12. 7. 8.* & ipsi Iudæi (immò & Raphaël Angelus apud Tobiam) Deum suum, *Deum celi* appellare soleant; præsertim agentes cum alienigenis, ut in primi Esdræ cap. 5. v. 12. eoq̃ue nomine, tum ipsi, tum externi populi Hebræorum Deum, à Dijs Gentium distinguerent; ut apparet tum ex verbis Achior ad Holofernem, tum ex edictis Epistolifuc Regum Chaldæorum, Persarum, atque Medorum, apud Danielem & Esdram, Deum Hebræorum, *Deum celi* constanter appellantium. Quo pacto pergemus apud Iuvenalem *Celi Numen* legere, non autem *lumen*, uti legendum vir doctus est arbitratus.

Sin autem reipsa de cælis ipsis, cæluæ fidetibus, à Iudæa gente adoratis, cum intelligemus; nihil ille repugnans aliorum, ut dixi, Scriptorum menti; neque alienum fortassis à Iudeorum quorundam moribus, quicquam scripserit. E diuinâ quippe Scripturâ manifestum est, eos antiquius adorasse omnem militiam cæli, solem inquam, lunam, luciferum, & Zodiaci signa, astraq̃ue reliqua; aut inditas tanè ijs animas, Geniosuc horum præfides, diuinis honoribus affectisse.

At id fortè isti Scriptores ignorauerint. Veruntamen eius impietatis quandam speciem, fuisse in posteros, etiam ad Christiana tempora, propagatam, subindicat Titulus in Codice Iustiniano *De Iudæis & Caliculis*: nisi quod tunc quosdam extitisse sub eo Cælicolarum nomine, non tam Iudæos,

quàm hæreticos (quippe qui Christi baptismum admitterent) colligatur ex S. Augustino , epistolâ 163. extremâ.

*Hist. Sin.
L. 1. c. 10.*

Finiam , si dictis affine illud adiunxero , quod de veterum Sinarum religione , immo & eorum qui hodieque in ijs sapientes habentur , quique à simulacris abhorrent , tradit nos Nicolaus Trigautius : Sinas videlicet iam inde ab initio , supremum & vnum Numen adorasse , quod ipsi Cæli Regem appellabant ; vel alio nomine , Cælum & Terram. *Ex quo apparet (inquit) veteres Sinas opinatos fortasse cælum & terram animata , eorumq; animam pro supremo Numine coluisse ; Vt ferè de Iudæis ex Strabone , alijsque dictum est.*

Sed hæc fati sint. Nam illa de sue , aut asini capite aureo , à Iudæis habito pro Numine , vt magis fabulosa & indigna relatu , libens omitto.



C A P V T IV.

Magnificum illud Ierosolymæ templum , vni soli summo ac vero Deo dedicatum fuisse : De eius proprio titulo questum.

Verùm quidquid tandem , siue Ethnici homines , siue hæretici ; circa Deum Iudæorum delirauerint : certum omnino & indubitatum est ; eos Deum vnicum , supremum , æternum , infinitum , ineffabilem , omniscium , omnipotentem , primum atque vnicum rerum omnium principium , cæli ac terræ autorem , conseruatorem , gubernetatorem ac Dominum (quem item & nos Christiani colimus) in templo suo coluisse sacrificijs , honorasse muneribus , precibus ac votis sollicitasse. Quod cuius profectò certum exploratumque esse potuit , Iudæorum proprias litteras , diuinæ inquam scripturæ libros , non saltem operâ defunctoriâ , sed aliquo rei cognoscendæ , veritatisque studio legenti. Verùm his , vt dixi , exteræ gentes , vel caruere , vel vnde vnde orto contemptu , fastidiuere , abstinuere.

Hoc verò posito , de quo nulla cum quoquam nobis iam superest controuersia : illud non sine causâ videbatur inquiri posse , quod non vni mihi dubitare succurrit ; sed vt pòst vidi , & infrâ dicam , etiam Ludouico nostro ab Alcafar incidit : Fuetitne templum illud Salomonicum , magnificentię nomine orbe

orbe toto adeò celebre, supremo Numini communi generali-
que ratione positum, an proprio aliquo specialiue titulo, ap-
pellationeue, ex ipsâ seu Dei primi autoris, siue Salomonis il-
lud condentis, institutione dedicatum?

Quemadmodum enim prisco more Romano, alia ædes
erat Iouis Feretrij, alia Statoris, alia Elicij cognomine: item-
que alia Iunonis Reginæ, alia Matutæ, alia Monetæ, pro sine
vario aut occasione dedicationis: aut velut nunc Româ Chri-
stianâ, alia ædes est S. Mariæ à Pace, à Gratijs, à Consolatio-
ne, à Miraculis, à Salute &c. ita succurrebat fieri potuisse,
vt ædes illa Salomonica, speciali aliquâ nuncupatione, ac no-
minatim, & causâ exempli (quò mihi valde inclinât animus)
æternæ supremi Numinis sapientiz, consecraretur.

Atque hoc illud est, quod, vt singulariter in hac nobis
dissertatione propositum, non vanis fortasse, nec contemnen-
dis, coniecturis adstruere aggredimur: nimirum haud esse
vero absimile, templum Salomonicum, ipsius instinctu diui-
nitatis, erectum fuisse consecratumque Diuinæ Sapientiz; si-
ue, quod eodem prorsus recidit, Deo Opt. Max. sub supre-
mæ Sapientiz titulo atque nuncupatione: atque ad id etiam
autorem operis Salomonem, in eo designando, moliendo,
dedicando, non obscurum respectum habuisse.

Quod priusquam docere occipio, necesse est ipso princi-
pio admoneri Lectorem: cùm ex sensu vsuque Doctorem, sa-
pientiz nomen bifariam in diuinis vsurpari solet: primum
prout vis est quædam diuinæ mentis, cuncta intelligentis,
comprehendentis, prouidentisque, inque eo sensu diuinis
personis omnibus attributa perfectio: deinde notione minùs
vulgari, sed tamen Scripturæ vsitatâ & Patribus, prout specia-
liter accommodatur Dei Filio, qui Patrum nonnullis propria
est diuinæ mentis soboles, & fecundæ flos intelligentiz; Au-
gustino, *Sapientia genita*; Thaumaturgo Gregorio in Symbo-
lo quod fertur accepisse diuinitus; *Verbum viuens, Sapientia
subsistens, ac constitutionis rerum vniuersarum comprehensua at-
que effectrix*: ad rem quidem præsentem vix interesse, hoc
an illo modo sumamus Dei sapientiam, dum ei propriè dica-
tum templum Salomonicum dicimus. Et nostrarum quidem
rationum pleræque, de Dei accipiuntur Sapientiâ communiter
& indiscretè sumptâ; nonnullæ autem, per se respiciunt Dei
Filium: leui, vt dixi, quod rem ipsam attinet, discrimine.

Nam

Nam si Dei Filio, veluti genitæ atque expressæ Dei sapientiæ, sacrum illud fuisse dixerimus, in eo ipso necesse est respectum inuolui ad absolutam, siue (vti Scholæ loquuntur) essentialem Dei sapientiam, cuius is ipse Dei Filius perfectus character, & viua quædam est expressio. Sin autem indiscreto sermone, id attribuerimus æternæ Dei Sapientiæ; non absque respectu ad Verbum seu Filium, cui prophetando *uenturo*, vt Sanctus loquitur Augustinus, *illius gentis & regnum & templum & sacerdotium & sacrificium, deputata sunt*, id factum esse intelligemus.

L. 1. de conf.
Euang. c. 11.
et 13.

CAPVT V.

Templum Salomonicum Dei Sapientiæ speciatim ac propriè consecratum videri. Prima eius rei coniectura, ex fabrica sine, Arce inquam fuderis tutelâ & cultu, deducta.

AGe igitur nunc ad rem ipsam, atque à fine ducto principio, qui prima causa est, ratio, mensura vniuersorum, id quod propoluimus (quoad rei patitur obscuritas) verisimile facere, & ingenio contrariâ animi informatione non nimium occupato, vt cuncte suadere, aggrediamur.

Vniuersa opera, quæ siue naturâ, siue arte perficiuntur, fines atque vsus habere proprios singula, atque ab his essentialiam, rationemque suam, ipsamque ad eò appellationem sumere, tum Philosophi autoritate, tum ipsâ ratione, compertum est. Id quod præcipuè in artis operibus cerni licet. Nam si relictum aliquod verbi causâ, hominum vsibus quotidianis familiaribusque destinatum sit, domus erit ædificiæ priuatæ; sin autem sacris atque diuinis, iam Templum, Sacellum, Ædificiæ sacra nuncupabitur: & domus pars, si refectionis gratiâ, triclinium dicetur; cubiculum autem, si somno capiendi destinata sit: tamen si inter hæc nulla fortè sit (quæ tamen interesse solet) à materiâ aut formâ diuersitas.

Quamquam, quod opus ipsum specialem sibi materiam formamque propriam deposcat; huius quoque ratio ex ipso fine perenda est: quo modo ex Philosophi mente, terra non erit nisi ferrea, quod aliter nequeat suo ipsius fine defungi, & naui plumbea naui non erit, nisi æquiuoce, quia sit ad nauigandum inepta.

Cap. cit. l.
88.

Iam

Iam cum omne templum diuino cultui, ipsique Numini, sacris ac precibus propitiando, consecratum sit: quod illud sit Iouis, istud Mineræ, ut ad res Romanas rursus alludam; & hoc quidem Iouis Statoris, hoc Feretrij; aut sanè quod ista sit Pacis ædes, Honoris, Virtutis, Concordiæ: ex fine proprio consecrationis spectandum est: qui vel ex ipsâ cuiusque ædis inscriptione, vel certè statuar dedicatione atque impositione, satis intelligitur; vel, sicubi is erit obscurior, ex adiunctis erit insignibus, Symbolis, & tanquam propriis ipsius rei characteribus, demum ex ipso usu, seu recepti cultus rituumque ratione, deprehendendus.

Atque si Ædis Salomonicæ, quam vni veto ac summo Deo sacram fuisse iam constitit, fines, usus, Religiones proprias, quibus specialiter dedicata sit, quaerimus: illud in primis deprehendemus, tum priscum illud Mosaicum tabernaculum, tum quod ei successit, templum Salomonicum, vnius Arcæ fœderis gratiâ, ei que asservandæ atque colendæ, seu potius (etsi in idem redit) ipsius veti supremique Numinis, prout per Arcam repræsentabatur, in eaque sedens super Cherubim sua responsa dabat & oracula, honori, gloriæ, venerationi, ipsiusmet Dei certo consilio, constructum, erectum, destinatumque fuisse. Id adeò, cum ipsa Mosaicæ narrationis ratio, tum templi demonstrat Historia; & res ipsa per se quodammodo loquitur, si duntaxat oculis non incuriosis subijciatur.

Quippe cum Exodi 25. capite, Deus Mosi de sanctuario sibi adornando præcepta datet, ratione cuius habitaturus esset in medio populi; quasi nollet obscurum esse, cuius gratiâ, tum ipsum tabernaculum, tum cætera quæ ad id pertinerent, extruenda præciperentur, primo loco & ante omnia, Arcæ descriptionem, eiusque constituendæ mandatum exponit, dicens: *Sic facietis illud: Arcam de lignis Setim compingite; &* Vers. 10.
quæ sequuntur. Et omnibus completis, cum iam erigendum esset sacrum tabernaculum, ei, simili modo præcipit Dominus, Exodi cap. 40. *Eriges tabernaculum testimonij & pones in* Vers. 3.
eo Arcam: nempe veluti rem; cuius proprie gratiâ, ipsum tabernaculum esset extructum. Quod etiam luculentiùs tertij Regum octauo capite, de ipso templo demonstratum est. Nam perfecto templo Salomonico, cum ad eius solennem dedicationem vniuersus populus conuenisset, summâ celebritate induta est Arca fœderis Domini, ut scriptura loquitur, *in lo-* 3. Reg. 8.
7. 6.

um suum, in oraculum templi, in Sanctum Sanctorum subter alas Cherubim. Quemadmodum scilicet domo perfectâ; in eam immigrare solet aut induci propriis habitator. Vnde etiam
Ibid. 7. 21. Salomon in ipsa dedicatione ita loquitur: Aedificavi domum nomini Domini Dei Israël. Et constitui ibi locum Arca, in qua fœdus Domini est. Apertè demonstrans, quam ratione ipsi Deo Israël domus illa sacra atque dicata esset, in quantum nimirum in eâ colebatur Arca fœderis, cuius vnus gratiâ ipsum oraculum, seu Sanctum Sanctorum, extructum esset; sicut cæteræ partes ac membra templi, gratiâ ipsius Sancti Sanctorum. Quod idem denique Salomonis parens, & templi ab eo construendi designator, apertissimis verbis professus est: Cogitavi,
1. Paral. 28. 7. 2. inquit, ut edificarem domum, in qua requiesceret Arca fœderis, & scabellum pedum Dei nostri. Hunc igitur finem, tum Deus ac Moses in constructione tabernaculi, tum Reges Dauid ac Salomon in templo condendo, spectauere.

Porro constituto, quod templum Salomonicum, Arcæ gratiâ, siue ad cultum Dei quatenus per Arcam repræsentabatur, extructum dicatumque fuerit; quid possit in rem nostram effici, ex modò dicendis, intelligetur.

C A P V T VI.

Arcam fœderis, Diuinæ Sapientis Symbolum proprium expressumq; fuisse. Eiusdem fines, vsusq; peculiares, expens.

QUO coniecturæ proponi cœptæ ratio ac vis appareat, inquirendum superest atque inuestigandum hoc capite, qua maximè ratione dicatur arca fuisse summæ diuinitatis Symbolum, aut quodnam præsertim attributum Dei, vti loquimur, videatur in se repræsentasse.

Dicendum est autem, priscam illam arcam diuini fœderis, tum ipsâ sui conformatione, tum sine vsuque proprio, tum adiectis illi mysticis notis aut insignibus, tum ipso denique sapientum sensu, fuisse Symbolum & tanquam simulacrum æternæ summæque Dei Sapientis, in eâ manifestè relucens, per eam responsa atque oracula fundentis. In quo ostendendo pedetentim nobis, & velut particulatim, procedendum est.

Doctissimus Clemens Alexandrinus, in libris Stromatum,
 arcæ

arcę fœderis significationem inquirens, & ad ipsam eius constructionem conformationemque respiciens: *Quæ de sanctâ arcâ, narratur*, (inquit) *significant mundum qui percipitur intelligentiâ, qui est vulgo occultus & oclusus*. Cui consensienter iam B. Ambrosius, in libro de Noë & arca: *Deauratur* (air) *foris & intus arca illa, quæ in Sanctus est mundi intelligibilis imitatrix imago*. lib. 5. c. 3.
cap. 7.

Porro mundum intelligibilem illum dicunt, quem opponunt sensibili, id est huic corporeo & aspectabili: quem & ipsum Plaro & Plaronici, siue *vis sensib.* id est intelligibilem, siue *vis intellect.* velur exemplar mundi huius corporei, nominant. Neque est aliud, (vri apparet) nisi diuina mens, & rerum ideis fœcunda primi Artificis intelligentia. Vnde etiam Clemens in sequentibus laus innuit, ad rem ipsam nihil admodum referre, siue dicatur per arcam significari mundus intelligibilis: siue potius ipse Deus, (qui omnia comprehendit, estque figuræ expers & inaspectabilis) repræsentari.

Quod si, cum Philone Hebræo alijsque dixerimus, mundi intelligibilis nomine, ipsum designari Verbum diuinum, nihil à proposito nostro abhorrens, sed potius quædam, ei quod intendimus prorsus consensiens, affirmauerimus.

Philonis sanè libro de Mundi Opificio verba sunt ista: *Quod si cui libeat apertioribus uti vocabulis, nil aliud dixerit esse mundum intelligibilem, quàm Verbum Dei iam mundum condentis*. Et mox. *Liquet autem quod archetypum figillum, quem dicimus esse mundum intelligibilem, ipsum sit archetypum illud exemplar, idea idearum, Verbum Dei*. Quod quidem esse etiam ex Plaronis mente, quem Philo libens imitatur, non semel tradit Marsilius Ficinus, Platonis interpres, locis quę postea memorabimus.

Guilielmus item Parisiensis de hoc ipso agens, dicit: *Mundum archetypum, qui est ratio & exemplar Vniuersi, ex doctrinâ Christianorum, propriè esse Dei Filium, & Sapientiam à Deo æternaliter genitam*. 2. p. de Vniuers.
p. 1. c. 17.
c. 39.

Ex quo iam habemus, quando ex Clemente Alexandrino, S. Ambrosio & alijs, per sacram arcam significabatur mundus intelligibilis, per eam itidem, siue essentialem, siue personalem Dei Sapientiam, significatam esse.

Adiungamus & Doctorem Angelicum, qui 1. 2. earum rerum quę tabernaculo continebantur, non figuralem, sed litteralem

teralem (vt ipse loquitur) rationem exponens , tum illa paria Clementi tradit : per tabernaculum scilicet interius , quod dicebatur Sancta Sanctorum , significari sæculum altius , seu mundum spiritualem ; per exterius , quod Sanctum dicebatur , præsens sæculum , seu mundum corporeum designari ; tum illa addit huc spectantia : *Sunt etiam in illo intelligibili sæculo , rationes omnium eorum , quæ in hoc sæculo perficiuntur , quodammodo clausæ ; sicut rationes effectuum clauduntur in suis causis , & rationes artificiatorum in artifice. Et hoc (inquit) significabatur per arcam.*

2. 102. art.
4. ad 6.

Ang. tract. 11.
in Iean.

Erat igitur arca fœderis manifestum Symbolum , & tanquam simulacrum , diuinæ Sapientiæ : quippe cùm ipsa diuina mens rationes rerum in se concludens , non veluti nudum principium notitiæ rerum , concipienda sit ; sed vt exercita & actiuosa ac semper vlgens rerum omnium comprehensio : atque ipsæ rationes rerum , siue res ipsæ vt in illâ mente artifice existentes , vira quædam sint , siue ars viuens , id est rerum effectrix Sapiencia Dei.

Quæ cò præsertim per arcam nobis significatur , quòd (veluti ex Clemente & S. Thoma modò vidimus) supremæ illius Sapientiæ rationes , occultæ nobis & oclusæ sint : propter quod amplius significandum , abdebatur arca in penetrali , loco abdiro & prorsus obscuro ; quòd nimirum ipsa Dei Sapiencia humanæ menti (quamdiu saltem tenetur hoc corpore) inaccessa sit & imperuia , nisi quantum ille Pater luminum , incerta & occulta Sapientiæ suæ , hominum generi aperire ac manifestare voluerit.

Atque hinc iam sese continuò aperit , atque elucet , primi huius argumenti ratio. Nam si arcam fœderis proprium fuisse diuinæ Sapientiæ Symbolum , atque templum ipsum arcæ tuendæ ac venerandæ vnicè extructum & destinatum , ostendimus : consequens sanè est , vt ædem illam Salomonicam , æternæ Dei Sapientiæ , proprio nomine & peculiari titulo , constrictam , dicatam , consecratam fuisse dicamus.

Porro hæc veluti de ipsa arcæ substantia , aut natiuâ quasi conformatione , desumpta ratiocinatio , haud parum , opinor , confirmabitur ; si ad eos fines aspexerimus , quorum illa gratiâ , destinato mentis diuinæ consilio , concepta , formata , & tanquam in lucem vsûmque ipsum edueta est : quos duos fuisse comperio.

Prior potissimumque is fuit ; vt legis tabulis , Dei digito scriptis ,

scriptis, asseruandis, eximio inquam præ cæteris diuinæ Sapientię monumento continendo; seruiret: dicente Domino ad Moysen Exodi 25. capite: *Ponesq; in arca testificationem quam ego dabo tibi.* Et rursus ibidem: *in qua pones testimonium quod ego dabo tibi.* Ex quo item apparet, cur arca fœderis, testimonij, testamenti, velut nomine proprio appellata sit. Eodemq; spectat, quod Philo Iudæus, eam, *sacram legum conseruatricem arcam*, siue, *vas legibus destinatum appellauerit.*

V. 15. & 21.

Lib. 3. de Vit. Mos. Lib. de nominibus.

Cui etiam finis vnice seruasse, ita vt alteri nulli rei destinata esset, apparet ex illis Scripturę verbis tertij Regum octauo capite: *In arca autem non erat aliud, nisi due tabule lapidee, quas posuerat in ea Moyses in Horeb, quando pepigit Dominus fœdus cum filiis Israël.* Proindeq; quod ait Apostolus, in arca fuisse urnam auream habentem manna, & virgam Aaron quę frouduerat, & tabulas testamenti; sic accipiunt plerique Interpretes, vt in præpositio, amplè sumatur Hebræo more, complectaturq; tam ea quę propriè erant in arca, quàm quę iuxta eam, vti erant urna & virga: secundũ quod Exodi 16. v. 33. de manna præceptum fuerat: *Repone illud coram Domino;* hoc est, non intra arcam, sed coram arca & propitiatorio, in quo censebatur Dominus residere.

Verf. 9.

Heb. 3. v. 4.

Hinc autem iam potest non obscura peti argumenti nostri confirmatio. Nam si, quemadmodum obseruat Doctor Angelicus, *per hæc tria*, quę recenset Apostolus, *significabantur tria Dei attributa* primarij; & quę specialiter, designandis tribus diuinis personis accommodantur, *Sapientia in tabulis, Potentia in virga, Bonitas in manna;* atque arca ipsa, diuino consilio institutoq; legis tabulis tuendis propriè ac singulariter seruijt: quis vel hinc non videat, arcam quę expresse diuinę Sapientię Symbolo, ipsi inquam legi, dictatq; diuinę mentis asseruandis, vnice deputabatur, hoc etiam modo representasse Dei Sapientiam; atque adeò templum, arcę continendę ex proprio fine institutoq; destinatum, peculiari modo subseruisse Dei Sapientię, eiusq; honori ac cultui priuatim ac speciatim consecratum, constitutum fuisse?

i. 2. q. 102. a. 4. ad 6.

Quò item facit & alter ille ac posterior finis, aut vsus, eiusdem arcę: vt nimirum esset quasi scabellum pedum Domini, qui imaginariã quadam figuratiõne, censebatur sedere super alas Cherubim, & ipsi arcę eiusq; operculo, quod dicebatur propitiatorium insistere; atque ex hoc tanquam diui-

no throno responsa præbere, dictare leges, iudicia exercere. Quippe cum oracula certa fundere, & res siue futuras, siue alioqui prorsus occultas aperire, non sit nisi supremæ arque diuinæ Sapientiæ; manifestè sequitur, arcam cum imposito propitiatorio, quod etiam in Scripturâ Oraculum dicitur, cumque Cherubinis illud desuper obumbrantibus, ei muneri famulanrem, fuisse quandam quasi Sedem supremæ Sapientiæ, oracula sua atque decreta inde fundentis. Vt propterea, (quod iam indicabamus) diceretur Deus sedere super Cherubim, quod ipsorum alæ antrorsum extentæ, & ad inuicem porrectæ, ipso seu tanquam thronum Dei repræsentarent, arcâ ipsâ, seu eius operculo aut propitiatorio, eiusdem throni scabellum referente: vnde etiam Psalmo 98. vbi v. 1. dictus est Deus sedere super Cherubim, paulò post v. 5. subditur: *adorate scabellum pedum eius; quoniam sanctum est*: quod de arca fœderis, tum patres, tum Interpretes iarelligunt.

Et hoc ipsum munus, vsumque arcæ cum adiunctis suis, apertè expressit ipse Deus Exodi 25. capite; vbi, cum de arcæ, eiusque propitiatorij, ac Cherubinatorum obuersionis vultibus alas expandentium, oraculumque operientium, constructione præcepisset: *Inde (subdit v. 22.) præcipiam & loquar ad te super propitiatorium ac de medio duorum Cherubim, qui erunt super arcam testimonij, cuncta quæ mandabo per te filiis Israel.* Et numerorum 7. v. vltimo: *audiebat (Moyses) vocem loquentis ad se de propitiatorio, quod erat super arcam inter duos Cherubim, unde & loquebatur ei.*

Fuit ergo arca, tum ipsa per sese, tum gemino illo quod prædiximus sibi proprio munere, expressum Symbolum ac simulacrum æternæ Dei Sapientiæ: ac proinde templum, quod arcæ tuendæ arque colendæ, certo consilio constructum atque destinatum est, non absurdè dicimus, videri, eidem supremæ Dei Sapientiæ peculiari nomine proprioque titulo erectum, consecratumque fuisse.

Verùm quando obirer à nobis modò memoratæ Cherubinatorum effigies, quas vel Dei iussu Moyses primùm adiunxit Oraculo; vel quibus Salomon, non ipsum modò Sanctuarium, sed omne templum ac præcipua quæque ipsius vasa instruxit atque exornauit, eiusce rei nouum nec pœnitendum argumentum suppeditant, ea res nobis est paulò diligentius persequenda, ac proinde proprio diuersoque capite exequenda.

CAPVT

C A P V T VII.

De mystica Cherubinarum effigie, Arca fœderis & Templo Salomonico adjectâ. Cherub nomine, significari cognitionis plenitudinem. Noua exinde ac specialis in rem nostram conjectura.

CHerubinos duos aureos, qui obuersis vultibus se obtulerent, alarum antorsum projectione oraculum ipsum protegerent, & (Apostoli phrasi) obumbrarent, diuino iussu ipsi arcæ adjectos, Scriptura commemorat: quò autem essent corporis habitu, seu qua reliquorum membrorum conformatione præditi, nusquam disertè expressit.

Iosephus Iudæus libro 3. antiquitatum cap. 6. illos adumbrans: *Cherubim* (inquit) *animalia sunt volucra, noua specie, nec unquam cuiquam hominum visa, quæ Moses in Dei solio viderat figurata.* Fortassis innuens, Deum ipsum Mosi in monte Sina apparentem, eiusmodi solio federe conspectum, quale repræsentabat arca cum Cherubinis impositis: itemque Cherubinos ipsos, non simplici fuisse alatorum iuuenum specie, sed assimiles ijs animalibus, quæ postea vidit Ezechiel, Cherubim itidem appellatis, quibus idem quadruplicem speciem, seu (vt ipse loquitur) faciem, attribuit, hominis scilicet, aquilæ, leonis, & vituli. Nam his similes fuisse, siue Mosâicos, siue Salomonicos Cherubinos, videtur esse communior Doctorum opinatio. Siue ij reipsa quadriformi facie, seu vultu, præditi fuerint, ad eum saltem modum quo Cherubinos Ezechielis ingeniosè depingit Alcasar noster in caput quantum Apocalypsis; siue, vti Prædus & Vilalpandus, quadantenus tantum & obscurius quatuor dictorum animantium formam prætulerint, hominem vultu, pennis aquilam, pede vitulum, leonem iubis pectoralibus, repræsentantes. In ijs sanè Cherubinis, quos in templi parietibus expressos vidit Ezechiel, faciem hominis & leonis agnoscit, tanquam (quod nonnulli obseruant Interpretes) duæ hæc duntaxat facies extarent, duabus alijs ipsa parietis superficie quasi interceptis, occultatisque, quòd videlicet ex effigies non nisi dimidiato corpore, neque plenâ sculpturâ prominere.

Neque

Notæ. 122

5. 4

Cap. 41. 7.
19.

Neque tamen defunt, qui, ad Mosaicos Cherubinos quod attinet, eos humanâ formâ membris omnibus effingant, solis illos alis discriminantes.

De alarum numero, par obscuritas: non paucis Patribus, etiam Mosaicis Cherubinis alas senas tribuentibus: Interpretum autem nonnullis quaternas duntaxat, alijs non nisi binas eisdem alas affingentibus.

Illud hîc nobis ponendum est; Cherubinos illos, quamcunque formam habuerint, non obscura supremæ atque supercelestis cognitionis Symbola, atque adeo quoddam quasi satellites stipatorum, aut administrorum, diuinæ Sapientiæ fuisse. Quippe qui ex communi receptaque, tum Philonis Hebræi libro 3. de vita Moïsi, tum Patrum etiam antiquissimorum interpretatione, plenitudinem seu multitudinem, perfectionemque cognitionis significent; uti videre est apud S. Dionysium de Cælesti Hierarchia capite 7. Origenem homiliâ 1. in Numeros, Clementem Alexandrinum libro 5. Stromatum aliisque passim. Quorum utique, ipsiusque præsertim Philonis Hebræi, autoritas, debet nobis hæc in rem sufficere, ut nomini *Cherub* ab ipsâ sui origine, eum credamus intellectum inesse: quantumvis hodie de vocis etymo non parua sit inter eruditos disceptatio.

Atque id proinde perspectum habens sapientissimus Salomon, cum aliunde intelligeret, quod, uti dicemus, in suis expressit Prouerbijs, templum illud suâ extractum operâ, ipsam sibi Dei Sapienciam, in domum propriam ædificasse; non contentus ijs, quos diuino iussu formarat Moïses, & arcæ imposuerat, Cherubinis; templum vniuersum & membra illius, instrumentaque factorum omnia, eadem insigniuit effigie, & hanc tanquam Ædem supremæ Dei Sapienciæ, genuinis illis Sapienciæ Symbolis ac simulacris, summo studio atque opere, instruxit, distinxit, exornauit.

1. Paral. 28.
7. 19.

3. Reg. 6.
7. 23.

In primis siquidem diuini secutus consilij rationem, cuius erat conscius atque interpret ad primorum exemplum Cherubinoꝝ, quos arcæ impositos memorauimus, duos alios fabricauit ingentes, de lignis oliuarum, auro intectos, decem cubitorum altitudinis, qui in ipso adyto consistentes, expansis alis atque projectis, ipsum Oraculum seu Sanctum Sanctoꝝ comprehendere, & ipsi arcæ tanquam velum umbratum quendam plenam maiestatis obtenderent. Ad hæc, omnes circum

circum sanctuarij parietes eâdem insigniuit imagine, neque adyta modò istis Symbolis, sed ipsius templi partes cæteras, tabulata, postes, vela, ianuas, columnarum ornamenta, verbo templum omne, respersit atque illuminauit. Tandem, nequid eo in genere ad similitudinem vnitatemue operis desiderares, idem seruatum in omni instrumento templi, altari duplici, holocaustorum & thymiamatis, mari æneo, luterum & candelabri basibus: his enim omnibus, siue Scripturæ testimonio, siue eruditorum tradicione, Cherubinatorum vultus, ornamentum & Symboli gratiâ, constat à Salomone inculptos adiectosque fuisse. Vt quamuis in partem te conuerteres, nihil nisi aspiceres diuinæ Sapientiæ insignia, illuc Cherubinos toto corpore prostantes, istuc dimidiatos, aut solo etiam extantes vultu, illinc auro, ære rigentes, hinc phrygio opere, auro sericoque molliùs elaboratos.

3. Reg. 6.
6. & 7.
Vide Villalp.

Quid si insuper adiunxerimus, velut admodum verisimile, & cum Scripturæ non modò verbis, sed etiam mente consentiens: non illos duntaxat Salomonici templi parietes Cherubinatorum prætulisse figuras, anaglyptico opere ex ipsis extantes ac prominentes; verùm ipsas quoque Mosaici tabernaculi cortinas, quæ eidem erant veluti pro parietibus, simili fuisse Cherubinatorum effigie, opere plumario siue phrygio, Deo ita iubente, intertextas? Sic enim Exodi 26. capite, v. 1. ubi nos legimus: *Tabernaculum verò ita facies. Decem cortinas de bysso retortâ, & hyacintho, ac purpurâ, coccoq; bis tincto, opere plumario facies: pro hisce postremis, Hebræi & Sepruaginta præferunt: Cherubim opere facies eas.* Quod tamen S. Hieronymus cum Iosepho sic acceperit, ut opus Cherubim aliud non significet, quàm picturam quandam vermiculatam, et si non Angelorum v. g. aut sacrorum animalium sed arborum florumue figuram duntaxat exprimat: atramen nihil esse videtur, cur ipsa verborum proprietas deferenda sit, cum fieri potuerit, ut opus esset plumarium aut polymitum, siue multiplici ac versicolore filo contextum, & tamen picturâ referret Cherubinatorum effigiem, quales auro effictos Deus propitiatorio præcepisset adiungi. Quemadmodum factum esse apparet in velo quod Salomon templo appendit, diserte dicente Scripturâ de Salomone: *Fecit quoque velum ex hyacintho, purpurâ, cocco & bysso, & intexuit ei Cherubim.*

Ep. ad Marc.
cell. l. 3.
Amiq. c. 7.

2. Paral. 3.
v. 14.

Conferatur sanè locus hic cum illo Exodi, quem suprà protulimus:

D

tulimus:

tulimus : utrobique eadem materia , byssus , coccus , purpura , hyacinthus ; eadem forma , opus Cherubicum : verum dum hic Salomon velo suo figuras Cherubim intexuisse dicitur , clarius expressum est , quod istuc ambiguum fuerat. Ut prorsus credendum sit regem Salomonem , velum illud suum ad eam formam , qua ipsas corinas , itemque vela tabernaculi , contexta conspiceret , effingere voluisse , ac proinde in illis figuras Cherubim , quales ipse expressit , inuenisse. Adde ita belle inter se quadrare omnia , & parietes templi cortinis tabernaculi , velum velis , & utraque arce , certâ & eleganti proportionem respondisse. Quare ira sentit , tum Prado in Ezechielem , tum Alcazar in Apocalypsin scribens , alijque viri docti.

Ex his porro , quæ siue de arca , siue de Cherubinis , veluti proprijs diuinæ Sapientiæ Symbolis paulò pluribus disseruimus ; suspicionem nostram de templo Salomonico supremæ Dei Sapientiæ peculiari nomine dedicato , non usquequaque à vero abhortere , æquus Lector facillè iudicabit. Si præsertim insuper attenderit , etiam ex S. Thomæ mente , per sacerdotes ingredientes tabernaculum , homines sapientes significatos : iremque quod , ut idem ait , in Candelabro designabatur , sicut in signo sensibili , sapientia , quæ inrelligibilibus verbis exprimebatur in rabulis.

1.2. q. 102.
4.4. ad 6.

Verunamen priusquam ratiocinationem hanc concludam ; liber in propinquo , nec inamæno fortè diuerticulo , ut nihil aliud , at modicum saltem interspirare.

C A P V T VIII.

Sphingum Ægyptiarum , & Cherubinarum templi , analogia. Etiam Sphingas , notas ac Symbolum Sapientiæ fuisse.

Sphingas effluxit antiquitas , virginis vultu , cætera leonis corpore , alis duntaxat tergo adiectis. Has in fabulis Græci , Ægyptii inter sacras notas atque arcanas habuere. Neque obscura est horum mysticorum animalium , & sacrorum templi Cherubinarum analogia.

Primum enim , ut Cherubinos illos ex plurium sensu quadriformes fuisse diximus , & hominis , leonis , aquilæ , vitulique

temi i.

(1)

facie

facie (quidquid hoc nomine significetur) constituisse: ita Sphinxas dicere possumus, vti hominem vultu, leonem corpore, ita alis aquilam retulisse; solò deficiente vituli habitu; non adeò magno discrimine, si verum est; quod tradunt nonnulli, in Cherubinis sanctuarij, vti aquilæ in solis alis, ita vituli faciem; in solis pedibus ungulae bifidæ, apparuisse. Vt non immeritò Villalpandus & alij dixerint: Sphinxas Ægyptiorum, simias fuisse Cherubinatorum.

Tom. 2. l. 4.
c. 36.

Accedit deinde & arcana ac sacræ, in vtrisque significationis affinitas. Nam quamvis physicâ quadam ratione, & ad siderum coniunctiones aut conspirationes accommodatâ, eò videatur Sphinx Ægyptia vno Virginem corpore Leonemque complexa, quò indicaretur; Nili incrementum atque exundationem (cui etiam fluuij Sphinx sacra fuisse traditur) potissimum existere, sole Leonem ac Virginem, affinita sibi atque coniuncta signa, obtinente de quo Kirkerus noster in Oedipo; attamen Theologicâ ratione, seu spectato eius hieroglyphici in sacris vsu; vti Cherubini, ita & Sphinges, arcanarum rerum ac sublimium cognitionem repræsentabant. Id ita in primis attestante Plutarcho, libro de Iside & Osiride cap. 3. vbi cum docuisset, Ægyptiorum sapientum Philosophiam occultatam fuisse fabulis, & obscuris sermonibus inuolutam: *Quod sanè ipsi declarant* (subdit) *ante templa Sphinges plerumque collocantes, quo innuunt, suam sacrarum rerum doctrinam constare perplexâ, & sub involucris latente sapientiâ. Quod Sâi est Minervæ simulacrum, quam eandem cum Iside arbitrantur, hanc habebat inscriptionem: Ego sum omne, quod extitit, est, & erit, & meum pepulum nemo adhuc mortalium detexit.* Ista Plutarchus. Cui consonans Clemens Alexandrinus: *Et ideo Ægyptij quoque* (inquit) *ante templa ponunt Sphinxas, quia omnis de Deo oratio, enigmatica est & obscura.* Eademque fortè ex causâ factum, vt in Mineræ simulacro, quod Athenis in arce celeberrimum Phidias posuit, ad galeæ conum Sphinx esset apposita, gryphibus insuper ipsam galeam vtrimque sustinentibus; quod ea scilicet animalia, arcana & occultæ Sapientiæ, Symbola haberentur.

T. 3. Symt.
15.

L. 5. Strom.
c. 3
Synthesi
de regn.

Pausan. Atticis.

In 25. Exod.
v. 18.

Itaque existimarunt viri docti (& in his noster Cornelius) vti Cherubinos, ita & Sphinxas, Symbolum fuisse arcana ac diuinæ Sapientiæ: atque capropter Ægyptios delubris suis Sphingum imagines proposuisse, quò videlicet significarent,

factas in ijs ac Symbolicas disciplinas tradi solitas; quarum utique cognitio penes solos sacerdotes resideret: quippe qui (vt scribit Iosephus libro 2. contra Appionem) *hæc duo dicunt sibi ab initio esse præcepta; vt & Deos colant, & Sapienciam diligant.* Et Clemens Alexandrinus eo loco quem supra notauimus: *Ægyptij (inquit) non quibuscumque ea, quæ erant apud ipsos, committebant mysteria; neque rerum diuinarum cognitionem deferrebant ad profanos; sed ad eos solos qui erant ad regnum peruenturi, & ex sacerdotibus, ijs qui indicati fuerant probatissimi, & educatione, & doctrinâ, & genere.* Porro mysticas illas litteras, duntaxat in sanctorum adytis, à sacerdotibus tradi consuevas, ex eodem Clemente constat, dum eiusdem operis libro 1. docet, Pythagoram in Ægyptum venientem circuncisum fuisse, *vt in adyta ingrediens, Ægyptiorum mysticam disceret Philosophiam.*

Cep. 6. 2.

Quamobrem etiam inter Symbola, de quibus agimus, id videbatur interesse: quod Sphinges quidem Symbolum essent, non colendæ, sed tradendæ diuinæ Sapientiæ; propter quod etiam, velut ex Plutarcho & Clemente colligimus, consueverant profanorum foribus, aut pro adytis sanè, indifferenter collocari, siue in his lris coleretur, siue Osiris, siue aliud quodpiam Ægyptiacorum monstrorum potius quam numinum: at verò sacrorum Cherubinorum effigies etiam intra adyta receptæ essent; velut qui Symbola essent, immò stipatores atque asseclæ, diuinæ Sapientiæ, cui eo in templo, præcipuo studio, ac peculiari nomine, cultus adhiberetur.

C. 7. n. 22.

L. 1. Vit.
Mos.L. 1. Strom.
c. 13.

Cæterum in his quæ hîc tradimus, nemo sic, opinor, allucinabitur; vt cum S. Stephanum in Actis Apostolorum dicentem legerit: *eruditum fuisse Moysen in omni Sapentiâ Ægyptiorum*, atque adeò & mysticâ illâ, siue Hieroglyphicâ, quod disertè tradit Philo Hebræus, & post eum Clemens Alexandrinus; incaurius fortassis existimet, Cherubinos sacri tabernaculi, ad Ægyptiarum illarum Sphingum imitationem, effictos fabrefactolique fuisse.

Vt enim non dicam, quàm id parum esset cum diuini cultus sanctitate, dignitatē consentiens; satis constat è diuinis litteris, vniuersa quæ Moyses in Dei tabernaculo perfecit, fecisse secundum exemplar, quod ei in monte Sina monstratum est: Estque omnino verisimile, Hebræorum sacra, fuisse plerisque Græcorum Fabulis; Ægyptiorumque Symbolis, vetustiora:

vetustiora: secundum quod Eusebius in Chronico, dea nominatione quæ de Sphinge & Oedipode narratur, refert ad Gealeonis tempora, annis post Moysen amplius ducentis.

Potius igitur Sphingas suas Ægyptii de Hebræorum Cherubinis mutati fuerint: quod equidem tradunt plures Interpretes, allegato in eam sententiam sæpe laudato Clemente Alexandrino. Verum in Clemente, ubi allegatur, solum inuenio: *Græcos seu Philosophos seu Poetas à Prophetis præcipua dogmata suffuratos; & quod attinet ad occultationem, esse Hebræis familia Ægyptiorum enigmata.* Neque (meâ quidem sententiâ) quod ad Sphinges spectat, opus illis fuit similis aliqua imitatio. Quemadmodum enim, velut in Obeliscis cernere est, ex plerisque animalibus sibi notis sua Hieroglyphica formauere: ita, cum, ut constat ex Diodoro ac Plinio, in propinqua Æthiopiâ Sphinges extarent, animal è simiarum genere, formâ, ei quâ depingi solet, haud multum absimili; quod item animal lamiarum nomine fortè intelligitur apud Ieremiam in Threnis, ex quadam ibidem Comeliû nostri huc applicatâ obseruatione: facile illis fuit feram eiusmodi ad sua sacra transferre, membris nonnihil ad Symbolicam significationem accommodatis, atque aliis denique adiectis.

Quod enim aliqui etiam Victoriæ signum, aliasue eiusmodi alas effigies, quas Romani Græciue adhiberent, ex Cherubinatorum affini figurâ desumptas significant: non magis mihi sit verisimile. Cum proclius admodum fuerit ingeniosis hominibus, Poeticâ quadam ratione, velut in sermone ac descriptione, ita in picturâ atque sculpturâ, Victoriæ, Famiæ, Cupidini, Genijque alas assignere, ad eorum seu celeritatem, seu subtilitatem seu alias quasdam affectiones, subindicandas. Quo in genere quiddam subijcio, non admodum fortassis à proposito argumento abhorrens.

Exenim istorum sacrorum nostrorum animalium, nonnullum insuper vestigium, seu rudem quasi adumbrationem, inuenio in exoticâ Phœnicum Theologia. Siquidem, ut ex eorundem antiquissimo historico Sanchoniatone refert Philo Biallus apud Eusebium, inter cætera fabulabantur: Astartem Deam, Cæli filiam, Saturno fratri eidemque coniugi, primum quidem quatuor attribuisse oculos, eorumque binos in corporis partibus anterioribus, binos in posterioribus collocasse: alas deinde quatuor eidem fixisse in humeris, duas pro-

Diod. l. 4.
Plin. l. 8.
c. 21.
Nierob. Cell.
l. 9. c. 19.

C. 4. 7. 3.

L. 1. præp.
c. 6. 7.

tensas, quasi volaret; duas remissas: quasi quiesceret postremo & duas alias ei ad caput alas stansse, alteram ob principatum mentis, alteram ob sensus perspicaciam.

In quibus iam subducere videtur nonnulla cum sacris animalibus nostris convenientia: siue cum illis Ezechielis Cherubinis, qui & ipsi quatuor pennis instructi erant, binis extensis, & binis remissis quibus corpora sua obtegerent, facile insuper aquilæ ipsorum capiti supereminente: siue cum Apocalypsicis animalibus, quorum unumquodque habebat alas senas, & in circuitu & indus plenum erat oculis.

Istud eò fortassis comminiscente fabulosâ antiquitate, quod per alarum quatuor, partim extensarum & partim remissarum, mysterium significaretur; Tempus (quod Saturno representari compertum est) ita perpetuo atque itrequieto cursu transvolare, & tamen ex sese noua semper momenta, horas, dies, annos progignens, idem semper persistet atque perrennet quodammodo: capitis autem, seu alis, seu oculis, eius indicaretur Sapientia. Quippe cum veritas merito dicatur Temporis filia, & tempore magistro atque ac scientiæ inuentæ sint, & ipso tempore, multa quæ latent aperiantur: si die videlicet (quod ait diuina Scriptura) diei verbum eructante, & nocte nocti scientiam indicante. Quod phrasi aliâ, sed sensu eodem, expressit Publius Syrus, cum dixit: *Diem posteriorem prioris discipulum esse.*

Gasp. Sanst.
in Ezech.

Addere placet, quod quidam obseruant sacrarum litterarum Interpretes: quam in Cherubicis animalibus, ad gloriosam sacramque significationem inditam vidimus quadriformem speciem; eandem in rege Babylonis Nabuchodonosore, iam ejecto ab hominibus, ad ignominiosam monstruosamque sceditatem, sed obscuriori ignobiliorique ratione, apparuisse: immò si S. Iustinum audimus, eorundem factorum animalium visionem ac speciem, Ezechielis Prophetæ oblatam, nonnullum, ad imminens infelici Principi supplicium, respectum habuisse.

Cui commentationi occasionem præbuit; quodd vbi apud c. 4. v. 30. Daniele in vulgatâ nostrâ legimus: *donec capilli eius in similitudinem aquilarum crescerent, & ungues eius quasi animum;* apud Septuagintâ legatur: *donec capilli eius quasi leonum creuerunt, & ungues eius quasi animum.* Sic enim, cum hominis speciem ipsâ naturæ conditione retineret, bouem autem totius corporis

corporis ad herbarum pascuum projectione, incesu item, ac forte mugitu, imitaretur; iam aquilæ quoque ac leonis quiddam habuerit, *unguium aquilinum in morem* (ut Tertullianus *De penit.* ait) *efferatione*, et capilli incuriâ horrorem leoninum præferente.

Veruntamen ipsa S. Iustini Martyris verba ponamus. *Per visionem autem Ezechielis, indicata ea sunt quæ regi Babylonis Nabuchodonosori fuerant euentura, ad Israëlitarum qui Babylone captiui erant, animorum consolationem. Vidit enim sacer vates quadriformia animantia, similitudinem obtinentia hominis et leonis, vituli et aquilæ. Memorat autem de Nabuchodonosor, crevisse ungues eius, sicut ungues aquilæ, et capillos eius, ut inbas leonis, eumq, ad instar vituli herbam esse depastum, et cor hominis datum esse ei. Quæ postrema, etsi verborum ratione, cum Daniele eius regis statum infelicem describente, minùs consentiant, attamen sensum verum habent; nempe eum Principem, humanâ naturâ ac substantiâ, etiam in illa infelice suâ metamorphosi, constituisse.*

C A P V T IX.

Aurei vituli, quos Ieroboam fecit rex Israël, num affine quicquam cum templi Cherubinis habuerint?

A Nimum quandoque pulsavit ista dubitatio, neque adco fortè, quam primâ fronte videatur, absurda, neque ad rem nostram nihil faciens: Fuerintne simulacra illa, quæ initio regni sui, populo Ierosolymis auertendo, consulari iussit Ieroboam, quæque sacer textus passim vitulos, siue (ut ferè Septuaginta) vitulas, aut etiam vaccas appellat, reipsa vitulinâ effigie, an potius Templi Cherubinis affinia, siue ad eorum similitudinem atque imitationem efficta?

Principio enim, rem per se spectando, videbatur crediti difficile: Principem, cætera haud incallidum, nec rei politicæ inscientem, in præcipui momenti capite, eâ inconsiderantiâ usum esse: ut, cum viros pios ac legis diuinæ retinentes, obtentu aliquo detinere vellet, ne fortè diuini cultus studio ascendentes Ierosolymam, pristinos iidem aduersus Davidis domum sensus resumerept, & ad Dominum suum Roboam

num regem reuerterentur; continuò illos ac manifestè ad cultum idolorum vocaret, aureisque vitulis propositis, antiquatà illà & in suis olim maioribus intantum damnatà idololatrià, implicari posse crederet. Porro, ad id velle, etiam reluctantes compellere; aliud non esset, nisi factionibus parum opportunis ad id temporis, ansam præbere; atque adeò, non regnum affirmare, quod ille vnice intenderet; sed imbecillum atque nurantem (vt in illis quidem principijs) rerum suarum statum, in casum ac ruinam impellere.

Ergo id potius videri poterat callidè nec insipienter excogitasse; vt specie antiquæ pietatis retinendæ, templa duo intra regni fines ad Ierolymitani similitudinem extrueret, in ijsque (cùm arcæ imitamentum, à Deo infessæ, totque prodigiorum patratricis, nullo hæctenus exemplo, aut probabili ratione, auderet effingere) saltem Cherubinos, Salomonis exemplo, duos faceret, qui arcam ipsam, cuius administri & velut custodes ac stipatores haberentur, repræsentarent; perinde atque si eo pacto significare vellet, etiam in regio Israël colli veri Dei Sapienciam, cuius ipsi Cherubim, non minùs quàm arca fœderis, diuino instituto Symbolum essent.

Hoc enim, tametsi in re ipsa esset à vero Dei legitimoque cultu defectio; vt qui non nisi in templo vnico, certisque adeò ritibus, qui magnà ex parte à Ieroboamo peruerterentur, colli se præceperat; sensimque cultorum animos ad ea simulacra pro Dijs habenda disponderet, idque non nesciret, ac fortè non nolleret Ieroboam; quippe qui religionis dissidio, gentis vtriusque abalienandos animos, suumque regnum eo stabilendum intelligeret: non tamen adeò manifesta res erat per sese, quin posset in fraudem induci populus simplicior, omni iam ad verum Dei templum accessu prohibitus; cùm & alioqui rex Ieroboam solennitatem tabernaculorum, in similitudinem solennitatis quæ in Iuda celebrabatur, indixisset, & forsitan in quibuldam alijs, legitimorum templi rituum umbram aliquam tueretur.

Cui conjecturæ accedebat & illa, ex ipso sacro textu, non leuis in speciem suspicio. Manifestè enim Scriptura diuina, Ieroboami peccatum, qui proposito vitulorum cultu peccare fecit Israël, & peccatum Achabi, qui seruiuit Baali, eiusque cultum introduxit, grandi quodam discrimine separat: atque hoc præ illo, velut grauius odiosiusque, nimio plus abomina-

tur.

tur. Sic etenim de Achabo rege loquitur scriptura, 3. Regum cap. 16. v. 30. *Et fecit Achab filius Amri malum in conspectu Domini, super omnes qui fuerunt ante eum. Nec suffecit ei ut ambularet in peccatis Ieroboam filij Nabat: insuper duxit uxorem Iezabel Filiam Ehbbaal regis Sidoniorum. Et abiit & servavit Baal, & adoravit eum. Et posuit aram Baal in templo Baal, quod edificarat in Samaria, & plantavit lucum &c.* De Iehu autem Filiorum Achab interfectore, libro 4. cap. 10. v. 28. *Delevit itaque Iehu Baal de Israël. Veruntamen à peccatis Ieroboam filij Nabat non recessit, nec dereliquit vitulos aureos, qui erant in Bethel & in Dan.* Ideoque subiungitur, non custodisse ut ambulares in lege Domini in toto corde suo: quòd videlicet, sublato illo graviore ac detestabiliore Baalis cultu (propter quod à Deo laudatus est) in illa magis tolerabili vitulorum idololatriâ permanserit. Quæ tam exaggerata atque inculcata, inter cultum Baal & vitulorum aureorum, discriminis ratio, minùs sanè apparet, si & hi non sacris templi Cherubinis assimilés, sed veri & meri erant vituli, ad similitudinem eius quem Aaron olim adorandum proposuerat, fabricati. Quid enim adeò interesse poterat, Baalne siue Iouem coleres, an Apim seu vitulum Ægyptium? quando in utroque par esset, aut æquè manifesta, idololatriæ ratio.

Neque his denique satis obstabat illa in aduersum oppositio. Quòd videlicet non appareat, quamobrem illæ, si non vitulorum, sed Cherubinarum erant effigies, vbique à Scriptura, vituli aut vitulæ, seu etiam vaccæ Bethauen, appellentur.

Primum enim id fieri potuit ignominie gratiâ. Nam cum ex Cherubicæ effigies, non iam ad vsus suos legitimos adhiberentur, neque enim ampliùs ad arcæ aut templi ornamentum, siue in signum cuiusdam ministerij (quo duntaxat modo permixtas fuisse Iudæis eiusmodi imagines, contendit Vasques & alij, quam etiam ob causam expressè docet Tertullianus, Cherubinos templi longè diuersas habuisse causas ab idololatriæ conditione) sed vt per se stantes proponebantur, & modo adorationi accommodato; vnde etiam mox in vera idola degenerarunt: hac inquam ex causâ meritò cœperunt abominationi esse Dei cultoribus; & contemptus gratiâ, ab eo quod in illis vilissimum esset, appellari.

Quemadmodum & serpens aeneus, quem Deus salutis ac mysterij causâ in deserto à Mose erigi iusserat, postquam ci thus adoleri cœpit à populo, præbuitque occasionem idolola-

E

trix,

3. p. d. 104.
c. 6.

Lib. 2. adu.
Marc. c. 22.

triæ, in odium venit, & à rege Ezechia confectus est; vt dicitur 4. Regum 18. capite v. 4.

Deinde quia in re ipsa videri poterant Cherubini (vti quidem ab Ezechiele delcibuntur) magis ad figuram vituli seu bouis accedere: cum, præter vitulinam faciem, quæ ex ipso textu videtur fuisse quidpiam à pedum plantâ distinctum, etiam vituli pedes haberent. Quapropter & Vgo Cardinalis, Ezechielis capite 10. dicit, quod licet in illis facies hominis esset principalior secundum dignitatem, facies tamen vituli erat principalior secundum proprietatem. *Et ideo si rectè perpendimus (inquit) vituli facies corpori magis congruebat, in tantum vt quodam proprietatis iure, hæc facies descripti animalis, specialiter vituli dici debeat.* Et infra: *Quid itaque est, quod animal, quod quatuor facies habuit, vitulinos pedes accepit; nisi quòd vitulina proprietate præ ceteris amplius aliquid sui iuris in eius corpore vendicauit?* Sic Vgo.

Postremo: quoniam (quod quidem obseruatu dignum est) etiam ipsi sacri Cherubim, vituli nomine videntur à Scripturâ significari: dicente Ezechiele capite 10. v. 14. de suis mysticis animalibus: *Quatuor autem facies habebat vnum: facies vna, facies Cherub, & facies secunda, facies hominis; & in tertio, facies leonis, & in quarto facies aquila.* Vbi manifestum est; faciem Cherub pro facie vituli (prout annotauit S. Hieronymus; & in sua versione expressit Arabicus Antiochenus) & consequenter Cherub pro vitulo seu boue, vsurpari. Siue id ita factum dicamus, eâ causâ quam modò cum Vgone Cardinale protulimus: siue quòd, vt mauult Ludouicus ab Alcazar, citato S. Hieronymo, Cherubini templi vnicâ facie, eaque vitulinâ præditi fuerint. Tamen, vt idem autor obseruat, dupliciter id possit intelligi: primò de facie prorsus vitulinâ; secundò de facie quidem humanâ, sed quæ vitulinam referat ipsâ sui conformatione.

1a Apoc. c.
4. v. 7. &
1a. 8.

Quo posito, *verisimile statim fit* (subdit in rem præsentem idem Alcazar) *vitulos aureos Ieroamo fuisse eisdem Cherubinis nonnihil similes, vt ad eorum cultum facilius Israëliticus populus pelliceretur.* Qui deinde subiungit, eos nihilominus per irrisiōem atque contemptum appellatos in sacra Scripturâ vitulos; ne Cherubinatorum appellatio tribueretur ijs, per quos populus à veri Dei cultu auocaretur. Hæc ille; satis significans, non abhorreere se ab eâ quam præ-

senti

senti capite de Ierobeami vitulis proposuimus, cogitatione.

A quâ item non multum alienus videtur doctissimus Genebrardus in suâ Chronologiâ; dum Ieroboamum ait, *magis hereticum & schismaticum, quàm apostatam vel idololatram fuisse*; inquantum scilicet, uti mox subdit, *noluit sacrificare Ierosolymis, & cum eis communicare, qui in Mosis & Prophetarum cathedra sedebant; sed in Dan & Bethel, ubi templa nova construxit, & loco Cherubim, vitulos dedicavit. Alioqui circumcissionem, ritus sacrificiorum, ceremonias legis, adeoq; totam legem Mosaicam retinuit, uti & consecuti Reges, usque ad Achab, qui ad istam heresim adiecit cultum Baalim, sue Belorum.* Hæc Genebrardus.

Veruntamen hæc ipsa cogitatio, etsi ex allatis coniecturis, videatur nonnullum colorem, seu veriùs umbram, alicuius probabilioris accipere; vereor tamen ut solida sit, & cum sacre Scripturæ, non verborum duntaxat proprietate, sed aperto sensu ac veritate consistere possit. Cum tamen nobis sit studiosè cauendum in similibus, ne dum nimium indulgemus ingenio, & quasi plus æquo subriles videri volumus, genuinum interim Scripturæ sensum, & veritatem ipsam amittamus.

Illâ ipsâ sanè Ieroboami, vitulos à se conflatos populo proponentis, atque ad eorum cultum adhortantis, oratio : *Ecce* 3. Reg. 12.
v. 28.
Dij tui, Israël, qui te eduxerunt de terrâ Egypti; quâ & olim vltus fuerat populus, cum ad Aaronici vituli cultum sese prouocaret in deserto; nimium apertè significat, contendisse ac perfecisse Ieroboam, ut populum Israël, à veri Dei cultu ac religione auersum, ad antiquam illam maiorum suorum idololatriam reuocaret; atque aded ex eorum imitatione, *similitudinem vituli comedentis fenum*, veri inquam vituli, puta Apis Exod. 32.
v. 4.
aut Mnevis Egyptij, illi proposuisse adorandam & pro Deo habendam. Hoc enim sine dubio exigunt illa verba : *Ecce Dij tui* &c. Nisi fortè quispiam, ipsum quoque Aaronem contendat, non veri vituli, sed Cherubini simulacrum coplâsse, ac filijs Israël colendum proposuisse; cum nondum illis, aut visa esset aut audita (saltem vulgò) Cherubini figura.

Rectè igitur S. Hieronymus, ad illa verba Osæ capite 8. v. 6. *Quia ex Israël & ipse est*; *Exponit* (inquit) *quis sit iste vitulus; quia ex Israël & ipse est*: *Non ab alijs, ait, vitulum gentibus accepistis; ut Baal & Astaroth à Sidonijs, ut Chamos à Moabitjs,*

ut Moloch ab Ammonitis: sed vos ipsi, & rex vester Ieroboam, quod in Ægypto didiceratis, fecistis in Israël. Et sanè prorsus est verisimile, quod ibidem tangit, & Oleez 4. capite magis exprimit, Hieronymus: Ieroboamum, qui Salomonis meru non paruo tempore commoratus esset in Ægypto, eorum imbutum superstitione: atque eò fortassis, quòd duos istic boues coli animaduenerat, alterum Memphi, Apim dictum, eumque Ifidi seu Lunæ sacrum; alterum Heliopoli, qui Mneuis diceretur, atque Osiridi siue Soli sacer esset; id quoque imitandi studio, duos & ipsum vitulos fabricasse, & alterum in Bethel, alterum in Dan constituisse.

3. Reg. 14.
7. 9.

Denique, vt Patres reliquos, & consensum Interpretum omittam: profanas atque sacrilegas idolorum gentium figuras à Ieroboamo inductas, & pro Dijs propositas, manifestè conuincit; tum illa Ahie Prophetæ Dei nomine eidem facta opprobatio: *Operatus es mala super omnes qui fuerunt ante te, & fecisti tibi Deos alienos & conflabiles, ut me ad iracundiam prouocares;* tum quod de eodem dicitur 2. Paralip. capite 11. v. 15. *Qui constituit sibi sacerdotes excelsorum, & demoniorum, vitulorumq; quos fecerat. Quæ nimis fortia sunt, quàm vt vllis in contrarium coniecturis locus esse possit.*

Atque post hæc scripta vidi Robertum Visorium Theologum Sorbonicum, etiam pluribus eadem tradentem atque firmantem, aduersus Francisci Monæxi ingeniosos, sed iusto licentiores, conatus, qui libro edito, hoc titulo [*Aaron purgatus, siue, de vitulo aureo non vitulo*] tum vitulos aureos Ieroboami, tum antiquum illum Aaronicum, operosè defendit, fuisse ad Cherubinorum similitudinem expressos; eà etiam gratiâ, illud commentus, Cherubinos quidem Salomonicos humanâ figurâ constituisse, Mosaicos autem, vitulinâ penitus, alis exceptis: conatus insuper, nimis manifestè repugnante Scripturâ, non modò Aaronem, sed ipsum etiam Ieroboamum, eo in facto ab impietatis & idololatriæ culpâ purgare; propter quod merito librum suum vidit Romæ proscriptum.

Porro ad primam suspicionem initio capitis propositam, faciliè dicetur, id ausum fuisse Ieroboamum, fretum, partim populi ad Idola colenda procliuitate, accedente præsertim nupero Salomonis exemplo; partim eiusdem à Dauidis familiâ, ingenti, & quæ rebellionis periculum faciliè amoliretur, abalienatione.

Ad

Ad alteram : Achabi peccatum, præ quàm Ieroboami, fuisse detestabile ; tum quòd is alia super alia idola, maiori populi scandalo, superinduceret ; tum quòd cultus Baal præ cultu vitulorum, multis in rebus fœdior & absurdior esset, multoquæ longiùs à casto & puro Deum colendi ritu recederet.

Postremò, ut verum sit; speciali aliquâ ratione, sacris illis animalibus viruli appellationem tribui posse : at certè aliud velle Scripturam, dum de virulis Ieroboami loquitur. Præsertim autem, si verum sit, quod tradunt Patres communiter, apud Sanctum & alios, simulacra illa Ieroboami (vri & vitulum Aaronicum) non fuisse nisi caput bubulum, nullo adiecto corpore : eo enim pacto minùs apparet, eas effigies, Templi Cherubinis affines, aut assimilés fuisse.

G. Santh.
Ofra 10. n.
23^a

Nunc ergo omisiss hisce quasi diueticulis, in viam denique, & tanquam orbitam, regrediamur.

C A P V T X.

Concluditur demum antea à nobis proponi cæpta, atque ab arca fœderis & Cherubinis templi desumpta, ratiocinatio.

VT igitur primum hoc argumentorum nostrorum caput, ipsâ rei rotius velut sub oculos subiectione, concludam : hætenus à nobis partim ex arcâ & legis tabulis, partim ex Cherubinis, siue ipsi arcæ, siue reliquo templo additis, alijsquæ rebus eiusmodi petitis non paucas coniecturas, quasi toridem rei indagandæ notas ac vestigia, aliquantum valere censebam, ad eam in qua modò versamur, de Salomonico templo diuinæ Sapientiæ speciatim dicaro, commentationem.

Nam si quisquam certè gente Chaldæus, aut è vicinâ Ægypto sapiens, quem tandem Deum Iudæi colerent, cognoscendi cupiditate teneretur, & intrò in ipsa admissus adyta, nullum quidem istic eorum, qui ab alijs gentibus Deorum loco haberentur, simulacrum inspiceret, sed arcam duntaxat illam admirabilem, subter alas Cherubim, in ipso arcano constitutam contempleretur, is equidem primùm pro more istorum temporum, vel hunc esse Hebræorum Deum (velut censuisse dictassequæ Palæstinos suprâ vidimus) vel,

ut supra vulgus sapiens, in hac certè arcâ vim quandam ineffe superiorem atque diuinam atque adeò illud ipsum Numen quod arca referret exhiberetque, in eâ tot illis sacrificijs, tamque magnifico cæremoniarum apparatu, adorari scilicet existimaret. Quod si ille porrò, vel quadam mentis solertiâ, vel ita tradente ac demonstrante Mystagogo, intelligeret denique, hoc quidquid est operis admirabilis, non utique Numen ullum esse, sed Dei supremi ac præpotentis sedem quandam ac solium, in arcâ illâ, siue ex illâ, Hebrææ genti leges dictantis, iura tradentis, de rebus futuris abditisque oracula fundentis, & ad omnem virtutem ac sapientiam populum suum erudientis; eamque proinde mysticam arcam, ratione quadam propriâ, sempiternæ Numinis Sapientiæ, quæ gentis magistra, dux, præses esset, effigiem ac simulacrum esse: iam nulla profectò ei relinqueretur dubitatio, à gente Hebræa Deum utique verum, seu cæli tertæque vnicum conditorem ac Dominum eo in templo adorari, verum sub figura ac typo supremæ Sapientiæ; tum adeò Ædem illam augustam & orbe toto celeberrimam, esse diuinæ Sapientiæ propriam, eoque nomine censendam atque appellandam. Eandemque mentem injici oportere existimabam, cuicumque ea quæ diximus, & ipsum præsentim templi ornatum apparatusque, haud indiligenter consideranti.

Etenim, ut rei paulò ampliùs exaggerandæ ad præciui gentium mores sermonem accommodem: si tibi fanum aliquod ingresso, primum occurrat incurratue in oculos, Iouis simulacrum ex auro solidum, vel pretioso ex ebore, idque vel solium, vel loco princeps, ac præcipuo ad venerationem; tum verò undique per ædis latera, perque omne rectum aut laquear, afficta cernas aut appicta Dei insignia, fulmen trifidum ac flammans, dubitare non possis, cui tandem Deorum hoc quidquid est templi consecratum sit: cur id, quod iam tuæ contemplationi subiicimus, Salomonicum templum, diuinæ dubites assignare Sapientiæ, cuius æde totâ, impressa signa atque Symbola, immò tanquam expressa simulacra, possis agnoscere?

In Critia.

Ingens quoddam fanum olim perhibet aut fabulatur Plato fuisse in Atlanticâ Insulâ, auro, argento, orichalco, ebore, aureisque statuâ mitificè exornatum, & huic, quò de agimus, Salomonico assimile: ad quod etiam fortè cùm ista scriberet,

Plato

Plato respexerit : quippe quem credibile videatur , sacras literas nonnihil gustasse , & Iudaicos ritus & instituta aliquouſque introſpexiſſe.

Ergo fanum iſtud Atlanticum (delectat etenim hoc quoque adferre patadigma , velut rei noſtræ haud uſque ad eò abſimile) fanum iſtud , inquam , ſiquis hoſpes introgrediatur , ibique aureum Neptunæ ſimulacrum aſpiciat , ſæuo de more tridente inſtructum ; & Deum quidem (ex ipſa Platonis deſcriptione) curru inſiſtentem , equorumque alatorum habenas , tenentem , vel , ſi ita malumus , hippocampis inuectum , aut ceto immani alijsue belluæ marinæ inſidentem ; circum autem delphinis inſidentes Nereides centum , quot (vt idem ait) eſſe exiſtimabantur : is ſanè ex eo quod aſpexerit , conſeſtim agnoſcat , iſtac in æde eoli Neptunum ; tameſi nulla id inſcriptio doceat , nullus , aut myſtes , aut myſtagogus profiteatur.

Non abſimiliter videbatur , nobis philoſophandum in propoſito : vt ſi animo ſaltem ſubeuntes ædem Salomonicam , in ipſo intimo penetrati , in Sancto Sanctorum , hoc eſt parte templi ſanctiſſimâ ac diuiniſſimâ , myſticam illam atcam depoſitam intueamur , quam intelligamus figuram præferre diuinæ Sapientiæ ; tum verò alas Cherubinatorum effigies , non modò , minori modulo arcæ inſiſtentes aſſiſtenteſcæ , aut etiam duorum colossoꝝ ſpecie , Oraculum omne alarum ſuarum protenſione protegentes , verùm etiam paſſim toto templo ſparſas atque inſertas ; ſimulque animaduertamus , Cherubinos ipſos , à ſcientiæ multitudine , ſic appellatos , eiſdem diuinæ Sapientiæ Symbola , indices , adminiſtros eſſe , eiſque Regine (vt ita dicam) veluti euſtodes corporis , & tanquam milites prætorianos : non videatur fieri poſſe , quin ipſo aſpectu atque contemplatione , ea menti ineidat , ſanè probabilis , neque à rebus ipſis abhorrens cogitatio ; iſtam videti domum ædemque ſupremæ Dei Sapientiæ , hanc tot illis ſymbolis ſignari , honorari victimis , demumque (quod iſtis coniecturis efficere nitimur) Templum iſtud , diuino conſilio , ac Salomonis ipſius deſtinatione , eidem diuinæ Sapientiæ priuatim erectum , ac nominatim dedicatum , conſecratumque fuiſſe.

CAPVT XI.

Affirmatur eadem cogitatio ipsius Salomonis autoritate.

HActenus coniecturis egimus, ex ipsius templi instructione apparatusque desumptris. Sed nihil opus est ijs nos insistere operosius; quando ei rei certius stabilizandæ & affirmandæ, diuinas litteras proferre licet, quibus, nec vno loco, id quod conrendimus, luculenter expressum videri potest; si modò quis ad ea animum docilem, neque contrarijs præiudicijs auersum, attulerit. Locum vnum proferam hoc capite, alterum referam capite sequenti.

Ep. 22. c. 5. Primùm igitur Salomonem ipsum, *per quem* (vt ait S. Hieronymus) *se cecinit ipsa sapientia*, licet in suo facto testem excitare ac producere; quem quidem in suis Prouerbijis ad hunc modum audimus in rem propositam loquentem:

Prov. 9. v. 1. *Sapientia edificauit sibi domum; vel, vt effert Chaldaeus, domum suam; excidit columnas septem. Immolauit victimas suas, miscuit vinum, & proposuit mensam suam. Misit ancillas suas vt vocarent ad arcem & ad mœnia ciuitatis: Siquis est paruulus, veniat ad me. Et insipientibus locuta est: Venite, comedite panem meum &c. Quem equidem locum dico ad litteram congruenter accipi de ipso Templo Salomonico, & ministrarijs in eo exhiberi consuetis.*

Nam rametsi in eo textu, & ipse allegoriam agnoscam, in quantum scilicet istic inducitur Sapientia, Reginae instar aut præpotentis Matrisfamilias, conuiuium solenne ac magnificum adornantis, arque vniuersos promiscuè & communiter, summâ ad illud benignitate ac liberalitate inuitantis: domum tamen ipsam, ei conuiuium à Matrefamilias destinatum, in sensu vero ac proprio aio esse templum Salomonicum; quæ nimirum ab ipso Salomone domus appelletur Sapientiæ, quod eam ipsa sibi construxerit adornarique, & tanquam propriam ac familiarem, sibi inquam sacram atque addictam inhabitaue- rit: neque in hoc quidquam incongruens, aut ab usu Scripturæ alienum, à me produci.

C. 2. v. 20. Nam, exempli causâ, in illis Ieremiæ verbis: *In omni enim colle sublimi, & sub omni ligno frondoso, tu prosternebaris me-*
C. 3. v. 6. *retrix;*

retrix; allegoria est, quatenus idolorum cultus innuitur esse fornicatio. Nec tamen ideo, collis sublimis & lignum frondosum, etiam allegoricè accipienda sunt; cùm, secundùm litteram verum sit, in locis excelsis lucisque frondosis, exerceri solitam idololatriam, quæ erat recessus à vero Deo, & spiritale quoddam adulterium; idque istic, à Propheta reperiendi. Simillimè igitur, quòd verbis laudatis Salomon, conuiuium describar à Sapientia propositum, allegoria est: domum autem ipsam, seu locum mystici conuiuij, censeo propriè de templo accipi: uti, & per reliqua ad conuiuij apparatus, instructionemque pertinentia, sacra eiusdem templi ministeria, & varias Sapientie functiones, quæ istic ad Dei cultum, populi que informationem exercerentur, adumbratas.

Et quamquam eò per se ducebar, ipsa (ut videbimus) verborum ac rerum conuenientia; eratque sanè proclius creditu, istuc, dum hæc scriberet, obliquè respexisse autorem templi; quò vel operis sui dignitatem hac saltem ratione modestè commendaret; vel indicium posteritati relinqueret: testantur insuper Patres nostri Salazar & Cornelius, Hebræos per domum, templum Salomonicum accipere; eiusdemque sententiæ sunt è recentioribus Hieronymus Prado & Ioannes Baptista Villalpandus, viti in templi rebus perquam studiosè atque accuratè versati.

In Ezech. 4.
5. 7. 7.
Tem. 2. l. 3.
c. 29.

Expendamus igitur, quàm sibi cuncta consentiant, prolata breuiter rotius loci commodissimà expositione.

Sapientia (inquit sapiens Salomon) *ædificauit sibi domum*: hoc est (inquam) templum; quod equidem ipsa sibi Sapientia crexerit, utique ut domum sibi propriam, sibi que ritulo peculiari consecraram.

Excidit columnas septem. Quod referendum ad templi porticus & atriâ innumeris columnis è patio marmore ædificata. *Septem* autem dicit: quod est, vel *plures*, definito numero pro indefinito, Hebræorum phrasi; vel etiam *septem*, quòd septenis columnis singuli constarent earum ordines, ex Villalpandi descriptione. Adde Clementem Alexandrinum septem ambitus in eo templo cum Hebræis agnoscere.

L. 5. Stromi
c. 3.

Immolauit victimas suas: Quod dictum propter templi sacrificia. *Miscuit vinum*: propter libamina. *Proposuit mensam*: quo alludi potuit ad mensam panis propositionis.

Quæ sequuntur ad Sacerdotes pertinent; quorum, ut ministrorum

nistrorum Sapientiæ, illud erat munus inter cætera, neomenias & dies festos indicere, & siue solenni tubarum sono, seu quâ aliâ ratione, fidelem populum ad statâ sacrificia, Deique cultum prouocare.

Miser, inquam, Sapiencia *ancillas suas*; id est templi ministros & sacerdotes. Nam & apud Septuaginta Interpretes hoc loco legimus *seruos suos*; quam lectionem sequuntur Cyprianus, Ambrosius, Augustinus, & alij. Sed maluit Scriptor ancillarum nomine abuti, ut in cœptâ perstaret allegoriâ. Is siquidem quasi femineus comitatus decere videbatur principem feminam, quo schemare inducebat Sapienciam conuiuium suum adornantem.

Ad arcem verò; si quidem verborum magis obuiam constructionem sequimur; id est ad templum, quod ad instar arcis extructum erat in monte Moria, loco excelso atque muniro: quod apprimè faciunt (quod saltem ad æuum posterius attinet) illa Taciti libro 5. historiarum, de Ierosolymæ templo ita scribentis: *Templum in modum arcis, proprijsq; muri, labore & opere ante alios: ipsa porticus, quis templum ambiebatur, egregium propugnaculum*. Quod rursum templum, videatur textus noster appellare ciuitatem, siue ob templi vniuersi incedibilem protus amplitudinem, siue ob atriorum, porticuum, exedarum, quasi in fora, vias, domos, aptam concinnamque distributionem.

Quamquam ea profectò de arce ac ciuitate interpretatio, nihil admodum nobis est necessaria. Nam si textus reliquos, temque ipsam propiùs inspicimus, deprehendemus, non dici missos à Sapienciâ, qui vocarent ad arcem, sed missos ad arcem, qui vocarent conuiuias Sapienciæ: secundum quod etiam tradidit Iosephus libro 5. de bello cap. 9. festa Iudaica per sacerdotes de excelsâ turri populo indicta fuisse. Quo modo nihil est difficultatis in sententiâ, sed quadrant omnia perbellè, in eam qua de agimus Ædem diuinæ Sapienciæ; hoc est, vti probare intendimus, in templum ipsum Salomonis.

Fauet igitur intentioni nostræ ipsa contextus ratio, & rerum inter se responsus & conuenientia; quæ est ipsa per se argumentum non vanum, seu indicium probabile, veritatis. Vt iam opus non sit rei confirmandæ alias coniecturas adducere; aut etiam diuersas à nostrâ, istius loci interpretationes opere magno refellere.

Quod

Quod enim vel Hebræorum quidam hic, domus nomine, aut mundum ipsum, aut encyclopædiam suæ complexum scientiarum intelligunt; vel Patrum nonnulli ista, aut de Christi humanitate, aut de Ecclesiâ interpretantur: videntur hæc aliquanto longius abire à litterâ, & ad sensus mysticos ac symbolicos magis pertinere.

Propius nobis accedunt, qui cum Ioanne Pineda, per domum Sapientiæ, Academiam intelligunt; siue (vt is autor) in arce Sionis, & iuxta Regiam; siue, vt alij, in Ierusalem iuxta templum, immò in templi atrijs aut porticibus, constitutam: in quibus est sanè credibile, plures extitisse tanquam exedras, tradendis omnium artium disciplinis, accommodatas. In quarum aliquâ dicere possumus cum Francisco Carthagenâ & alijs, constituisse puerum IESUM, cùm (vt ait Lucas) *inuenerunt illum (parentes eius) in templo, sedentem in medio Doctorum, audientem illos & interrogantem.*

*De reb. Sa-
lem. l. 3. c.
28.*

*L. 10. hem.
10.
Luc. 2. v. 46.*

Talem igitur aliquam Academiam intelligi credunt à Salomone, nomine domus Sapientiæ: quemadmodum scilicet publicum Urbis Romæ gymnasium, in quo facultates ac disciplinæ traduntur omnes, videmus Sapientiam appellatum.

Additque ingeniosè Pineda: per columnas septem, quas excidisse dicitur Sapientia, non accipiendas esse columnas, quibus inniuntur porticus ædis, sed septem artium liberalium suggesta, aut excelsas cathedras è marmore excisas atque elaboratas: Fauente nonnihil Optato Mileuitano, in quantum etadit: *In vertice Sionis septem fuisse Synagogas, ubi Indæorum populus conueniens, legem per Moysen datam discere potuisset:* quibus tamen postremis, eas legi diuinæ condiscendæ significat, non liberalibus artibus tradendis, destinatas.

*Lib. 3. ad.
Pamæn.*

Tandem in arce Sion extitisse quandam Academiam, seu gymnasium sapientiz, ex eo videbitur firmari posse; quòd, pro eo quod nos Canticorum 4. v. 4 legimus de turte Dauid (quam fuisse constat in ipsa arce) *quæ edificata est cum propugnaculis:* Doctores Hebræi apud Genebrardum legunt; *constructa ad disciplinas, siue ad doctrinam & monumenta:* quod continuò pronum est ita accipi, quasi ea turris, non tantùm esset armamentarium, sed etiam Bibliotheca regia, simulque arcana ac sacre discipline schola. Verùm alia mens est eorum Doctorum: quippe qui tantùm velint, eam turrim dici constructam ad doctrinam, seu disciplinam, quòd esset adeò eximiâ pulchritudine,

tudine, vt proposita videretur velut exemplar præstantissimum, ex quo discere posset quivis artifex, qua ratione turris insignis ædificari posset: vel certè, quòd instar excellē Phari viam doceret seu ostenderet. Adde, alios apud Gasparem Sanctium vel-
le, constructam esse ad monumenta; *quia in ea collocabantur illorum monumenta, qui aliquid egissent præclarè*: vt esse possent atma quædam virorum fortium, manubię hostium, & (si ita placet) commentarij quoque, res à magnis vitis præclarè gestas, continentes. Nisi magis velimus (in quod, eā retentā lectiōne, satis inclino) eo nomine venire documenta aut instrumenta, vt vocant, ad iura Principum, fines Provinciarum, acta Iudicum, & alia huiusmodi, pertinentia; qualia utique solent locis munitis ac bene occlusis conservari: ita vt ea turris simul esset arcanum archivum, seu tabularium aut chartophylacium regium.

Sed utcumque ista se habeant: vtī ire non possum inficias, fuisse illo ævo Ierosolymis Academiam eiusmodi, seu sacræ, seu profanæ Sapientiæ: cū etiam S. Ioannes Chrysostomus scribens in Psalmum 47. dicat; eo tempore Ierosolyma fuisse *διδασκαλίων τῆς γῆς* siue *publicum gymnasium, ludumque litterarium, communem orbis terrarum, & qui volebant* (inquit) *cultum & ornamentum capere hinc ea quæ bona & honesta essent, discabant*: ita proniùs existimem, prædictum locum Salomonicum, ad templum potiùs, seu Ædem ipsam vt diuino cultui ac sacrificijs deputatam, quàm ad disciplinarum Academiam vllam, Ædi sacræ adiunctam, adiunctamque, pertinere.

Iob 28. v.
28.

Ecli. 1. v.
14.

Etenim, præterquam, quòd reliqua omnia quæ in eo textu adduntur, ipsi Ædi sacræ magis ex vero conueniant: Sapiencia illa, quæ in factis Scripturis commendatur, non in Academicis disciplinis aut theoreticis scientijs consistit, sed in Dei timore, cultu, reuerentiâ, dilectione: sicut scriptum est: *Ecce timor Domini* (Græcè *θεοσεβία*, hoc est, pietas) *ipsa est Sapiencia; & recedere à malo, intelligentia*. Et alibi: *Dilectio Dei, honorabilis Sapiencia*.

In quem etiam sensum sæpe dicitur, timor Domini, esse initium, seu principium aut principatus, hoc est summus apex ac perfectio sapientiæ. Quæ videlicet practica atque ad salutem conducens sapientia, non in artium scholis discitur, sed in sanctuario, vsu ipso exercitationeque comparatur. Neque enim, opinor, ad Academiam, sed ad templum inuitat illa oratio:

Venite,

Venite, & ascendamus ad montem Domini, & ad domum Dei Iacob; & docebit nos vias suas, & ambulabimus in semitis eius: quibus significatur ipsum Dei templum, schola quædam fuisse cælestis ac veræ, siue ad salutem conducibilis, Sapientiæ. Vnde etiam illud est; quod vbi in vulgata legimus Psalmo 42. v. 3. *Ipsa me deduxerunt, & adduxerunt in montem Sanctum tuum, & in tabernacula tua;* in Chaldaeo sic legitur: *Ipsa deducunt me, & introducunt me in montem domus sanctuarij tui, & in Scholas domus maiestatis tue.* Vbi manifestum est, si præsertim ea versio cum textu nostro conferatur, sanctuarium ipsum, scholas domus diuinæ maiestatis appellari; quod in sanctuario, sacroque Dei tabernaculo, disceretur quanta sit summi Dei maiestas, & quo ille cultu, religione, reuerentiâ obseruandus esset atque colendus.

Denique in Dei tabernaculo, cui templum successit, nulla erat ciuitatis Academia, vti clarum est: & tamen ipsum etiam tabernaculum, vt propriam suam habitationem, sibi vendicat Sapientia: quod est nunc specialiùs demonstrandum.

C A P V T XII.

Ad idem, ex IESV Filij Sirach Sapientiâ, non inefficax argumenti ratio.

EXplicato loco de Prouerbijs Salomónis, alterum adiungimus ex Siracidæ Sapientiâ siue Ecclesiastico: quos locos Villalpandus obseruat, *sibi mutuo mirabili quadam analogiâ respondere;* proindeque (quod videtur consequens) etiam lucem ac firmitatem sibi mutuo dare & accipere.

Apud Siraciden, Sapientiæ de se loquentis, dotestque suas commendantis, verba sunt ista: *In his omnibus requiem quæfui, & in hereditate Domini morabor. Tunc præcepit & dixit mihi Creator omnium, & qui creauit me, requieuit in tabernaculo meo; & dixit mihi: in Iacob inhabitata; & quæ sequuntur.* Sunt enim hæc modò pensiculiùs expendenda.

*Ecclesi. 24.
7. 11. &c.*

Diuina igitur Sapientia, quæ tamen res eadem cum Deo, seu reipsa Deus sit, attamen per quandam prolepticiam hæc inducitur, velut princeps diuinitatis, in rebus condendis, Vniuerso gubernando; ipsisque regnis ac populis sub ditione suâ

Pharmaceut.

continendis, administra; ait se denique post obitos cælos, circumcurfata maria, & terram omnem perambulata, in his omnibus sedem quietis oblectationisquæ quæfisse; neque verò inuenisse adèò, donec ei Creator omnium, Israël gentem, velut dilectum atque electum, peculiaremque sibi populum, in quo moraretur, attribuit, & in quo deinceps sedem stabilem, perpetuumque tabernaculum seu domicilium figere posset. Nam, uti ex Græcis, & ipsâ contextûs ratione communiter obseruant Interpretes; quod in nostrâ vulgatâ legimus, *Requieuit in tabernaculo meo*, hunc sensum habet: *Requieuit*, hoc est, *requiescere fecit, tabernaculum meum*; seu (quod idem valet) *me in tabernaculo meo*. Ita ut hoc loco *requiescendi* verbum actiue sumatur, acceptione non ignorâ Latinis autoribus; cum non modò Plautus, verum etiam Virgilius sic illud usurpet, eo in versu: *Et mutata suos requierunt flumina cursus*.

Ex hoc enim, ut indicant sequentia, Sapiencia in populo Israël, velut in propriâ hereditate ac possessione inhabitauit & radicata est: nimirum ipsa Sapiencia, populum sibi commissum, fidem sinceram ac Dei legem edoceret, & in Numinis cultu legitimo, ac verâ castâque religione exerceret.

Quapropter subditur: *Et in habitatione sanctâ coram ipso ministravi*: siue, ut Græca habent expressius, *ἐν οἴκῳ θεῶν*, hoc est, *in tabernaculo sancto*, *ἐν τοῦτοῦτο*, hoc est, *solenne & sacrum ministerium obini*; subaudi, *per ministros meos*: cum omne quod istic petageretur factorum munerum, ad Sapienciam velut loci præsidem, cæremoniarumque antistitem, referretur.

Quasi dicat, interprete nostro Cornelio, eaque in parte nobiscum faciente: *In tabernaculo & templo Iudaico; in quo habitavi, sacra ministeria, per meos ministros, Leuitas & Sacerdotes, obini, Deoq. sacrificia obtuli*.

Ex quibus equidem sat iam elucescit, quod intendimus: Templum videlicet, aut sacrum Dei tabernaculum, velut ædem propriam ac peculiarem, Dei Sapiencie attributam atque dictam; quam illa ut suam perpetuò inhabitaret, in qua præsidet diuinis religionibus, cuius illa denique *Dominadia* esset. Istac enim voce, à sese (opinor) confictâ, sed ipsi rei explicandæ peridoneâ, non semel vtitur S. Paulinus; dum S. Felicem, eius Basilicæ in qua corpore requiescit, & ad quam Paulinus

PARS PRIMA. CAP. XII. 57

linus habitabat, præsidem, *Dominadium* suum, hoc est, ædis *Ep. 9. & 12.
ad Sener.
et c.*
Dominum, appellat.

Sed istud quod agimus, etiam, ni fallor, manifestius euadit ex sequentibus. Subdit enim: *Et sic in Sion firmata sum, & in ciuitate sanctificatâ similiter requieui, & in Ierusalem potestas mea.* Quasi dicat, ex sensu communi Interpretum: Ego Sapientia principio quidem in populo Dei habitauì per meum tabernaculum, in quo adhuc mobili & vago per annos multos peregrinata sum, atque varias Iudææ vrbes deinde peruagata; ac tandem simul cum arcâ Dei, Danidis operâ, in Sion primùm firmata sum; tum verò in ciuitate sancta, hoc est in Ierusalem, in templo mihi à Salomone extructo, requieui, & sedem fixam atque mansuram accepi, ibique meam vim ac potestatem exercui.

Ex quibus profectò perspiciet, qui profundius paulò rem attenderit; non quomodocunque in Dei populo gubernando (quam Dei partem seu hæreditatem, ac sanctorum plenitudinem deinceps appellat) detentam esse, aut inhabitasse diuinam Sapientiam, sed potissimùm ratione templi, quod ipsi denique velut fixa sedes Ierosolymis extructum est: & consequenter hoc idem templum (quemadmodum antea sacrum tabernaculum) peculiari nomine *Ædem* fuisse diuinæ Sapientiz. Quod quid aliud est, quàm quod suadere contendimus: ipsum nimirum templum Salomonicum supremæ Dei Sapientiz priuatim ac propriè sacrum dicatumque fuisse?

Atque in hunc modum veteris instrumenti paginam, cogitationi nostræ propensè fauentem, neque vno loco nobis altipulantem, habemus.

CAP V T XIII.

Ex eo quòd, ex mente Patrum, is qui Moyse apparebat in deserto, fuerit Dei filius, nonnulla tibi nòstra confirmatio.

CÆterùm priusquam à testamento veteri ad nouum transeo; libet antedictis confirmandis coniecturam addere, ex Scripturâ quidem diuinâ petitam, sed adiunctâ Patrum auctoritate roborandam.

Incredibili quippe consensu Patres, præsertim vetustissimi
quique,

quique, cum tradunt qui in lege veteri, tum Patriarchis atque Prophetis, tum Moſi nominatim apparuit, fuiſſe Dei Verbum & Filium (ſeu Angelum , Filium Dei repræſentantem) qui ſumptâ illâ corporeâ ſpecie, & formâ hominis aſpectabili, ſuo quodammodo in carnem aduentui proluderet, & tor figurarum & ænigmatum inuolucris adumbrata promeret myſteria, quæ deinde inter nos conuerſans in apertum proderet, atque in ſemetipſo completa, omnium oculis exhiberet. Fuiſſe igitur Dei Filium, Verbum inquam Patris & Sapienſiam primogenitam, qui in rubo Moſi apparuerit, qui populum Iſtaël in columnâ nubis igniſque, per deſerta deduxerit, qui legem ſcripſerit, qui ſibi tabernaculum erigi, vngi ſacerdotes, victimas immolari præceperit. Quò mirum iam videri non debeat, nec abhorrens à vero, ſed potiùs Patribus diuinæque Scripturæ conſentaneum: tabernaculum ipſum, ac deinde templum, ſupremæ Dei Sapienſiæ proprio nomine ac titulo fuiſſe conſecratum.

Proferamus loca Patrum nonnulla, eorum maxime, qui magis ad rem noſtram faciunt; alijs prætermiſſis, qui magno numero poſſent adferri.

S. Hilarius libro 12. de Trinitate, diſertè aſſerit; *Chriſtum, ſeu Dei Sapienſiam, ad fuiſſe Iacobo uſque ad luſcra complexum in habitu humano; Moſi in igne oſtenſum eſſe; & Prophetis demum reliquis ſeſe in habitu varia creationis ingeſſiſſe.* Quod ille adeò pro certo & conſtanti habuit; vt, cùm hos referret exponeretque, ab Semiarianis conſectos Sirmienſis Synodi canones: *Siquis Filium non dicat Abrahæ viſum, ſed Deum in-nſcibilem vel patrem eius, anathema ſit. Siquis cum Iacob non Filium quaſi hominem colluctatum &c.* nihil in his ipſe reprehendendum putauerit.

S. Ambroſius libro 1. de fide capite 5. extremo; de filij diuinitate aduerſus Arianos diſputans: *Hic eſt,* inquit, *Deus Abraham, Deus Iſaac, Deus Iacob; qui apparuit in rubo Moſi, de quo Moſes ait: Qui eſt, miſit me: Non Pater in rubo, non Pater in eremo, ſed filius Moſi locutus eſt.* Quibus confirmandis adducit in ſequentibus, tum illa Ioannis: *Abraham diem meum vidit, & gauſus eſt;* tum verba Baruch, quæ nos poſt paulò citabimus. Poſſentque proferri alia quædam; vt, quod Iudas ait in Epiſtolâ, *Ieſum populum de terrâ Egypti ſaluafſe;* quod Ioannes, c. 12. v. 41. *Iſaiam viſiſſe gloriam eius; &c.* ſimilia.

Porro

De Synod.
adu. Arrianos.

c. 8. v. 56.

verſ. 5.

c. 12. v. 41.

Porro Aurelius Prudentius in Apotheosi, cum illud vni-
uersè dixisset :

*Quisque hominum vidisse Deum memoratur, ab ipso
Infusum vidit Gnatum. Nam filius hoc est
Quod de Patre micans se præstitit inspicendum
Per species quas posset homo comprehendere visu.
Nam mera maiestas est infinita, nec intrat
Obtus, aliquo nisi se moderamine firmet.
Tum id speciatim de Mose asserit, ita canens.
Inde figura hominis, nondum sub carne, Moyse
Obiecta effigiem nostri signauerat oris:
Quod quandoque Deus Verbi virtute coactum
Sumpturus corpus, faciem referebat eandem.*

At ante hos omnes, & disertissimè Tertullianus, tum alijs lo-
cis plurculis, tum aduersus Praxean capite 16. vbi de Filio, seu
Sermone & Verbo Dei disserens : *Ipse enim (inquit) & ad
humana semper colloquia descendit ab Adam usque ad Prophetas,
in visione, in somno, in speculo, in enigmate, ordinem suum præ-
struens ab initio semper. Quæ persecuturus infinita, semper edisce-
bat; & Deus in terris cum hominibus conuersari alius non potuit,
quàm Sermo, qui caro erat.* Et aduersus Iudeos capite 9. Nam
qui ad Moysen loquebatur, ipse erat Dei Filius, qui & semper vi-
debatur. Deum enim Patrem nemo vidit unquam & vixit Ista
Tertullianus.

Qui quidem in primis, quod Dei Filium in illis visis atque
enigmatibus se exhibendo, ait edidicisse, quæ postea in carne
erat persecuturus; quod rursum his verbis alibi exprimit : *edif-
cens iam inde à primordio, iam inde hominem, quod erat futu-
rus in fine : anthropopathos (quod aiunt) loqui censendus
est; & invidia verbi sic mollienda, vt solum vellet; Quod cum
(vt ait Apostolus) omnia Hebræorum populo in figurâ con-
tingerent; aut, vt idem alibi loquitur, prælegis status,
non nisi umbra futurorum, siue per Christum exhibendo-
rum, esset; omnia quæ Christus, Prophetis apparens aut Pa-
triarchis in lege veteri de semetipso proposuit, quædam ve-
luti prolationes, & tanquam medicamenta, seu rudimenta,
rerum in lege noua exhibendarum fuerint; ac proinde quod,
quemadmodum homines, cum ad opus aliquod magni ac*

*Lib. 2. ad
Marcia. c.
27.*

*1. Cor. 10.
7. 11.*

*Colos. 2. 7.
17.
Hebr. 10.
7. 11.*

difficile sese comparant, ediscunt prius quod facturi sunt, & ludicro quasi experimento sese exercent ad seria, ac meditatione multiplici operi futuro proludunt: ita Dei Filius ante suum in carnem aduentum, multis ac varijs meditationibus, figuris, vmbreis, operi suo prolulerit: non quasi seipsum illis exercens, aut erudiens (qui est ipsa Patris ars ac Sapiencia) sed tum vt operis quod meditabatur magnitudinem ostenderet; tum vt viam ad illud, per ea quasi rudimenta præstrueret, atque ita demum nos ad ea quæ facturus esset capienda, non se ad illa nobis exhibenda, congruenter aptaret.

Et simili quadam loquendi figurâ vsus est Plinius libro 21. capite 5. vbi herbæ conuoluoli florem, per fruteta nascentem, & lilij candorem formamque nonnihil referentem, ait esse veluti rudimentum naturæ, lilia facere condiscens: nimirum quasi ipsa natura, ab opere rudi ad perfectum progrediens, primo illo conatu ad maioris operis perfectionem se exerceret, artemque suam, sensim ipso vsu & quadam inductâ facilitate, erudiret. Quemadmodum rursus is ipse Afer, primum virtutis Christi, in aquæ in vinum conuersione, miraculum, prima rudimenta potestatis eius appellauit.

De baptismo
c. 9.

Quod omne proinde rectè expressit antea à nobis laudatus Christianus Poëta, his versibus; istam scilicet eiusce rei rationem reddens:

*Vt socianda caro, Dominoq; implenda perenni,
Degenerem vitam, quam tunc animalis agebat,
Exemplo mutaret Heri; similesq; per artus
Cernere consortem terreni assuesceret oris,
Participemq; suum, visu velut obside nosse,
Et consanguineo paulatim accedere Christo.*

Cui affine quiddam infra indicabimus ex Saluiano.

Maior fortassis est difficultas, in ratione quam tum Tertullianus tum alij adferunt; dicentes, Filium, & non Patrem, videri potuisse, quod Pater non sit aspectabilis, dicente Scripturâ; Deum esse inuisibilem &c. Quam difficultatem etiam attingit S. Augustinus libro 2. de Trinitate capite 17. Quippe si de claro diuinitatis intuitu sermo sit; tam Filius quam Pater secundum eam est inaspectabilis, tamque fieri non potest, vt seu ille, seu hic, ab homine mortali videatur.

201

Si

PARS PRIMA. CAP. XIII. 61

Si autem agatur de visu aliquo ænigmatico, puta in assumpto idolo aliquo corporeo, verbi causâ, figurâ humani corporis, in qua videtur Dei filius Moysi alijsque Prophetis communiter apparuisse: sic non minùs Pater quàm filius apparere poterat. Neque enim quisquam eò, opinor, absurditatis deveniet, vt dicar, quod significat Tertullianus, atque inter eius paradoxa refertur à Pamelio: Dei filium Moysi v. g. non sub carnis duntaxat imagine, sed in eâ ipsâ carne visum esse, quam postea tracturus erat è Virgine, nunc autem nescio vnde formatâ atque assumptâ.

Parad. 19.

Lik. 3. adn.

Marcus. c. 9.

Quod si hic vnus Tertulliani causâ vertitur; dicere possis cum Petauio, istam ei mentem ex eo iniectam, quòd minùs rectè de Verbi substantiâ, eiusque cum Patre æqualitate senserit. Verùm quid facias alijs Patribus, penes quos nulla est fuliginis Arianæ suspicio?

Theol. tom.

2. l. 1. c. 9.

Ergo vt istius difficultatis explicatione viam ad hoc ipsum quod efficere cupio, præstruam: dicendum in primis censeo; Patres illos, dum dicunt: Patrem videri non potuisse, sed solum Filium, non de absolutâ (vt loquimur) impossibilitate intelligendos, sed de eo tantùm quod rebus ipsis consentaneè fieret: quemadmodum etiam explicari solent, qui dicunt; Filium v. g. & non Patrem, pro salute nostrâ carnem sumere oportuisse.

Eius autem maioris congruentiæ, vt appareret ipse Filius, duplicem ab ijs insinuari rationem. Et priorem quidem ex eo petitam: quòd, cum exhibitiones eiusmodi, in assumptâ carnis atque naturæ humanæ specie, communiter exercebantur, magis videbatur è rerum esse conuenientiâ, vt de tribus SSS. Triados personis, sese eâ formâ spectandum præberet is, qui aliquando formam setui accepturus, & habitu esset inueniendus vt homo: quò nimirum etiam hac ratioe, humanis se sensim familiarem redderet obtutibus, neque vt peregrinus, ac videri insuetus, in gentem humanam, & yfus se nostros atque congressus infetret.

Vnde etiam illa sunt S. Hippolyti Martyris: *Hic dedit legem & Prophetas. In his igitur Verbum versabatur, loquens de seipso. Iam enim ipse suus praco erat, ostendebatque futurum esse, ut Verbum in hominibus appareret.*

De Deo tom.

Deo.

Atque illud decebat etiam; vt is legem scriberet, ferretque, qui olim eius instaurandæ & adimplendæ gratiâ, Doctor Vni-

c. 3. v. 16. uerſi ſubmittendus erat in terras. Quod Baruch Propheta etiam inſinuare viſus eſt; cùm de legis autore & fonte primæuo omnis Sapientiæ loquens: *Hic eſt (inquit) Deus noſter, & non aſſimabitur alius aduerſus eum. Hic adinuenit omnem viam diſciplinæ, & tradidit illam Iacob puero ſuo, & Iſraël dilecto ſuo. Poſt hæc in terris viſus eſt, & cum hominibus conuerſatus eſt. Quæſi idem Dei vnigenitus, qui homo factus poſtea in terris viſus eſt, idem per ſeipſum Iſraëlis genti legem tulerit, atque omnem viam diſciplinæ tradiderit.*

Posterior à Patribus assignata congruentiæ ratio, ad Filium Dei pertinet, etiam ut Deus est, siue conſideratum ſecundùm propriam ſuæ hypoſtaſeos rationem. Cùm enim Filius ex notionis ſuæ proprietate, ſit Verbum Patris, ratio, manifeſtatio, imago Patris, immò & facies, ut eſt apud Clementem Alexandrinum, Ambroſium &c. qui poterat Pater aut mortalibus loqui, niſi per Verbum ſuum, aut apparere, niſi per faciem ſuam, aut manifeſtare ſe, niſi per figuram ſubſtantię ſuæ, ſeu imaginem ſui homouſiam & conſubſtantialem?

Quomodo etiam S. Ireneus, hanc rationem adfert incarnati Filij: *Neque enim alius (inquit) enarrare potuit, quæ ſunt Patris, niſi ipſius Verbum.* Quanquam hæc, ut dixi, congruentiæ tantùm rationem aliquam continent, non abſolutę neceſſitatis.

Sed quæcunque Patres ratio mouerit; præſenti inſtituto ſatis eſt, ex eorum mente, Angelum Moyſi ſe exhibentem, perſonam Filij ſpeciali reſpectu repræſentaſſe. Nam ſi is qui Moyſi in rubo ardenti, aut in Sinæ vertice apparuit, figurâ erat ac repræſentatione Dei Filius: ergo filius fuit, qui dixit, ipſa inquam primogenita Dei Sapientia: *Facientq; mihi ſanctuarium, & habitabo in medio eorum.* Filius, qui dixit: *Inde præcipiam & loquar ad te ſupra propitiatorium, ac de medio duorum Cherubim, qui erunt ſuper arcam testimoniij.* Ut vel hinc quoque procliuior fiat noſtra ſuſpicio: Dei ſanctuarium, non ſine proprio quodam reſpectu ad ipſam, ſiue perſonalem, ſiue eſſentialem (ut loquuntur) Dei Sapientiam, erectum atque conſtitutum, eiùſque cultui peculiari nomine ſacratum, fuiſſe.

Videri poſſunt huc facere, quæ tradit Philo libro de Perſugis, hiſ verbis: *Verbum diuinum iſtis omnibus ſuperius (nimirum arcæ, propitiatorio, Cherubim) non cadit ſub aſpectum; ut quod nulli*

L. 1. Pedag.

c. 7.

L. 5. Strom.

c. 3.

Serm. 17. in

2f. 118.

L. 5. c. 1.

Exod. 25. v.

8. & 22.

PARS PRIMA. CAP. XIV. 63

nulli rei sensibili est simile, sed ipsum existens imago Dei, antiquissimum omnium intelligibilem, & summo proximum; quandoquidem nihil medium est, inter ipsum & Ens illud verissimum. Scriptum est enim: Loquar ad te supra propitiatorium de medio duorum Cherubim, ut verbum virtutibus (puta Cherubinis) pro auriga sit; is vero qui loquitur pro vettore, ad cuius celestium, universum hoc auriga regit & temperat. Hæc Philo.

De mundi
op.

Quæ forsitan liceret in sensum Catholicum de verbo Patri homouso interpretari; nisi alibi nimis Platonissans, tum illud manifestè faceret mediæ cuiusdam inter Deum & res cæteras substantiæ (quod item hoc loco non prorsus obscurè insinuat) tum non nisi à Patre productum, cum mundum hunc visibilem conderet, præformato tunc verbo archetypo, ut rerum faciendarum intelligibili, exemplari. In quo etiam, Platonem, an Philonem? nimium secutus est Tertullianus, & postea Ariani, de quibus proinde S. Ambrosius: *Nonne ex Philosophia omnem impietatis suæ traxerunt colorem?* Atque de Platone aliâ in causâ ipse Tertullianus: *Doleo bonâ fide, inquit, Platonem omnium hereticorum condimentarium factum.*

L. 1. de fide
c. 5.
De anim. c.
23.

C A P V T XIV.

Idem confirmatur, ex eo quod templum Salomonicum fuerit figura corporis Christi.

AGe videamus modò, si lubet, num fortè eadem in causâ, præsidij quicquam accersere ex nouo instrumento valeamus.

In quo illud præsertim occurrit, quod significatur Ioannis 2. capite; templum Ierosolymitanum, quod primum extructum à Salomone, deinde iisdem vestigijs à Zorobabele & socijs restitutum, ac denique ab Herode Aſcalonita amplificatum atque exornatum est, figuram fuisse templi corporis Christi, siue sacræ eius humanitatis, quæ modo proprio ac speciali sanctuarium erat Sapientiæ Dei, in ea corporaliter ac personaliter inhabitantis. Ut propterea plerique Patrum, verba illa Prouerb. 9. *Sapientia edificauit sibi domum*; allegoricè de Christo (seu Verbo, quod est Sapientia Dei) intelligant, sibi carnem suam, in qua velut in templo habitaturus esset, ædi-

Côl. 2. 7. 9.

ficante : de quo nos pluribus Parte postrema huius Dissertationis.

Videri potest interim Rupertus Abbas, libro 6. de Trinitate capite 20. ubi hunc locum Prouerbiorum, cum ijs quæ Ioannis 1. de Verbo incarnato dicuntur, aptè conferens, ita ait inter cætera: *Hic taliter dictum est, Sapientia edificauit sibi domum: illic dictum est, Verbum caro factum est; & ipsam carnem Verbum incarnatum, suum nominat templum.*

Verum ad alterum illum Ioannis locum quod attinet: Iudæis à Christo, nundinatores è templo eijciente, eius potestatis quam vsurparet, signum aliquod querentibus, ipse Christus edixit: *Soluite templum hoc, & in tribus diebus excitabo illud: quod illi de templo manufacto & inanimi vocis homonymiâ delusi, acceperere: cum (vt obseruat S. Hieronymus) de templo animali & spirante loqueretur. Ille autem dicebat de templo corporis sui.* Luit autem Christus idcirco vocis ambiguo, quod tum illa ædes manufacta, tum corpus eius, vnum idemque templum esset quodammodo, illud figurâ, hoc veritate. Vnde illa sunt S. Prosperi: *Cum videret templum à Salomone constructum, dicebat: Soluite templum hoc, & in triduo suscitabo illud. Dicebat autem de templo corporis sui. Vt ergo hoc templum præfiguraretur &c.*

Cumque ex Scripturâ diuinâ Sanctisq; Patribus comperitum sit; quæcunque circa Dei populum in lege veteri, velut per vmbra atque figuram, fuere disposita, ea ad legem nouam, eiusq; autorem atque latorem Christum, tanquam ad scopum ac finem pertinuisse; tum nominatim templum ipsum Salomonicum, Christo prænuntiando ac figurando deputatum fuisse, suprâ est à nobis cum S. Augustino obseruatum.

Cuius idem templi cum templo Dominici corporis, eò expreffiore analogiam & convenientiam licebit agnoscere, si cum Villalpando, Aria Montano, alijsq; pluribus obseruemus: templum Salomonis ad exactam humani corporis proportionem, extructum fuisse: quod qua ratione intelligendum sit, videri potest apud Villalpandum tomo 2. Templi.

Igitur mutuo quasi respectu, & templum Salomonis propria fuit figura corporis Christi; & corpus suum Dei Sapientia, non sine aliquâ ad idem templum, tum sibi præsens, *templum hoc* visa est appellare. Atque adeò ad eum responsum exactè

exactè ac plenè constituendum , congruenter apteque dicemus : quemadmodum ipsum corpus Christi , seu sanctissima eius humanitas , proprià ratione templum fuit Sapientie Dei , illud corporaliter (vt Paulus loquitur) & in veritate inhabitantis : ita Salomonicum templum , ædem fuisse propriam eiusdem Sapientie , illam in figura inhabitantis , ratione arcæ , inibi que per oracula , aliæque diuina prodigia , præsentiam suam prodentis ac manifestantis.

Accedit , quod templum Salomonicum , ex Scripturæ sensu , non modò corporis Christi figura fuerit , sed etiam cæli , seu regni cælestis. Sic enim Apostolus ad Hebræos 9. v. 24. Sancta Sanctorum manufacta , appellat *exemplaria* , seu antitypa , *verorum* , id est , cælestium , siue ipsius templi cælestis , vt patet ex verbis sequentibus. Quò illa spectant S. Hieronymi , Ezechielis 42. capite. *Vnde & Moses (inquit) in tabernaculo , & Salomon in templo , non veritatem tentoriij & templi , sed similitudinem figuramq. fecerunt ; vt per hæc quæ minora sunt & terrena , ea quæ in cælestibus , & in spiritali edificio sunt , intelligere possimus.* Atqui regnum templumcæ cæleste , esse propriè regionem ac templum sapientiæ , inferiùs demonstrabitur. Vti & hunc quoque mundum corporeum & aspectabilem ; cuius etiam figuram fuisse , templum aut sacrum tabernaculum , plures obseruant , cum Philone & Iosepho Hebræis. Quò item trahunt aliqui , quod à Salomone dictum legimus , Sapientie 9. v. 8. *Dixisti me edificare templum in monte sancto tuo similitudinem tabernaculi sancti tui , quod preparasti ab initio : & tecum sapientia tua , quæ nouit opera tua ; quæ & affuit tunc cum orbem terrarum faceres.* Qua de re , si cui libuerit , videri potest Francisci Veneti Harmonia mundi , Cantico I. Tono 4. cap. 32.

Ita , quocumque te vertas , apprime conspirant omnia , & ædem illam Salomonicam , multiplici titulo , Sapientie diuinæ veluti propriam addicunt.

Verùm ad extremum delectat adiungere : ipsum Christi corpus , sedem vtique propriam primogenitæ Dei Sapientie , non templo duntaxat à S. Ioanne , sed etiam tabernaculo comparari.

Quippe vbi legimus apud Ioannem : *Verbum caro factum est , & habitauit in nobis* , Græca pro *habitauit in nobis* , habent *trouenit in nobis* ; quod rectè verteris , *tabernaculum fixit in nobis*.

In ps. 90. nobis. Vnde Augustinus: *Tabernaculum Dei caro est. In carne inhabitauit Verbum, & caro factum est tabernaculum Deo.*

Siue eâ loquendi formâ innuerit sacer Euangelista; Christum inter nos conuersantem, vñum esse carne mortali, tanquam temporali & transitorio tabernaculo; secundum illud *c. 14. v. 3.* *Jeremias: Expectatio Israël, Saluator eius in tempore tribulationis: quare quasi colonus futurus es in terra, & quasi viator delinans ad manendum?* Siue potius eò respexerit, quod humanitas Christi fuerit tabernaculum quoddam Moisaico simile, ab ipsâ Dei sapientiâ inhabitante consecratum. Qua ratione S. Cyrillus Alexandrinus in eum locum dicit: *Verbum habitasse in carne, vt proprio vtentem corpore, templo illo nimirum, quod est ex sanctâ Virgine. In ipso enim inhabitauit omnis plenitudo diuinitatis corporaliter, vt Paulus ait. Et S. Basilii illa verba Psal. 45 Sanctificauit tabernaculum suum Altissimus;* intelligit de Verbo diuino carnem suam sanctificante, seu consecrante.

Verf. 5.

C A P V T X V.

Breuis antedictorum, & scopo nostro non inopportuna, collectio.

Hic verò iam nobis otiosius liceat, nec sine dulci animi sensu, demirari vtriusque diuini testamenti consonantiam; & figuram rei, vñbram corpori, ænigma veritati bellicosissime respondere.

Atque hic, si vsquam, locum habere egregiam quandam *ps. 119. v. 4.* S. Paulini sententiam; illa Psalmistæ verba: *Nec memor ero nominum eorum per labia mea;* sic explicantis: *Per labia mea. Id est, per immortalium duo testamenta: verborum: quæ vñbris diuini labia bene dicuntur, quia & coherant sibi; & vñno Dei verbo aperuntur, & per ipsa nos Deus osculatur. Atque, vt Augustinus scribens in Psalmum 49. Concinunt noua: vñseribus, vetera nouis. Dicunt ad inuicem Seraphim duo: Sanctus; Sanctus, Sanctus. Hæc consonant duo testamenta, & vñnam vocem habent duo testamenta. Sic Augustinus.*

Ep. 23. ad Aleth.

Atque hic locus est suavis omnino ac floridus, & vbi, nismo ipse cobibeam, æquo liberior excurrat atque exultet oratio.

Quæ.

Quærebatur nimirum iam olim requiem amatricum hominum Sapiencia; & post multiplices atque varios, in orbe condendo, constituendo, administrando, quasi labores dicam, an infusus post cælestis gyri velut operosos circuitus, post obita maria, calcatos fluctus, penetratas abyssos, lustratas terras, explorata populorum ingenia, rebelles domitos, & submissos in dedicationem acceptos; respectabat denique siquæ sibi liceret delicatius acquiescere, & cum peculiari sibi populo blandius familiariori, & conuersari. Sed nusquam inueniebatur locus eius.

Non est audita in terra Chanaan, neque visa est in Theman; Chaldei, Phœnices, Ægyptij, & tot alij fabulatores, & nomine tenus exquisitores prudentiæ & intelligentiæ, viam sapientiæ nescierunt, neque cognouerunt semitas eius. In omnibus requiem quæsiuit, sed in hæreditate Domini morata est.

Educitur ex Ægypto Deo chara gens, segregatur à profanis gentibus, fir populus proprius ac peculiaris. Hunc iam manifestius apparere capir Sapiencia, familiarius cum hominibus agere, & cum filiis hominum quodammodo delinari. Darur in Sina lex de cælo, conscripta digito Sapienciæ; construitur arca, erigitur sacrum tabernaculum, in quo arca & lex requiesceret, & ipsa per sese Sapiencia, super expansas stiparorum suorum, hoc est Cherubinatorum, alas insidens, oracula funderet; populoque suo erudiendo ad iustitiam, arcana sua atque occulta manifestaret.

Attamen post deserti moras, & longæ peregrinationistædia, sedesque Arabum in morem identidem conmutatas, receptum aliquem habuit arca in Silunte; ibique morata, non item firmata est Sapiencia. *Repulsa enim tabernaculum Silo; elegit tribum Iuda, montem Sion quem dilexit:* Extructum proinde in ciuitate sancta templum illud augustum ac celebre, in sedem (vri apparebat) perpetuam atque immobilem, vbi consecuturis deinceps ætatibus, Deo sedenti super Cherubim, ipsi inquam æternæ Sapienciæ, innumeris victimis ab omni Israël litaretur.

Verùm, quando (Apostolo teste) *nihil ad perfectum adduxit* lex; petra est & horum Sapiencia; & post crebras diuini Sanctuarij ruinas atque instaurationes, post subductam occultatamque arcam Dei, ædemque nudatam suâ gloriâ; reprobatum est denique cum gente suâ templum, reiecta sacrificia,

H abdicatæ

Gal. 4. v. 9. *Abdicatæ legis cæremoniz, infirma; inquam; atque egena elementa.*

Tabernaculum aliud non manufactum; non Oliabi opus aut Beseleelis, sed quod ipse sibi pararet Deus, artifice Spiritu; corpus inquam Sapientiæ aptatum est: ut in istis naturæ nostræ membris, haberet instar tabernaculi, aut templi potius, proprii, stabilis, ætænumque mansuri. Eni enim Verbi nobiscum conuersantis humanitas aliquando dissoluta fuerit; & (vt de vita sua rex Ezechias) *conuoluta quasi tabernaculum Pastorum*: atamen neque tunc aut anima aut corpus vnquam fuit dimissum à Verbo; & eadem ipsa; postquam diuinâ vi rursus inuicem fuere copulata; exinde templum exitere diuinæ Sapientiæ, fixum, perenne, gloriosum, immortale.

Quam animi mei reflexionem meditationemue, futuram (vti opinabar) ipso sensu suo, Christianæ menti non insuauem, iouerit obiter atque perpaucis proposuisse.

C A P V T XVI.

Quædam de mente Patrum, rei amplius illustrande, prolata.

TAmetsi in scriptis Sanctorum Patrum, nihil admodum fortasse reperire sit, quo cogitationem in qua versamur astruere, aut firmè constabilire liceat; alioqui enim, non eam duntaxat vt suspicionem, coniecturamue haud vsquequaque improbabilem, sed vt opinionem sententiamque nostram proponeremus: tamen ex varijs eorum dictis possumus nonnulla deducere, quæ coniecturam à nobis factam nonnihil adiungere, aut illustrare videantur: quorum hic aliqua indicabimus.

Primum, suspicioni nostræ non parum fauent Patres illi, & numero plurimi, & vetustate venerabiles, & autoritate præcipui, qui (vti iam superius vidimus) vno velut ore pronuntiant, in testamento veteri, Filium Dei, seu Verbum diuinum, ipsamque adeò primogenitam Dei Sapientiam tum Prophetis alijs, tum ipsi Moyse in rubo, in Sina, in tabernaculo, in oraculo apparuisse, eundemque de arca extruenda, adornando tabernaculo, apparatu sacrorum, cultuque omni sibi adhibendo, præcepisse. Atque illi præsertim, qui non quomodocumque visum esse censent Dei Filium; verum vt Doctorem gentis

tis Hebrææ, atque adco, vt sibi proprio Sapientiæ munere fungentem, se se ei populo exhibuisse. Quam in rem iuuabit hic apponere præclara quædam Saluiani verba, & vel elegantiz suæ gratiâ, referri atque audiri digna.

Sic autem loquitur libro 1. de Prouidentia. *Adde huic erudiendæ gentis officio descendentem ad terras Deum, accommodantem se terrenis visibus (vel, vt quidam legunt, vifibus) Dei Filium, innumera multitudinis plebem in consortium diuinæ familiaritatis admissam, sacre amicitia honore pollentem. Adde huc tonitrua, adde fulgura, terribiles buccinarum celestium sonos, tremmentem undique totius aeris fragorem, polos sacris clangoribus mugientes, ignes, caligines, nebulas Deo plenas, loquentem cum Moise Dominum, legem diuino ore resonantem, incisas Dei digito litteras, rupices paginas, saxeum volumen, dicentem populum & docentem Deum; ac mixtis pane hominibus atque Angelis, unam calî terræq; scholam. Hæc Saluianus: qui, quæ reliquâ oratione videtur Deo indiscretè aut indistinctè assignare, manifestè tamen attribuit Filio; humanis visibus (vt principio dixit) se accommodanti, & amicâ quadam familiaritate, cum peculiari sibi populo, Doctoris partes, & Sapientiæ munus exercenti.*

Quod verò scriptor eruditus, tabulas legis lapideas, non modò *saxeum volumen*, sed etiam *rupices paginas* appellat, videlicet tanquam è rupe saxosè excisas: nequem fortè moretur insolentia vocabuli, aut eius asperitatem delicato fastidio respuat; obiter hic obseruare licet, vocem eandem, similem in sensum, à probis usurpatam auctoribus; vt ab Agellio in Notis Atticis ita scribente. *Sed enim maiores nostri non usque* L. 13. c. 9.
eo rupices agrestesq; fuerunt. Quem itidem imitatus videtur *Adn. gent.*
Tertullianus; tum in Apologetico capite 20. dum *rupices* dixit, & adhuc *feros homines*; tum libro de Pallio capite 4. dum Chironem designans, Larissæi herois educatorem, hunc (Achillem scilicet) dixit *apud rupicem & siluicolam & monstrorum eruditorem, scrupèâ scholâ eruditum*; & aliàs non semel. Hæc de Saluiano.

Fauet deinde nobis (vt mihi videtur) Prudentius, in Psychomachiâ suâ extremâ, his versibus:

Sanguine nam ieriso, templum fundatur & ara,
Ponitur auratis Christi domus ardua tectis.

*Tunc & Ierusalem templo illustrata, quietum
Suscepit tum diua Deum, circumuaga postquam
Sedit marmoreis fundata altaribus arca.*

Agit enim Prudentius de templo constructo à Salomone, rege pacifico, & belli ac sanguinis experte: quod ipse Christi domum appellet, quasi Christo specialiter sacram; & in quo iam Christus, seu populi ductrix Dei Sapientia, tanquam in sede stabili, vnà cum arca requiesceret; cum prius assidue peregrinaretur, & loca mutaret, ambulans (vt ipse Deus ad Dauidem loquitur) in tabernaculo, seu tentorio mobili: quod propterea Philo Iudæus, libro 3. de Vita Moïsis, itemque Iosephus, *templum portatile*, seu, *ambulatorium* appellauere.

2. Reg. 7.
7. 6.

1. Iob. 3. aniq.
c. 5.

Porro illa Poëtæ eiusdem de Ierosolymâ: *quietum suscepit tum Diua Deum*; manifestè conueniunt cum eo, quod de se ipsa proficitur Sapientia, dum ait apud Ecclesiasticum, se in ciuitate sanctificatâ denique requieuisse, quæ hoc ipso sancta, aut diua (vt ait Prudentius) effecta sit, quod diuino consilio electa esset in sedem arcæ & Sapientiæ Dei perennem.

Addere his libet recentioris auctoris, Antonij Millizi nostri, hoc in argumento consonantem Prudentio Poësim; cuius me delectat Moïsis Viatoris præsertim liber vndecimus, *Beseleel, seu Sapientia opifex tabernaculi*, inscriptus: in quo ingeniosè, fatagentem inducit Sapientiam, vt tum opera reliqua tabernaculi, tum arca potissimum, fabre sciteque elaboretur, vt quæ Dei sedes sit, & æterni Verbi (hoc est ipsius Sapientiæ) arcuum repositorium, cui vni oruando tuendoque cætera fingantur. Quamobrem sic canit inter alia:

————— *Quamquam ipse recenset:*
Omnia Beseleel; fabricandâ totus in arcâ est;
Totius quæ summa domus, augustaq; sedes
Numinis, Æterniq; intus theca aurea Verbi.

Et mox ad ipsam conuersus arcam:

Quo te sancta canam, quo pandam carmine thesa?
Augustale Dei immensum, textuq; typoq;
Materiaq; & Cherubicis super aurea penne
Oracla, allapsum calo gestantia Numen!

Et infra: *Exstruitur tibi tota domus, tibi lampades ardent,*
Mensa cales libis, & bina altaria fumant:

Teq;

Teg, tegunt triplicis circum, tentoria septi.

Et templum tu sola facis.

Denique Beſeleel ſummam in te collocat artis,

Tbeſauroſq; omnes in te Sapientia confert.

*Æterni ſalve o ſimulacrum in corpore Verbi,
Patre Deo genita, & nata de Virgine prolis.*

Et quæ ſequuntur.

Veruntamen nobis etiam apertius cæteris fauentem habemus Philonem Iudæum, dum quodam loco Sacrarium Dei à Moſe extructum, appellauit *Locum Sapientia*: quorſum autem illud, niſi velut locum, Sapientia factum atque dictum?

Ponderentur hæc ipſius verba in libro de Somnijs; vbi cùm de Beſeleele, ſacri tabernaculi opifice præmiſſet: qui interpretatur (inquit) in *Umbrâ Dei*; tum de eo pergit ita dicere: *Hic enim rerum ſimulacra ſabricat, exemplaria verò Architectus, Moſes nomine. Ideo ille tanquam Umbras delineat: hic verò non Umbras facit, ſed naturas archetypas, ſpeciesq; & picturis ornât ſacraria. Ille autem doctus ornator, pictorq; loci Sapientia, monumentis ſacrarum litterarum inferitur. Quibus quidem euident videretur, quod poſtremis verbis Locum Sapientia dixit, ad id referri quod proximè præceſſit, Dei ſacrarium: cùm aliud non ſit quò referatur, atque vtrobiq; de vnius eiuldemque loci ornatu ac cultu, ſermo ſit manifeſtè.*

Ad extremum fauere videntur è Scriptoris poſterioribus, in primis Cardinalis Cuſanus, dum quodam ſermone ita loquitur: *Templum à Salomone ædificatum, non fuit aliud, quàm locus pro viſione occultorum myſteriorum Dei, ubi Deus Deorum loquebatur, quem Princeps Sacerdotum conſuluit &c.*

*Exit. l. 9.
ſerm.
Obſcuerunt
mura.*

Quid enim eſt, templum, non fuiſſe aliud, niſi locum pro viſione occultorum myſteriorum Dei; niſi fuiſſe locum diuinæ Sapientia dedicatum?

Deinde accuratus ille Salomonici templi interpres, Ioannes Baptiſta Villalpandus, qui non modò illa quæ ſuprà è Prouerbijs Salomonis adduximus: *Sapientia ædificauit ſibi domum;* nobiſcum accipit de ipſo templo Salomonico: ſed inſuper ad illa Eccleſiaſtici: *Qui creauit me, requieuit in tabernaculo meo;* ita ſcribis in rem noſtram: *Reſpexit utique Sapiens hic ad tabernaculum Moſis; in quo diuinam Sapientiam, populi illius ædificauit.*

*Tem. 2. l. 3:
c. 29.*

cem ac moderatricem, habitasse certum est. Quod quid est aliud, nisi tabernaculum Mosaicum, ac proinde templum Salomonis, Ædem fuisse Dei Sapientiæ propriam; hancque istic, ut Dominandiam, totiusque gentis patronam, custodem, propugnatricem, præfedisse?

Cæterum his plura expressioraque forsitan occurrent, Patres legenti, animumque ad ea quæ hoc tractatu disquirimus reflectenti. Quippe facile est (quod aiunt) inuentis addere; & per densa quoque & perplexa silvarum, siquis antegressus, obstantes ramos vel manu duntaxat semoueat, quasi aditu iam facto atque aperto, subingredi.

Veruntamen placet interea hic admoneri lectorem meum; nequis in Clementis Alexandrini locum in sexto Stromatum incidens, ubi ita legimus ex vulgata Herueti atque Heinij interpretatione: *Præterea autem non legerunt, quod dictum est à Salomone. Nam cum tractaret de templi constructione, aperte dicit: Artifex autem construxit Sapiëntia: tua autem, Pater, providentia gubernat: minùs attenti puet, cum vilo modo spectare ad rem præsentem.*

Quippe cum verba illa ex libro Sapiëntiæ, cap. 14. v. 2. desumpta sint, ubi non de templi, sed de navis constructione agitur; atque (vbi observant linguæ periti) vox Græca, *νῆς*, quæ Clemens vitur, tum templum, tum navim significet; satis apparet verba Clementis, non de templi, sed navis constructione, accipienda interpretandaque fuisse. Eò vel maximè, quòd apud Clementem, subiecta de arte navis effectrice assumptio, minùs sit cohærens, nisi eius artis mentio aliqua antecesserit.

~~~~~

## C A P V T XVII.

*Templi S. Sophiæ, quod Iustinianus Imperator Christo posuit, ad priscum illud Salomonicum, responsus & analogia.*

**M**Irum equidem videri potest, atque in tem præsentem nonnihil facere; quòd tum Constantinus Imperator, cum Byzantijs augustissimum templum conderet; tum Iustinianus, cum illud incendio consumptum ad Salomonicum (ut vatijs tradunt) æmulationem magnificentius instauraret, illud S. Sophiæ,



Sophiæ, siue ipsi Christo sub Sapientiæ nomine, dedicauit. Nam aliam hic S. Sophiam à Dei Filio seu Verbo diuino cogitare, nimia historiæ ignoratio est; cum istud quod dixi, tum Scripturæ, omnium unanimi consensu certum sit; tum ex ipsâ constet aræ principis infra subiicienda inscriptione; tum ex eo carmine, quod à se compositum, iussu suo templo canendum, Iustinianum tradidisse ait Cedrenus, hoc principio: *Unigenitus Filius & Verbum Dei &c.* Anno Inl. 32.

Idemque similiter dicendum videtur de duabus alijs factis ædibus, quarum alteram S. Irene, hoc est S. Paci, ædi S. Sophiæ contiguam; alteram S. Virtuti, idem Constantinus extruxit. Nam tria hæc templa ipsi Seruatori (qui Apostolo teste, Pax nostra est, & Dei Virtus, ac Sapiencia) non verò Cælitum alteri cuspium, dedicata fuisse; significare videtur Nicephorus Callistus, ita scribens: *Tria quoque Constantinopoli* Eph. 2. 7. 14.  
1. Cor. 1. 7. 24.  
L. 7. c. 49. *(Constantinus videlicet) maxima templa, Seruatori Christe constructa, dedicauit; S. Sophia, S. Pacis, & S. Virtutis; Græcè τῆς ἁγίας Δικαιοσύνης.* Atque Ecclesiæ, quæ Irene, seu Pax, diceretur, ab eodem Principe Constantinopoli erectæ, meminit etiam Socrates in Historia. Quam & alio nomine Sapienciam, nominatam reperiri, testatur Cardinalis Baronius: eâ causâ fortassis; quod (vt diximus) ista S. Irene ædes, ædi S. Sophiæ esset contigua, atque ad eam teste Nicephoro, vna eademque quodammodo censeretur. Quamquam aliam quoque eadem in urbe eodem nomine extitisse Ecclesiâ, Sanctæ scilicet Irene Martyri à Iustiniano Imperatore dedicatam, ex Procopio habetur. L. 1. c. 12.  
L. 9. c. 9.  
L. 1. de edil. Inl. 32.

Porrò inter hanc, quam dicebamus, S. Sophiæ ædem, & priscum templum Salomonicum, non vna videri conuenientia intercessisse.

In primis enim, quod ad artem attinet, magnificentiam, maiestatem operis: Iustinianæ hoc Salomonico fuisse superari, suadet tum illius descriptio apud Procopium & alios; tum (si vera sunt) immensa eiusdem encornia, præsertim apud Nicephorum; qui, tum libro 17. historiæ, appellat illam *ingentem & incomparabilem*, neque unquam antea visam, *Basilicam, augustum Sapiencie Dei templum maximum*; tum in ipsâ suæ historiæ Dedicatione: *Hoc* (inquit) *cogitationem mentis excollens, & immensum opus; hanc incredibilem formam, sempiterna aula imaginem, commune hominum, dicam etiam Angelorum delectamen-* Ibidem.

tum

De Orig.  
Constant.

tum & spectaculum; hoc divinum divini Verbi, Sapientie inquam, palatium. Exaggeratissime autem, quancquam vno verbo, Codinus Curopalates: Optimus inquit; & humanissimus Deus; Imperatori Iustiniano mentem dedit, ut templum quale ab Adamo non fuit, neque fiet, edificaret.

In Analib.  
bus.

Neque prætermittenda illa Nicetæ Choniatae, sub suum ex vrbe Constantinopoli à Latinis captâ discessum; ad ipsum S. Sophiæ templum conuersi, plena quættus, luctus ac desiderij oratio: Nunquid templum amplissimum & diuinissimum unquam post hac te videbo? calum terrenum, solium gloriæ Dei, Cherubice currus, firmamentum alterum fabricam manuum Dei annuntians, spectaculum & opus singulare, omnis terra decus? In quibus etiam illa obseruari possunt, solium gloriæ Dei, Cherubice currus &c. non sine aliquo ad Salomonicam ædem respectu (quantum apparet) prolata.

L. 5. hist.

Anno Inl.  
32.

Deinde, ut nihil de Sacerdotum dicam Sacrario, quod Sancti Sanctorum æmulum, auro argentoque (quod ait Agathias) constabat, & in mysteria duntaxat sepositum, pretiosissimis rebus; & mirâ varietate ornatum erat: de ipsâ sacrâ mensâ (quo modo tunc altare appellabant) ita legimus apud Cedrenum: Sacram quoque mensam tum fecit, opus imitatione nullâ aquandum. Constabat auro, argento, omnis generis lapidibus, lignis, metallis, omnibusque rebus, quas terra fert, mare, & totus mundus. Ex omni materiâ pretiosiora plura, viliora pauciora collegerat, liquatissq; ijs quæ fluunt, sicca illis immiserat, atque ita formam mense absoluerat. Itaque varium illud opus contuentibus stuporem iniciebat. In orbem (pergit Cedrenus) hanc habuit inscriptionem:

Tua de tuis tibi offerimus serui tui, Christe, Iustinianus & Theodora. Ea tu propitius accipe, Fili Dei, Verbum, quæ nostrâ causâ carnem assumpstisti, & cruci affixus fuisti: & quæ sequuntur. Ut hanc proinde mensam (transactâ, unum & omnia, appellatam) in Urbis Constantinopolis per Latinos factâ expugnatione, directam fuisse, atque à milicibus in frusta discerptam, merito deploret Nicetas Choniates.

547. 8. 7. 24.

In eo autem quod ait Cedrenus; mensam, ex rebus omnibus quas totus mundus fert, compositam; suspicabitur fortè quispiam, Iustinianum, ad id quod de veste summi Sacerdotis scriptum est: In veste enim poderis, quam habebat, totus erat orbis terrarum; aut ea etiam quæ de sanctâ atcâ, mundum

dum seu sensibilem seu intelligibilem representante, dicerentur; imitatione quadam allusisse. Nisi eum malimus attendisse; atque ad vsus meliores ac sacrationes transferte voluisse, quod de Alexandrino Serapidis simulacro, apud Clementem Alexandrinum, aut alium fortè de nostris, externis scriptoribus legerat, quodque hisce verbis tradit Rufinus in historia: *In hac* Ad Genes. L. 11. c. 23,  
(æde), *Serapidis simulacrum ita erat constructum, ut dextrâ unum parietem, alterum laevâ perfringeres: quod monstrum, omnibus generibus metallorum lignorumq., compositum ferebatur.* Tristis scilicet, atque commistis; ut pluribus describit citatus Clemens Alexandrinus.

Postremo, si verum, illud est, quod ait supra laudatus Propertius: Byzantinos hoc templum, *Sophiam* seu *Sapientiam*, appellasse, cognomen hoc Deum præcipue decere existimantes; eò credibilis videbitur, eodem cognomine, simili ex causâ affectum fuisse templum Salomonicum; quod & primum omnium summo & vero Deo extrueretur; & quod vitæ constet, figuram fuisse corporis Christi, qui etiam seipsum Sapientie nomine indigitarit. Quod enim simpliciter sibi tribuit Matthei 23. v. 34. dicens: *Ecce ego mitto ad vos Prophetas & Sapientes* &c. id Lucæ 11. v. 49. attribuit Dei Sapientie: *Propterea & Sapientia Dei dixit: Mittam ad illos Prophetas & Apostolos &c.* haud obscure significans, se, ipsam esse Dei Sapientiam; ut Ambrosius ibidem, alijque etiam obseruauere.

Alluserit autem fortè Saluator, ad id quod Prouerbiorum 9. dicitur Sapientia misisse ancillas suas, scilicet, iuxta Septuaginta, *seruos suos*; velut etiam Rupertus subindicat. Quanquam contra facit, quod eo Prouerbiorum loco nihil indicetur, de cede seruorum Sapientie: nisi fortassis eò statamus, quod (ut apparet) pro illis verbis: *immolauit, seu, masculina, victimas suas*, ibidem legit Tertullianus: *Sophia ingulauit filios suos*, quod ipse de cede Sanctorum Martyrum intelligit; fauente etiam S. Augustino, qui *Victimas suas* & *Sanctos Martyres* interpretatur. L. 7. de glor. Trin. c. 20,

Atque hæc dicta sunt, de Æde illâ S. Sophiæ, quam, propter nonnullam eum rebus nostris affinitatem, non ea sui omnino taciturne prætermittendum. Citra Gress. c. 7.  
Adde, præfuisse loco: etiam Dionemedi ingenii S. Sophiæ fuisse templum, ut tradit Doutrémontus nostris in sua Constantinopoli Belgicâ. Et templi quondam prope Rostock, ubi Lib. 17. de Civ. c. 20,

TVPAO 1 Sophiæ

Sophiæ facti; meminit Cotouicus in sua peregrinatione Ierolymitana: uti & alterius eadem nuncupatione, Nicolæ in Cyprio positi, Franciscus Sacchinus in historia nostræ Societatis. Denum Cardinalis Baronius in Annalibus, alterum eo nomine refert in Russia à Iotadixlao Duce sumptuose ædificatum. Quæ tamen, utrum Dei Filio, velut de nonnullis est prodiue creditu, an alicui Diæ eo nomine, sacra fuerint, minimè prodiderunt.

Cæterum (ut hoc extremum per occasionem adiciam) hæc me commentantem non semel admirati subijt: cum prisci Romani, præ superstitionis abundantia, etiam vitiosis noxiisque animi siue corporis affectibus, Pauro, Pallori, Febri, aliisque huiusmodi olim templa posuerint; apud eos nullam (quod appareat) ædem extitisse Sapientiæ. Quod iam animaduerto certius obseruasse Plutarchum, eo libro quem de Fortuna Romanorum inscripsit; ubi cum admonet, multa apud eos fortunæ delubra, eaque antiquissima fuisse; *Sapientia* (inquit) *in hunc usque diem templum non habent.*

Nisi quis foras huc referat, complura ab ijs Mineræ templa posita (*hanc enim pagani, ut est apud Festum Pompeium, pro Sapienciâ ponebant*) aut etiam ædem illam, quam refert Lilius, fuisse Menti in Capitolio, ex Aitilij Prætoris voto, dedicatam.

Ad Mineræ tanè quod attinet; Athenas olim existimauerunt, arcem fuisse, aut (ut Plato loquitur) *Prytanæum Sapienciæ*, atque, quod ait Iſidorus, *litteras & artes diuersorum studiorum, & ipsam Philosophiam, veluti templum Athenas habuisse*; quod ea vibs Mineræ facta & peculiariter addicta esset, eademque originem suam, aut appellationem cerè deberet.

Cæteroquinæque vſquam legimus, vllum etiam apud Græcos, Sophiæ templum extitisse, sub eo nomine; neque mirum accidit Plutarcho, æde eiusmodi caruisse Romanos. Sed cum eo tractatu illud ingeniose disquireret: amplitudo illa Romani Imperij; effectus virtutis, an fortunæ potius tribuenda; istud argumentum assumptis in fortunæ gratiam; quod ipsi Romani viderentur agnoscere, sese plus fortunæ, quam virtutis suæ deesse vuisse. Quippe, cum apud illos, Virtuti templum non nisi scd possum fuit; Sapienciæ verò, aut Temperantiæ; aut Tollerantiæ, aut Magnanimitatis, aut Constantiæ nullam ædem, seu aram habuerit; atque eodem è contrâ constet, Fortunæ delubra, & multa, & splendida, & tantum non cum primis Urbis fundamentis, posuisse. Sic ferè Plutarchus,

C A P V T XVIII.

*De opinione Ludouici ab Alcaſar; Templum Salomonis Deo Victori propriè fuiſſe ædificatum, exiſtimantis.*

**L**udouicus ab Alcaſar noſter, in Ioannis Apocalypſim ſcribens, in illis verbis capitis 3. v. 12. *Qui vicerit, faciam illum columnam in templo Dei mei*; cum Beda aliſque cenſet, alluſum ad duas illas columnas æreas, Iachin & Boos, quæ erant pro foribus templi, 3. Regum capite 7. v. 15. & quas putat hic autor, fuiſſe inſtar trophæorum, erectorum ad Dei Victoris gloriam; idque etiam fortalle fuiſſe ipſimet columnis inſcriptum.

Quippe cùm exiſtimet (quod ibidem pluribus proſequitur) Salomonis templum propriè fuiſſe ædificatum *Deo Victori*; propter victorias eximias, quas illius ope atque virtute reportauerat Dauid Salomonis pater. Eo ſcilicet modo, quo teſtatur Plinius v. g., celeberrimum templum, Pantheon dictum (poſt Actiacam Auguſti victoriam) *Ioui Victori* ab Agrippa factum.

Id enim conſtare ex multis ſacræ Scripturæ locis; vt 1. Paral. 26. v. 27. vbi legimus, Dauidem & duces exercitus, prætioſa quæque, *de bellis & manubijs præſiorum*, conſecraſſe ad inſtaurationem (ſeu erectionem) & ſupelleſtilem templi Domini. Et 1. Paral. c. 29. v. 11. ſimiliter legimus, principes familiarum, & tribunos atque centuriones, in Dei templum ædificandum obtuliſſe plurima auri & argenti talenta; atque idcirco Dauidem benediſſe Domino, dicentem: *Tua eſt, Domine, magnificentia & potentia & gloria atque victoria, & tibi laus*. Sic ibi. Ergo *manifeſtum eſt* (inquit Alcaſar) *illud templum propriè fuiſſe ædificatum, propter victorias Dauidi conſeſſas*.

Subdit, inde factum, vt eius templi parietes & valvæ, omni ex parte Cherubiniſ & palmis ornata fuerint atque diſtinctæ; Cherubini enim (hoc eſt, iuvenes alati) Victoriz imagines ſunt: conſtatque Ethnicos eiufmodi ſimulacra ad imitationem Salomonici templi effuſiſſe; vt ſumitur ex 1. Machab. cap. 2. verſ. 48.

Eodemque pertipere, quod Cherubini ipſi, ſiue Victoriz, inter

inter palmas (quæ & ipsæ, victoriæ signum sunt) in parietibus & portis templi cernebantur. Quod enim à Romanis, exempli causâ, simulacrum Victoriæ effingeretur, manu alterâ palmæ, alterâ oleæ rami præferens; id etiam videri ex eodem templo deriuatum, in quo frequens esset palmarum & oleæ frondium imitatio. Hæc ferè Alcasar; atque (vti solet) ingeniosè.

Verunramen, vt de propositâ sententiâ, pro argumenti nostri ratione, aliquid dicam, primùm ex erudito autore in causam nostram id assumimus: vt, si ei licuit ob coniecturas non pœnitendas opinari, templum Salomonicum Deo quatenus Victori ædificatum fuisse; non magis nobis vitio vertendum, si illud Deo quatenus Sapienti, siue ipsi Dei Sapientiæ, consecratum dicamus, rationibus inducti (vt ego quidem existimo) haud paulò magis verisimilibus.

(Etenim quod ait, assertum suum ex eo manifestum esse, quòd ex Scripturâ constet, Dauidem, ac duces exercitus, manubias & res bello partas ad templi structuram atque ornatum contulisse: vereor vt satis efficax sit. Manifestum quippe est, ex cuiusvis gentis historiâ; solitos duces res eiusmodi, siue iam extructa, siue in extruenda fana conferre, quisquis is Deus esset, aut quocunque nomine delubrum illud censeretur.)

Nisi fortè quis velit, Vespasianum Impetatorem; templum illud suum augustissimum, non *Paci Æternæ*; prout habuit inscriptio, & numismata antiqua hodieque declarant, sed *Iouî Victori* v. g. dedicauisse; propterea quòd illud, partâ de ludæis victoriâ construxerit, atque eiusce generis spolia in illud intulerit, mensam auream, candelabrum &c. excepto, quòd legem & penetralium vela purpurea, in Palatio condita seruari præcepit; vt ait Iosephus libro 7. de Bello cap. 24.

Difficile rursus est, quod contendit is auctor, in Cherubinjs templi; Victoriæ simulacrum aut similitudinem agnoscere. Neque enim illi palmarum frondes (multò autem impius Oliuarum, quarum, nescio quo fundamento dicat, frequentem fuisse in eo templo imitationem) manu gestabant; sed tantùm inter aуреas palmarum arbores, quæ columnatum instar è parietibus prominerent; eorumque intervalia distinguerent (vt in templi sui descriptione exhibet Villalpandus & hoc ipso loco verisimile censet Alcasar, in Notationis initio.) hinc atque inde consistebant. Vt nihil iam dicam, de multiformi corporis

Baron. an.  
Dom. 77.

Ezech. 41.  
v. 19. &c.

corporis habitu, quem ijs tribuit communis Interpretum sententia (fauciente Scriptura, Ezech. 41. v. 19.) aut saltem ex Alcafaris sensu, de facie vitulinâ, à puellari Victoriæ simulacro longè abhorrente. Et quidquid sit de illis lateralibus Cherubinis, inter palmas, ut dixi, consistentibus; non dicer, opinor, Alcafar; Cherubinos minores à Mose arcae impositos, aut maiores illos à Salomone, velut obumbrandi gratiâ adiectos, è quibus præcipuè petenda foret symbolica Cherubinatorum significatio, Victoriæ imaginem, prout ab Ethnicis figurabatur, præstulisse.

Erant porro ex usu gentium, palmarum rami symbolum Victoriæ; ipsa tamen arbor, (ut in antiquis nummis videre est) Iudæam potius, siue Phœnicen, repræsentabat: credique potest Salomon, eiusmodi arborem, ut genti propriam ac vernaculam, uti alia plura, certis intervallis ornatûs gratiâ, non autem illius significationis quam intendit Alcafar, templi parietibus adiecisse.

Cæterum, cum malim virum doctissimum fauentem nobis, quàm aduersantem habere; demus illi sanè fieri potuisse ut Salomon in templo condendo aut adornando, respectum aliquem ad paternas victorias, diuinâ ope ac beneficio obtentas habuerit, atque ex animi quidem sui sententiâ, hoc veluti gratæ memoriæque mentis aduersus Deum Sabaodî, victoriarum autorem, voluerit monumentum extare. Id enim adeo nobis non oberit, fauebit potius; dum vicissim nobis concedatur, diuinæ mentis, Mosique ipsius, istud fuisse in tabernaculo constituendo consilium, à quo neque Salomon in templo construendo recesserit; ut nempe in ijs, principe titulo, coleretur gentis Israëlitiç præses atque Dux, Dei Sapiencia; proindeque idem seu templum seu tabernaculum, non vicinque Deo Victori, sed Sapiencia Victrici fuisse dedicatum.

Nam mihi equidem omnino sit verisimile, in sacro illo tabernaculo primùm constituendo, rationem aliquam siue respectum habitum esse, ad recentè partem & diuinæ Sapienciæ beneficio (id enim ei attribuit Scriptura diuinâ, libri Sapienciæ cap. 10. v. 18. & 29.) prodigiosam illam de Pharaone Aegyptiicæ victoriam. Quam in rem adducere possumus, quod ibidem v. 23. subditur: *Be decemquies, Domine; nomen Sanctum tuum, & victricem manum tuam laudauerunt pariter: Cum enim, ut dixi; Scriptura proximè præmuleret, Filios Israël ab*

ipsa Dei Sapientiâ ex Ægypto eductos, & inter stropentes Rubri maris fluctus, innoxie transuectos, eodem mari demersis hostibus, eorumque spolijs in iustorum potestatem traductis: satis congruenter dicemus, victricem illam, totque parraricem prodigiorum Dei manum, quâ tam gloriose liberati sunt, non aliam esse, quâm ipsam Dei Sapiëntiam; cui tanquam auctori ea prodigia ibidem assignantur. Huic ipsos proinde post victoriam, communi consensu ac voce vnanimi (quod in verbis relatis significat vox, *pariter*) Epinicium cecinisse: eidem victrici Sapiëntiæ aram postea atque tabernaculum, ac denique templum, posuisse: eidem, assiduo cultu, & stas illis sacrificijs, gratos sese atque obnoxios, in perpetuum profectos esse.

- Cui sensui meo non patum fauet, quod Patres nonnulli significant: Sapiëntiam esse Dei manum, quâ cuncta condiderit. Quod quidem de Dei Filio diserte tradit S. Gregorius, ad illa Iobi 27. capite v. 11. *Docebo vos per manum Dei &c. Manus quippe Dei*, inquit, *vocatur Filius: omnia quippe per ipsum facta sunt.* Et ante eum S. Cyrillus Alexandrinus, verba illa de Cantico Moysi; *Leuabo ad celum manum meam*; in hunc modum exponens: *Manum hic Filium esse ait, per quem omnia, & in quo omnia.* Et magis ad propositum S. Paulinus in carmine quodam de S. Felice; ubi idem Dei Filius dicitur *Manus & Sapiëntia Patris*: quasi eò manus, quò Sapiëntia. Rursumque S. Augustinus: *Sed quia idem Verbum, & Sapiëntia; & virtus eius est; dicitur & manus eius.*
- Denique in illo Isaie: *Manus mea fundauit terram*; ait Nyssenus, per manum Dei, Vnigeniti virtutem obcurius significatam.
- Addere his licet (partim fauente nostro Cornelio) ipsam quoque arcam diuini testimonij spectari posse velut curram, siue bellatricis, siue triumphatricis Sapiëntiæ. Vt propterea Moyse, cum in motu castrorum eleuaretur arca, merito diceret: *Surge; Domine; & dissipentur inimici tui, & fugiant qui oderunt te. a facie tuâ*; quòd nempe tunc Deum, siue Sapiëntiam consideraret, quasi belligero, curru suo consensu, Cherubimorum alis iouehis, & iam minacem ac terribilem imminere suis hostibus, siquis contra stare, aut obuius incurrere, *auderet*.
- Quò indem spectat Psalmi sexagesimi-septimi argumentum, aliqui



qui ab eodem scilicet exorsus epiceleusmate: *Exurgat Deus, & dissipentur inimici eius* &c. Dei victorias, triumphos, ingressus commemorat, meminitque in primis gloriosi currus, quo siue in Sina, siue in deserto inuectus sit, circumfusa militiæ celestis innumerâ multitudine, lætantium atque plaudentium, Deoque victori atque triumphatori, solenni cantu gratulantium.

Eum potro currum, siue solium diuinæ gloriæ à Mose & senioribus in monte Sina conspectum, repræsentasse atque similitudinem, tradit expressè Hieronymus Pradi: fauetque tum illud, quod Mos dicitur Exodi 25. v. 40. *Inspecte, & fac secundum exemplar quod tibi in monte monstratum est*; tum quod, aliàs à nobis memoratus, Iosephus ait, de Cherubinis agens; *ea esse animantia volucra, quæ Moyses in Dei solio vidisse se memorat figurata.*

Exod. 24.  
v. 10.  
In 1. Ezech.  
p. 1. sibi.

L. 3. antiqua  
c. 6.

Atque ista quoque pro Alcasis opinione faciunt, quam video probati etiam P. Cornelio; nolque, uti dixi, catenus libenter consentiemus, dummodo nobis permiserit: veluti quondam apud Romanos delubrum quoddam *Veneri victrici*; (in Pompeij theatro videlicet) ita apud Hebræos, diuinum seu templum, seu tabernaculum, *Victrici Dei Sapientia* constructum dicatamque fuisse.

In Ezech.  
41. v. 18.

Lilias Girald. Syn. 3.

Sed priusquam rem omnem concludo; per hanc memorati diuini currus occasionem, placet hic ad extremum obseruare: non sine causâ Deum Israël, apud Ezechielem, cum templum suum visitaturus, eiusque violatores puniturus, procederet; incendisse currum bellatricis Sapientiæ, stipatum nimis Cherubinis aurigantibus, rotisque instructum multo- culis, diuinæ seu intelligentiæ, seu prouidentia, indicibus; & (quæ rursum virorum doctorum, Pradi ac Villalpandi suspicio est) solio insistentem in arcæ templi similitudinem conformato.

Ezech. 1.  
c. 3.

Prad. c. 1. p.  
1. sibi. 4.  
Villalp. l. 4.  
c. 42.

Quem enim alioqui decebat, de domus suæ statu, inu- rrisque ei interrogatis cognoscere, nisi ipsam templi Præsidem ac Dominædnam Sapientiam? Ut vel ab hoc quoque rerum res- ponsu, nonnullum firmamentum accipiat, tot iam coniecturis à nobis excitata suspicio.

Quæque hæc sunt illa, quæ in hoc templo præsentantur, hæc sunt illa, quæ in hoc templo præsentantur, hæc sunt illa, quæ in hoc templo præsentantur.

CARV

## CAPVT XIX.

*Occurritur cuidam difficultati; & suscepta disquisitioni finis imponitur.*

**A**T enim aduersus ea, quæ hætenus à nobis in præsentia tractatu disputata sunt, sic occurrat quispiam: Si templum istud Salomonicum, vti contenditur, diuinæ Sapientiæ nominatim extructum ac dedicatum fuerit: cur nusquam legimus appellatum, templum Sapientiæ, sed semper, *Templum Domini*, *Templum Domini*; alto vbique silentio istius alterius propriæ, ac specialis nuncupationis?

Sed eiusce rei rationes plures adferri possunt.

Primum enim expediebat, Ædem illam absolutè dici templum Domini, seu Dei Israël; quo apertè daretur intelligi; illam vero Deo, summoque Vniuersi Domino, conditori, rectori esse dicatam, qui omnino vnus, & solus absolutè, & extra quem non est alius; vti loquitur Scriptura.

Neque aberat fortasse periculum; ne si vulgò templum Sapientiæ appellaretur; existimaret rudis populus, & extera præsertim nationes, aliorum ritus suis moribus æstimantes, istic coli Pallada, siue Mineruam, quæ educta è Iouis capite, habebatur Sapientiæ præses; aut eo nomine, aliam quampiam denotari specialem diuinitatem. Vt sic putarentur Hebræi Sapientiam colere, quemadmodum erant apud Romanos Virtutis, Libertati, Concordiæ proptia delubra dedicata.

Deinde; cum id vnum extaret veri Dei templum, neque plura per legem possent existere; opus non habuit appellari speciali nomine, id ab alijs veri Dei templis discriminante. Vt enim cum Minutio Felice Cyprianus libro de Idolotum vanitate: *Illic vocabulis opus est, ubi proprijs appellationum insignibus multitudo, dirimenda est. Aut velut, etiam Trismegisto laudato, Lactantius; non opus est proprio vocabulo, nisi ubi discrimen exigis multitudo.* Quemadmodum etiam, eam v.g. S. Mariæ ædem, quæ nunc expressioris discriminis gratiâ à cæteris eiusdem Ecclesijs, S. Mariæ Maioris Ecclesia dicitur; apparet initio, Ecclesiæ S. Mariæ nomine absolutè intellectam: idque ad tempora S. Gregorij Magni perdurasse, colligi potest ex eo sermone,

*Deut. 14.  
v. 24.*

*L. 1. c. 6.*

sermone, quo (sæuiente pestilentia) totius populi septiformem, Lib. 1. Pp. 6. 41.  
ad eam Ecclesiam, supplicationem indixit; Romanos simpliciter  
hortatus, *ut ad S. Genitricis Domini Ecclesiam conuenientes &c.*

Neque ob stare videbitur, quod (teste Iosepho) à Sanabal- L. 11. antiq. 6. 3.  
lat Samaritæ Præfecto, in gratiam Manassæ generi sui, qui fra-  
ter erat Iaddi Pontificis, templum aliud, instar Ierosolymitani,  
ipsi Deo Israël extructum fuerit, in monte Garizim, Alexandri  
Magni temporibus: ad quod respiciebat mulier illa Samaritana,  
cùm diceret: *Patres nostri in monte hoc adorauerunt.* Et aliud Lib. 4. v. 20.  
deinde in Ægypto apud Heliopolim, ab Onia Simonis filio, Lib. 7. de Bello c. 30.  
vno de Pontificibus, Ierosolymis exulare iussu.

Quippe hæc templa qualiacunque, cùm eorum antiquissi-  
mum (vt de Mosis tabernaculo nihil dicam) annis septingentis  
fuerit Salomonico posterius; non potuerunt, iam inueteratam  
tot sæculis, genuinam illam Templi Domini appellationem  
subuerrere: quando neque ipsa apud prudentes digna censeban-  
tur eo nomine; utpote extra locum Deo placitum, profanâ  
temeritate, & ausu impio, excitata.

Postremò, uti apud Ægyptios, Græcos, Romanos, ita, & maxi-  
mè, apud Hebræos, nonnulla fuere arcana, nec vulgò nota, re-  
ligionis mysteria: quale erat apud hos, Sanctissimæ Triados ar-  
canum, pronuntiatio & virtus nominis ineffabilis; itemque  
Messiæ venturi, quoad varias conditiones, fides explicita, &  
alia huiusmodi. Etenim, vt rectè obleruat Nicolaus Serarius, de  
Hebræorum Cabalâ disserens: *præter ea quæ in Pentateucho* In c. 10. 10. fac. 9. 2.  
*scripta sunt, & cum ijs alia plurima diuinitus Moysen cognouisset,*  
*dubitari non potest. Neque enim quæ à Deo cognouit, tam paucis*  
*chartis explicare, distinctèq; suis explanare potuit; & in ijs quæ*  
*scripsit, multa recondi mysteria sciuit, eademq; perspexit, quæ non*  
*nisi alio docente, comprehendendi potuerunt.* Ex qua obseruatione, om-  
nino fit verisimile, quod apud eundem consensu tradunt Hebræi  
Doctores: Mosen videlicet præter legem scriptam, aliam à  
Deo accepisse ore traditam, arcana plurima ac recondita my-  
steria continentem: & hanc Mosen Iosue, hunc senioribus,  
seniores Prophetis, hos viris Synagogæ magnæ &c. perpetuâ  
quadam traditione, atque acceptione (quod vox *Cabala* sonat)  
communicasse. Quò idem facit, quod in 4. Eldræ (cui is ha-  
betur apocryphus) capite 14. scriptum est; Domino de Moyse  
ita ad Eldram loquente: *Et adluxi eum super montem Sina, &* v. 4. & seqq.  
*desinebam eum apud me diebus multis. Et enarraui ei mirabilia,*

*Et ostendi ei temporum secreta, Et finem, Et præcepi ei dicens: Hac in palam facies verbo, Et hæc abscondes.* Quod postremum videtur intelligendum, secundum quod ipsi Esdræ similiter  
 Inf. 26. Et  
 46. ibidem præcipit Dominus; ut quædam eorum, quæ Deo reuelante acceperit, palam manifestet, quædam solis sapientibus absconditè tradenda conferuet.

In horum igitur arcanorum numero esse potuit istud, quo de agimus, tabernaculi, ac templi Salomonici, Dei Sapientiae, seu Verbo olim in carne ventuto, specialiter dedicati: quod velut occurrat inter sapientes traditione receptum, ita obscure tantum à Salomone, & Iesu Siracide, proditum sit. Qui duo itidem (quod in re præsentì obseruatu dignum est) expressam fecere præ cæteris, si saltem Dauidem excipias, Filij Dei mentionem. Dicente nimirum Salomone Prou. 30. v. 4. *Quod nomen est eius? (Dei videlicet) Et quod nomen Filij eius, si nosti?* quibus manifestè denotat, Deum, aliquem habere Filium, eumque vnicum, & qui Filij Dei nomine simpliciter posito possit intelligi. Et Iesu Siracide, capite 51. v. 14. *Inuocani Dominum Patrem Domini mei.* Vbi Dominum (seu Deum Patrem) alterius personæ patrem facit, quam item appellet Dominum, seu Deum, sumum.

His accedat illustre Annæi Senecæ, de Iudæorum ritibus ac Sacramentis agentis, ex libro quem scripsit contra superstitiones (qui pridem intercidit) à S. Augustino relatum, atque laudatum testimonium. *Illi tamen* (inquit Seneca) *causas ritus sui nouerunt: Et maior pars populi facit, quod cur faciat, ignorat.* Quibus aperte tradit, quod dicebamus: Causas & rationes rituum suorum Iudæos equidem non latuisse: sed fuisse tamen arcana quædam solis comperta sapientibus, ipso vulgo passim, quid ea sibi vellent, ignorante.

\*\*\*\*\*

## C A P V T XX.

*Ex his, quæ historicè dicta sunt de templo Sapientiae, via post dicendis præstruitur, atque munitur.*

**H**is porro, quæ modò de templo Sapientiae, velut historicà ratione disquisuimus, haud improbabili coniectatione præstitutis, opportunè licebit, ad reliqua quæ huius instituti sunt, gradum facere.

Ab

Ab hoc quippe tanquam principio, ulterius nobis contendendum est ; & , quod initio promittebamus , non templi duntaxat , gentisve Israëliticæ , dux atque præses ostendenda est Sapiëntia , sed totius cursus sæculorum antistes , & quasi currûs vniuersitatis aurigatrix ; neque istud tantum , sed eius etiam æterni status , quo ad extremum terminabuntur consummabunturque ipsa sæcula , præses , gubernatrix , atque regina demonstranda : vt quæ allestrix sit sedium Dei , consiliorum administratrix , modulatrix operum , suavi quadam efficacitate , à fine vsque ad finem pertendens , & iure quodam sibi proprio , vniuersa disponens.

Etenim cum Deus ad imaginem ac similitudinem suam effunderet , suisque insuper æternum fruendi capacem conderet hominem , beatum vtique æternam cum Deo consuetudine , ipsiusque Dei Sapiëntiæ intimam quadam participatione futurum ; constituit itidem , vt suam veluti manucente Sapiëntiam , ad beatam illam atque supremam eiusdem suæ Sapiëntiæ communionem , adduceretur.

Primo igitur loco , quemadmodum Vniuersum istud architecta & machinatrice Sapiëntiam suam molitus est ; ita eius in ipso Vniuerso insignes notas extare voluit , & sparsa vbique vestigia , quibus erudita & excitata humana mens autorem suum , si vellet , agnoscere , cumque colendo , venerando , amando , ad vltimum beatumque finem suæ conditionis aspirare ac peruenire posset.

Quæ tamen diuini consilij ratio , humano animo præ uerborum aliorum prorsus spectante , & ipsis diuinæ Sapiëntiæ operibus ad fines sanè quàm alienos abutente , cum minis succedere videretur : aliud iam conuersa Prouidentia , gentem ex omnibus vnã elegit , sibi peculiarem ac propriam , cui speciali iam ratione ducem ac præsidem Sapiëntiam assignaret ; quæ ei populo propior , & sub diuersarum figurarum habitu , quasi aspectabilis effecta , per legem in Sina , per columnam in Solitudine , per responsa in Templo , per Sacramenta multifaria , per Prophetarum voces , variaque signa ac prodigia , ipsum erudiret ad iusticiam , cumque supernis promissionibus , bonisque futuris aptaret.

Ad extremum , quando neque sufficiebant hæc omnia ; quippe infirma solum atque egena elementa , & cælestium , non veritas , sed umbræ : mirabili denique , eoque extremo , sed efficaci diuinæ artis experimento , ipsa de sinu Patris Sapiëntia

terris submissa est, & naturæ nostræ concorporata : quò iam ipsa per sese in nobis habitans, ac nobiscum conuersans, cælesti vitâ atque doctrinâ, mortalium animos ad se conuerteret ; inflammaretque, ac diuinis tractos illecebris, sempiternâ demum sui possessione ac consortione, bearet.

Quem ordinem rerum, consiliumque diuinæ mentis, ita paucis nunc, in antecessum, propositum, deinceps exequemur paulò pluribus : ita tamen vt, ne longius abeamus ab instituto, quidquid antedictis superaddere fert animus, id omne ad Sapientiæ templum, prout inscriptio ritulusque postulat operis, quacunque tandem vocis acceptione, referamus.

Nam, quando ex mente Doctorem, Scripturæ diuinæ distingui solet sensus quadruplex : *Litteralis* vnus, in quo hac Parte prima contemplati sumus templum supremæ Sapientiæ ; & tres spirituales siue mystici : *Allegoricus*, quo figuratè quiddam significetur ad præsentis Ecclesiæ statum pertinens : *Anagogicus*, quo, ad statum cælestis : & *Tropologicus*, quo mysticâ quadam ratione docemur, quid nobis faciendum sit ; placet exinde in Parte alterâ huius Operis ; in horum primo atque altero sensu, & Parte postremâ in postremo, Sapientiæ templum considerare. Allegoricâ tamen ratione, non tam præsentis Ecclesiæ statum, quam ipsum Vniuersum accipientes : & Tropologicâ, nostrum cuiusque animam ; quæ tamen si acceptio strictè loquendo videatur esse Allegorica, antamen scopi nostri respectu, eamcum varijs appellabimus Tropologicam ; quòd ea in nobis spiritualis templi ratio, sanctitatemque virtutumque gratiâ constet, atque adeò innocentiam vitæ, sanctorumque morum elegantiam, proximè paretur & adornetur.

Neque tamen rursus, rei, quam dixi, deducendæ, adeò anxie ac religiosè insistemus, quin vbi opportunum videbitur, permissam nobis esse velimus, vtilem lubinde excursionem, ad argumento nostro subnexa præcepta cælestis Sapientiæ : cum harum duarum extremarum Partium institutum, non tam sit de argumento proposito theoreticè differere ; quàm occasione siue oblatâ, siue quaesitâ, mores nostros ad veram Sapienciam, magnamque virtutem, informare.

# TEMPLI SAPIENTIÆ

## P A R S II.

In qua de diuinæ Sapientiæ Templo, partim allegoricâ ratione, partim anagogicâ contemplatione, disseritur.

### C A P V T I.

*Vniuersum hoc, ex sapientum sensu, magnum ac magnificum in primis, summæ Diuinitatis Templum esse.*



T deinceps à nobis exponendam templi-Sapientiz allegoricam rationem, ab eo quod magis generale est, exordiar: Vniuersum hoc aspectabile, quod vt Græci *κόσμος* nomine ornamenti appellauerunt, ita nos (inquit Plinius) à perfecta absolutaque elegantiâ, Mundum dicimus; ædem quandam ac

Lib. 2. c. 4.

templum esse summæ diuinitatis; in quo nos proinde perpetuò castè pureque degere, & sanctè ac religiosè conuersari oporteat; non nostrorum tantum litteris proditum, sed externorum quoque sapientum consensu, celebratum est.

Atque hominem in eius medio constitutum, quidam statuat ac simulacrum diuinitatis dixere, seu viuam quandam ipsius Opificis imaginem; quò & assuesceremus mutuo in nobis Deum agnoscere, vereri, venerari; tum vitam omnem ad mores actusque diuinitate dignos componere, ita vt ægypti formæ suæ archetypæ, & imago suo exemplari; similitudine responderet. Alij vt mystam sacerdotemque magni huius templi contemplati sunt hominem: quò videlicet intelligeret, sese ad hoc natum, eoque consilio in mundum; seu reipsum vniuersitatem, inductum, vt vniuersæ naturæ nomine, omnium

autori atque procreatori Deo laudem, cultum, honorem, obsequium absque intermissione deferret, & sic se haberet in omni vitâ, quasi assidue staret ad aram, & in perpetuo atque solenni supremi numinis sacrificio versaretur.

Quamobrem ea cogitatio; quâ hoc vniuersum vt Dei templum aspicimus, non paruam vim habet ad vltimâ vitæ, exactamque motum sanctimoniam; eoque digna est quæ à nobis hoc loco paulò exponatur accuratiùs.

Primum igitur; vt à Græcis auspicer, mentem hanc Platoni tribuit Clemens Alexandrinus lib. 5. Stromatum cap. 5. Neque de istius Philosophi dubitabit sententiâ, qui eum docentem attenderit in Epinomis: non tantum mundum hunc esse Deo plenum, sed solem & lunam statuas, ab ipsis Dijs prudentibus dignissimisque artificibus fabricatas, multoque magis quàm alia quælibet simulacra venerationis. Hæc enim omnia mundum significant esse templum augustissimum, quod ipsa per sese inhabitet (magno utique corpori immista, & veluti per artus vniuersos intimè infusa, atque diffusa). diuinitas; in quo item prostant viæ illæ atque præclaræ, vt ipse loquitur, Deorum imagines, exque loco excellentissimo, illustrissimoque propolite, ad communem totius generis humani venerationem. Quibus paria tradit Plutarchus libro de Iside & Osiride.

Atque in libro de animi tranquillitate, expressè docens: *Mundum hunc esse templum, sacratissimum quidem ac religiosissimum, in quod per ortum inducimur, spectatores, non signorum surdorum & manufactorum, sed solis, lune, siderum. Additque; hæc veluti initia ac mysteria quædam, tranquillo ac læto nobis animo spectanda atque peragenda.*

Porro ex Hebræis, disertissimus Philo, & ipse Platonis studiosus imitator, etiam magis disertè pronuntiat, libro 2. de Monarchia: *Dei templum summum verumque existimandum esse mundum hunc vniuersum: cuius sacrarium sit celum, in totâ rerum natura prestantissimum; donaria verò sidera* (nimirum vt pretiosa quædam anathemata, lampadesque aureæ, de celesti illo tholo suspensæ) *sacerdotes demum atque ministri, potestates angelica, anima corpore carentes &c.* Quanquam alibi in libro de Somnijs; mundani templi sacerdotum esse dixerit penes Dei Verbum primogenitum; hominem autem, alterius templi, animæ scilicet rationalis, esse sacerdotem: de quo nos postea.

Tandem



# PARS SECVNDA. CAP. I. 89

Tandem è Latinis expressè Seneca: totum mundum esse Deo-  
rum immortalium templum, solum quidem amplitudine illorum ac  
magnificentia dignum. Additque alibi, Sapientie beneficio, ingens  
omnium Deorum templum, mundum istum referari; cuius vera  
simulacra, verasq; facies cernendas protulit.

Cui consonans Christianus Rhetor Lactantius: Sicut mundum,  
inquit, propter hominem machinatus est (Deus) ita hominem pro-  
pter se, tanquam diuini templi antistitem, spectatorem operum re-  
rumq; celestium. Quibus manifestè designat, mundum esse tem-  
plum diuinum, cuius antistes & sacerdos, homo sit; vti antea dixi-  
mus. Quod egregiè item confirmat Macrobius exponens som-  
nium Scipionis: Quidquid humano aspectui subijcitur, templum  
eius vocauit qui solâ mente concipitur: ut qui hac veneratur  
ut templa, cultum tamen maximum debeat conditori, sciatisq; quis  
in usum templi huius inducitur, ritum sibi viuendum sacer-  
dotis. Hæc ille: quorum equidem extremâ clausulâ, nescio an  
quicquam à Christiano sapiente eandem in rem proferri pos-  
sit accommodatius.

Quò iam minùs opus sit, SS. Patrum testimonia, eidem rei cor-  
firmandæ conquiri atque coaceruari: quod etiam partim facturi  
sumus in sequentibus. Illud potiùs admonendum video, prius-  
quam vltra progredior, ex cogitatione propositâ, triplex cuius-  
que nostrum tanquam munus deduci posse.

Primum enim, quando ex sapientum sententiâ, Vniuersum  
hoc, Dei illud intimè inhabitantis quoddam templum est,  
magno nobis prouidendum est opere, vt, quod postulat di-  
uini domicilij sanctitas, & numinis præsentis reuerentia, qui-  
cunque nos locus habuerit, in eo semper quasi in templo, im-  
mo in adytis, ipsiq; domus Dei penetralibus, purè casteque  
conuersemur. Neque enim iam ad eò referre, in æde sacra, an  
in priuatis ædibus, in foro an in conclauis agamus; quando  
omnis locus diuini numinis intimâ præsentia consecratus est,  
& instans vbique ille peruigil, nec operum nostrorum dun-  
taxat, sed cogitationum quoque & intentionum cordis, discre-  
tor ac iudex oculus, mentis nostræ momenta omnia, ipsaq;  
ad eò (vt est apud Iob) pedum vestigia, siue radices, intuetur.  
Siquis templum Dei violauerit (inquit Apostolus) disperdet il-  
lum Deus. Vt vel hoc nomine, peculiaris nobis cautio & perar-  
tenta cura adhibenda sit; nequâ offensione temeremus diuinos  
oculos, atque vniuersa peruadentem, nobisque intimam atque  
immistam,

L. 7. de be-  
nef. c. 7.

Ep. 90.

De ira Dei c. 14.

L. 1. c. 14.

Hebr. 4. 7.  
12.

Cap. 13. 7.  
27.

1. Cor. 3.  
7. 17.

immistam, Spiritus illius sanctitatem, indigno aliquo facinore, impiè ac sacrilegè violemus. Hoc primum esto.

Alterum : vt in huius mundi medio, non tanquam meros, aut curiosos, diuinorum operum spectatores; verùm Numinis, cuius agnoscamus in opetibus suis præsentiam, pios cultores ac veneratores, constitutos nos esse inrelligamus.

Qui sanum aliquod introgressi, ea quæ in eo sunt, seu ornamenta seu donaria, curiosis oculis collustrant, & demonst-  
 rem. 1. 7.  
 22.  
 AB. 17. 7.  
 27.  
 De ira Dei  
 5. 14.  
 te fortasse Mystagogo, nihil nisi, cuius hoc donum sit, quid istud monumentum significet, quis istius pictor tabulæ, istius staræ fictor, nullâ seu Dei religione, seu loci reuerentiâ, condiscunt; nã, illi non templo, veluti templo, sed vt foro theatroque vtuntur. Ita, qui in mundum istum admissi, & naturæ rerum pulchritudinem admirantes, vt prius æui Philosophi, sterili illius contemplatione delectati sunt, & vel mundi ipsius non quæsierunt artificem, vel inuentum non sicut Deum glorificauerunt, ipso vniuerso, non ad quod factum est, abutentes, habuerunt illud, non vt diuinitatis domicilium, & sacrarium ipsius gloriæ, sed vt vanitatis spectaculum, officinam stultæ curiositatis. Atque, vt de ijs pronuntiat Apostolus, dicentes se esse sapientes, stulti facti sunt.

Spectanda ergo sunt & admitanda in hoc vniuerso Dei opera; non vt in his spectandis & demirandis sistat animus; sed sic vt in illis quærat & inueniat artificem, inuentumque pio religiosæ mentis officio atrectet, & eâ quâ par est veneratione protequatur: gnarus se in mundum, non vt in theatrum spectandi gratiâ, sed velut in templum, venerandæ diuinitatis, omnique laude & obsequio celebrandæ, ab iplo Deo atque naturâ esse inductum. Solus est enim, homo scilicet (vti verbis anrè laudatis rectè subijcit Lactantius) qui sentiens capaxq; rationis intelligere possit Deum, qui opera eius admirari, virtutem potestatemq; perspicere. Idcirco enim consilio, mente, prudentiâ instructus est, ideo solus præter ceteras animantes, recto corpore ac statu factus est, vt ad contemplationem parentis sui excitatus esse videatur. Ideo sermonem solus accepit & linguam, vt enarrare maiestatem Domini sui possit. Sic ille.

Scire igitur ac religiosè Epictetus, qui hoc suum munus, ad quod factus esset, attendens: Etiamne aliud (inquit) ego præstare possum senex claudus, quàm celebrare Deum? Etenim si luescinia essem, facerem quod est luscinie, si olor, quod est oloris.

Atqui

Atqui compos sum rationis. Itaque hymno mihi celebrandus est Deus. Nam meum illud officium; quod sanè præstabo, nec deferam ordinem hunc, quoad eius possum.

At Philo Iudæus in libro de Victimis, etiam artem quandam modumque tradit præclari istius exercitij. Nam figuratè illud exponens, quod Levitici 1. v. 6. dicitur: *detractaq; pelle hostia, artus in frustra concident*: Mihi verisimilior coniectura videtur, inquit, admoneri hoc pacto Dei culticem animam, ut Ens illud non temere colat, sed certâ ratione atque scientiâ. Quam rationem artemque dicit, in eo primùm consistere, ut in Deo laudando, seorsum diuidantur & distinguantur eius virtutes & potentia; cumque modò ut bonum, modò ut autorem rerum omnium, aliàs sub alijs ei attributis rationibus, cum commendemus. Quemadmodum etiam Doctor Angelicus docet ex S. Chrylostomo: *quod Angeli laudant Deum, quidam ut maiestatem, quidam ut bonitatem, & sic de alijs: in signum* (inquit) *quod ipsum non vident visione comprehendente*: aut sanè quòd singuli, diversâ naturæ atque gratiæ perfectione, diuersa itidem diuinæ naturæ decora imitantes ac representantes, variè enarrant eius gloriam, eiusque virtutem ac perfectionem infinitam, suo quisque modo commendent atque manifestent.

Sed aliam magis huic loco propriam, mysticę victimę concisionem idem Hebræus Doctor assignat, mundum ipsum spectans instar magnę victimę ad Dei gloriam immolandę, mundi autem partes, velut illius hostiæ membra; qua de re philosophari pergit in hunc modum: *Quoties subit tuum animum voluntas agendi Deo gratias propter mundum conditum, age & pro vniuerso, & pro integris eius partibus tanquam animalis perfectissimi; atque ut clarius loquar, pro celo, pro sole, pro luna, caterisque, vel fixis vel erraticis sideribus; deinde pro terra cum suis animantibus & stirpibus; pro mari ac pereunibus, torrentibusq; fluminibus; denique pro aëre & huius partibus. Sic ille.*

Perinde atque si hortaretur nos, ut ritum veterem Salomonici templi æmulantes, etiam in huius mundi tabernaculo circumeuntes, hoc est (etiam ex Augustini sensu) attentâ piæque consideratione, huius vniuersi singulas partes obeuntes, singulatum gratiâ earum autoti ac conditori Deo immolemus hostiam vociferationis, proptiumque laudis quasi tributum, cum exultatione, cordisque iubilo persoluamus. Quod ipsum quoque laudatus autor expressius significare visus est, ita paulò antè

L

proloquens:

In ps. 25.  
7. 6.  
Et ps. 26.  
7. 6.

*Philos. ubi  
supra.*

proloquens: *Figuratè igitur docemur, ut integrâ mente in orbem choreas agitante, per omnes consiliorum, dictorum, factorumq; species Deum colamus.* Cuius etiam artis specimen quoddam in Psalmo 103. licet agnoscere, ubi regius ille Propheta, sese, ad divinam in suis operibus magnificentiam animo memori celebrandam, concitans; quasi ex lege rituum prædicto, magnam illam mundi victimam in frustra concideret, cunctas mundi partes, veluti propriæ specialisque laudis materiam, sigillatim particulatimque commemorat: ut non sine voluptate recognosceret, qui inter legendum, aliquam ad id quod nunc agimus, animi reflexionem adhibuerit; & pulchra imitatione, eo se studio libenter interdum exercuerit.

Ita nunquam deerit piæ commentationis, divinæque laudationis materia: existetque plena & iucunda Dei laus, mortaliū singulis, non vocum duntaxat, sed factorum quoque consonantiâ diuinum numen celebrantibus; istâ aulâ mundi, velut ingenti quodam odeo, conditoris laudibus iugiter personante, ipsoque cælo, tanquam huius templi vasto fornice, læto repercussu resonante, & impensum suo factori hymnum, iucundè grateque conducicante.

Postremum: ut, quando ex eorundem autorum mente, hominem in mundo constitutum diximus; non tantum ut mysteriorum sacrotumæ consortem ac participem, sed etiam tanquam huius diuini templi antistitem; eundem oporteat, demandati sibi muneris assidue meminisse; & quidquid cogitet agitetque, quisquis eum locus, quæcunque res teneat, cum eâ sui circumspeditione versati, ut si (quod antè indicabamus) in perpetuo agat sacrificio, ei que à quo assidue pendeat, assiduam quoque immolet gratiarum actionem.

Neque pro se modò id sibi commissum interpretetur, sed pro reliquâ quoque naturâ, brutâ utique, &, si non vitæ aut sensus, at saltem rationis expette: cuius impotentiam ipse suppleat, velut præsul præsesque rerum istarum sensibilium; pro his autori bonorum omnium largitori que Deo gratias referens, earum usum contrectatumque, non nisi ad eius maiorem gloriam adhibens, earundem aspectu ad ipsius laudem, admirationem sese concitans: quod pluribus posthac inculcabitur.

C A P V T II.

*In opere mundi, summam Dei Sapientiam, præ cæteris ei attributis, elucere.*

**I**Am verò ut sensum ad id quod nobis est propositum, gradum faciam : cùm tria sint Dei attributa ( vt vocant ) præcipua, & quæ propriâ quadam ratione tribus diuinis personis accommodentur : Potentia, quæ Patri; quòd is, non tantùm totius huius Vniuersi ( quod ei cum cæteris personis commune est ) sed aliarum quoque diuinarum personarum, primum sit ac fontale principium : Sapientia, quæ Filio; quòd sit Verbum Patris, imagoque eius intellectiōe expressa, ac plena rerum vniuersarum comprehensio : Bonitas, quæ Spiritui sancto; quòd is sit diuinæ voluntatis emanatio quædam ac diffusio, amor atque vinculum, seu veluti quidam Patris & Filij complexus : demonstrandum nobis est, in diuino huius mundi opere, auctoris ipsius infinitam Sapientiam, potius quàm vllum aliud eius attributum aut perfectionem ( vti appellant ) elucere. Id quod, quia potest ostendi modis compluribus, estque res, tum ad id quod agimus non parum conducibilis, tum per se quoque digna cognosci, paulò fusiùs nobis operosiusque pertractandum est.

Quam in rem in primis illud obseruo : huius operis motionem atque effectiōem, veluti proprio immediato principio, effectori, fabricatori que, in Scriptura passim atque constanter, ipsi Dei Verbo atque Sapientiæ attribui.

Primum enim, si S. Augustino libro 1. de Genesi ad litteram, S. Basilio, alijsque credimus; quod in capite libri, hoc est, ipsis primis diuinæ Scripturæ verbis dicitur : *In principio creauit Deus calum & terram*; hunc sensum habet, vt *In principio*, hoc est, in Filio, siue per Filium, quasi Patris artem ac Sapientiam, omnia creata sint, inque suas species ordines, modos, numerosque digesta : consentaneè ei quod de ipso Filio ad Colossenses 1. v. 16. dicitur : *Quoniam in ipso condita sunt vniuersa, in calo & in terra.* Quò etiam expressè facit Ambrosianum illud : *Dixit Pater Filio; fiat Sol : & Filius fecit solem &c.*

Cap. 1.

Gen. 1.

Lib. 4. Hi-  
xæm. c. 24

Rursum, quod ibidem affirmat Moses : Deum dicendo & imperando, vniuersa quæ in mundo sunt produxisse ; manifestum id respectum habet ad intelligentiam diuinæ mentis, atque ad ipsam rerum effectricem Sapientiam : cum dicere propriè intellectus sit : atque ita ipsi diuino Verbo, quod ( vt aliqui obseruat Guilielmus Parisiensis ) *non tantum enuntiatuum, sed etiam imperatiuum est*, velut proximo principio, rerum effectio tribuatur. Vnde & illud est Regij Prophetæ : *Verbo Domini cali firmati sunt ; & spiritus oris eius omnis virtus eorum.*

2f. 32. 7. 6.

Neque enim refert ; quod in posteriore versus parte, etiam Spiritus, vt rerum effector commemoretur.

Primum, quia licet plerique Patres, altiore quodam & reconditiore sensu, priora de Verbo seu Filio, posteriora de Spiritu sancto accipiant : sensu tamen simpliciore ( inquit Lorinus noster ) Spiritus oris Dei non differt à verbo ; sed præceptum vtroque significatur, quod nimirum Deus rebus Vniuersi è suo nihilo educendis adhibuit : quod confirmat ex verbis Isaïæ cap. 41. v. 4. Probabile quippe est, quod in psalmis est frequentissimum ; posteriore illâ versus parte idem significari ac repeti, quod in priore proximè dictum est ; vt nempe Spiritus oris diuini pro diuino Verbo ponatur ; eò quòd nimirum verba formentur oris spiritu, siue ipsâ aëris à nobis spirati, in voces articulatas efformatione.

Deinde vt demus, etiam de Spiritu sancto ea verba ad litteram intelligi ; adhuc tamen dicemus, non nisi rarò, & minùs apertè, rerum naturalium molitionem Spiritui sancto attribui ; Verbo autem Dei sæpissime & clarissimè ; vti manifestius erit ex mox dicendis.

Secundò igitur considerentur, quæ ipsa de se proficitur Dei Sapientia, siue apud Salomonem in Prouerbijs, siue apud Iesum Siracidem in Ecclesiastico, per quandam prosopopeiam inducta.

Prover. 8. 7.  
22.

Nam priore loco hæc illa de se inter cætera : *Dominus possedis me in initio viarum suarum, antequam quidquam faceret à principio. Quando preparabat celos, aderam ; quando certâ lege & gyro vallabat abyssos ; quando æthera firmabat sursum ; & quæ sequuntur. Subdit enim de libratæ aquis, & imposito mari termino, & fundamentis terræ appensis. Tum illa subiicit : Cum eo eram cuncta componens, & delectabar per singulos dies,*

## PARS SECVNDA. CAP. II. 95

*dies, ludens coram eo &c.* Quibus significat, Deum in operibus suis modo quodam speciali consortem sibi adhibuisse Sapientiam; & quidquid in mundi archirectatione perfectum est, quendam quasi lusum diuinæ artis ac Sapientiæ fuisse; cui volupe fuerit, manifestare se filiis hominum, & in operum Dei præstantiâ, specie, ornatu, ordine, symmetriâ, spectabilem se præ cæteris, atque conspicuam, admirabilemque præbere.

Verùm etiam efficacior videri potest locus posterior: in quo videlicet ipsa Dei Sapientia, non iam se consortem aut sociam Dei memorat in ipsa Vniuersi effectione, sed molitionem hanc sibi propriè vendicat, dicens: *Ego ex ore Altissimi prodii, Eccli. 24. 7. 5. primogenita ante omnem creaturam. Ego feci in calis ut oriretur lumen indeficiens, & sicut nebula texi omnem terram. Gyrum calis circumi sola &c.* Quod autem dicitur: *Sicut nebula texi omnem terram*; idem valet atque id quod capite 1. scripsit idem Ecclesiasticus: Deum Sapientiam suam effudisse super omnia opera sua; nimirum quòd horum singula, velut artis suæ diuinæ specimen ediderit, omniaque Sapientiæ suæ vel tanquam rore imbuerit, vel, quod ad speciem decoremque attinet, præclarâ tanquam luce resperferit: ut dicere liceat, res omnes creatas, dininâ Sapientiâ velut innectas & quasi coloratas apparere.

Postremo loco obseruo in libro Sapientiæ, eidem diuinæ Sapientiæ non tantùm Vniuersi conditionem (quippe quæ Deo Sap. 9. 7. 9. adfuerit, tunc cùm orbem terrarum faceret) sed omnem deinde subsequentiũ sæculorum seriem, totamque adeò œconomiz mundanæ administrationem, adscribi.

Hanc enim, illum qui primus formatus est à Deo pater orbis terrarum, eduxisse à delicto suo: hanc eripuisse Noëmum ab aquis diluuij, Lothum ab igne descendente in Pentapolim; Abrahamum, Isaacum, Iacobum, Iosephum protexisse & direxisse in omnibus: hanc denique populum Israël, Aegypto ereptum, Duce Mose, cuius animam infederit, deduxisse in viâ mirabili. Tanquam, quidquid vnquam vsipiamus, rectè ac salutariter in orbe terrarum gestum sit, tot sint quasi actus diuinæ Sapientiæ, in theatro Vniuersi ludentis, & approbationem ac plausum ab humano genere requirentis.

Atque in eius rei confirmationem, Patres aliquos partim indicauimus, partim deinceps referemus.

Ceterùm mundi procreationem, non modò Patres Scriptu-

ram secuti, Dei Verbo aut Sapientiæ attribuunt, tanquam vniuersorum opifici, & Patris in rebus condendis ac gubernandis (vt duriusculè plures loquuntur) administræ: verum etiam veteres Philosophi, Dei Verbum, seu mentem secundam à prima productam, demiurgam seu rerum opificem (licet non sine errorum admittance) agnouere. *Consistentur enim*, inquit *Lib. de incarn. Verbi.* de ijs magnus Athanasius, *esse aliquem Dei* ὁ θεός, *& hunc ducem Vniuersitatis esse, atque in ipso creaturam omnem à Patre fabricatam esse: huius item providentiâ illuminari cuncta &c.* adeo *ut ex providentiâ operibus, tam ipse, quam per eum Pater agnoscat.* Quæ quidem postrema notari possunt, pro ijs quæ postea dicemus. Tertullianus item in Apologetico Gentes alloquens: *Cap. 21.* *Apud vestros quoque sapientes, (inquit) ὁ θεός, id est sermonem atque rationem; constat artificem videri Vniuersitatis. Hunc enim Zeno determinat factitorem, qui cuncta in dispositione formauerit.* Et quæ sequuntur.

Et sanè, quod locis varijs Scriptura significat, ante omnia genitam à Deo. Sapientiam; per quam deinde vt artificem suorum operum, huius Vniuersi naturam omnem machinaretur; simili quadam ratione, tum Hetmes Trismegistus, tum Plato, alijsque prodidere: dicentes, Deum ante omnia produxisse Verbum suum, veluti propriam atque perfectam sui imaginem, ac deinde eodem Verbo subeffecisse mundum & omnia quæ in mundo sunt, tanquam secundaria minusque perfecta ipsius Dei simulacra.

Videri potest Mercurius in Pimandro, vbi Pimandrum ita inducit loquentem: *Lumen illud ego sum, mens, Deus tuus: illud verò ex mente lucidum Verbum, Dei Filius.* Addit autem: Mentem Verbum complexam, & pulchrum intuitam, ad eius exemplar, res omnes perfecisse; ipso Verbo consubstantiali cuncta artificiosè disponente. Ex quo item Philosopho hæc refert Cyrillus, tanquam ex libro 1. digressionum ad Taurium: *Omnium Dominus dixit sancto & intelligenti & effectori Sermoni suo: fiat Sol &c.* quibus paria ex Ambrosio supra vidimus.

L. 2. contra  
Iulian.

De Platonis mente, ne longior sim, videatur Ficinus, partim Theologiæ Platonice libro 11. cap. 4. partim in compendio Timæi cap. 9. & 10. Et quæ tum de illo, tum alijs priscis Philosophis, tradit aliàs citatus Eugubinus, de perenni Philosophia lib. 1. cap. 3.

Ex



## PARS SECVNDA. CAP. III. 97

Ex Philone Iudæo istud atroxam: hac ipsa de causa, ex eius mente, Deum Patrem, eiusque Sapientiam, velut duos mundi progenitores atque parentes esse agnoscendos, dum ita ait: *Patrem creatorem mundi, matremque, eius sapientiam, honore dignabere.* *Quod det. per. infid.*

### C A P V T III.

*Res omnes creatas, quasdam Dei loquentis voces, aut diuini Verbi tanquam expressiones esse.*

**V**terius igitur argumento nostro insistentes, illud nunc in primis addimus; ex SS. Patrum sententiâ, res omnes creatas, ad humanæ sensum intelligentiæ comparatas, non aliud esse, nisi quasdam Dei nobis loquentis voces, & suam essentiam & Sapientiam manifestantis.

Sancti quippe Patres, tum aliàs non rarò, tum potissimum illos exponentes Psalmorum versus, quibus res omnes, etiam rationis aut sermonis expertes, inuitantur ad laudandum Deum, dicunt res omnes esse voces quasdam, quibus ipsa sese nobis loquitur diuinitas, & humanæ menti magnam sui admirationem ingerens, ad ipsum earum collaudandum artificem, publico nos quodam atque communi veluti celestimate hortatur.

S. Augustinus in Psalmum 26. *Ipsæ species, inquit, creaturarum, voces sunt laudantium Deum:* Et in Psalmum 148. ad illa verba: *Confessio eius super calum & terram: Omnia clamant* (inquit) *omnium pulchritudo vox est consentientium Deo.* Et infra explicans quomodo id fiat, subdit: *Ex tuâ consideratione clamant, ex tuâ voce clamant:* quia nempe earum pulchritudo, vocis & clamoris perfectam rationem non habet, nisi comparata ad naturam audientem, siue intelligentem, atque ex operum diuinorum aspectu, sese ad artificem cognoscendum, laudandum atque amandum erigentem. *Non quo cuncta ista* *Enarrat. 2.*  
(vt idem admonet alibi) *habeant sensum Deum laudandi; sed quia cuncta bene cogitata laudem pariunt, & impletur cor creaturæ, ad eructandum hymnum creatori.* Vnde etiam S. Gregorius in Moralibus, tot ait esse tanquam venas ad nos diuinæ vocis, quot sunt ipsius creatoris opera. *Quasi enim per quandam ad*

nos

nos sonitum erumpit, dum consideranda nobis sua opera ostendis: in quo semetipsum utcumque indicat, dum quàm sit incomprehensibilis manifestat. Sic Gregorius.

Sonant igitur creaturarum voces, dum suam speciem sensibus intuentium ingerunt, audiuntur autem, dum humana mens earum aspectu ad laudem conditoris incitatur: ut proinde tunc Deum perfectè laudent, quando nos ex illis Deum laudamus, atque ex his, nobisque, vnus tanquam chorus totius naturæ Deum celebrantis, efficitur. Secundum quod item S. Augustinus ad Deum aspirans in suis Confessionibus:

L. 13. c. 33. *Laudent te ( aiebat ) opera tua, ut amemus te, & amemus te,*  
 L. 10. c. 6. *ut laudent te opera tua* Qui alibi rursus ita exclamat in iisdem suis Confessionibus: *Celum & terra & omnia quæ in eis sunt, ecce undique dicunt, ut te amem; nec cessant dicere omnibus, ut sint inexcusabiles. Altius autem tu misereris cui misertus eris, & misericordiam præstabis, cui misericors fueris. Alioqui celum & terra surdis loquuntur laudes tuas.*

Rectè autem *surdis*: non enim omnes ad has naturæ, immo diuinæ Sapientiæ voces, auris sunt; ad idque opus est, tum interiori Dei docentis magisterio, tum docili quadam humanæ mentis attentione. Quam si adhibueris; ut cum Plotino hoc dicam Platónico Philosopho; *Mundum audies ita clamantem: me procul dubio fecit Deus, atque inde factus sum perfectus.* Neque hoc tantum: sed super omnia amandam esse illam pulchritudinem, quæ sicut omnium pulchritudinum creatatum fons primæus est, ita illas immenso atque infinito transcendit. Ut enim alibi idem Philosophus: *Confidera precor quanto iam intervallo distat ab origine, quod est factum, & tamen quantum adhuc sit admirandum. Neque tamen si tale quiddam est quod gignitur, etiam quod ante ipsum est, omnino tale putandum. Nempe omni effectû præstantius est, extra causam extat, magisq; mirandum, quod aliquid edidit post seipsum, taliaq; ipsius vestigia sunt.* Ita Plotinus.

Quod autem significat Augustinus; omnia undique clamare & tanquam circumstrepere, eò quòd nihil sit, quod pro suo modulo artificem suum non commendet, & ad amorem prouocet conditoris; hoc item homiliâ quadam expressit S. Chrysostomus; ubi ait, in opere mundi, voces vndequeque emissas loqui artificem. Perinde videlicet, atque si hæc diuinitatis per opera sua loquentis voces, vasto cælorum fornice exceptæ,

## PARS SECVNDA. CAP. III. 99

exceptæ, reflexione multiplici reddantur, earumque in sese incurrentium conflictu, atque repereussu, tantus existat Vniuersitatis, tamque tamoris clamor, vt planè iurandum esse oporteat, qui cum non senserit.

Eundem in sensum, sed in paulò diuersam, quāquam huic affinem, sermonis figuram abiecit, qui res omnes creatas, tot quasi litteras seu scriptas voces esse dixit, ipsam diuinitatem notis publicis prædicantes, eiusque infinitam Sapientiam manifestò prodentes & explicantes: ex quibus hic mundus, velut magnus liber compositus & compactus existat, Sapientię Dei, seu secundæ personæ Sanctissimæ Triados æmulus; quam in Thibeti regno accepimus, à gentis sacerdotibus, quos Lamas vocat, *Magni Libri* nomine appellari.

Tertullianus aduersus Marcionem scribens: *Sed ipse mundus*, inquit, *inscriptus est* (diuinā scilicet, seu providentiā, seu Sapientiā) & *ab omni conscientiā legitur*.

S. Athanasius oratione contra Idola: *Est homini facultas, ex ijs quæ apparent, Dei cognitionem addiscere, rerum naturā, velut litteris per ordinem & harmoniam, Dominum suum conditoremq; indicante*. Sanctus autem Prosper agens de Vocatione Gentium, tradit diuinitatis testimonia nullo vnquam tempore defuisse, in totius mundi pulchritudine inenarrabili, & summæ providentiæ beneficijs: *per quæ* ( vt subiicit perappositè in rem nostram ) *humanis cordibus quædam æterna legis tabula præbebantur, ut in paginis elementorum ac voluminibus temporum, communis & publica diuinæ institutionis doctrina legeretur*.

Sed audienda est eā super re Doctoris Angelici sententia, qui scribens in Plalmum 44 ita pulchrè disputat in rem præsentem: *Operatio linguae est, quod per eam diffunditur Sapientiā quæ est in corde, transfunditur in materiam sensibilem, scilicet pergamenum. Deus autem & loquitur, & scribit. Loquitur, quando transfundit Sapientiam suam in mentes rationales. Ps. 84. Audiam quid loquatur in me Dominus Deus. Scribit, quia iudicia sua Sapientia imprimat in irrationalibus creaturis. Eccli. 1. Effudit illam super omnia opera sua. Sicut enim respiciens librum, cognoscit Sapientiam scribentis; ita cum nos videmus creaturas, cognoscimus Sapientiam Dei. Hæc S. Thomas*.

Expressissimè denique Guilielmus Parisiensis & Nicolaus Cusanus: iste in tractatu de Vniuerso: *Mundus*, inquit, *est Ver-*

*Andrad. 123  
let. 2.  
Lib. 2. c. 179*

*Lib. 2. c. 12*

*lit. A. in  
fine.*

*1. p. de min. p. 1. c. 11. Serm. Verb. caro fact.* *bum scriptum, seu scriptura, quâ Deus seipsum loquitur: Hic libro 5. Excitationum: Mundus est, ut liber artis æterna. Ita illi. Siue hanc interim allegoriz rationem, eò potius adamauerint, quò intelligeremus, egregias illas naturæ voces, non sono fugaci atque euanido constare, sed ad perennitatem, ipsi mundo inscriptas, impressas, & quodammodo insculptas esse: siue, quòd etiam Scripturæ phrasi, ( prout innuit quoque S. Thomas ). eadem illæ voces, seu signa manifesta diuinitatis, non audiri dicantur, sed conspici; quod signorum proprium est, non ore formatorum, sed scripto expressorum. Secundum quod etiam S. Hippolytus Martyr alicubi obseruat: *Verbum Dei esse visibile; Verbum autem hominis audibile: ad quòd illud adfert ex Ieremia, secundum versionem Septuaginta interpretum: Quis stetit in hypostasi Domini, & vidit Verbum eius?**

*De Dei vno  
c. 6.*

*Ierem. 23.  
7. 18.*

Neque longè hinc abit S. Augustinus; dum libro de vera religione cap. 50. ita loquitur: *Per sonos ac litteras, ignem, fumum, nubem, columnam, quasi quadam verba visibile, cum infantia nostrâ parabolis ac similitudinibus quodammodo ludere, non est aspernata ineffabilis misericordia Dei.*

Verùm pluribus eiusmodi omisiss, quæ passim occurrunt Patres legenti: hæc quæ nunc diximus cum superioribus comparantes, horum ex illis rationem aliquam, altius repetito principio, inuestigare atque reddere conemur.

\*\*\*\*\*

## C A P V T IV.

*Vberior atque expressior proximè dictorum declaratio; & ad propositum nostrum applicatio.*

**I**Am verò non vnâ de causâ, res istæ creatæ, diuinitatis voces, siue Verbi diuini ac Sapientiæ expressiones, dici videntur.

*Ps. 148. 7. 5.* Primùm enim, vti suprà diximus, Deus purè dicendo imperandoque fecit omnia: *Ipsè enim dixit, & facta sunt; ipse mandauit & creata sunt.* Vniuersa igitur, quædam Dei dicentis voces sunt. Quod enim solâ dictione extra dicentem per se propriè producit, aut vox est, aut quædam vocis species; quæ & ipsa vocis, propria est germanaque imago, & quædam

PARS SECVNDA. CAP. IV. 101

dam quasi vox propagatione ad auditum delata, eique mouendo speciali modo attemperata.

Cuius rationis vim egregiè confirmat Clemens Alexandrinus, asserens ex eo priscos Philosophos, quandam in Vniuerso veluti vocem diuinitatis agnoscere, quòd nempe ex Mose didicerint, Deum dicendo vniuersa fecisse. Verba eius in quinto Stromatum, ecce, sunt ista. *Et in summâ, Pythagoras, & Socrates, & Plato, dicentes, se audire vocem Dei, contemplantes vniuersorum constructionem, quæ à Deo accuratè & perfectè facta est, & ab ea perpetuò continetur, audierunt Moysen dictum; Dixit, & facta sunt, atque opus ipsum, Verbum Dei esse describentem.* Hæc ille. Cap. 6.

Rursum: sicut Verbum mentis nostræ, cùm spiritale sit & intus æuens, non potest per sese ad aliorum sensus appellere, sed debet vocem induere vt sensibile fiat, & organum impelat, sensumque moueat: vt proinde voces ore formatæ, propriè loquendo sint verbi in mente latentis interpretes atque vicariæ, aut veluti quædam interiorum sensorum vehicula, quibus illa inuenta foras prodeant, & quaquauersum ad sensus primùm audientium, deinde ad intelligentiam, deferantur: haud aliter res istæ creatæ, quæ diuini Verbi propria soboles, & (vt dicemus) resonantia quædam, seu *ἀντίκτυποι* sunt, censendæ sunt esse voces quædam diuini Verbi vicariæ, quibus illud sese quodammodo conuestit, vt nobis in illis apparens, tractari iam possit humanâ intelligentiâ, & ipso quasi sensu palpari. *Inuisibilia enim ipsius à creatura mundi, per ea quæ facta sunt intellecta conspiciuntur.* Rom. 1. 20.

Quò item pertinet illa S. Thomæ obseruatio. *Creatura, inquit, non potest dici propriè Verbum, sed magis vox Verbi. Sicut enim vox manifestat Verbum, ita & creatura manifestat diuinam artem. Et ideo dicunt Sancti quod vno Verbo dixit Deus omnem creaturam: vnde creatura sunt quasi voces exprimentes vnum Verbum diuinum.* Sic ille. 1a 1. d. 27. q. 2. art. 2. quæstione 2. ad 3.

Ergo, quod antea ex Trismegisto, Platone alijsque obseruabamus: sicut Deus Verbum suum produxit, vt imaginem sui perfectam sibi quæ æternam, atque (quidquid eorum quidam contrà senserint) ipsi producenti coquam: ita per Verbum, mundum effecit, vt imaginem sui secundariam, siue vt Verbi vocem, & tanquam imaginis perfectæ imperfectam imaginem: cùm Dei Filius sic Patris imago consubstantialis, & suo æqua

principio ; tes autem creatæ , à Dei Verbo longè deficiant ; quippe exiles solùm & imperfectæ illius resonantiæ , neque tam imagines ( si saltem animam rationabilem excipias ) quam inchoatæ quædam sui exemplatis adumbrationes. Quemadmodum olim dixit Marius Victorinus : *Animam , imaginem τὴν λόγον ; at in natura sensibili , non imagines , sed magis simula-cra & imitamenta dicenda*. Qui rursum alibi ita Philosophatur , ut dicat : *Anima neque purè vox , neque Verbum ; sed sicut Echo audit ut loquatur , imago magis vocis , quàm vox*. Sed de Echone mox plura

Lib. 3. adn.  
Arian.

Lib. 1. adn.  
eandem.

Cæterùm his quæ modò dicta sunt , consonantem etiam habemus S. Hippolyti Episcopi & Martyris præscam Theologiam. Quippe qui in libro , quem de Deo vno ac trino , ac de mysterio Incarnationis , scripsit contra hæresim Noëti , ita loquitur in tem nostram. *Deus cum solus esset , nihilq̃ sibi coævum haberet , voluit mundum efficere ; & mundum , cogitans & volens & dicens , effecit*. Nihil erat præter ipsum , & ipse solus multum erat. Nec enim erat sine ratione , sine Sapiencia , sine potentia , sine consilio : omnia erant in eo , ipse erat omnia. Quando voluit , & quomodo voluit , ostendit Verbum suum temporibus apud eum definitis ; per quod omnia fecit. Qui cum vult , facit , quando cogitat , perficit ; quando loquitur , ostendit ; quando format , Sapienciam edit. Omnia enim quæ facta sunt , ratione & Sapiencia fabricavit : ratione quidem creat , Sapiencia verò ornat. Eorum autem quæ facta sunt , ducem , consiliarium , & operarium generabat Verbum. Quod Verbum cum in se haberet , essetq̃ mundo creato inaspectabile , fecit aspectabile , emittens priorem vocem , & lumen ex lumine generationis , deprompsit ipsi creatura Dominum , sensum suum. Et qui prius ipsi tantum erat visibilis , mundo autem invisibilis , hunc visibilem facit , ut mundus cum eum qui apparuit videret , saluus fieri posset.

Quibus quidem partim obscurioribus , sed ipsa vetustate venerabilibus , geminam implicare videtur factam à Patre Verbi sui ostensionem : alteram , per productionem mundi ; quâ per Verbum suum creans omnia , suamque in eâ molitione Sapienciam ostentans , ipsum Verbum ex invisibili fecit visibile ; ad eum modum quò Verbum mentis nostræ , visibile fit aut sensibile , cum foras prodit , sensibilibus vocibus indutum.

Lib. 3. doct.  
ignor. c. 5.

Alteram , per carnis susceptionem ; de qua , apud subtilissimum Cardinalem Cusanum , olim memini legere : *Quemadmodum*

## PARS SECVNDA. CAP. IV. 103

modum mentale Verbum oportet induere vocem, vt fiat nobis sensibile; idque fieri interueniente spiritu dicentis: ita Verbum Dei humanam carnem induisse, vt in ea apparens nobis fieret sensibile atque atrectabile; (vt S. Ioannes in prima sua epistola loquitur) idque esse factum, interueniente diuini Spiritus operatione.

Quam etiam comparationem; inuenio à S. Thoma in quodam opusculo breuiter indicatam. Expressius autem S. Augustinus in libris de Trinitate: *Ita enim ( inquit ) Verbum nostrum, vox quodammodo corporis fit, assumendo eam, in qua manifestetur sensibus hominum; sicut Verbum Dei caro factum est, assumendo eam, in qua & ipsum manifestaretur sensibus hominum.* Hæc Augustinus.

Sed nemo eam rem, in qua versamur vberius expressit Nicolao Cardinale Cusano. Is enim in primis, libro de filiatione Dei, ait; quod *Deus creauit sensibilem mundum istum, ad finem intellectualium spirituum, materiam eius quasi vocem, in qua mentale Verbum variè fecit resplendere; vt omnia sensibilia, sint elocutionum variarum orationes, à Deo Patre, per filium Verbum, in spiritu vniuersorum explicata.* Quod antea ibidem declarauerat, similitudine magistri, verbum suum mentale, per vocis externæ formationem, in auditorum mentes, transfundere satagentis. Et cap. 7. Compendij, eâdem præmissâ verbi vocalis ad verbum mentale comparatione: *Ita ( inquit ) de formatore omnium conceptum facito, vt de mente. Quodq; ipse, de Verbo de se genito, se cognoscit, in creaturâ, quæ est increati Verbi signum, se ostendit in varijs signis variè. Et nihil esse potest, quod non sit signum ostensionis geniti Verbi. Et sicut mens nolens amplius se ostendere, à verbi vocalis prolatione cessat, & nisi indefinenter proferat, existere nequit vocale Verbum: sic se habet creatura ad creatorem.* Et infra: *Pari-formiter sunt creaturæ, quæ sunt notæ & ostensiones interni Verbi &c.*

Ex quibus pronum est id efficere, quod contendimus; res omnes creatas esse voces quasdam Dei loquentis, & claras notas ac signa Sapientiz diuinæ.

Quod equidem etiam efficacius alio quodam loco expressit idem autor, in hunc modum disserens: *Sapientia ex ore Altissimi produit, primogenita ante omnem creaturam. Hæc vocatur ratio, ratio seu Verbum: quam Plato & Philosophi nomi-*

*Exit. l. 5. Serm. Quin myrba.*

nant Intellectum, Deum de Deo, Deum creatorem, à Patre primo Deo. Ista Sapiencia omnia formando lustrat, & ubique lucet. Quæ ante creaturam prodijt ab æterno, ut in creatura conspiciatur dicitur creatura. Ac si quis diceret, videndo librum Platonis; Ecce Platonem: ita nominatur in creaturis Sapiencia Dei Patris, creatura. Et quid aliud est creatura, quàm Sapiencia Dei sic ostensa? sicut liber Aristotelis, non est nisi Sapiencia Aristotelis, sic communicata & ostensa. Duplicem igitur potes hic mundum intueri: unum in Sapiencia ante omnem creaturam, sicut in arte; alium in explicatione, ut in visibili effectu. Videtur in Sapienciâ increatâ mundus, ut in causâ causatum: videtur in mundo Sapiencia, ut in causato causa. Creator omnium creauit Sapienciam. Si enim omnia creata respicis, non aliud creatum esse comperis, quàm ipsam Sapienciam: nam illâ semotâ, nihil est creatura. Hæc omnia Cardinalis.

Concludat hoc caput Gregorij Nysseni in idem conspirantis præclara sententia. Quippe qui de rebus diuino imperio in lucem productis agens, cum illa dixisset: *Quidquid enim ordine sapienterq; factum est, quadam veluti Dei vox est*: ut deinde declarer, hanc ipsam esse vocem Sapientiæ, siue ipsas res creatas, quatenus quædam sunt Sapientiæ diuinæ manifestatio; non ita multò post ista subiungit: *Nam imperantia rerum conditarum verba, quæ à Mose ex diuina voce descripta sunt, David ipse conspectam in rebus generatis sapientiam appellauit*. Hactenus Nyssenus.



## C A P V T V.

*Vniuersum hoc nihil nisi Echonem Verbi diuini esse, vario percussu, multipliciq; responso, resonantem.*

Commonstremus nunc explicatiùs, quod obiter tantùm superiori capite indicatum est: Vniuersum hoc esse Echonem quandam, & quasi responsum diuini Verbi atque Sapientiæ, variè ac multipliciter in rebus creatis resonantis. Quod videbatur hac ratione posse confieri.

*De cal. hier. c. 2. De diu. nom. c. 4. & 6.* Cùm apud Areopagitam Dionysium aliquando legerem: etiam res istas corporeas habere in sese diuini decòris aut bonitatis, quædam (vt ipse ait ἀρετὴν ἡμετέραν, hoc est, obscuriorem quan-



PARS SECVNDA. CAP. V. 105

quamdam imaginem, seu; vti loquimur, resonantiam; & plantas quidem, exempli gratiâ, vitam habere, *καὶ τῶν ὄντων τὰς ζωὰς ἀπὸ τῆς ἀρχῆς*, secundum ultimam atque extremam vitam resonantiam; res autem vitæ expertes ( quarum, autore S. Gregorio, extrema essentia est ) habere esse *καὶ τὰ ἀνεκὸς ἀρχῆς τὰ ἀνεκὸς*, quatenus tenuissimum quiddam ipsius boni in ijs resonat; seu magis ad Verbum, secundum multesimam, & quasi sæpius multiplicatam, boni resonantiam, adeoque à prima longè longèq; distantem, iamque extremo quasi tinnitu deficientem; cumque aliunde id meminisset, quod Scriptura passim edocet, Deum Verbo suo creasse mundum, atque adè rerum productionem, non nisi dictionem quandam, proindeque Verbi à Patre concepti prolationem, expressionemque fuisse: ex his, inquam, in eam veni cogitationem, vt dicerem:

L. 16. Mor.  
c. 13.

Huius Vniuersi absolutam pulchritudinem, esse instar Echus pulcherrimæ & artificiosissimæ, ipsum æternum Verbum, artemque Dei ac Sapientiam, imitatione loquaci, & multiplicato percussu referentis, auribusque non inruditis ingerentis atque insinuantis.

Quamquam si mundus hic vniuersæque natura rerum, ad Verbi diuini comparatur, infinitis modis excedentem & supereminentem, præstantiam; non tam Echo, quàm *ἀρχὴ*, id est, obscurum eius imitamentum, & exilis quidam tenuisque tinnitus ex Dionysij mente, censerì possit. Semel quippe (quod Psalmus ait) *7/61. v. 12.* apud se locutus est Deus: Verbum vnicum ab æterno progignens, quo vno se, & omnia diceret, viam expressamque vniuersorum formam ac rationem, imaginem menti secundissimæ sese producentis æqualem, infinitam denique Patris intelligentiam, implentem. Verùm huius Verbi Deo coæui, quod propter suam infinitatem, vnicâ voce, seu sui simulacro, representari non poterat, plura ac diuersa imitamenta, atque *ἀπὸ τῆς ἀρχῆς*, Deo dicente imperanteque, & Verbi sui generationem extra se quodammodo protendente, producta sunt: ex quibus hæc rerum, velut vox & echo, diuini Verbi vim ( quoad fieri potuit, ac congruens fuit ) referens, resuleret Vniuersitas.

Pars vti naturâ comparatum est, vt ubi multiplex prolatis soni percussio, eoque multiplex vocis repetitio contingit, ipso progressu sensum decreseat congeminaæ vocis expressio, eoque euadat obscurior, quò magis ac magis à primâ vocis productione receditur: ita res huius Vniuersi, quò, naturæ

suæ

suz perfectione, principio suo propinquiore sunt, ut Angeli, vthomines, eò diuini Verbi expressior sunt resonantia; idcirco, Sapientum consensu, ipsius diuinitatis imagines appellati: at naturæ reliquæ inferiores, quæ solùm dicuntur diuinitatis vestigia, responsum quodam obscuriote diuini Verbi vim atque energiam referunt, velut extremi quidam conatus, atque tinnitus vocis deficientis.

Arque hoc quod dixit diuinus Ateopagita, de multesimâ, & veluti nos explicare cœpimus, semper decrescente resonantiâ; id ipsum his verbis exponit interpres S. Maximus: *Quemadmodum si quis magnâ vociferatione aliquid dicat, qui adstant, & bene clamorem, & quod dictum est, percipiunt; qui autem distant, quò magis distant, minus sonum audiunt; qui verò longè, sonum tenuissimum audiunt, sine significatione vocis.* Sic, inquit, in presenti cogitandum.

Eademque mente, licet aliâ sermonis figurâ, libro 1. in Somnium Scipionis ait Macrobius: quod fulgor quidam diuinæ mentis, cuncta quæ ab eâ profecta sunt ordine quodam illuminet, & in vniuersis appareat; ut in multis (inquit) speculis per ordinem positus, vultus vnus. Quæ quidem plurium speculorum certo ordine dispositorum, & vultum eundem obscurius semper obscuriusque referentium comparatio, in rem præsentem aptè conuenit; cùm etiam de Sapientum sensu, res omnes creatæ, quædam sint diuini Verbi ac sapientiæ specula. *Vniuersa enim mundialis machina* (ait B. Laurentius Iustinianus) *quid aliud, quàm æternæ veritatis est speculum?* Sic illi.

Itaque vox illa omnipotens, quæ diuini Verbi efficiâ mundum eduxit è nihilo, multiplici illâ, pro varijs rerum naturarumque gradibus, reflexione ac repercussu, quasi ipso spatio elanguescens, sensim minor fit, ac minus minusque perfectè à prole, seu opete suo, replicatur ac redditur: non quasi vox ipsa per se sit inefficax, sed de materiæ limitatione atque circumscriptiōne. Ipâ interim tot reflexionum diuinæ vocis, refractionumque modulatè decrescens varietate, ad soni potius suauitatem, & auditus spiritalis voluptatem, pertinente. Ut hîc quoque valeat, quod Sanctus ait Ambrosius: *vocem gloriosam, in memoribus aut montibus, gratiore plausu, & suauiore sono, resultare.*

Sunt igitur res omnes creatæ, tanquam iocose quædam (ut ad Horatii dictum alludam) diuinæ vocis imagines, auctori suo multi-

De diu. nom.  
c. 4.

Cep. 14.

De casto con-  
nub. c. 25.

Argum. in  
2 psalm.

L. 1. Ode  
12. & 10.

multiplici plausu atque responſu laudem reddentes, eiſdem decorem, bonitatem, ſapientiam, ſuo quæque modulo mortalibus annuntiantes. Secundùm quod ait etiam S. Auguſtinus, in Plalmum 26. *Vndique tibi omnia reſonant conditorum.*

Quam quidem à nobis, occaſione vetborum S. Dionyſij conceptam, atque hoc loco propoſitam commentationem, confirmare licebit ex ipſius Dionyſij pataphraſte Georgio Pachymerio, ita quodam loco loquente : *Quod eſt in viſione imago ſimilitudinem quandam primi exemplaris referens ; hoc eſt in auditu ἀκρόασις, ſive reſonantia, ſimilitudinem quandam vocis habens ; quod nimirum illud eſt quod à ſono ultimum reſleſtitur. Conſidera igitur ſpiritualem Dei pulchritudinem habere quodammodo rationem quandam ſoni, ſingularis proriſus & occulti ; ex quo ſono, & ex quâ pulchritudine, reſonantia quædam & quaſi ſimilitudines ipſius, licet diſſimiliter accipiantur, ad creaturas deferantur. Sic ille : quem obiter obleruo in Dei pulchritudine, non Echo- nis, vt alij vertunt, ſed ſoni ( Græcè τῷ ἔχῳ, non τῆς ἠχῆς ) rationem agnoſcite : quippe cum rectiùs in ipſo Deo, non niſi principium atque origo reſonantiæ, extra Deum autem omnis reſonantia ſeu reflexio conſtitui videatur.*

Obſeruetur denique quod propiùs ad rem præſentem quodam loco tradit ipſe Dionyſius: Ex Dei nimirum Sapientiâ habere, primùm Angelos, quod intellectuales ſint; deinde animas, quod rationales. *Quin & ſenſus ipſos ſiquis Sapientiæ quandam ſibulum ( Græcè ἀντίκτυπον ) eſſe dixerit, nequaquam, inquit, à vero aberrabit.* Quibus ille quidem Sapientiam Dei conſiderat, prout vis quædam eſt res ſibi obiectas percipiendi, & virali quædam imagine repræſentandi; cuiſque ſic ſumptæ veſtigium aliquod, ſive tinnitum aut ſibulum ait poſſe agnoſci etiam in externis ſenſibus. At nos, illius loquendi modum alijs in locis imitati, rem quamvis creatam dicimus, eſſe aliquod Sapientiæ Dei ἀντίκτυπον; hanc videlicet, veluti ideam ac formam rerum, quæ per Dei Verbum in mundo ſunt, ſuumque principium ſuo quæque modo referunt ( prout argumento noſtro congruebat ) conſiderantes.



## CAPVT VI.

*Ex rerum omnium Vniuersi tanquam vocibus, carmen quoddam  
aut canticum existere, quo conslet harmonia temporum,  
& ipsa rerum attemperetur Vniuersitas.*

**E**X hactenus dictis pronum est in hanc cogitationem deuenire, vti elegantem & eruditam, ita præsertim S. Augustino familiarem, & si quis nonnihil philolophari amet, ad vltus actus huius humanæ viræ peropportunam.

Si etenim, veluti satis multis iam ostendimus, res omnes, quibus siue pariter consistentibus, siue inuicem decedentibus ac succedentibus, Vniuersum hoc componitur, velut totidem sunt æterni Verbi ἀποχρύματα, siue diuinæ Sapientiæ voces; quæ sibi inuicem certo responso, proportionem, consensu, ordinatissimè & modulatissimè respondeant: consequens est, vt illud dicamus (quod ipsa indicat diuina Scriptura, & Patres manifestius prodidere) sæculum hoc, atque, vt Tertullianus appellat, *corpus temporum*, ipsamque præsentis Vniuersi constitutionem, esse instar diuini carminis, aut modulatissimi cantici; quo & ipsa sese oblectet Dei Sapientia, ob hoc dicta ludere in orbe terrarum, & per illud artis suæ specumen, & scitas diuinæ harmoniæ delicias, ad sui nos notitiam prouocet, sui admirationem, cultum, amorem conciliet.

*Adv. Gent.  
l. 26.*

Et Scripturæ locos id indicantes, nonnullos in decursu insinuabimus. E Patribus autem vel vnus sufficiet Augustinus, vt qui non vno loco eam rem nobis, & explicatissimè, & elegantissimè tradidit.

In primis enim epistolâ 5. ad Marcellinum; huius mundi cursum, proportionem, pulchritudinem, velut magnum carmen diuini artificis considerat; dicens, Deum alia alijs temporibus aptare, vnumquodque accommodatè cuique temporis: *dones* (inquit) *uniuersi sæculi pulchritudo, cuius particule sunt quæ suis quibusque temporibus apta sunt, velut magnum carmen cuiusdam ineffabilis modulitoris excurrat, atque inde transcant in æternam contemplationem speciei, qui Deum rite colunt, etiam cum tempus est fidei.* Quibus utique expressum vides quod dicebamus: res omnes quibus hæc Vniuersitas componitur, & quæ spectandæ sunt

# PARS SECVNDA. CAP. VI. 109

sunt ut particulę pulchritudinis eius, esse tanquam voces aut syllabas, ex quibus ineffabilis modulator, ipsa scilicet artificis Dei Sapiencia, magnum quoddam carmen ordinatissimumque quasi concentum efficiat; cuius elegantia & suauitas, non ex singulis eius particulis, & tanquam syllabis, sonisue, spectanda sit; sed ex elegantissimâ, quę ex his omnibus inuicem compositis, in ipso toto efflorescit, symmetriâ.

Deinde hoc ipsum etiam pluribus tradens idem S. Doctor in alia quadam ad S. Hieronymum Epistolâ, in hunc modum loquitur: *Possumus etiam rectè illius moderationi ista relinquere, Epist. 28. quem scimus omnibus temporaliter transeuntibus rebus, cursum ornatissimum atque ordinatissimum dare: sed nos ista sentire non posse, quę si sentiremus, delectatione ineffabili mulceremur. Non enim frustra per Prophetam, qui hæc diuinitus inspirata didicerat, dictum est de Deo: Qui profert numerosè sæculum. Unde si homo faciendı carminis artifex, nouit quas quibus moras uocibus tribuat, ut illud quod canitur, decedentibus ac succedentibus sonis pulcherrimè currat ac transeat: quanto magis Deus, cuius Sapiencia, per quam fecit omnia, longè omnibus artibus preferenda est, nulla in naturis nascentibus & occidentibus temporum spatia, quę tanquam syllaba ac uerba ad particulas huius sæculi pertinent, in hoc labentium rerum tanquam mirabili cantico, uel breuius, uel productius, quàm modulatio præcognita & præfinita deposciet, præterire permittit? Hęc ille scitissimè: ubi rursus uides, huius Vniuersi particulas, siue res omnes suis temporibus orientes ac decedentes, syllabis aut uerbis comparari; ipsius autem Vniuersi cursum admirabili cuidam diuinę Sapiencię cantico; cuius pulchritudinem ac suauitatem si animo nostro comprehendere, eiusque ideam vno cogitatu complecti & informare possemus, summâ utique voluptate, & delectatione ineffabili mulceremur.*

Ad quam sibi amicam atque iucundam cogitationem etiam alibi respiciens, pulchrè dixit, quod, *Verbum Dei, cum sit in principio Deus apud Deum, ubi non habet syllabas, quia non habet tempora; propter infirmitates nostras descendit ad particulas sonorum nostrorum: cum scilicet suscepit infirmitatem carnis nostrę, & rex sæculorum, tempori insertus, factus est & ipse syllaba quædam diuini carminis, & pars ipsorum sæculorum.*

Atque his plura affinia profert S. Doctor locis varijs: quorum nos nonnulla in decursu indicabimus.

In ps. 103.  
canc. 4.

De vera re  
lig. c. 23.

Quod autem epistolâ suprâ laudatâ, huic sensui suo confirmando, Prophetam allegat dicentem : *Qui profert numerosè sæculum*, obseruandum, id desumptum esse ex Isaïæ 40. capite; vbi ita legimus ex versione Septuaginta Interpretum : *ὁ ἀριθμὸς τῶν αἰώνων ἀριθμῶν*; quod ita verti solet: *qui educit in numerum ornatum eius*; pro eo quod habet vulgata nostra : *qui educit in numero militiam eorum*. Porro Augustinus *τῶν αἰώνων* non pro ornatu, sed pro mundo siue sæculo accepit; & illud *ἀριθμῶν*, vertit *numerosè*; vt sensus sit: sæculorum seriem cum certo numero seu modulatione sapientissimâ procedere, & instar habere ordinatissimi carminis, aut suauissimi cantici, in quo longa breuibus, acuta grauibz, concitata remissis, similia dissimilibz, contraria contrarijs, artificiosâ modulatione commisceantur.

Isa. 40. v.  
26.

Iob 38. v.  
37.

Quem in sensum accepta Prophetæ verba, illum nobis referunt naturæ aut cæli concentum, de quo sic legimus in libro Iob : *Quis enarrabit calorum rationem, & concentum cæli quis dormire facies?*

Atque illum quidem, non sensili sono aures mulcentem (vt Pythagoræ quidam, etsi minùs instè, tribuunt) sed ratione solâ, ordine, proportionè constantem, & non nisi mente & intelligentiâ comprehendendum.

Neque aliâ mente dicemus fuisse Platonem, dum ex Pythagoricâ philosophandi ratione, mundum vniuersum, humanosque animos harmonicâ quadam numerorum proportionè constituens, ipsi quoque cælo suam musicam attribuit, ab animabus cælorum motricibus (quas idcirco Sirenas appellat) formatam, atque compositam.

Sic enim is Dialogo 10. de Rep. siue de Iusto, disenti tradit : *Supernè præterea cuilibet circulo harere Sirenem, vnâ cum globo delatam, vocem vnâ, vnum videlicet sonum, emittentem*. Quod pluribus explicans Ficinus, argumento in eiusdem Ionem, siue de furore Poëtico; ait, ex Platonis mente Musas esse sphaerarum cælestium animas : *quæ ( inquit ) nouem animæ, nouem Musæ vocantur ; quia dum celos harmonicè mouent, musicam parunt melodiam ; quæ in nouem distributa sonos, octo scilicet sphaerarum tonos ; & vnum omnium concentum, nouem Sirenes Deo canentes producit*. Porro in sequentibus idem Ficinus, sphaeris cælestibus Musas singulas speciali ratione attribuit : addens aliter, Apollinem animam esse solis, corpus autem solis, ipsius lyram.

## PARS SECVNDA. CAP. VII. 111

lyram. Quam appellationem ipsi cælo assignabant Pythagorici, illud Dei lyram appellantes; prout idem Ficinus, suis commentarijs in Plotini librum tertium Enneadis secundæ cap. 4. testatur. Vt & in his faciliè, cælos Dei gloriam & Sapientiam annuntiantes, possis agnoscere.

### CAPVT VII.

*De concentu celi; orbiumq; celestium cum nouem choris Angelorum consonantiâ.*

**V**eruntamen hunc ipsum cælorum concentum, harmonicâ quadam proportionè diuinas laudes prædicantium, diuerso non nihil, magisq; Christiano sensu, exponere liceat; si Theologiam nostram cum Platonicâ coniungentes, quas ille nouem siue Sitenas, siue Musas appellat, nos nouem Angelorum choros siue ordines interpretemur: non quasi vltimum dogma nostrum videri velimus ab externis Philosophis mutuati; sed potius vt illos (quod sæpe facit Clemens Alexandrinus in libris Stromatum) ex Prophetis nostris, sacrisque libris profecisse, demonstramus. Quemadmodum in re quam modò tractamus manifestum est, Iamblicum Philosophum, in libro de Mysterijs, de numinibus inuocandis agentem, Angelorum & Archangelorum Principatumq; nomina à nobis accepta vsurpasse; quibus tamen Deos & dæmonas & Heroas adiungit, ex Ægyptiâ aut Græcâ superstitione.

Quò & illa spectant Minutij Felicis in Octauio: *Animaduertis Philosophos eadem disputare qua dicimus; non quòd simus eorum vestigia subsecuti, sed quòd illi de diuinis prædictionibus Prophetarum, umbram interpolatâ veritatis imitati sint.*

Igitur vt rem ipsam explicem; quando ex magni Augustini sententiâ, in libro suarum Confessionum duodecimo, cæli nomine quod initio Genesis à Deo conditum memoratur, cælum spiritale seu intellectuale (Angelica scilicet creatura, quæ semper faciem Dei contemplatur, facta diuinæ æternitatis particeps) intelligendum videatur; isti S. Doctoris cogitationi insistentes, haud incongruenter primùm dicemus: ex ipso totius Angelicæ naturæ complexu, quandam constari velut machinam supramundanam ac supra cælestem, nouem illis suis

Ibid. c. 1.  
 et 35.  
 7f. 148.  
 v. 4.

cap. 38. v. 7.

ordinibus, seu choris harmonicis, tanquam totidem orbibus cælisue spiritalibus, constantem; ex quorum ad inuicem ordine, consensu, responso, proportionem suauissimâ, concentus resultet inenarrabilis, & diuinis quidem auribus iucundissimus, solis autem ipsi diuinis Sirenibus, aut non nisi puris beatisque mentibus, intelligendus. Quos equidem cælos spiritales, idem Augustinus, Psalmo 113. v. 16. cælum cæli appellari censet, propter ipsorum eminentiam, & quia ( vt ait ) *ad illud cælum cæli, etiam terra nostra cælum, terra est*; eisdemque addit, in Psalmo alio ad Deum laudandum, eiusque nomen suo illo concentu concelebrandum inuitari. Quò referri potest etiam quod in libro Iob dicitur: *Cum me laudarent simul astra matutina, & inebilarent omnes filij Dei*. Nam si eo loco astrorum matutinarum nomine cum Hieronymo, Gregorio, aliisque, sanctos Angelos accipimus; iam in ijs verbis manifestus est ad cælos nostros spiritales respectus: quorum etiam concentus videtur innui, ex hoc quòd Deum *simul* laudare perhibentur. Cui expositioni etiam fauere videtur, quæ Sanctis Angelis cum stellis intercedit analogiæ ratio: cum vtrisque competat, dici & esse cælorum ornatum; iisque in diuinis litteris communis sit, exercitus cælestis, aut militiæ cæli, appellatio.

In Epinomi-  
 de.

Adde, ex communi interpretatione, ipsos Sanctos Angelos in membro altero Filiorum Dei nomine venire. Quomodo ( vt id obiter interseram ) etiam Plato Sirenes cælestes, soro- res esse pronuntiat; eodem nimirum Patre Deo prognatas, vultu, id est moribus affectibusque consimiles, atque in vnam eandemque Patris sui cælestis gloriam, harmonicis illis motibus suis conspirantes.

Sed, quoniam ita comparatum est, vt inferiora oporteat, proportionem quadam respondere superioribus: idcirco vlti- riùs, nec sine fundamento dixerimus: Nouem sphæras cæle- stes ( quem olim numerum, cum Ptolomeo, Hipparcho &c. cælis assignabant Astronomi ) nouenis illis cælis spiritalibus, seu choris Angelicis, naturali quodam responso comparari, atque alludere. Siue interim velimus, in re inexploratâ Theologis, vnicuique sphære singulatim propriam è choris singulis attri- butam Intelligentiam: siue hanc rem dicamus, in solâ nature operationumue analogiâ versari; aut fortasse etiam istius res- ponsus gratiâ, quandam his in illas, velut præsidibus aut anti- stitibus, aspirationem, energiam, directionem conuenire.

Atque



## PARS SECVNDA. CAP. VII. 113

Arque his affinem philosophandi modum placuisse video Francisko Georgio Veneto, in docto ac curioso Opere, quod Harmoniam mundi totius, inscripsit.

Quippe qui eius Harmonię Cantico 1. Tomo 4. Angelorum choros singulos, totidem celorum corpoteotum sphaeris, eâ ratione attribuit; vt *Seraphinos* dicat respondere primo mobili; eò quòd hi, ex S. Dionysio, Deo proximi sint, semper mobiles circa diuina, & vniuersali absolutaque motione, cuncta promouentes, vt ad ipsum primum denique tedeant. *Cherubinos*, celo fideteo: quòd tam hoc quàm illi repleantur pulchris imaginibus, ex fonte idearum detiuatis. Nam, velut, teste Dionysio, Cherubicus ordo plenus est diuinâ pulchritudine, & scientificâ traditione: ita octaua sphaera exornatur astris radiantibus, imaginibusque signorum caelestium; quas ex nescio quorum (quos appellat viros probatissimos) paradoxâ sententiâ, significat non tantùm in situ siderum, sed in veris figuris apparere. *Thronos*, sphaeræ Saturni: quòd huius Planetę aspirationum participes, firmi sint ac solidi consilij, profundæ scientiæ, solitudinis, silentij, ac quieris amantes: in quibus clara appareat Thronorum seu Sedium, atque Saturni analogia. *Vt non sine mysterio* (inquit) *Deus dicatur quiescisse de ipsi attributo, eodemq; die populo suo quietem, suæ Sabbatum, indixisse. Dominationes*, Ioui: quòd huius efficientia dicatur præsertim consistere, in concilianda dignitate formæ, nobilitate animi, iuris dicundi, legum ferendarum, (verbo) regendi dominandiue autoritate. *Virtutes*, Marti: quorum, vel ex ipsâ appellatione, propriisque operationibus, satis illustris est comparatio. *Potestates*, Soli; quòd eæ, ex munere suo, benignis ac beneficis aspirationibus, bona concilient, mala auerant, renebrarumque principibus, siue aduersis potestatibus, obsistant. *Principatus*, Veneri caelesti; quòd eatum proprium censeatur, ordinem in rebus ac proportionem intendere, atque adeò diuini decòris ac pulchritudinis imitationem: dicente S. Dionysio, quod deducunt ea quibus principantur, in conformationem Opificis, cuius imaginem gerunt.

In quo itidem iusto partium ad inuicem responso ac conuenientiâ, quidam elucet decot, vniuersalis perfectæque iustitiæ, de qua celebre est illud Philosophi: *Eam esse virtutum omnium præstantissimam, & neque Hesperum, neque Luciferum* (quę reipsa sunt ipsum astrum Veneris) *ad eam esse admirabilem.*

*Archana*

*Erb. Nicom.  
l. 3. c. 1.*

*Archangelos*, Mercurio; quòd ij, secundum Dionysium diuinas illuminationes Deiformiter annuntient, vt nobis per Angelos eas manifestent secundum sacram vniuersumque illuminatorum analogiam. Et ipse Mercurius idcirco Deorum nuntius atque interpres creditus sit quòd eloquentiam ac prudentiam conciliet, & (quod ait autor) *numeros vocales, & formales aut rationales, conducere in eandem consonantiam laboret. Angelos, Lunæ*; quòd, veluti Luna (quod ait Tullius) vltima cælo, citima terris, superiorum effluvia nobis proximè communicat, eiusque adedò effectus magis sentiuntur: ita Angeli, & naturâ nobis propiores sint, & nobiscum versentur familiarius, & cælestium gratiarum nobis sint interpretes & administri.

*Senn. Scip.*

Quæ omnia pluribus citatus autor, & ingeniosè sanè, persequitur. Idque haud scio, annon aptius & accommodatius, quam loco antea citato Marcellus, de Sirenibus Musis suis in hæc ipsa verba disserens. *Calliope Musa* (inquit) *vox est ex omnibus resultans sphaerarum vocibus: Vrania, celi stelliferi; per dignitatem sic dicta. Polymnia, Saturni; propter memoriam rerum antiquarum. Terpsichore, Iouis; salustifer enim choro hominum. Clo, Martis; propter gloriæ cupiditatem. Melpomene, Solis; quia totius mentis temperatio est. Erato, Veneris; propter amorem. Euterpe, Mercurij; propter honestam in grauius rebus delectationem. Thalia, Lunæ; propter viriditatem, eius humore rebus exhibitam.*

Ita ille; suæ attributionis, analogiæque, ratione fermè petirà, ex Græcarum vocum, quibus vnaquæque Musarum appellatur, annominatione.

*cap. 5.*

Quid si porro dicam, posse nos fortassis, etiam ex diuinis Litteris, antè memoratæ viri eruditi cogitationi nonnullum pondus autoritatis adiungere? Quippe cùm inueniam eruditissimum iuxta atque antiquissimum Clementem Alexandrinum libro 5. Stromatum ita loquentem: *Ammon hæc sunt familia ijs quæ dicta sunt à Propheta Sophonia? Et assumpsit me spiritus, & sustulit in quintum celum, & contemplabar Angelos qui Domini vocabantur, & diadema eorum impositum à Sancto Spiritu; & erat sedes vniuscuiusque eorum septuplo maior luce solis orientis; habitantes in templis salutis, & laudant Deum ineffabilem & altissimum.* Sic ibi. Quæ, etsi, vt notat Clementis expositor Gentianus Heruetus, hodie in Sophonia non inueniantur ( ~~in~~ vtique nec apud Septuaginta Interpretes, quos consului )

## PARS SECVNDA. CAP. VII. 119

consului) credibile tamen est, zuo Clementis, ita in illo lecta fuisse.

Ex hoc etenim loco non obscure liceret deducere : quemadmodum istic quintum cælum assignari videmus Dominationibus ; tanquam illi, aliquo modo , & quacunq; tandem præsentia ratione , præsidentibus : ita reliquas sphaeras cælestes reliquis Angelorum ordinibus posse quodam ordine , & certâ proportionem attribui ; sic vt Ordines singuli singulis orbibus cælestibus speciali ratione præsideant , in illis quodammodo inhabitent , & velut in templis totidem summo Deo dicatis ( quod obserues pro ijs , quæ nos deinceps disputabimus ) ipsum Altissimum suauissimis laudibus celebrent , & illum denique , in quo modò versamur , cælestem concentum efficiant , ex nouem veluti musicis choris existentem atque constantem.

Cui diuinæ Cælorum , Virtutumq; cælestium , reliquorumq; Angelorum , sociâ inuicem exultatione consonantium symphoniarum , suorum etiam fidelium voces ( quamlibet exiles atque impates ) hymno illo , quo sacro canoni diuinissimi sacrificij ipsa præfatur , adiungi exoptat atque flagitat Ecclesia. Siue , vt voces nostræ , veluti minùs dignæ per se se , ex sui ad illum cæli concentum adiunctione , euadant Cælo acceptiores : siue , vt ex cælestium terrestriumq; vocum consensione , plenior existat , Deoque dignior , totius Vniuersitatis laudatio.

Neque hoc loco quemquam moueat , quòd sacri Doctores communiùs , non quantum ( vt facere videtur Sophonias apud Clementem ) sed quartum dignitatis locum Dominationibus assignant.

Nam etiam S. Dionysius libri de cælesti Hierarchia capite 6. nouem Ordines Angelorum enumerans , Dominationes medias in secundâ Hierarchiâ , siue quinto loco collocat ; tametsi deinceps , quando de Hierarchijs singulis propriè ac seorsum sermone[m] habet , videatur communiori opinioni fauere.

Quod autem in Psalmo 67. v. 5. vbi nos legimus : *qui ascendit super occasum* ; Chaldaeus Paraphrastes sic habet : *sedentem super sedem gloriae in nono calo* ; cæli noni nomine fortassis intellexit Empyreum , ex receptâ priscorum Chaldaeorum sententiâ , quos constat solummodo octo calos mobiles posuisse.

Neque ab his admodum abhorret quod legere est in Hermetis Pimandro , præsertim secundum Francisci Patritij versio-

nem Græcis consentaneam; vbi describitur anima, ordine quodam per septem zonas siue circulos ad Deum conscendens, atque vbi peruenit ad octauam naturam, audire Virtutes quæ super eam sunt (tanquam ei præsidentes videlicet) voce quadam propriâ laudantes Patrem, ipsæque similis effecta & ipsa cum illis celebrare Deum &c.

Denique à nobis memorato cælesti Angelorum concentui fauere videtur Doctor Angelicus, dum illud lobi: *cum me laudarent astra matutina*, ait, *etiam referri posse ad Angelos, quorum ministerio corpora cælestia mouentur*; ita ut quod subditur: *Et iubilarent omnes Filij Dei*, referatur ad Angelos supremæ Hierarchie, quos Dionysius dicit esse collocatos in vestibulis Deitatis.

*De cal. hier. 4. 7.* Et ideo signanter illis, tanquam inferioribus, laudem; istis autem, tanquam superioribus, attribuit iubilationem, quæ excellentiam quandam laudis importat. Sic ibi. Porro ex occasione illius dicti S. Dionysij, obiter obseruet lector studiosus, eadem ipsâ loquendi figurâ usum esse Plotinum, dum mentem nostram esse dixit in ipsius Boni ( seu primi principij ) vestibulo constitutam.

*Enn. 5. l. 9. 6. 2.*

## C A P V T VIII.

*Nonnulla adduntur ad mundi harmoniam spectantia. Obiter admonitum: Non parum referre, quas aures, quos oculos, ad naturæ voces, rerumque formas percipiendas, adferamus.*

**V**eruntamen Deum præclaræ cuiusdam harmoniæ mundi modulatorem in suis versibus agnoscit etiam S. Paulinus, natali nono S. Felicis ita canens:

*Sic Deus omnisonæ modulatur & arbiter unus  
Harmonia, per cuncta mouet quam corpora rerum;  
Et naturæ opifex Deus omnis & artis &c.*

*Apud Aug. ep. 39.* Et ex Varronis mente Licentius, Augustino dilectus discipulus, in suo ad Magistrum carmine; dum optat assequi profundi auctoris illius, hoc est Varronis, arcanam mentem

— *sacros-*

PARS SECVNDA. CAP. VIII. 117

— — *sacrosq̃ ( ut ait ) attingere sensus ,  
Quis numerum dedit ille tonis , mundumq̃ Tonanti  
Disseruit canere , & pariles agitare choreas.*

Addere licet & Trismegisti Mercurij , in Asclepio , his conso- Cāp. 6.  
nantem sententiam : dum , *ordinem rerum singularum , in unum ,  
omnium artifice ratione , collatum , ait , concentum quendam melo  
dinio dulcisonum verisimumq̃ , conficere.*

Quemadmodum etiam Philo Iudeus , Chaldaeos ait ; terre- De migratō  
Abrah.  
na sublimibus , & caelestia coaptando terrestribus , tanquam ra-  
tione musicā ostendere rerum concentum pulcherrimum . Atque ex  
mente Procli , per harmoniam in calo regnantem , superos re-  
liqua harmonicè cuncta temperare , docet Marsilius , ista ex eo  
Philosopho referens : *Celum concentu motionumq̃ , concinnitate  
plenum est . Deinde numina nobis superiora harmonia celitus par-  
ticipia sunt . Post hac hominum vita rectè disposita , consonantiam  
morum , & actionum concinnitatem suscipit &c.* In Extrañi  
Procli.

Eodemq̃ue postremò pertinet , quod Exhortatione ad Gen-  
tes in principio , pluribus disserit Clemens Alexandrinus : nem-  
pe Verbum diuinum cantico quodam omnia creasse & re-  
creasse ; sic de eo loquens , inter cætera : *Hoc tibi & Vniuer-  
sum Numerosè concinnèq̃ , exornauit , & elementorum dissononem  
in ordinem redegit consonantia , ut ei totus mundus fieret harmo-  
nia ; & quæ sequuntur.*

Quem demum concentum harmonicum , ex illâ præsertim  
contrariarum ac sibi pugnantium rerum concordia discordiâ  
enalti atque conflurgere , ipse Augustinus eleganter obseruat  
libro 11. de Ciuitate Dei cap. 18 ubi persistens in sibi familiari  
allegoria , dicit : *Deum ita ordinem seculorum , tanquam pul-  
cherrimum carmen , etiam ex quibusdam quasi antithetis , exor-  
nasse . Nempe , uti carminis ratio , syllabis constat longis ac bre-  
uibus ; melodia , sonorum acuti & grauis temperatione . Aut ,  
quò equidem potiùs eo loco respicit S. Doct̃or , velut oratio ijs  
quæ dicuntur antitheta , seu contrapositiona , tanquam colore rhe-  
torico , illuminatur . Ita enim subiicit ibidem : Sicut ergo ista  
contraria contrarijs opposita , sermonis pulchritudinem reddunt : ita  
quadam rerum , non Verborum , eloquentiâ , contrariorum oppo-  
sitione seculi pulchritudo componitur . Quod idem iam olim sic  
expresserat in dialogis de Ordine , ex persona discipuli sui Li-  
centij : Ita quasi ex antithetis ( inquit ) quodammodo , quod nobis* L. 1. de Ord.  
etiam c. 7.

*etiam in oratione iucundum est, id est contrarijs, omnium simul rerum pulchritudo figuratur.* Eodemque pacto Philonem quodam loco commemini, *multiformem illum* (vt ipse appellat) ex tot rerum naturis, *mundi contextum*, admirantem, in illâ proprietatum adeo differentium, inter se temperatione atque mixturâ, etiam musicam quandam symphoniam agnoscere.

*Lib. de Som.  
lib. 1.*

Sed nos plura deinceps huc pertinentia ex Augustini dictis proferemus. Quanquam ea quæ hic posuimus, rem ipsam manifestam faciant. Vt mirum sit plerosque mortales, istas tam sonoras vniuersæ naturæ voces, & modulatricis Sapientiæ diuinum carmen, non attendere; & nescio quarum Sirenum perniciosus cantibus occupatos, suauissimum illum cælestium Musarum concentum perpetuo tenore circumsonantem, aut aure surdâ præterire; aut quodam quasi delicato fastidio contemnere.

Sed interest sanè quas aures ad eas naturæ voces percipiendas admoueamus; aut quibus oculis, rerum huius mundi pulchritudinem contemplemur.

*L. 30. Mor.  
c. 9.*

Rectè enim B. Gregorius de illo apud Iob cæli concentuagens, ait illum reprobis dormire, sed non electis. *Omne enim visibile* (inquit) *quod in hac vita reprobos figit* (hoc est, in sui consideratione atque amore fixos detinet) *hoc electos ad alia impellit: quia dum bona quæ facta sunt respiciunt, in eum à quo facta sunt inardescunt.* His itaque concentus celi non dormit; quia eorum mens, quæ sit laudis supernæ suauitas, appositâ cordis aure cognoscit. Cuius oppositum ait reprobis obuenire, de quibus subdit: *Solis namque visibilibus seruiunt; & idcirco nihil supernæ suauitatis intrinsecus audiunt, quia eos, sicut superius diximus, in aure cordis curarum secularium surdus tumultus premunt.* Hæc S. Gregorius.

Eandem ob causam hortatur nos S. Augustinus, scribens in Psalmum 56. vt in rebus istis contemplandis oculos Christianos habeamus: *Intendite* (inquiens) *fratres mei. Christianos oculos habete: nolite decipi visibilibus.*

Nam cum in rerum naturâ considerandâ, non vnâ omnes voluptate ducantur, dici possumus ad eius contemplationem, triplicem tanquam oculum adferre. Quorum primus dicatur *Animalis*: cum sola delectat rerum istarum externa pulchritudo; ita vt animus solum consistat in rerum formâ sensibili, pulchrum esse solem, pulchra sidera, amœnas siluas, speciosos vultus, agnoscens; neque ampliùs quidquam de earum essen-

tia,

PARS SECVNDA. CAP. VIII. 119

tia, partibus, artificio, autote ipso & artifice, inquirens. Qua ratione plerique mortales bruto quodam impetu feruntur in ista visibilia, ijsq̃ue ad solam oblectationem sensuum, animantium instar, abutuntur.

Alter dici potest *Philosophicus*: qui solâ sciendi cupiditate, istius mundi contemplatur, venaturq̃ue naturam; essentiam omnium quę cælo terraq̃ue continentur, causas, effectus, proprietates inquirir; Vniuersi ipsius symmetriam, partium consensum atque responsum agnoscit, atque etiam fortassis ex tanti operis admiratione, ipsum inuestigat, ac denique inuenit artificem; non eum colendi, eiûe seruiendi studio, sed inani duntaxat, ac curiosâ, frugilq̃ue vacuâ speculatione.

Postremus dicatur cum Augustino *oculus Christianus*: quando videlicet in rebus istis contuendis ac contemplandis, non solâ capimur earum formâ, exterioriûe pulchritudine; neque nudo earum artificio, aut naturæ ipsarum inquisitione pascimur; sed in rebus creatis, non tam res ipsas, quàm earum autorem formatoremq̃ue Deum inuentes, ipsius admiramur potentiam, sapientiam veneramur, bonitatem amplectimur; sicq̃ue eius amore ac desiderio inardescimus. Hoc enim denique sapientis proprium est; siue, vnâquamque rem per altissimas causas cognoscere; siue eam ad vsus, ad quos ab ipso artifice suo efficta & comparata est, providè ac conuenienter adhibere. Ut proinde de eo qui aliter faciat, ex diuini Spiritus oraculo, rectè scriptum sit: *Vir insipiens non cognoscer, & stultus non intelliget hæc.* Ps. 91. 27.

Quamobrem præclare ac sapienter S. Augustinus libro 3. de libeto arbitrio cap. 23. *Reuera* (inquit) *si piè ac diligenter attendas, omnis creaturæ species & motus, qui in animi humani considerationem cadit, eruditionem nostram loquitur; diuersis motibus & affectionibus, quasi quadam varietate linguarum, undique clamans atque increpans, agnoscendum esse creatorem.* Verùm ut istius eruditionis & tanquam disciplinę naturę rerum, is qui esse debet, fructus existat; soletter admonet, piè ac diligenter attendendum: ne scilicet vel per indiligentiam, rerum istarum nudam superficiem attendentes, earum formâ atque decore decipiamur; vel, non pietate in creatorem, sed curioso otiosoq̃ue studio ducti, nullo fructu spiritus, nullo (vt sic loquar) sapore mentis, ijs contemplandis perscrutandisq̃ue exerceamur.



## CAPVT IX.

*In cunctis Dei operibus, diuina artis ac Sapientiæ notas recognoscere, in eorū, subinde studiosius se exercere; rem esse dignissimam Sapiente.*

**H**ic verò iam admoneri me sentio; vt quoniam meditationem hanc, quā res Vniuersi dicebam esse veluti totidem voces aut prædicationes diuinæ laudis, ex quibus existat concentus suauissimus, & tanquam pulcherrimum canticum, præcentrice Dei Sapientiā emodulatum, non parum conferre significauim ad vsum vitæ, morumque disciplinam; nonnulla hinc ducere aggrediar, hisque interseram, præcepta verè Sapientiæ: non inutiles, vt equidem existimo, neque iniucundā studioso lectori diuersione.

Inter quæ id primum ac princeps haberi posset, quod iam proximè ex S. Augustino posuimus: nobis nimirum emendandum esse sedulò, vt res omnes, etiam quæ in vsus nostros occursumque quotidianos veniunt, Christiano oculo aspicere; neque earum tantum admitti externam speciem, prout insipientes faciunt; sed ijs impressas artis diuinæ notas ac vestigia, & Sapientiæ illius ineffabilis, non tam lineas, quàm lineamenta, recognoscere, atque ex his ad ipsam infinitam auctoris pulchritudinem bonitatemque demirandam, venerandam, amandam assurgere, pio studio consuecamus.

*Serm. 44. de verb. Dom.*

*L. 3. de vfu part. hum. corp. c. 10.*

Nec (quod ipsum rursus ex Augustini sensu depromptum est) in hac vitæ rectè instituendæ disciplina, inter illiteratos idiotasque recenseamur: vt qui in huius mundi magno codice admiremur quidem ipsorum apicem pulchritudinem, illorum autem vim, aut quid sibi velint aut indicent, non assequamur. Rectè quippe iam olim à Galeno quoque obseruatum est; in præstantium operum contemplatione, inter idiotam, & cum qui artis dignoscendæ peritus sit, hoc interesse; quod illum quidem attonitum reddit pulchritudo materiæ, puta si opus auro argenteo confectum est; hunc verò pulchritudo artis; quæ etiam subinde eò maior est, quo materia vilior.

Ex quo ille id probè sapienterque concludit: Mundi pulchritudinem contemplanti, non demirandam laudandamque duntaxat



duntaxat conditoris artem, in his operibus quæ nobis, per se læ præstantiora videntur, vt sole, lunæ, sideribus; sed in his etiam quæ viliora apparent, quod sint ex hoc nostro terrene luto efficta. Etsi enim istæ, ipsa quasi materia differant, *artificis tamen ars in vtrisque (inquit) est æqualis*. Sic fere Galenus.

Isti porro rei quam præcipimus facilius consequendæ, addimus nunc, fore pretium operæ; si subinde, atque ex interuallo, partem aliquam temporis, vel de curis nostris, negotijsque decerptam ac studiosè sepositam, vel ex ipsâ locorum, atque temporum occasione fortuito oblatam atque suggestam, vnice huic demus impendamusque exercitio; contemplationi inquam diuinorum operum, & tanquam venationi diuinæ sapientiæ, per vestigia sua seles passim vbique prodentis. Ad quam præclaram occupationem, non tam ipso sermone, quam documento experimentoque suo, nos prouocat, huius disciplinæ magnus magister Augustinus, dum de hoc agens mentis in Deum ex rebus creatis ascensu, quàm ea sibi res iucunda esset, quamque optata, testatur sic de se scribens: *Sape hoc facio. Hoc me delectat, & ab omnibus actionibus necessitatis quantum relaxari possumus, ad eam voluptatem confugio*. Addens, se inter hæc quandoque in Deum sic exultare & rapi solitum, vt in affectum quandam inusitatum intromissus, & in nescio quam dulcedinem, futuræ vitæ beata gaudia delibare ac præcipere videretur.

Atque id sanè exercitij compertum est, omnium ætatum atque gentium sapientibus familiare, iucundumque fuisse. Isaacum indicat sacra Genesis, diuinis perfunctum laboribus, inclinatâ die in agrum egredi solitum, vt solitatus diuinorum operum contemplatione frueretur. Moysen ipsis annis quadraginta quibus vitam egit pastoritiam in terra Madian, ipsâ docente solitudine, & cæli terræque inspectione atque magisterio, summam assecutum sapientiam; significat Philo in eius Vita. Porro David, tot externis bellis, tot regni curis occupatus, huc sese referebat identidem, vt rerum istarum tumultu seposito, cælestium orbium ac reliquæ naturæ spectaculo vacaret, & opera digitorum Dei, Sapientiæ inquam diuinæ lusus, admirabundus contempleretur.

Hinc enim illa sunt, inter cætera, cùm ita canit Psalmo octauo: *Domine Dominus noster, quàm admirabile est nomen tuum in vniuersa terra! Quoniam, inquit, videbo celos tuos, opera digitorum*

L. 10. Conf.  
c. 40.

Cap. 24.  
v. 63.

*digitorum tuorum, lunam & stellas, quæ tu fundasti.* Quibus istam sibi amicam fuisse significat exercitationem, ut præsertim nocturno tempore, cum in ordines suos composita, maiestate summâ ac silentio procedit cæli militia, eo se spectaculo pasceret, & per eas noctis silentis moras, Deum in suis operibus, veluti liber atque iam suus, otiosius admiraretur. Quod quidem & S. Patriarchæ nostro Ignatio, alijsque scimus, uti prædulce, ita perfrequens, ac quotidianum fuisse.

Philos. c.  
13.

Amœnum est in re præfenti, quod de sene quodam, Macedonio nomine, in monte deserto atque semoto, haud procul Antiochiâ, philosophante, refert B. Theodoretus. Nempe cum dux quidam eundem in montem magnâ cum turbâ aliquando venando devenisset, isque repertum istic Macedonium admirabundus interrogasset, quid tandem rei in horridis illis desertisque locis agitare; ex eo vicissim quaesivisse senem; Er quidnam acturus eodem ipse advenisset; atque accepto, venisse venationis gratiâ, eidem iucundè reposuisse: *Et ego meum venor Deum, & cum capere cupio, & completi desidero, nec ab hac pulchrâ cessabo venatione.*

Vit. S. Franc.  
c. 9.

In quorum numero divinorum venatorum, si sanctum audimus Bonaaventuram, reponere licebit S. Franciscum Seraphicum. Nam quemadmodum venatores, ferarum observant vestigia, quò earum lustra aut cubilia deprehendant: ita S. Franciscum ait Bonaaventura, Deum suum, per impressa rebus, ipsius vestigia, studiosè persequi solitum, quò cum denique apprehenderet, qui finis erat ac summa desideriorum suorum. Sed ipsa ecce annuero S. Doctoris verba, uti ad id quod modò agimus perapposita. *Ut autem ex omnibus excitaretur ad amorem divinum, exultabat in cunctis operibus manuum Domini. Contuebatur in pulchris pulcherrimum, & per impressa rebus vestigia prosequabatur ubique dilectum, de omnibus sibi scalam faciens, per quam conscenderet ad apprehendendum eum, qui totus est desiderabilis. Inaudita namque devotionis affectu fontalem illam bonitatem, in creaturis singulis, tanquam in rivulis degustabat; & quasi celestem concentum perciperet, in consonantiâ virtutum & actuum eius datorum à Deo, ipsas ad laudem Domini, more Prophetæ David, dulciter hortabatur.*

In quibus agnoscis, & impressa rebus divinz artis ac pulchritudinis vestigia & ex creatis rebus paratam scalam ad apprehendendum

PARS SECVNDA. CAP. IX. 123

hendendum conditorem, & cœlestem concentum, in virtutum siue affectionum eisdem inditarum consonantiâ : quæ cuncta aduertis nostris vîbus institutoque seruire.

Sed, omiſſis noſtrorum pluribus, vt externorum ſapientum vnum alterumue producam, princeps nobis & reliquorum inſtar ſit Annæus Seneca, quem non vno loco inuenimus in hunc modum de argumento noſtro Philoſophantem.

Primùm enim in libro quem ſcripſit de Otio ſapientis cap. 32. *Curioſum (inquit) nobis natura ingenium dedit; & artis ſili ac pulchritudinis ſuæ conſcia, ſpectatores nos tantis rerum ſpectaculis genuit, perditura fructum ſui, ſi tam magna, tam clara, tam ſubtiliter ducta, ſolitudinì oſtenderet. Vt ſcias illam ſpectari voluiſſe, non tantum aſpici, vide quem nobis locum dederit &c.* Pergit enim deinceps oſtendere, propterea hominem in Vniuerſi medio conſtitutum, erecto vultu, ſideribus ſeſe, nunc his, nunc illis viciniſſim per noctem oſtentantibus, ne (vti dixerat ſuperiori capite) tanta Dei opera ſine teſte ſint: immò ſine approbatore, admiratore, laudatore. Vt enim rectiſſimè Epiſtetus: *Deus hominem ſpectatorem in mundum hunc induxit, & ſui, & ſuorum operum: nec ſpectatorem tantum, ſed enarratorem & præconem.* *Apud Ar. rian. l. 1. c. 64*

Hoc partim ſtudio, partim laxamentum animi, ſibi quoque familiariate fuiſſe, alibi teſtatur idem Seneca: *Seipſum nimirum prius ſcrutari, deinde hunc mundum.* Iſta enim omnia (inquit ad amicum ſuum Lucilium) attollunt & leuant animum, qui graui ſarcinâ preſſus, explicari cupit, & reuerti ad ea quorum fuit. Nam corpus hoc, animi pondus ac pœna eſt: premente illo torquetur, in vinculu eſt; niſi acceſſit philoſophia, & illum reſpirare rerum naturæ ſpectaculo inſit, & à terrenis dimiſit ad diuina. Hæc libertas eius eſt, hæc euagatio: ſubducit interim ſe cuſtodia in qua tenetur, & cœlo reſicitur. Quemadmodum artiſices, ex alicuius rei ſubtilioriſ intentione, quæ oculos deſatigat, ſi malignum & precarium lumen habent, in publicum prodeunt, & in aliquâ regione ad populi otium dedicatâ, oculos liberâ luce delectant: ſic animus in hoc triſti & obſcuro domicilio cluſus, quoties poteſt, apertum petit, & in rerum naturæ contemplatione requieſcit.

Hæc omnia Seneca; iſtud etiam rectè ſubiungens; exercitationem hanc, propriam ſapientis, affectatoriſque ſapientiz, eſſe.

P

Plutar.

*Lib. de animi  
tranquill.*

Plutarchum antea proferre memini, docentem; nos in hunc mundum, tanquam templum, induētos, spectatores, non signorum surdorum & manufactorum, sed solis, lune, siderum: atque hæc veluti initia & mysteria quædam, tranquillo ac læto nobis animo spectanda ac peragenda: fortassis velut sacram pompam, quæ religiose circumducta, cum silentio & tranquillè spectatur. Nisi quod de tranquillo ac læto animo suggerit Plutarchus, eò potius retulerit; quò admoneret, oportere naturæ rerum studiosum contemplatorem, dum illum attendit Uniuersi æquabilem ordinem, in maximâ rerum vicissitudine sibi constantem, illam harmoniam atque concentum contratijs ex rebus sibi quæ aduersis compositum; ad istud exemplum etiam vitam suam componere, & inter prospera atque aduersa, æquabilem animi tranquillitatem retinere. Huc etenim spectat, quod libro eodem egregiè is autor annotauit: *Ut musica grauius acutisq; constat, & grammatica litteris vocalibus & mutis; at musicus grammaticusq; est, non qui horum alterutris offenditur, sed qui utrisque uti, miscereq; accommodatissimè nouit: haud aliter, sapienter vitam instituisse videtur, qui diuersissimos rerum euentus, mutuoq; sibi aduersarios, miscere scitè docuit, secundos cum aduersis compensando.* Illa Plutarchus. Quam equidem meam eo in genere cogitationem, multò euidentius apud Tullium, libro de Senectute extremo, Cato Maior expressit: *Sed credo, inquit, Deos immortales sparsisse animos in corpora humana; ut essent qui terras tuerentur, quiq; celestium ordinem contemplantes, imitarentur eum vita modo atque constantiâ.* Sic ibi.

\*\*\*\*\*

## C A P V T X.

*Exercitationis propositæ accuratior commendatio.*

**E**X his porro quæ modò produximus, licebit in primis colligere; quàm honesta sit ac magnifica, & homine præsertim Christiano digna, quam commendamus; exercitatio. Quando & Gentiles Philosophi, eâ causâ natum, atque in hunc mundum inductum hominem peruidere, quò, ex naturæ rerum contemplatione, ad conditoris laudem, venerationemque assurgeret, atque hoc studium, occupationemque, censuerunt vel maximè

PARS SECVNDA. CAP. X. 125

maximè sapienti propriam atque iucundam esse. Atque huic Philosophorum choro sceminam adiungere delectat Perictyonem, *Stob. serm. 1.* sectâ Pythagoricam; cuius ista refertur à Ioanne Stobæo sententia: *Factus & conditus est homo, ut contempleretur universa natura & ipsius Sapientiæ rationem: eidemq; hoc opus est, acquirere & considerare omnium quæ extant providentiam.*

Indidem apparet, quantam possit ea res, & verò debeat, delectationem adferre sapienti. *Loquor autem* (quod aliâ in causâ *5. Tusc. qu.* dixit Tullius) *de docto homine & erudito, cui vivere est cogitare.* Non de eo sanè, qui, nisi sensuum, nullam nouerit voluptatem.

Quid enim, amabo, iucundius, quidûe dulcius esse potest, versanti inter tot sollicitudines atque tædia mortalis vitæ; quàm ab his tantisper abductum animum, diuinorum operum contemplatione pascere, & ipso præcipuè cæli ac siderum aspectu releuare? Percipere illum arcanum concentum, quem diuinæ Sirenes, artificiosissimâ modulatione, & harmoniâ quadam inenarrabili constantem, auribus ingerunt non prorsus obductis rerum tumultu terrenatum? Spectare autem astrorum pompam, & choream illam, quam in illis quoque agnoscit Plato, chorearum omnium magnificentissimam. Admirari factoris supremam artem, atque vel minimis in rebus maximè relucentem rationem diuinæ providentiæ. Intrare naturæ secretiora, rerum causas ac fines inquirere; attendere magnum illud carmen, & leges agnoscere, quibus mundi ratio constet; & partibus quidem varia, sed aprâ totius proportionem sibiimet bellissimè respondens, sæculorum series, sapientissimo supremæ mentis consilio veluti digesta & contexta, decurrit. Ipsam in omnibus venari atque venerari non obscure scilicet prodentem Dei Sapientiam, eidem applaudere ludenti in orbe terrarum, atque latanti in suis operibus; cum ea versari familiarius; & ipsam habere (quod de eadem dixit Sapiens) *allocutionem*, seu consolationem, *cogitationis & radij sui.* Denique in cunctis quæ ipsos incurant in oculos, diuinæ notas bonitatis recognoscere; & ipso collium, silvarum, agrorum, fluminum, florum aspectu teneri dulciter, cum sensu quodam & tanquam sapore in ijs latentis atque deprehensæ diuinitatis? Hanc siquidem mentis à rebus alijs tantisper seductæ philosophiam, hanc sapientis otij & animi oblectationem, siquis ei paulùm assueuerit, omnibus reliquis audearientis merito anteferendam existimet.

*In Epinemi-  
de.*

*Protr. 8. 2.  
Sap. 8. 7. 9.*

Rectè etenim S. Augustinus, hanc ipsam hominum sapien-  
*In ps. 103.* tum exercitationem describens : *Discussus*, inquit, *tenebris ter-*  
*cap. 4.* *rena stultitiæ*, *aperientes os* & *ducentes spiritum*, *erigunt fiden-*  
*tem oculum cordis*, & *circumspiciunt mente uniuersum mundum*,  
*terram, mare, & celum*, *videntes omnia pulchrè disposita, or-*  
*dinata currere*, *digeri generibus, fulciri seminibus*, *mutari suc-*  
*cessionibus, currere temporibus*, *placet eis in his artifex*, *ut &*  
*ipfi placeant in artifice artifice*, & *exclamant præ gaudio ma-*  
*gno*, *quia verè* ( inquit ) *huic letitiæ nihil comparari potest :*  
*Quàm magnificata sunt opera tua, Domine ! Omnia in Sapien-*  
*tia fecisti.*

Necesse quippe est, ut, velut est ista humanæ menti præ-  
 fertim congruens atque cognata, ita quàm maximè iucunda  
 sit, occupatio. Siquidem, ut ait Romanus Philolophus : *Cum*  
*illa tetigit* ( animus scilicet ) *alitur, crescit ; ac velut vinculis*  
*liberatus, in originem redit. Et hoc habet argumentum diuinita-*  
*tis suæ, quòd illum diuina delectant ; nec ut alienis interest, sed*  
*ut suus.* Sic ille ; de hac ipsa agens, rerum cælestium, quas  
 diuinas appellat, contemplatione. Cuius item rei ( vt ego ar-  
 bitror ) experientià affectus Doctor Angelicus, in Psalmum  
 scribens 26., docet ; quod videre ordinem Vniuersi, & disposi-  
 tionem diuinæ providentiæ, tum in futura vita, tum in hac  
 etiam, est maximè delectabile.

Postremò exinde conficies ; eam ipsam exercitationem,  
 non mediocri esse vtilitatis atque operæ-pretij spiritualis.  
 Quippe quam Sanctorum experimento satis constet, ad dul-  
 cem quendam & ingenuum diuinæ bonitatis amorem, piam  
 venerationem, assiduam laudem, suum contemplatorem ad-  
 ducere. Vt meritò scripserit B. Laurentius Iustinianus : *creatu-*  
*ras peregrinantibus mortalibus quendam intelligentiæ & amoris*  
*spiritualis pedagogum esse.* Et sapiens quidam apud Ioannem  
*Serm. 2. in* Thaulerum : *Super omnem creaturam* ( inquit ) *Deus expandit*  
*Adm.* *retia sua, ita ut ipsum in unaquaque inuenire & agnoscere ( &*  
*eius videlicet amore capi ) primum sit, si tantum solertes esse*  
*velimus.*

Atque vtiā creaturæ istæ, non ( quod ait Scriptura ) in  
*Sap. 14. 7.* mulcipulam aut laqueum factæ sunt pedibus insipientium ; sed  
*11.* in rete amabile Sapientium cordibus : quò nimirum illas con-  
 templantes, non teneri se sinant externâ illarum specie, sed lu-  
 ee diuinæ pulchritudinis delectari ( cuius radij quidam per om-  
 nem

PARS SECVNDA. CAP. X. 127

nem naturam latè sparsū sunt) castis illius illecebris, sanctoque amore capiantur. Sed pauci fortassis ad id eruditos habent oculos: eoque ferè vsuuenit ( quod deplorat quidam amator diuinæ Sapientiæ ) vt, sicuti dum colores varios inrentiùs aspiciamus, eorumque tenemur pulchritudine, sæpe non attendimus ad lucem, quā perfusa cætera visum allecitant, atque detinent: ita in huius mundi naturis contemplandis, minùs obseruemus illis affusum splendorem primæ atque supremæ essentix, neque illis infiros & intermicantes diuinæ atis atque sapientiæ radios, faciliè internoscere possimus.

*Suso dial. de  
verit. c. 18.*

At obseruabar internoscebatque S. Augustinus; dum quodam loco Confessionum suarum, Deum animaduertens omnia in Sapientia fecisse, eiusque proinde stricturas necessariò emicare de diuinis operibus, illius vel sic decore captus: *Quid est illud* ( exclamat ) *quod interlucet mihi & percutit cor meum sine lesione, & inborresco & inardesco? Sapientia ipsa est, qua interlucet mihi &c.*

*L. 11. c. 9.*

Neque id duntaxat vsurpabat in magnis seu primarijs Dei opetibus; sed in minimis etiam quibulvis, quæ incurrerent in oculos ( quos equidem illi acuebat amor summæ illius & incommurabilis pulchritudinis ) familiaris facitare consueuerat.

Itaque is ipse summus Doctor, quem in suarum Confessionum libris videmus sele curiositatis, aut cuiusdam quasi inconsiderantix, inculantem; quòd eum aliquando domi sedentem, vel stellio mulcas captans, vel aranea retibus suis itruentes implicans, sæpe intentum faceret, nullà principio intentione animi ad Deum; etsi mox vbi se collegisset, inde pergeret ad ipsum laudandum creatorem mirificum, & ordinatorem rerum omnium: attamen in libris de Ordine, cùm esset in rure Casiciaco, haud longè Mediolano, vbi *ab astu sæculi* ( vt ipse ait ) *requiescens*, & tempus opperiens baptismi sui, cum Adeodato filio, Alipio, Licentio, alijsque suis auditoribus philosophabatur; gallorum gallinaceorum pugnam attentius à se conspectam tribuit amorì Sapientiæ, atque desiderio cognoscendæ in omnibus pulchritudinis artis diuinæ, ac supremæ illius rationis, omnia etiam quæ ratione careant, ordine quodam modificantis ac moderantis; in qua tunc ille cogitatione atque disputatione cum Licentio, Trigetioque versabatur.

*L. 9. Conf.  
c. 35.*

*ibid. c. 3:*

Atque ipsam sanè gallorum pugnam ( vt recens erat à professione

*Mid. c. 4.*

*L. 1. de Ord.  
c. 8.*

fessione rhetorica, cuiusque adhuc litterę nonnihil redolebant eas, quas alibi memorat, gymnasiorum cedros, quas nondum contriuerat Dominus) hilarius paulo exultantiisque describit. Sed illa huc proprię pertinent.

Ire cęperant in balneas disputandi gratiā: cum ecce (inquit) ante fores aduertimus gallos gallinaceos ineuntes pugnam nimis acrem. Libuit attendere. Quid enim non ambunt, quō non peragrunt oculi amantium, ne quid innuat pulchritudo rationis (artis scilicet atque Sapientię diuinę) cuncta scientia & nescientia modificantis & gubernantis, quę inbiantes sibi sectatores suos trahit quocunque atque ubicunque sectari iubet? Nam ubi aut unde non potest signum dare &c.

In cuius rei attentiori contemplatione, cū in omni motu animalium rationis expertum, nihil non decorum animaduertent; quippe aliā ratione desuper omnia moderante: dicebamus nobis ipsis (inquit) ubi non lex, ubi non imitatio verissimę illius pulchritudinis? & quę sequuntur.

Ista Augustinus; ipso suo exemplo atque experimento nos admonens, difficile non esse bonę menti, quibuscumque in rebus etiam minimis, aut in quotidianis obuiisque rerum occurribus, unicuique inditas atque insitas sectari ac deprehendere diuinę artis & Sapientię rationes; hocque, siue studium exercitationemque appelles, siue laxamentum remissionemque animi, uti & per se honestissimum est, plenumque voluptatis sincerissimę, ita & familiarissimum & iucundissimum, esse debere Sapienti.

Clausulę loco pretium erit operę, auscultare Doctorem Seraphicum, forti equidem voce, sed non ultra iustum exaggeratā, simul istius usus atque exercitij vim demonstrantem, simul communem mortalium, eo in genere stoliditatem ac vecordiam, incusantem. Sic enim loquitur in 1. capite Itinerarij mentis in Deum. *Qui igitur tantis rerum creaturarum splendoribus non illustratur, cecus est: qui tantis clamoribus non euigilat, surdus est: qui ex omnibus effectibus Deum non laudat, mutus est: qui ex tantis indicij primū principium non aduertit, stultus est.* Ista S. Bonaventura.



C A P V T XI.

*Ipsâ admonente naturâ rerum, rebus his creatis, non nisi ad factoris laudem atque gloriam utendum esse; earumq; gratiâ, assiduam Deo gratiarum actionem esse reddendam.*

**E**X dictis rursus & illud condiscam, meque cum in modum ac morem conducfaciam: quasi in rei cuiusvis vlu, ipsam exaudiam naturæ vocem, admonentis: sese ad factoris sui gloriam laudemque procreatam, non nisi ad vltum ei fini congruentem, idque cum debita gratiarum actione, esse adhibendam. Quo equidem fiat, vt nihil sanè rerum istarum, nisi piè ac sanctè vsurpem; & quidquid operis faciendum sulcepero, id omne in Dei, bonorum omniũ largitoris, laudem venerationemque conuertam.

Quo in argumento pudorem facilè cuius nostrũ inijciat quædam Epicteti vox; cùm sic illum audiet apud Arrianum, ore pagano, sed verbis Christianis differrentem: *Num aliud quid oportebat (si quidem intelligentia in nobis est) nos publicè & privatim facere, quàm laudare ac celebrare Numen, eiq; pro beneficijs acceptis gratias agere? Nõne & fodientes & arantes & comedentes hymnum canere Deo? Magnus Deus, qui nobis instrumenta hæc, quibus terram coleremus, exhibuit: magnus qui nobis manus dedit &c. Pro his vniversis laudare Deum decebat, ac præstantissimum diuinissimumq; hymnum canere, confessionem hanc exprimentem; quòd nimirum dederit nobis facultatem assequendi hæc omnia, ac certâ viâ rationeq; ijs utentem. Quid igitur sit? Quandoquidem plures caci estis; annon esse oportet aliquem isto munere fungentem, & pro omnibus debitam laudem Deo exhibentem? Tum verò illa subiicit quæ suprà posuimus: Etiamne aliud ego præstare possum senex claudus &c. Quibus quidem omnibus, maximeque illis postremis, de supplendo aliorum defectu in celebrando Deo, nihil dici potuit religiosius.* L. 1. c. 16.

Veruntamen, vt significabam, hæc ipsa Philosophi oratio meritò bonam mentem sollicitet; siue verecundiâ nostrorum temporum, quibus inter opus faciendum, lasciuiis canticis perstreperunt omnia, siue recordatione ac desiderio præteritorum.

Nam

Ep. 18. ad  
Marcell.

Lit. 2. epist.  
10.

Nam quis illa nobis repræsentet felicia tempora; quando, ut de rure suo Berhlechemico Beatus Hieronymus: *Quocunque te verteres* (quasi ex Epicteti sententiâ) *arator strigam tenens Alleluia decantabat, sudans messor psalmis auocabat se, & curvâ attondens vitem falce vinitor aliquid Davidicum canebat; eaq̃ erant* (ut idem subdit) *in hac prouinciâ carmina, hæc, ut vulgo dicitur, amatoris cantiones.* Quando etiam nautis heliciarijque, celeusmatis vice, Christum inter flumina canentibus, ipsæ ripæ, aurij primùm, ac deinde læto percussu vocales factæ, *Alleluia* respondebant: quod de Arari suo cecinit S. Sidorius Apollinaris. Quando denique seruis Dei mare nauigantibus, pelagus ipsum diuinis laudibus sacrilque canticis personabat, atque inter fluctuum ventorumque freminus, sentiebatur, non fabulosa Arionis, sed diuina Davidis cithara; & clausulæ loco *Amen* responsante turbâ vectorum, audiebant id cete attonita, adnabantque læti delphines, & ore patulo festisque motibus gestientes, quo more poterant ipsis alludebant psallentibus; ut non minùs amœnè, quàm piè ludit S. Paulinus, Odâ quadam de reditu Sancti Nicetæ in Daciam. Cuius quidem sensa ita expressi, quòd versus ipsos animus non esset adducere: attamen digni sunt qui apponantur, & piam lectoris oblectent curiositatem. Ecce igitur illos.

*Nauita læti solitum celeusma  
Concinent, versis modulis in hymnos,  
Et pijs ducent, comites in aquor  
Vocibus auras.*

*Præcinet cunctis, tuba ceu resurgens,  
Lingua Nicetæ modulata Christum;  
Psalles alternis citharista toto  
Æquore David.*

*Audient Amen tremefacta cete  
Et sacerdotem Domino canentem  
Lætâ lasciui procul admeabunt  
Monstra natæ.*

*Vndique alludens patulo verentes  
Ore delphines, sine voce quanquam,  
Æmula humanis tamen eloquentur  
Gaudia linguis.*

Hactenus

## PARS SECVNDA. CAP. XI. 131

Haëtenus S. Paulinus, Qui tamen si lusu Poëtico, attamen  
 setiò id quod dicebamus insinuat: solitos nimirum Dei seruos,  
 ipsa nauigia in diuinæ laudis odeâ conuertere ( quemadmo-  
 dum etiam de suâ agens Ierololymam profectioe Gregorius  
 Nyllenus : *Vebiculum*, inquit, *nobis pro Ecclesia & monasterio* *Orat. de ad-*  
*erat, omnibus per totam viam simul psallentibus & ieiunantibus* *uent. Ieros.*  
 nautalque item Chriſtianos, quasi celeusmaris, aut etiam auo-  
 camenti loco, pia cantica & sacros hymnos vſurpare. Quod  
 etiam ex S. Asterio confirmare licet, homiliâ in S. Phocam *Nat. ad Sij-*  
*den. Apoll.*  
 Martyrem, ex qua hæc profert noster Sirmondus : *Nauta &*  
*remiges Ubique gentium consueta celeusmata, quibus nauigationis*  
*tedium consolantur, ad communem Martyris laudem transferunt,*  
*quosq; prorsus omnium ore, Phocas decantatur.* Sic illi.

Postremò magis vniuersè, Chriſtianorum æui sui, vitam  
 describens, Clemens Alexandrinus : *Per totam ergo vitam* *L. 7. Strom:*  
*6. 4.*  
 ( inquit ) *diem festum agentes, & ex omni parte Deum adesse per-*  
*suasi, laudantes agros colimus, laudantes nauigamus, & in omni*  
*alio vitæ instituto, ut decet, ex arte versamur.* Quasi, siquid  
 operis absque Numinis laude fietet, id quidem non rite, ne-  
 que ex arte fieri censeretur, ex sanctâ illorum primorum sæ-  
 culorum disciplinâ.

Quæ quidem tempora referre possent mores nostri, si par  
 in nobis esset aduersus Deum charitas, tamque assidua, &  
 vel ex ipsâ rerum quæ nos circumstant, quæque in vſus no-  
 stros veniant, contemplatione, excitata diuinorum beneficio-  
 rum recordatio.

Memorat Philo priscam fabulam, à priscis illis Sapientibus *L. de plant.*  
*Nat.*  
 ad suam ætatem traditione quadam propagatam. Rerum pa-  
 rentem videlicet, mundo iam perfectò, nescio quem vatem  
 interrogasse; num quid ipse eo in opere desiderandum cense-  
 ret; huncque respondisse: videri mundo deesse sermonem, seu  
 vocem facundam, quæ quidquid præstans est in mundano ope-  
 re, non tam laudet, quàm enarret; ipsam enim enartationem  
 operum Dei, laudem esse sufficientissimam. Atque hoc res-  
 ponsò delectatum fuisse mundi parentem; nec ita multò post,  
 enatum esse genus quoddam musicum atque canorum, siue  
 Musas iplas, diuinorum operum enarratrices, laudumque can-  
 trices; matre Mnemosyne, seu Memoriâ, quæ diuinorum  
 virtutum vna esset; enatas. Quo quidem, opinor, significa-  
 tum voluerint homines ingeniosissimi; istam hymnorum, di-

Q

uinarumque

uinorumque laudum veluti stirpem ac progeniem ex Mente diuinorum erga se beneficiorum memori, concipiendam esse ac progignendam.

Cap. 5.

Cæterum in eo quod præcorum sapientum meminit Philo, à quibus illa morata fabula profecta sit; nescio an aliquem relictum habuisse credendus sit, ad antiquissimum illum Hermetem Trimegistum, cuius de Musis à Deo in terras demissis quædam extat sententia in Asclepio; ubi sic loquitur. *Nec immerito in hominum cœtum, Musarum chorus est à summa diuinitate demissus; scilicet ne terrenus mundus videretur incultior, si modulorum dulcedine caruisset; sed potius ut modulatis hominum cantilenis concelebraretur, qui solus omnia, ut pater est omnium, atque ita celestibus laudibus, nec in terris harmoniæ suauitas defuisset.* Quamquam ille quidem, nec Mnemosynes matris meminit, nec vatis consulti, aut vocis canoræ ab eo in mundo desideratæ.

Gen. 2. v. 7.

Hum. 13. in Gen.

Exhort. ad Gen.

Ac tamen nihil erat admodum, quamobrem mundo deesse censeretur vox eiusmodi; quando ( præter illas occultiores & minùs expressas vniuersæ naturæ voces ) extabat homo factus in animam loquentem; prout expressit Chaldæus Paraphrastes Gen. 2. eoque idoneus diuinorum operum interpres atque enarrator. Quo modo etiam S. Chrysostomus ad illa verba: *inspirauit in faciem eius spiraculum vitæ*; humana membra velut musicum quoddam organum considerat, & tanquam fistulas diuini oris afflatu ( hoc est, ipsa mente ac spiritu rationali ) animatas, ad convenientem melodiam ipsi Domino representandam. Quâ item ratione Clemens Alexandrinus quodam loco ipsum Deum inducit, huic instrumento suo, hoc est homini, ita loquentem: *Tu es enim cithara, & tibia, & templum meum. Cithara (subdit) propter harmoniam, tibia propter spiritum, templum propter Verbum.*

Veruntamen mundo & vox ista quodammodo deest: quia, nisi Deo cor excitante, ex Augustini sensu, surdo canit vniuersa natura; & cithara ista muta est, nisi plectro diuinæ gratiæ, & intimo sensu diuinorum beneficiorum, tangatur. In quem sensum fortassis accipiam, quod de anima rationali obscurius, more suo, scripsit à nobis suprâ memoratus Marius Victorinus: Eam scilicet neque ipsum Verbum, neque velut primæuam Dei vocem esse; sed instar Echus audire ut loquatur: quia nempe nullam Dei laudationem edere possit, nisi quam Verbo ipso quasi suggerente aut inspirante præconceperit. Attamen sic

sic audit, ut etiam loquatur; hoc est, sic ut verbum suum for-  
met, seu vocem propriam emittat, non autem simplicitern  
eam vocem reddat quam acceperit: quod quidem reliquæ na-  
turæ inferioris est proprium; in qua proinde Verbi divini,  
non imago (velut in anima) sed imperfecta vestigia & tan-  
quam simulacra seu imitamenta quædam sunt; prout idem au-  
tor annotavit.

Porro ut id quoque in studiosi lectoris gratiam obiter ob-  
servem; quod magis perplexè atque prædurè libro 3. dixit is Adm. A-  
rium.  
autot: *Patrem esse verbum silens, Filium verbum sonans atque  
operans*; in hunc fortè sensum exponi potest. Quod nimirum  
Patrem magis considerasse videatur, ut virtutem & potentiam  
reum effectricem & sui manifestatricem; Filium autem, ut  
operationem & quasi energiam, atque adeò manifestationem  
Parris: secundum quod libro 1. dixit, his verbis: *Quare imago  
Dei nō est? Quoniam Deus in occulto; in potentia enim. nō est au-  
tem in manifesto; actio enim: quæ actio habens omnia quæ sunt  
in potentia, vitā, & cognoscentiā, secundum motum producit &  
manifestat omnia.* Quò idem spectat, quod in hymno quo- Hymn. 1.  
dam Deum alloquens, ita cecinit: *Tu cū quiescis, Pater es;  
cū procedis, Filius.*

Igitur Verbum silens, Pater; quia ipsa virtus sese manife-  
standi, veluti mens quædam & intellectus: Filius autem Ver-  
bum sonans atque opetans; tanquam actus ipse manifestandi,  
ipsa energia divine mentis, & exercita intelligentia. Ut proin-  
de quod Patet per hoc Verbum sonans in Vniuerso operatur,  
merito suprà dixerimus esse velut quoddam ἀρχή, hoc est  
resonantiam Verbi divini.

Verum autorem hunc sanè implexum, nec satis cautè passim  
loquentem (quippe qui, teste S. Augustino, in senectute ad fi- L. 8. Confess.  
c. 2.  
dem conuersus, à secularibus studiis ad diuinas litteras serò  
transierit) in præsentia mittamus. Videamus potius, quid in  
proposito sibi velit S. Ambrosius, dum nonnihil & ipse à pas-  
sim recepto loquendi modo abscedens, ad illud Matthæi: *Ecce* Matth. 3. 7.  
*vox dē calis dicens: Hic est Filius meus*; in hunc modum lo-  
quitur: *Bene inquam Pater vox, & Filius Verbum dicitur; quia* Serm. 15. de  
temp.  
*Verbum non nisi de voce procedit.* Neque enim voci Patres alij,  
sed cordi vel ori (ut & alibi ipse Ambrosius) Patrem compa-  
rant, ex quo Filius processerit: secundum illud quod de se ait L. de bened.  
Patriarch. c.  
11.  
Sapientia: *Ego ex ore Altissimi prodii.* Sed ita fortasse loquitur Eccl. 24.

S. Ambrosius; quòd spectando verbum ore prolatum, vox verbo naturâ prior sit, & eius quodammodo causa: neque enim per verbum vox, sed verbum per vocem, à qua scilicet & in qua habet subsistere. Adde, Patre dicente gigni Filium: quod quidem *dicere*, vocem appellet Ambrosius, veluti internam atque æternam Verbi diuini pronuntiationem.

*Lib. 1. supra.* Quod autem rursus prædictus Victorinus, vocis appellationem, non tantum Patri ac Filio, sed etiam Spiritui sancto attribuit, dicens: *Quod omnia tria unum; Pater, non filens silentium, sed vox in silentio, Filius iam vox, Paracletus vox vocis*; etiam, ut indicaui, de eius autoritate nihil admodum laborandum est: explicetur tamen, veluti S. Basilium, in eo quod & ipse minus propriè loquens Spiritum sanctum appellauit Verbum Filij, interpretatur S. Thomas; ut hoc sensu Spiritus, *Verbum* (aut *vox*) Filij dicatur; quia *manifestat Filium*.

*L. 5. contra Enem. c. 11.*

*1. p. g. 34. d. 2. ad 5.*

\*\*\*\*\*

## C A P V T XII.

*Aspiciendas esse res Vniuersi, velut magni carminis particulas, nequis illis fortasse per se, aut solitariè, spectatis, insipienter offendatur.*

**A**lterum istud est, quod visum est hoc loco præcipiendum ex Augustini sententiâ: Magnopere scilicet cauendum esse sapienti, ne aliquâ offensus rerum Vniuersi particulâ, aut quolibet temporum motuumque labentium successu, diuinam requirat in mundi gubernatione prouidentiam, aut quidpiam in mundo melius fieri potuisse, temere sacrilegeque suspicetur. Quippe cum, ut supra monuimus, Vniuersi decor ac pulchritudo, non ex particulis ex quibus conflatur atque consurgit (quanquam in his quoque nemo quicquam iure reprehenderit) sed ex ipsâ partium, tum inter sese, tum ad Vniuersum comparatarum, symmetriâ, responso, consonantiâ, spectanda & definienda sit. Quam equidem rursus huius Vniuersi conuenientiam, tum illâ sæculorum incomprehensibili vastitate exclusus, tum ipsarum rerum multitudine ac varietate oppressus animus, cum intelligentiâ circumplecti nequeat; hæret in singulis, nec earum fines, rationes, modos, opportunitates (quæ omnia ex illarum nexu, atque inter sese colligatione dependent)

pendent ) vel leui subinde suspicione valet attingere : eaque propter vsuuenit denique , vt illum singula solitariè spectata minùs delectent , neque satis fortassis approbet , siquid incommodi iniucundiùe obuেনiat , cuius ipse causas rationemùe non inueniat , ipsà præpeditus mentis humanæ imbecillitate.

Sed absit sanè , absit omnino , vt intelligentiæ nostræ viribus , quæ & ipsa per se angustissima est , & vitij nostris affectibusque obscurata , metiamur supremi artificis immensam , & nulli extra ipsum comprehensibilem sapientiam. Ac , si cuiunque saltem excellenti artifice in arte scilicet suâ credimus ; vt etiam quæ minùs intelligimus in ipso opere , sic tamen fieri oportuisse existimemus , quòd talis ac tantus artifex , ex artis legibus ita faciendum censuerit : atque is præsertim velut ineptus atque stolidus exploditur , qui in officinâ opus imperfectum , neque suis omnibus partibus aut numeris absolutum , contempletur , illud despiciat , & inertiam iacuset artificis : quanrò magis eam debet mens nostra infinitæ Dei sapientiæ seruitutem , vt in hoc ingenti mundi opere , & tot sæculorum quasi ambitum continenti , ipsam veneremur auctoris artem , neque in eo quicquam idcirco culpandum accusandumque putemus , quòd illius fines rationesùe , ipsà mentis nostræ circumscriptione , minùs capimus ?

Illud insuper attendentibus nobis : etiamnum fluere ac perennare cursum temporum , pertexti sæculorum seriem , neque partibus suis adhuc completam esse huius Vniuersi integritatem : cuius insignis pulchritudo tum denique nos ineffabiliter delectabit , cum , sine operi imposito , hoc est , euoluto cursu temporum , in ipsa adyta diuinitatis , & æternæ arcana sapientiæ introrossi , ipsum complexum sæculorum , vniuersorum ac singulorum causas , rationem , ordinem , contextum , responsum , simplici comprehendemus intuitu , neque iam artem in opere , sed opus in arte summi artificis , contemplabimur.

Atque huc iam facit illa magni carminis aut captici modulatissimi , à S. Augustino aduersus Manichæos , qui in mundi opere , stultâ temeritate impiaque superbiâ , multa culpabant , sæpius tradita atque inculcata comparatio. Quemadmodum enim insulsus atque fatuus sit , qui præclari carminis leporem , aut suauissimi concentûs elegantiam , non ex pedum omnium atque sonorum aptâ inter sese conuenientiâ metjatur , sed idcirco carmen canticumùe reprehendat , quòd horum quibus-

dam particulis, per sese duntaxat confidetur, & non cum toto appositè comparatis, ipsum offendi contigerit: ita oppidò stolidum atque absolum esse homuncionem, brevis æui animal, ac pertenuis intellectus, qui ex eâ temporum rerumque particulâ quam experitur, dijudicare audeat de ingenti illo supremi autoris opere; & reprehensione dignum censeat, si cuius rationem non assequitur ipsa humani sensus imbecillitas.

L. 1. de Gen.  
centr. Ma-  
nich. c. 21.

*Quin etiam* (quæ ipsa S. Augustini verba sunt, aduersus eodem Manichæos disputantis) *in sermone aliquo ornato atque composito, si consideremus singulas syllabas, vel etiam singulas litteras, quæ cum sonuerint statim transeunt, non inuenimus quid delectet atque laudandum sit. Totus enim ille sermo, non de singulis syllabis aut litteris, sed de omnibus pulcher est. Quod si Manichæi considerarent* (inquit) *laudarent vniuersitatis autorem & conditorem Deum: & quod eos, propter conditionem nostræ mortalitatis, in parte offendit, redigerent ad vniuersi pulchritudinem, & viderent quemadmodum Deus fecerit omnia, non solum bona, sed etiam bona valde.* Hæc Augustinus.

Cap. 1.

Eodemque faciunt plures aliæ eiusdem S. Doctoris similitudines: vt illa libro 1. de Ordine, ex eo petita, qui in vermiculato pavimento vnum aliquem tessellæ modulum considerans, fatuè vituperaret artificem, velut ordinationis aut compositionis ignatum. Quando, velut ait rem eandem explicans in libro de Vera Religione: *Nec in edificio laudando, vnum tantum angulum considerare debemus, nec in homine pulchro, solos capillos &c.*

Ecclesi. 24.  
v. 12.

Quibus affinia sunt illa Cardinalis Cusani; qui ad illa verba: & dixit mihi creator omnium: Dicit, omnium (inquit) littera: quia non potest Sapiencia creata videri, nisi simul omnia videantur. Sicut non possum magisterium statuarij videre, nisi totam simul concipiam statuam: Si enim seorsum pedes aut manum video, & non totam statuam simul colligo in mentem, neque ordinem, neque proportionem, neque pulchritudinem aut magisterium video.

Sed iuuat hunc locum ipsis Hipponensis Præfulis verbis, & in hanc ipsam rem sapienti præcepto, concludere. Sic igitur libro 12. de Ciuitate Dei cap. 4. *Ceterum vitia pecorum & arborum aliarumque rerum mutabilium, vel sensu, vel vitâ omnino carentium, quibus eorum dissolubilis natura corrumpitur, damabilia putare, ridiculum est. Cum ista creatura enim modum nu-*



## PARS SECVNDA. CAP. XII. 137

tu Conditoris acceperint, ut cedendo ac succedendo peragant infinitam pulchritudinem temporum, in genere suo istius mundi partibus congruentem. Cuius ordinis decus propterea nos non delectat, quoniam parti eius pro conditione nostra mortalitatis in-texti, Vniuersum, cui particula, quæ nos offendunt, satis aptè decenterq; conueniunt, sentire non possumus. Vnde nobis, in quibus eam contemplari minus idonei sumus, rectissimè credenda proponitur prouidentia conditoris, ne tanti artificis opus in aliquo reprehendere, Vanitate humane temeritatis, audeamus. Hactenus Augustinus.

Quibus etiam similia iam antea video tradidisse Plotinum Enneadis tertix lib 2 qui est de Prouidentia: ubi multis contendit, nihil esse in mundi opere quod culpari dignum sit; negatque ex eius particulis de ipsius pulchritudine esse dijudicandum; atque sic ait inter cetera. *Quisquis igitur in partibus* Cap. 3. *vituperat totum, stultè vituperat. Siquidem, tum partes ad ipsum comparando, decet considerare num consonent accommodenturq; toti; tum ipsum totum considerando, ad minimas quasque particulas nequaquam decet aspicere. Alioqui id non foret hominis mundum vituperantis, sed quasdam mundi partes ab alijs seorsum accipientis.*

Quod ipsum declarat exemplo eius, qui ex hominis pilo vel digitulo pedis, ipsius velit pulchritudinem cognoscere: rursumque, qui in animali partes omnes velit esse oculos, aut in pictura colores omnes æquè floridos, cum umbras inesse necesse sit.

Ad extremum; *Quisnam* (inquit) *comædiam tragædiamq; vituperet, quod omnes in eâ non sint heroës, sed interfit & seruus & rusticus aliquis rudiori voce pronuntians? Poëma tamen non erit pulchrum, siquis inde tollat deteriores.*

Ex quibus vides etiam à Plotino, mundum poëmati, sed dramático & personis constanti, comparari.

## CAPVT XIII.

*Rerum labentium amore improuidè teneri mortales; earumq; abscessu, aut subtractione, etiam stultè cruciari.*

**E**Thoc rursus non minùs utile ex antedictis esto præceptum: Magnæ & insignis esse insipientiæ, in rebus hisce fluxis & labentibus animum suum atque affectum figere; cumque subtrahi contigerit, earum abscessum aut absentiam grauiter impatienterque ferre.

*Ecl. 3. v. 1.* Vt enim rectè monet Sapiens: *omnia tempus habent, & suis spatijs transeunt vniuersa sub celo.* Et, velut iam antè ostensum est, in isto rerum inuicem decedentium ac succedentium ordinato decursu atque transitu, huius Vniuersi harmonia, & artis diuinæ decor ac pulchritudo consistit. Quemadmodum igitur stolidè & iniquè faceret, qui in carmine aut cantico modulatissimo, syllabam aliquam sibi complacitam, aut tonum aliquem sibi iucundum, vellet esse perpetuum; cum ex artis legibus, illam & illum transire oporteat, vt ex variorum modulorum ac vocum attemperacione, confurgat harmoniæ decor, & carminis suauitas: ita qui alicui rerum istarum, quæ mundi cursum ordinatissimè constituunt, inordinato amore adhærescit, eamque, præter diuinæ prouidentię ordinem, & dictata supremæ Sapientiæ, sibi retinere, cursumque rerum impedire & interrumpere contendit; is non frustra modò, sed stolidè facit atque improbè. Perturbat siquidem ( quantum in se est ) supremi ac sapientissimi modulitoris carmen, æscemetipsum frustra conturbat: procedet enim in canu suo diuinus artifex; sibi quippe canens ac suæ ineffabili sapientiæ; non autem, quid cuique auditorum placeat, aut displiceat, attendens. Quæ etiam ratio de mente est S. Augustini, cum alijs locis infra notandis, tum nominatim in libro de vera religione: vbi eos homines, qui ( vt ipse ait ) *temporalia diligunt, conditricem verò ac moderatricem temporum diuinam prouidentiam non requirunt, atque in ipsa dilectione temporalium nolunt transire quod amant;* tam scilicet esse dicit absurdos, *quim si quisquam in recitatione preclari carminis vnā aliquā syllabam solam perpetuò vellet audire.*

Quam

## PARS SECVNDA. CAP. XIII. 139

Quam item hominum imprudentium stoliditatem, præclare, & ( quantum apparet ) ad Augustini sensa respiciens, expressit Guigo Carthusianus, eius Ordinis Generalis quintus, in sua quadam meditatione. In qua illud assumens de Augustini sensu: *Quod syllaba in carmine, hoc loci aut temporis obtinet* Medit. c. 4.  
*unaquæque res in mundano discursu; ita subinde philosophatur: Vni ex syllabis magni carminis adhaesisti. Ideo turbaris, cum canendo procedit cantor sapientissimus. Subtrahitur enim tibi syllaba quam solam amabas, & succedunt alia ordine suo. Non enim canit tibi soli, nec tuae voluntati, sed suæ. Quæ autem succedunt syllabæ, ob hoc tibi contrariæ sunt, quia impellunt eam quam male amabas. Ideo ergo cruciaberis, quia deterioribus inhaesisti, & suo ordine transeunt tanquam syllabæ in carmine. Sic ille.*

Augustinus porro Deum alloquens in suis Confessionibus: *Quaquaersum ( inquit ) se vertit anima, ad dolores figitur,* L. 4. c. 10.  
*præterquam in te. Tametsi figitur in pulchris extra te; quæ oriuntur & occidunt, & quò magis crescunt ut sint, eò magis festinant ut non sint. Sic est modus eorum. Tantum dedisti eis, quia partes sunt rerum quæ non sunt omnes simul, sed decedendo ac succedendo ægunt hoc Vniuersum. Ex quibus infert necesse esse; ut cum amantur, eisque infigitur anima, conscindant eam deficiens pestilentiosis: quoniam ipsa requiescere amat in illis, nec tamen potest, quia non stant, sed fugiunt.*

Quo modo etiam S. Gregorius homiliâ quadam de stulto mundi amore agens: *Fugientem ( ait ) sequimur, labenti inhaeremus; & quia labentem retinere non possumus, cum ipso labimur quem labentem tenemus.* Hom. 28. in Evang.

Porro qui eas res, quæ, ita ordinante providentiâ, pulcherrimum illum sæculorum cursum velut partes componunt, nolit deficere, sed quòvis votis ac cupiditati magis seruiant, subsistere eas velit ac retinete, mirabiliter esse dementem; aliâ quadam ratione declarat S. Augustinus, in libris quos scripsit de Libero arbitrio. Vbi istis præmissis, quæ alibi dictis ab eodem S. Doctore paria sunt: *Quapropter omnia temporalia, quæ in hoc oramine rerum ita locata sunt, ut nisi deficiant, non possint præteritis futura succedere, ut tota temporum in suo genere pulchritudo peragatur, absurdissimè dicimus non debere deficere; eam absurditatem ut magis ponat sub oculos, ista consequenter adijcit: Qui enim dolet ea deficere, sermonem suum oportet attendat. Cuius sermonis, quod ad sonum attinet, siquis unam parti-*

R

culam

*culam diligit, nec eam velit ceteris deficiendo locum dare, mirabilis dementia indicabitur. Hæc S. Doctor.*

Idem videlicet iudicandum nobis relinquens, de ipsa serie cursuque rerum labentium; qui instar habeat temporalis cuiusdam sermonis, quo ipsa nobis, in peregrinatione ista, sese aperit, atque (quod suprà dictum) quasi loquitur sapientia Dei. In potestate equidem habens, & verbo vno semper stante, neque partibus sensim deficiente, sensa sua, quæ vellet, pandere: attamen id non est præsentis temporis, sed ipsi, ut dicam, reservatur æternitati.

Sapiens ergo est & felix animus, qui nullo tenetur amote rerum transeuntium, neque priuatim illis adhæret, ut temporum stillis, aut magni carminis syllabis, sed in illarum fluxu atque decursu ordinatissimo, decorem aspicit amatque supremæ sapientiæ, & solâ arte modulatore sapientissimi, quæcunque tandem sit rerum transeuntium varietas, vnicè atque iucundè oblectatur. Hunc quippe nullus conturbabit abscessus successusque rerum, huius mundi carmen ordine suo componentium: quia non tenetur syllabis ipsi transeuntibus, sed in arte Dei semper manente, fixus, immotus, imperturbatus, acquiescit. Quacunque igitur rerum varietate pulsabitur, ipsam in omnibus excolabitur providentiam, & ipsi assentiens alludensque Sapientiæ, divino carmini libens sequiet, & tali fortassis se ipse cogitatione solabitur. Fluant sæcula, voluantur anni, oriantur soles & occidant, & (vbi sunt leges diuini carminis) rebus nascentibus, denascentibus, aliæ succedant atque aliæ, dum numeris suis absoluantur, & modulis suis peragatur Vniuersitas. Nos ipsi cum rebus cæteris, ceu Vniuersi particula, & tanquam syllaba magni carminis, nostris spatijs transeamus; & siue nos breuem, seu longam syllabam esse voluerit sapientissimus modulator; quacunque nos parte carminis, quocunque pede stare, magnus poëta constituerit; ei perinde acquiescentes, pro modulo nostro respondeamus, & diuinis auribus, immo cordi, gustui, voluptati obsecundemus.

Non discordemus dissideamusque à naturæ totius consonantiâ, neque chorum istum amabilem, & tanquam concentum Vniuersitatis, ineruditis absurdisue motibus, aut absônâ voce, inturbemus. Vides enim ut natura reliqua, factori suo, dicto audiens, quocunque seu loco seu tempore huius Vniuersitatis constituta, eiusdem nutibus absque detrectatione

con-

## PARS SECVNDA. CAP. XIII. 141

consentit? Stellæ ipsæ, quæ ordinatâ motione illum cæli concentum efficiunt, & choragâ diuinâ sapientiâ, modulatissimis conuersionibus & tanquam choreis, cœsum peragunt sæculorum; si Barucho Prophetæ credimus, cum quodam quasi voluptratis sensu id faciunt, lætantes in custodijs suis; in ea videlicet statione, cui quamque Imperator suus, pro voluntate, aut occultis legibus sapientiæ suæ, imposuit. Atque id equidem summâ parendi indifferentiâ, siue eisdem autor suus primæ magnitudinis esse voluerit, siue secundæ, aut tertiæ, siue nebulosas, atque obscuras; & siue illas in capite Tauri, siue in caudâ Vrsæ, siue vbi vbi collocandas censuerit. Quid enim interest; dum pro suo quæque modulo enarrant conditoris gloriam, & quâ luce possunt, iucundè obsequantur ei qui fecit illas?

C. 3. v. 34.  
35.

Has imitemur: & quacunque nos Deus locarit statione temporis, quolibet vitæ moras dederit, quacunque nos seu luce fulgere, seu aduersitate obscurari, voluerit, id omne perinde de eius amabili prouidentiâ accipientes, vnum id agamus in quo sunt omnia; vt eius scilicet diuino numini, honori, gloriæ, quantum ipse dederit, obsecundare studeamus; dum spatijs suis ista pertransit mortalis vita.

Veniet aliquando æterna dies, quâ sæculorum orbe completo, & complicatis voluminibus temporum, atque momento vno semper stante conclusis, absque vllâ rerum motuumque vicissitudine, adhætebimus veritati incommutabili; diuinę (quoad fas homini) participes effecti sapientiæ, & beatæ consortes æternitatis.

Iam enim *Tempus non erit amplius*; neque per multiplices, atque (vt appellat S. Augustinus) *volubiles cogitationes* ipsam venabimur Sapientiam, siqua illius deprehendamus vestigia; sed vnico tanquam ictu mentis, in vno Verbo comprehendemus vniuersa. *Sublatis namque orientibus & occidentibus verbis*, ex Gregorij Magni sententiâ, *quasi quidam sonus æternæ predicationis sit ipsa imago internæ visionis*.

Apc. 10.  
7. 6.  
Lib. 15. de  
Trin. c. 16.  
L. 30. Mir.  
c. 7.

Sed placet iam dicta, Nicolai Cusani Cardinalis opportuno sermone, concludere. Is enim in libro de Filiatione Dei: *Tali quadam similitudine admonemur*, inquit, *nos qui ad Filiationem Dei aspiramus, non inherere sensibilibus, quæ sunt ænigmatica signa veri; sed ipsis, ob infirmitatem nostram, absque adhesionem coinquinationis ita vti, quasi per ipsa nobis loquatur*

R 2

magister

magister veritatis, & libri sunt mentis eius expressionem continentes. Et tunc in sensibilibus contemplabimur intellectualia, & ascendemus quadam improporionali proportionem, de transitorijs & fluidis temporalibus, quorum esse est in instabili fluxu, ad æterna, ubi rapta est omnis successio in fixam quietis permanentiam, & vacabimus circa speculationem vera iustitiæ, & gaudiosæ vitæ. Sic ibi.

\*\*\*\*\*

## C A P V T XIV.

*Quovis cursu rerum, divinam adorandam providentiam, & sue prospera, sue adversa obvenerint, eidem pariter acquiescendum esse.*

**A**T res iam postulate videbatur, quò etiam inclinabat animus, ut istis omisissis, tamen perutilibus, moratæ disciplinæ præceptis, id quod huic patti propositum videtur exquerer; atque ex ijs quæ modò dicta sunt, in hoc mundi templo, præcipuâ quadam ratione, conspicuam mortalium oculis appatere Dei Sapiëntiam, ipsumque adeò Vniuersum, Sapiëntiæ eadem censendum appellandumque colligerem. Videlicet, ne (quod erat proclivè) longâ talium disputatione diuersus legentis animus, destinari nostri nos, aut suspicetur immemores, aut credat sanè incuriosos. Verùm cum alia quædam occurrant, iam dictis subnexa ac consequentia, tanquam dictata cælestis Sapiëntiæ, quæ ab hinc diuelli minùs patitur incepta tractatio; excusabit lector id agentem utilitatis suæ gratiâ, neque adeò ac videri poterat, extra chorum saltantem, aut à suscepti argumenti ratione abludentem.

Nam etsi huic Parti secundæ nostri tractatus, titulum prætendamus allegoticam anagogicamque contemplationem templi Sapiëntiæ; id equidem (ut quod res est dicam) prætendimus potius, quàm intendimus, aut agimus. Quandoquidem huius instituti, principalis scopus ac finis est; per hanc occasionem, mentem cælestis disciplinæ studiosam, ac (Senecæ verbo) Sapiëntiæ iam alludentem, quibusdam exinde deductis imbuere præceptis diuinæ Sapiëntiæ, atque (ut est apud Boëtium) de eius adyto protolis informare sententijs, ut illud quod agi prætenditur, occasio dicendis & obtentus sit; verus autem finis, ipsa præceptorum exinde deductorum utilitas.

Qui-

Ep. 72.

L. 2. de consol. prof. 1.

## PARS SECVNDA. CAP. XIV. 143

Quibus proinde dum studiosius operosiusque insistimus, non iam deerramus à proposito, sed quod nobis in primis potissimumque propositum est, id verò re ipsa persequimur : & , si non iam templum , at scholam tamen Sapientie aperimus.

Ex ijs igitur quæ superius disputata sunt , & illud præceptum deducitur , opportunum admodum & conducibile humanæ vitæ : quod duobus hisce , tanquam cardinibus , nitur.

Primum est ; hoc nobis persuasissimum esse debere : ita videlicet constitutum esse diuinæ sapientie legibus , id summæ providentiæ placitum ; ut quemadmodum sæculorum cursum , & ipsam quasi Vniuersi vitam , voluit ex quibusdam ( quod supra dixit Augustinus ) tanquam antithetis constare ; & contrariorum oppositione componi arque figurari , ipsam sæculi pulchritudinem : ita singulorum mortalium vitam , eiusque cursum ac seriem , quibusdam amet quasi antithetis exornare , rebus inquam partim felicibus , partim aduersis constituere. Quoniam ita sit conueniens , siue ad quandam demonstratiuam ineffabilis sue sapientie , siue ad certiorum electorum salutem : quos ( ut in rem præsentem appositissimè Chrylосто-  
*Hom. 8. in Matth.*  
*mus ) misericors Deus neque tribulationes , neque iucunditates finis habere continuas ; sed tum de aduersis , tum ex prosperis , iustorum vitam quasi admirabili varietate contextit.*

Alterum , quod nostratum est partium : ut id nimirum intelligamus ; sapientis esse , ei certissimæ iustissimæque sapientissimi disponentis , ac ( si eâ rectè uti nouerimus ) apprimè nobis conducibili providentiæ , omnes animi sensus ac motus promptè accommodare ; in eoque ponendum omne studium , ut quouis cursu rerum , supremam providentiam adorantes , nullâ offendamur ipsius partē ; sed , siue prosperum , siue aduersum quidquam accidar , velut ab eadem benignissimâ manu profectum , eadem constitutum forti suauique providentiâ , eodem amore felicitatis nostræ impensum , pari animi sensu accipiamus.

Quod equidem sapientis esse , vel illa confirmet Plutarchi Philolphi , iam antè à nobis laudata , sed huic præsertim loco opportuna , sententia : Vitam utique nostram , arti seu musicæ , leu grammaticæ , comparantis , quarum illa grauibz acurisque constare debeat , hæc litteris vocalibus & mutis. Eum  
*L. de animi transg.*  
autem artificem esse , non qui alterutris eorum offendatur , sed

qui utrisque uti, eaque inter se appositè componere nouerit. Similiter igitur, illum censendum sapienter instituisse vitam, qui contrarios rerum euentus, scitè miscere didicet, & tristitia lætis, aduersis prospera, nullà utrorumuis offensione, componere.

Verùm potius exaudiatur hoc loco vox illa diuini Spiritus, mentem sapientiæ studiosam seriò grauitèrque apud Ecclesiasten in hunc modum commonefacientis : *In die bonis frui bonis, & malam diem præcaue. Sicut enim hanc, sic & illam fecit Deus, ut non inueniat homo contra eum iustas querimonias.* Quasi diceret : cùm vita mortalium, ita sapienter atque benignè disponente prouidentiâ, bonis atque malis diebus, siue prosperis atque aduersis rerum euentibus, necessariò constet; sapientis esse, ad utraque rite atque accommodè comparate se; atque ad eò, cùm læta obuenerint, ijs eâ animi moderatione frui, ut simul aduersa illis successura provideat, eaque velut cautione sese contra illorum aduentum obarmet; demum in utrisque Dei approbare atque exosculari prouidentiam, qui summâ arte atque amore utraque illa sic commiscuit, ut qui horum inter se ad fines suos conuenientiam responsumque perspectum habuerit, non inueniat, quo de rerum omnium dispositore Deo iustè conqueri possit.

S. Augustinus in sexto libro de Musica, illum commeditans lege æternâ naturis inditum rationabilibus ordinem, quo, velut medium locum obtinentes inter extremas, congruenter eas oporteat, superioribus subesse, præesse inferioribus: *Non ergo inuideamus, inquit, inferioribus quàm nos simus, nosq; ipsos inter illa quæ infra nos sunt, & illa quæ supra nos sunt, ita Deo & Domino nostro opitulante, ordinemus, ut inferioribus non offendamur, sôlis autem superioribus delectemur.* Tum deinde subdit, mentis suæ magis explicandæ gratiâ: *Quæ verò superiora sunt, nisi illa in quibus summa, inconcussa, incommutabilis & æterna manet æqualitas? Vti nullum est tempus, quia nulla mutabilitas est, & unde tempora fabricantur & ordinantur & modificantur, æternitatem imitantia, dum cali conuerso ad idem redit, & celestia corpora ad idem renocat, diebusq; & mensibus & annis & lustis, certisq; siderum ordinibus, legibusq; æqualitatis, & unitatis, & ordinationis, obtemperat.*

Demum & hîc illam insinuans sibi per familiarem cogitationem, quâ sæculi cursum numerofo carmini comparat, consequenter



## PARS SECVNDA. CAP. XV. 145

quenter & ista subiicit, quorum huic loco valde subseruit extrema clausula: *Ita caelestibus terrena subiecta, orbis temporum suorum numerosâ successione, quasi carmini Vniuersitatis consociant. In quibus multa nobis videntur inordinata & perturbata, quia eorum ordini pro nostris meritis assueti sumus, nescientes quid de nobis diuina providentia pulchrum gerat.* Ita perfitè magnus Doctor: postremis illis nos admonens; non esse quòd vllus rerum euentus, aut vlla nos lætorum ac tristium vicissitudo perturbet: sed in re qualibet assentiendum nobis esse atque acquiescendum sapientissimo consilio ac dispositioni supremæ providentiæ, ex hac ipsâ rerum varietate, pulcherrimum nobis felicissimumque vitæ nostræ cursum ordinantis atque attemperantis: etsi eius rei rationem ac modum nondum possimus intelligere.

Cui non absimilem cogitationem inuenies etiam apud Plinium in Panegyrico Traiano dicto, verbis relati dignis expressam: *Habet ( inquit ) has vices conditio mortalium, ut aduersa ex secundis, ex aduersis secunda nascantur. Occuleat utro- rumque semina Deus, & plerumque bonorum malorumq; causa, sub diuersa specie latent.* Ita ibi.

## CAPVT XV.

*Eiusdem præcepti pertractatio. Vtriusvis rebus rectè vtendum, utriusvis philosophandum, Sapienti.*

**S**ed discamus licet, etiam ab Ariano Principe, quo tenore nobis, inter has lætorum tristiumque vicissitudines, vita decurrenda sit.

De Theodorico Gothorum in Gallia Rege, per pomeridianas remissiones, tesseras tractante, ita pulchrè scribit S. Sidonius Apollinatis: *In bonis iactibus tacet, in malis ridet, in neutris traestur, in utrisque philosophatur. Putes illum & in calculis arma tractare.* Quæ nobis licebit ad eam transferre philosophiam, quò hinc admoneri nos sentiamus: quando, ex verbo veteri; *ita vita est hominum, quasi cum ludas tesseris;* quicunque iactus, hoc est euentus rerum, incidat, & siue prospera seu improspira obijciantur; neque rebus secundis effe-  
rendum, neque aduersis deiiciendum, sed utrisque sapienter,  
id est

Ep. 2.

Ter. Adelp.  
AB. 4. sum.  
7.

id est moderatè, vsurum esse, sapientem. Quod quidem etiam apud Platonem animaduerto, maximè Socraticum esse præceptum. Quippe qui dialogo 10. de Rep. in persona Socratis, de ratione disputans qua Sapiens aduersa toleret, id illi seruandum primo loco præcipit, his verbis : *Consultare inquam circa ea quæ acciderunt in primis oportet, & tanquam, in talorum iactu, prout cecidit, quomodocunque ratio melius rem habere dicat, ita negotia disponere.* Quo nimirum fiat, vt sortis humanæ infelicitatem, quoad licebit, emender sapientia; & quod malè cecidit, in bonum vertat rectè videnti.

Quod item Platonis pronuntiatum vberiùs proponit Plutarchus libro de animi tranquillitate. Vbi postquam illum huc facientem præsci Poëtæ versum laudauit : *Bene erit huic qui rebus obtingentibus rectè vtitur : Ludo enim ( subdit ) tesserarum Plato vitam comparabat ; ubi & iaciendum, quod est commodum, & iactu quod cecidit, rectè usurpandum. Ac iacere quidem, in nostra non est potestate : si verò rectè sapimus, penes nos est, quod fortuna obtulit conuenienter accipere, & suo quodque dispo- nere loco, ubi & propria maximè conducant, & quæ præter vo- luntatem eueniunt, minimè offendant. Alioqui eos, qui vitam nullâ arte adhibita, nullâ prudentiâ degunt, cum res secunde supra suam extollunt sortem, tum aduersa deiciunt.* Sic illi : atque ad vitæ vsum perquam accommodatè.

Nam velut periti gubernatores, etiam ventis aduersis, &, si sibi sinantur, aut in contraria, aut in diuersa ferentibus, sic quandoque videntur, vt illis nonnihil obsecundantes, & cerrum in morem obliquatis velorum sinibus, eorum afflarum excipientes, eosdem denique cursui suo obsequentes habeant; eoque subinde feliciùs portum teneant, quò aut impotentius iactati fuerint, aut impulsu vehementius. Ita vir sapiens omnium quasi temporum homo est; & quæcunque aura successerit aut impulerit, cursum suum tenet, & aduersis iuxta atque secundis, suæ velificatur felicitati. Et profectò, si quis eâ vi rectè nouerit, opportunissima salutis via est aduersitas; & multos eorum quos transuersos agebat sua felicitas, hos resians fortuna ad exitus perduxit optatos.

Quod quidem præclarè obseruatum habes à Beato Augustino, initio libri quem de Virâ beatâ scripsit, ad Theodorum Manlium; ubi tradit, *multos tempestate aliqua ( quæ stultis, inquit, aduersa videtur ) in optatissimam terram nescientes errantesq; compingi.*

Tum

## PARS SECVNDA. CAP. XV. 147

Tum de ijs agens qui voluptarum honorumque fallacissimâ specie in altum incautè abripiuntur : *His profectò ( subdit ) quid aliud optandum est, quàm quedam in rebus illis, à quibus iactati excipiantur, improspèra, & si parum est, seuiens omnino tempestas, contrarièq; flans ventus, qui eos ad certa & solida gaudia, vel flentes gementeq; perducat ?*

Archytæ Tarentini, Philolophi Pythagorici, &c, ( teste L. J. de vob, Tullio ) Platonis in geometria magistri, hæc præclara fertur, & ad propositum appositissima oratio, ex libro excerpta, quem de Vito bono & beato scripserit : *Aio virum bonum eum esse, qui rebus ac temporibus magnis rectè utatur; qui quidem & felicitatem possit & infelicitatem ferre, ac tum rebus bonis dignum se præbeat, tum rebus mutatis, rectè, quod euenit, ferat : qui denique qualicumque tempore rectè pro re natâ se gerat, nec sese solum, sed & alios sibi fidentes ac rerum socios ita componat.*

Atque ille quidem hæc cedro digna locutus est, eo in tractatu, cum de viro bono arque beato disputaret; apertè significans, hanc animi humani, ad vtriusvis fortunæ casus perinde facti, comparationem, ad bene beateque viuendum omnino esse necessariam, eandemque per se conducere, ad mentis statum omnis perturbationis expertem, ipsamque adeò ( siqua esse potest in vita mortalibus ) vniuerso hominum generi, tanto studio atque opere, desideratam felicitatem.

Cui prorsus similis est quædam Ilocratis in Panathenæo à cap. 51 Clemente in quinto Stromatum celebrata sententia : *Sapientes esse, qui rectè utuntur ijs quæ quouidie accidunt, & occasiones modumq; rerum prudenter animaduertunt; qui voluptatibus quidem temperant, & eis sunt superiores, non vincuntur autem aduersis, sed in eis strenuè se gerunt, & pro dignitate nature cuius sunt participes.*

Potè in hoc quod aiebat Archytas : *virum bonum esse, qui & felicitatem ferre possit & infelicitatem*; obseruanda est verbi proprietates, & latens eruenda hominis acuti philosophia. Vt qui verbis istis lectori suo insinuet, quod eodem tractatu hac expresserat sententiâ : *Non infelicitatem rectè, quàm felicitatem ferre, difficilius est*: quasi ingens onus sit, id quod felicitatem mortales appellamus, & maioris artis ac facultatis sit, inrer prospera sibi constare, & blandientem aludentemque, quàm aduersam ferre fortunam. Cui sententiæ affinis videtur

*Seneca ep. 5.* vox illa Romani Philosophi : *Infirmi animi est, pati non posse diuitias.* Simillima autem & maximè gemina istæ eiusdem :  
*Ep. 66.* *Eadem ratione fit, ut aliquis felicitatem bene, & calamitatem fortiter ferat.*

*De provid. c. 4.* Qui & alibi dicens : *Periculosissimam esse felicitatis intemperantiam* ; satis indicat, quod tantò antè edixit ille Tarentinus : difficile admodum & paucorum esse, magnam ferre aut concoquere felicitatem. Plures quippe rupit illius pondus, quàm incumbens fregerit infelicitas. Quò iam minùs miremur, ex Christianæ sapientiæ decreto certissimo ; ærumnas atque aduersitates, huius sæculi felicirati, ut vitæ magistras, modestiæ altrices, omniſque virtutis conciliatrices, anteferri ; quando ipsi quoque peruidere Gentiles Philosophi : nonfacilè virtuti & felicitati conuenire ; procluius autem esse sapientiæ cum infelicitate commercium. *Nam quasi ista inter se contraria sint, bona fortuna & mens bona : ita melius in malis sapimus* ; velut idem Annæus præclarè. Vnde alibi rursum merito exclamat : *O quantum caliginis mentibus humanis obijcit magna felicitas !* Per quam nimirum fit, ut iste beatulus, quasi dulci suâ fortunâ ebrius, humanæque oblitus fragilitatis, iam Dei suiſque nescius viuat : cùm è contrâ hominem ad se reuocet, & Dei tacitè increpantis erudentisſque ſolenter admonear, de cælo immiſſa tribulatio.  
*Heb. 26. 7-16.* *Quicquidmodum scriptum est : In tribulatione murmuris doctrina tua est.* Et rursum : *De excelsis miſit ignem in ossibus meis,*  
*Thren. 1. 7.*  
*13.* *& erudit me.*

Quò sanè verissima videatur, licet ad vulgarem mortalium sensum perabsurda, illa inter cæteras Guigonis Carthusiani, veluti cuiusdam Epicteti Christiani, perbreuis ac fortis sententia : *Quandoquidem solâ voluptate caperis, sola delectabilia sunt cauenda.* Nusquam ergo *secura est anima Christiana, nisi in aduersis.* Qui proinde alio in loco, Augustini sensa, sed ab eo diuersam allegoriæ rationem secutus ; velut ex istius Sancti Doctoris mente vidimus, ijs qui nimium aurâ secundâ effrangentur, optandum esse verum contrarium, quo ad portum veræ felicitatis peruehantur : ita ipse Guigo, huic mundo, quem ( etsi decrepitem ) velut puerum stultum considerat, adesse optat sapientem nutricem ( piam scilicet Dei prouidentiam ) quæ ei subtrahat quæ noxia sunt & causæ dolorum, falsam videlicet præſentis sæculi felicitatem. Verba Guigonis sunt ista : *O quis dabit decrepito puero, & tamen stulto, id est humano generi,*

PARS SECVNDA. CAP. XV. 149

generi, toto orbe diffuso, quandam magnam, quandam sapientissimam nutricem, quæ tali curâ ac sollicitudine subtrahat ei, vel reuocet eum à gaudijs, quæ futurorum semina sunt dolorum! Quod etiam, mortalium bono, tamen id minùs agnoscendum, passim facere Providentiam, subdit his verbis: *Hæc nutritrix pyssima ac potentissima nunquam cessat, siue per semetipsam, seu aliter, humano generi causas dolorum, id est temporalia, auferre aut non dare.* Nimirum puto etiam inuito ac lacrymanti, ea quæ nocere possint, auferre, piæ matris ac bonæ nutricis, necessarium officium est. Quale sibi impetum à Providentia, gratus agnoscit Augustinus in suis Confessionibus; in quibus describit, fidelem Dei misericordiam circumuolantem se, & in omnibus quæ peccaret se flagellantem, atque amaris offensionibus aspergentem omnes illicitas iucunditates suas, ut ita quæreret sine offensione iucundari.

Cui simile quiddam inuenies apud B. Catharinam Genuensem, pulchrè istud Amoris diuini tanquam stratagema describentem; qui animam humanam cupiens sibi subijcere, occultis quibusdam rationibus, sed amicâ fraude, doloque non malo, ei subtrahit quæcunque amat, quò denique nuda amore retum transeuntium, totam se sancto amoti tradat.

Verùm utcunque hæc se habeant; istud ex dictis accipiamus oportet: siue magna est ferenda calamitas, siue cum magna felicitate luctandum est, vtriusvis quæntibus philosophandum esse sapienti; ita videlicet, ut fortunâ quauis, arte & ratione utamur, & (quod de viro probò dixit Archytas) magnis seu rebus seu temporibus, parem animum adferamus. Magni quippe refert in quæ tempora cuiusque virtus inciderit: eoque gratulabitur magnus animus eas sibi occasiones offerri, quibus & seipsum experiri valeat, & ostendere mundo, quantum aut facere, aut pati, Dei causâ possit. Et vide, amabo, si non his quoque consonantem Romanam Porticum habemus. *Rerum conditionem* (inquit Annæus) *manare non possumus: id possumus, magnum sumere animum, & viro bono dignum, quo pariter fortis patiamur & naturæ consentiamus.*

Quâ postremâ vocè, eam item disciplinam insinuat: ut ad eas leges quas naturæ indidit impressitque Providentia, libenter accommodemus animum, & (quod ipse ait) *sine querela, mortalitatis tributa pendamus.* Quid enim miramur conquerimurque, si orta occidunt, si pugnantibus compacta soluantur, si temporis subiecta,

subiecta, ipso tempore consumpta intendant? Qua meditatione, ubi res ferret, exerceri solitum deprehendo etiam magnum Augustinum: qui, Wandalis Africam summâ crudelitatem æque atrocitate vastantibus, *se inter hæc mala* (ut in eius Vitâ Possidius) *cuiusdam sapientis sententiâ consolabatur, dicens: Non erit magnus, magnum putans, quod cadunt ligna & lapides, & moriuntur mortales.*

De provid.

c. 2.

De consp. sep.

c. 2.

Quod quidem quid esse dixerō, nisi stare inter cadentia, aut (quo ferè modo de Catone suo Seneca) rectum consistere inter ruinas gentis humanæ? Quanquam quas nos clades, quas ruinas vulgò dicimus, has ille in alta constitutus arce Sapientiz, ut lusus aspiciat providentiz, artisque diuinę, per eas rerum humanarum vicissitudines, ad destinatos sibi fines, nullo labore, ordine summo, contenditis.

Similibus in rebus, si aduertimus, etiam arti humanę sui lusus sunt. Murum nonnemo eo extruxit artificio, ut cadenti similis semper consistat. Arci alius, turriue præaltę impositum verticem, ita diuertit in partem alteram, ut spectantium oculis imponat, speciei reipsa labentis. Quidam navim ita composuit, ut subito motu, dissolutâ compage, debilceret, eoque vectores ex imperantis voto perderet: sæuitię inuentum, sed artis tamen stratagema.

Ita quę ruinę videntur esse, casus, infortunia mortalibus; sapientię in Orbe ludentis, artisque æternę sunt facinora: quę cum esse iniqua non possit, sanctę ac iustę temperat omnia, atque in omnibus, mirabili nobis ac pæne suspectâ, sed sibi complacitâ, semperque decorâ ratione, electorum salutis operatur.

Neque aliâ mente fuisse credam disertissimum Philonem, in libro, *Quod Deus sit immutabilis*, ita philosophantem: *Verbum diuinum in orbem choreas ducit, quod vulgus hominum fortunam nominat.* Quasi contempletur æternam Dei sapientiam, quam de se prædicantem audimus; quod gyrum cæli iola circumserit, penetrarit abyssos, fluctus maris obambulauerit &c. velut in orbem ludibundam chorosducere, & prout diuersè se commouerit, aut inflexerit, eas vicissitudines rebus adferre, eam prosperorum improperorumque varietatem, quam vulgus fortunam appelliket; sapientes autem, non, quam isti fingunt fortunę rotam, sed gyros artelque agnoscant æternę sapientiz, & diuino inuentam ingenio, diuinâ perfectam atque attemperatam industriâ,

Eccli. 24.

v. 8.

## PARS SECVNDA. CAP. XVI. 151

industriâ, (eoque pulcherrimam atque omni ex parte admirabilem, & tum Vniuerso, tum ipsi adeo hominum generi congruentissimam) eorum omnium, quæ velut particulæ quædam, sæculorum corpori intexta cernuntur, dispositionem.

### C A P V T XVI.

*Impositum rebus à summâ providentiâ ordinem, omni ex parte vitari non posse; sed qui à primo eius ordine protervè discedat, hunc in alium quendam infeliciter incidere.*

**E** Nimvero ad humanum animum, in ipso rationis officio, & plenâ sub Deo subiectione continendum, abunde sufficere deberet, certissima illa arque unicuique naturaliter insita, persuasio: hunc esse, seu legis æternæ præscriptione constitutum, seu ipsius rerum conditoris iustissimâ voluntate, ipsi Vniuerso impositum ordinem, ut eorum quæ mundo continentur, inferiora quidem subiecta sint superioribus, vniuersa autem suo plenè subsint atque obsequantur auctori: idque præ cæteris expectari ab humanâ naturâ; ut quæ ordinem illum sibi speciatim impositum intelligat, atque eò propriè sui arbitrij ac libertatis effecta sit, ut se auctori suo sponte liberâ subijciens, evidentiùs seruiat eius gloriæ, & nobiliùs feliciùsque (eiusdem sui conditoris beneficio) ad finem se suum ipsa proferat ac promoueat.

Quàm quàm absurdum alioqui, quamque abhorrens id fuerit: si, cum inferior omnis natura, quâ constat hic mundus aspectabilis, summâ ratione atque ordine administretur, & perfectè subiecta legibus diuinæ providentiæ, eos fines, ad quos ab auctore suo ordinata est, assequatur ratione certissimâ; sola hominum natio, princeps portio diuinorum operum, & cuius gratiâ res istæ reliquæ, aut viræ, aut sensus aut denique rationis expertes, arte diuinâ excogitant, diuinæque potentiâ conditæ sunt, ipsum pervertens rerum ordinem, suo ipsa subdi nolit auctori, & per eam ipsam rationis & arbitrij viuram, quam Dei munere, & quadam summæ rationis & arbitrij participatione, acceperit, supremæ mentis atque omnipotentis Sapientiæ leges subterfugiat, eludat providentiam; & cum in natu-

ris infimis ordo spectetur admirabilis, in summis regnet confusio, & temeritas aut anarchia dominetur.

Quod si quondam B. Martinus, cum serpentem, fluuium secantem, & ad ripam, in qua vir sanctus cum suis constiterat, adnatarem, in Dei nomine redire iussisset, atque is repente paruisset, fertur aliùs ingemuisse; quòd serpentes quidem se audirent, homines non audirent; quantò iustius queretur suprema illa Prouidentia; quòd, cum reliqua natura rerum, constitutum sibi ordinem seruet, eamque ad omne quod imperarit, dicto audientem atque obsequentem habeat; atque etiam ipsi serpentes, draconesque deserti, ad sui conditoris gloriam (quod ipse quodammodo apud Isaiam gloriari videtur) quod conferre possunt, contribuant; solus homo, cui mentem indiderit rationis compotem, & quem præ cæteris oporteat ex ordine celesti, sapientiæque diuinæ legibus, aptum subiectumque pendere, ipsum (quod in se est) peruerterat Vniuersi ordinem; malitque sibi quàm auctori suo atque factori viuere, suoque adeò genio obsequi, quàm ei, cui ut pareant, viuunt omnia; & cui perfectè esse subiectam, uti primum ac summum debitum est, ita sola & certa rationalis naturæ felicitas.

Nam, etsi verum sit; reliquam naturam inferiorem, non libero motu, quo careat, sed iniecta sibi, auctori suo, necessitate parere: non ideo tamen absurdum non est, si id munus diuinum, quo (ut dicebam) eà gratià donati sumus, quò perfectius nobiliusque subseruiamus conditoris gloriæ, in ipsius detorqueamus offensam; &, quod bono nostro accepimus, in nostrum potius opprobrium, infelicitatemque conuertamus. At, quod monstri instar esse deberet, hoc humanis moribus passim receptum, & omnibus seu locis seu temporibus inductum est; neque iam admirationem habet, quia solennæ, familiare, perpetuum. Ea igitur nostra est, cæcitas dicam, an vecordia? ut cum mundus iste quantusquantus est, & ingens illa rerum-machina, ipsaque labentium sæculorum longissima series, supremæ mentis leges secuta, summo ordine regatur ac sapientiâ, & res istæ, quanquam sensus expertes, prouidentie ductum tamen sentiant, cui nisi ad nutum obsequerentur, iam non subsisteret Vniuersitas: nos, qui soli mentem habemus, animumque capacem sapientiæ, soli tamen expertes ordinis, sine consilio; ratione, sapientiâ, hoc est sine corde ac mente viuamus, & (quantum in nobis est) diuinæ arti ac prouidentie



## PARS SECVNDA. CAP. XVI. 153

dentia nos subducentes, cæcæ cupiditati, stultæ temeritati tradamus.

Neque aduertimus (quod deinceps nobis paulò pluribus demonstrandum est) quidquid agemus obnitamur, non posse à nobis omni ex parte vitari ordinem, quem ratio fixit omnipotentis prouidentia: quia quod ad extremum de nobis illa constituerit, nullo nostro conatu frustrari potest, sed suauiter quidem, ac forti, & tandem efficaci, dispositione fiet.

Nobis quidem arbitrij libertas, sed suis terminis circumscripta, concessa est: quando intra gyrum prouidentia sic constringimur, ut intra illum huc illuc vagari liceat, quoad illa permiserit, at illam omnino exire atque effugere, siue, quod efficaciter de nobis ipsa statuere, frustrari, nemini vni concessum sit. Tu quidem peruersa animo tuo obsequendi libidine, non vis subijci supremæ Dei iustissimæque voluntati; ac de te fiet Dei voluntas; quæ etsi te sinat parumper agi tuis moribus, ac retrahet te tandem, sibi que subdet, aut misericordiâ ad penitentiam, aut iudicio ad penam.

Hinc enim illa sunt S. Augustini, in sexto libro de Musica: *Amor inferioris pulchritudinis animam polluit; quæ cum in illâ, cap. 14. non modo æqualitatem, sed etiam ordinem diligit, amittit ipsa ordinem suum, nec tamen excessit ordinem rerum: quandoquidem ibi est, & ita est, ubi esse & quomodo esse tales, ordinatissimum est. Aliud enim est tenere ordinem, aliud ordine teneri. Et alibi ait, idcirco miseriam pænalem diuinâ institutam sapientiâ: ut pænâ ordinet animam peccantem, ubi talem esse non turpe sit, & L. 3. de lib. decori vniuersitatis congruere cogat, ut peccati dedecus emendet arb. c. 9. pænâ peccati. Ut proinde, quodlibet elegerit; semper pulchra sit vniuersitas; decentissimis partibus ordinata.*

Nam si præstantes artifices, subinde in opere faciendo, occurrentia materię vitia emendare notunt, & in operis decus venustatemque ita vertere; ut quod vitium erat, iam putetur ars, & quod casu incidit, studioque æquum existimetur: quanto certius opportuniūque omnia præstet Prouidentia, bene vitetur nostris vitijs, & nostras etiam ab ipso fine aberrationes; ad fines sibi præstinos, supremæ artis omnipotentia, conuertet? Nam cum ei nihil inoppositum accidat in suo opere, possitque, si ita placuerit, arti suæ subiectam materiam (ut incepta pergam allegorjâ) per omnia sibi habere obsequentem: ex recepto S. Augustini effato, mala in rebus esse non

fineret,

Enebir. 4. 11.  
& 27.

funeret, nisi hæc sapientissimè ordinare, siue ex malis bona sibi destinata, efficaci suæ prouidentię consilio, elicere & educere posset.

L. 4. de un-  
sol. prof. 6.

Duriusculum putabis, quod verè dicam : *Etiam mala, Deo bona sunt.* Quod ne priùs culpes, quàm summum virum audieris, Seuerinum Boëtium, in hac non modò sententiam, sed in hæc ipsa, quæ produxi, verba, pronuntiantem : *Sola est diuina vis*, inquit, *cui mala quoque bona sunt; cum eis competenter utendo, alicuius boni effectum elicit.* Ordo enim quidam cuncta complectitur : ut quod ab assignatâ ordinis ratione discesserit, hoc idem, licet in alium, tamen ordinem, relabatur; nequid in regno prouidentia liceat temeritati. Sic ille appositissimè.

Hoc enim illud est ex intimâ desumptum Theologiâ pronuntiatum: Qui à primo ordinis diuinę voluntatis, quo, exempli causâ, illum Dei bonitas ad felicitatem sempiternam, si bene viuendo ei se aptare voluisset, quantum est de se, destinauerat, per vecordiam proteruiamque discesserit; hunc necesse esse in secundum ordinem relabi, ut de eo fiat denique, quod de talibus demum ipsa iustissima Dei voluntas constituit. Hoc est; ut qui uti paratâ ipsius misericordiâ, eiusque glorię sponte seruire, noluerit; eidem glorię nolens seruiat, diuinę subiectus iustitię, eiusque decorem commendans, incredibilem experienciâ, ac commonstratione suppliciorum.

*Ordo enim quidam cuncta complectitur;* ut post Augustinum suprâ dixit Christianus Philosophus; ut hæc ipsa quoque quę inordinatè geruntur à peccantibus, vel hoc saltem modo ordini seruiant, dum æterni ordinis decor, & à diuina Mente præstituta rebus dispositio, quę aliquoulsque perturbari infuscarique videntur per culpam, redintegrantur restituunturque per pœnam.

Quò etiam fiat, ut neque suprema absolutaque Dei voluntas vnquam vincatur à peccantibus; neque (quod ille dixit) in regno prouidentię, quicquam liceat temeritati.

Obseruandum quippe facilioris intelligentię graciâ, duplicem hîc ex Scholæ placito, post Sanctos Chrysostomum, Damascenum & alios, in Deo distingui voluntatem; antecedentem vnâ, alteram consequentem. Atque ad antecedentem v. g. illa pertinet, quâ censetur velle, quantum in ipso est, omnem hominem ad agnitionem veritatis atque salutem peruenire: consequens verò ea dicitur, quâ præciscens quid quisque

## PARS SECUNDA. CAP. XVI. 135

que re ipsa in vita, pro sua libertate, facturis sit, probo gloriam, improbo penam, pro operum cuiusque merito ac dignitate, decernit.

Iam igitur hoc est quod dicimus: qui ab antecedente Dei voluntate, quam necesse non est omni ex parte esse efficacem, per insipientiam desciverit, atque ex hoc ordine, quo per Dei gratiam ad æternam salutem vocabatur, vitio suo exciderit: in hoc oportere nihilominus consequentem illam absolutamque Dei voluntatem impleri, eumque proinde in ordinem alium, quo iam merito suo ad supplicium destinatur, incidere; adeoque quidquid moliat, subterfugere non posse usquequaque divinum ordinem, sed huic vel illi parti consequentis providentiæ, summâ suâ, vel felicitate, vel infelicitate, intexi.

Doctorem Anglicum audire licet, eo in articulo primæ partis, quo disputat [*Utrum voluntas Dei semper impleatur*] 1. p. 9. 19. art. 6. eâ super re sic differentem: Cum igitur voluntas Dei sit universalis causa omnium rerum, impossibile est quod divina voluntas suum effectum non consequatur. Unde quod recedere videtur à divina voluntate secundum unum ordinem, relabitur in ipsam secundum alium. Sicut peccator, qui quantum est in se recedit à divina voluntate peccando, incidit in ordinem divine voluntatis, dum per iustitiam punitur: Et alio tractatu: Ita qui à primo ordine divine voluntatis deficiant, in secundum labuntur; Q. 23. de Ver. III. art. 2. dum Dei voluntatem non faciunt, impletur in eis nihilominus voluntas Dei.

Hæc S. Thomas; quibus impletur quod apud scripserat S. Augustinus, Enchiridij cap. 120. ubi de peccantibus loquens: Quantum enim ad ipsos attinet (inquit) quod Deus noluit fecerunt: quantum verò ad omnipotentiam Dei, nullo modo id efficere valuerunt. Hoc quippe ipso quod contra Dei voluntatem fecerunt, de ipsis facta est voluntas eius. Et copiosius in libro de Spiritu & litterâ: Vult autem Deus omnes homines saluos fieri, cap. 33. & ad agnitionem veritatis venire: non sic tamen ut eis adimat liberum arbitrium, qua vel bene vel malè utentes iustissime iudicentur. Quod cum sit, infideles quidem contra Dei voluntatem faciunt, dum eius Evangelio non credunt; nec ideo tamen eam vincunt: verum fraudant se ipsos magno & summo bono, malisq; penalibus implicant, experturi in supplicijs potestatem eius; cuius in donis misericordiam contempserunt. Ita voluntas Dei semper invicta est: vinceretur autem, si non inuenires, quid de contem-

T

ptoribus

procuribus faceret, aut ullo modo possens evadere, quod de talibus ille constituit. Hæc Augustinus.

Sed tem omnem concludo brevissimo eiusdem & peracuto dicto: *Nemo superat lezes omnipotentis creatoris: quia si non reddat quod ei debet, faciendo iustitiam; reddet, patientia miseriam.*

Ex quibus profectò cordato cuius manifestum sit: quàm merito sapientem pronunciamus eum, qui suam divinæ, rationem rationi, libertatem libertati subnectens, ducentem Deum sponte sequitur, cuiusque animo, verè liberali serviens, & ipsius obsequitur gloriæ, & lux velascitur felicitati. Contrà, insipientem, atque insanum, qui ultra quàm sinat ingenta nobis & ingenua sub Deo, autore subiectio, sui iuris esse atque arbitrij contendens, verà excidit libertate filiorum Dei: quando, qui feliciter subdinoluit honesta ac iusta præcipienti, iudicanti deum ac ponenti infelicitè subdendus sit; & qui sibi ipsi placere studens, Deo displicere maluit, non Deo duntaxat iusto iudici, sed & ipse sibi æternum in penis dispiciturus. Secundùm quod, ore Augustini, severè minatur offensus Deus: *Quia verò te non videns placuisti tibi, displicebo tibi & mihi & tibi; mihi, cum iudicaberis; tibi, cum ardebis.*

Sed quando ea res tanti momenti esse apparet, eisdem amplius illustrandæ subterueni, quæ proximo capite subijcimus.

## C A P V T XVII.

*Sapientis esse, constituta Dei providentia potius obsequi, eâ re Deo placitum; quàm ei frustra renitendo, malum effici & panâ dignum.*

**Q**uamobrem olim iam adolescentem me delectavit, & merito suo adhuc delectat, pericula quædam Epicteti Philosophi, &, si vocum duntaxat lovis & Fatii peregrinitatem excipias, etiam Christiano sapiente digna; sententia, ita admonentis Enchiridio suo extremo: *In quoniam incepto, inquit, hæc optanda sunt. 1. Dux me, o Iuppiter, & tu, o Fatum; quod sum & quæ destinatus. Sequar enim alacriter. Quod si nolueris, & malum ero, & sequar nomen.*

Cuius Stoicæ gnomæ, Græcis versiculis apud Epictetum comprehensæ,

PARS SECVNDA. CAP. XVII. 157

prehensæ, Cleanthem autorem facit Seneca; eisdemque ver-  
sus, sententiam magis quàm verba secutus, ita conuertit: Ep. 107.

*Duc me parens, celsiq; dominator poli,  
Quocunque placuit, nulla parendi mora est.  
Adjum impiger. Fac nolle, comitabor gemens,  
Malusq; patiar, quod pati licuit bono.  
Ducunt volentem Fata, nolentem trahunt.*

Quamquam versum istum, quem tum sententiæ rationem,  
tum Augustini exemplum secuti, extremo loco reposuimus,  
insititum Iustus Lipsius, & aliunde inuersum existimat; propte-  
rea quòd in Græcis non habeatur. Sed siue illum fortè Seneca  
apud Cleanthem inuenerit, siue ipse de suo, velut dictitotius  
compendiosam comprehensionem adiecerit: apparet iam æuo  
Augustini in ipso Seneca ita lectum fuisse.

Quippe is S. Doctor in quinto de Ciuitate Dei, de Stoico- cap. 8.  
rum facto verba faciens, cùm illud dixisset: quandoquidem ij  
fati nomine constitutum diuinâ providentiâ ordinem intelli-  
gant, non multum cum eis de verbi controuersâ laborandum  
atque certandum esse; tum, illos refert Senecæ versus, quibus  
explicandis ita subiicit: Nempe euidentissimè hoc vltimo versu  
ea fata appellauit, quam supra dixerat summi Patris volunta-  
tem; cui se paratum obedire dicit, et volens ducatur, ne nolens  
trahatur; quoniam scilicet: Ducunt volentem fata, nolentem  
trahunt.

Hæc Augustinus. Vbi item obseruo, versum penultimum,  
qui apud Senecam vltimo loco ita legitur: *Malusq; patiar, quod  
pati licuit bono*; aliter legi apud Augustinum, & (nè valde fab-  
lor) maiore emphasi, altioreque sensu, atque ad rem ipsam  
appositore, hoc modo: *Malusq; patiar, fatere quod licuit bono*.  
Vt nempe ea sit illo versu inter *facere* & *pati*; quæ versu vlti-  
mo inter *duci* & *trahi*, differentia, illudque deus intelligi: cùm  
immissas cælitus arumnas animo libenti perferimus, has per-  
inde nobis ad virtutem, atque promeritum, laudemque apud  
Deum proficere, ac si propria sponte eadem à nobis essent sus-  
cepæ: tum illas exinde fortassis, tanto leuiorè tolerabiliores-  
que futuras, quanto minus acerba esse solent, quæ propria ani-  
mi inductione facimus, quàm ad quæ inuiti reluctantesque tra-  
himur.

Ad quem etiam locum reduci potest, quod scripsisse fertur Baconius in Fortunæ fabro : ei videlicet, qui in tanta rerum euentorumque varietate, velit pacatè tranquilleque vivere, enitendum esse, *ut rotas suæ voluntatis faciat rotis fortune concentricas* ; ut nempe quò fortuna ducit volens sequatur, ne aliqui nolens trahatur : quod equidem sine vi, atque hinc adeò sine certâ mentis perturbatione, fieri non potest. Quod idem religiosius dicemus de Dei prouidentia : quando in hoc præsertim sita est hominis Christiani perfectio, ut rotam voluntatis sue faciat rotæ diuinæ voluntatis concentricam ; ita ut vtræque circa idem centrum versetur, hoc est, idem velit nolitque, & secundum quod vidit Ezechiel, sit rota in medio rotæ, id est hominis voluntas intra ambitum concludatur diuinæ prouidentię, neque motu proprio quoquam feratur, aut tantillum ab ea exorbitet.

Cap. 1. v. 16.

Verè igitur sapiens, qui in quolibet rerum euentu volens libensque supremæ obsequitur prouidentię ; hoc ipso probus, Deoque acceptus, atque inde denique gloriosus, beatusque futurus : cui si è contrâ insipienter obluetur, ac sequi refugiat, adeoque frangi quàm flecti malit ; eò iam improbus, Deoque aduersus, futurus sit, neque tamen ipsam subterfugiat Vniuersi reſtricem prouidentiam, sed ad id quod illa absolute demum atque efficaciter de talibus statuerit, infeliciter sit abiecteque trahendus *Quæ autem dementia est*, inquit Seneca, *potius trahi, quàm sequi?*

De vit. beat.  
6. 15.

Quare, ut idem loco antè laudato infit ; *impigri atque bilares excipiamus* (prouidentię mundi gubernatricis) *imperia* ; *nec deferamus hunc operis pulcherrimi cursum*, cui quiquid patimur *intextum est*.

Neque adeò nos quicquam in hac Sapientię schola proficisse existimemus, nisi cum altè demiserimus in animum, Deo parendum esse per omnia, atque in rem ipsam vsumque nostrum contulerimus, ut ducenti nos diuinæ voluntati ac prouidentię, etiam aduersus in rebus, asperis, impatibilibus, non modò libenter assentiamus, sed velut supremæ imperatrici, totâ animi propensione, seruiamus.

¶ Nam ( ut id obiter hic admoneam ) animosa illa & fortis vox, quam velut ex mente Demetrii, laudatissimi eodem æuo Philosophi, apud ipsum Senecanum audimus in libro de Prouidentia. [ *Nihil cogor, nihil patior inuitus : nec seruo Deo, sed assen-*

Cap. 3.

1. A

1

assen-

## PARS SECVNDA. CAP. XVII. 159

*assentio* ] et si re ipsa proba esse possit, si id duntaxat ad quod adfertur significet: non se scilicet more seruli diuinis imperijs obtemperare, sed ( quod Cleanthis illis versibus approbauimus ) ingenio liberali, libentique animo, supremæ voluntati obsecundare, cuius aded nutus etiam occupaturus sit, si prius competrum habere posset, quid æterna de se prouidentia constituerit: at tamen ipsâ loquendi formâ, nescio quid præfert, ut molliter dicam, Stoicæ confidentiæ; & illam redoleret *ἀντιστάται*, qua sapientem dictitabant, in his quæ animum spectarent, sibi sufficere, & Deo quasi parem esse, neque proinde eâ causâ, Deo quicquam, sed sibi, debere; eundem denique *semetipso*, *Ex se nascentibus bonus* ( quæ Senecæ verba sunt ) *contentum esse.* Ep. 20.

Verùm hanc superbam vanitatem vel illa retundit, hominis secundùm cor Dei, eoque demissè & humiliter de se sentientis, longè sapientior oratio: *Nonne Deo subiecta erit anima mea? Psal. 61. 7. 11. Ab ipso enim salutare meum.* Neque ratio ipsa dicet, ut supremæ illi Menti, à nobis duntaxat velut pari assentiendum putemus, & non etiam, ut modis omnibus nimium quantum superiori, altissimâ animi demissione seruiendum: cum potius è contrâ ea censenda sit, humanæ naturæ summa laus atque felicitas, ut de tanti Domini fidelissimâ ac sincerissimâ seruitute gloriatur. *Quandoquidem sic facta est* ( inquit Augustinus ) *ut ei subdita esse sit vtile; perniciosum autem, suam, non eius à quo condita est, facere voluntatem.* L. 14. de ciu. c. 12.

Sed nimirum fide destituta, humana sapientia, in multis deficiat necesse est. Imbecillum enim ac pertenuè, ad ea etiam quæ in sensus incurrunt peruidenda, rationis lumen est; multò autem minùs erit ad diuina sufficiens: ad quæ proinde exploranda contrectandaque, quisquis per seipsum, & nullo supremæ veritatis, aut diuinæ ductu autoritatis accesserit; ne is in errores infelices ac cæcos semet impinget, inque labyrinthos atque ambages induet inextricabiles.

Quæ quidem hoc loco per occasionem indicasse suffecerit. Nam huic amoliendo periculo ( quæ est ipsius rei grauitas ) opportuna nonnulla, in Parte tertiâ magis ex professo suggeremus.

## CAPVT XVIII.

*Ad illud reditur quod fuit initio propofitum. Demonstraturq; ſpecificius , qua ratione in hoc mundi Templo , ſeſe præ cæteris agnoſcendam adorandamq; exhibeat  
Sapientia Dei.*

**I**Am vt ab excuſu paulò liberiore ſe reuocet, & velut in ſuum le gyrum cogat oratio. ex his tandem id licebit efficere, cui concludendo reliqua iſta præmiſſa ſunt.

Nam ſi, quemadmodum huius ſecundæ Partis primo capite, ex Sapientum ſententiâ diximus; mundus iſte queq; incolimus, aſpiciendus nobis eſt, vt templum quoddam luminæ diuinæ; atque, vt reliquis deinceps capitibus mulſifariam oſtenſum eſt, ipla ſe præſentem in Vniuerſo manifeſtat Dei ſapientia, ipla ſe in primis noſcendam, colendam, adorandam exhibet, ipla denique mundum iſtum ingreſſienti prima ſe offert, tanquam in eo proſtans ſpectatiſſima effigies, ac ſimulacrum diuinæ mentis: continuò apparet, non abique ratione nos dicere, mundum iplum quoddam Sapientiæ diuinæ templum eſſe.

Quam itidem in rem nonnulla deinceps adijciam, ſi tamen hoc capite quiddam præmiſero, menti noſtræ ampliùs ac luculentius exponendæ.

Neque enim negare eſt animus, quod cuius etiam medio-  
citer erudito notum ſit; tria illa in primis ſpectabilia naturæ diuinæ attributa decora, potentiam inquam, ſapientiam, bonitatem, ſuo quamque modo in diuinis operibus, etiam eximè relucere. Quod quidem mirum eſt, inter profanos præclari, & tantum non Chriſtianè, expreſſiſſe Galenum, eo loco quem ſuprà laudauimus. Vbi aduerſus quosdam diuinorum operum reprehendores: Ego ( inquit ) conditoris noſtri verum hymnum compono. Exiſtimòq; in hoc veram eſſe pietatem, non ſcruulorum hecatombas et plurimas ſacrificauerim, & caſas altarū, ſexcenta odoramenta & vnguenta ſuſſumigauerim; ſed ſi nouerim ipſe primus, deinde & alijs expoſuerim, quam ſit ipſus Sapientia, quæ Virtus, quæ Bonitas. Quod enim cultu conueniente exornare omnia, nihilq; ſuis beneficijs priuatum eſſe voluerit, ad perfectiſſima bonitatem

*L. 3. de viſa  
part. hum.  
corp. c. 10.*



nitatis specimen esse statuo; & hac quidem ratione, eius bonitas hymnis nobis est celebranda. Hoc autem omne inuenisse, quo pacto omnia potissimum adornarentur, summa sapientia est. Effecisse autem omnia quæ voluit, virtutis est inuicta & insuperabilis. Ista Galenus. Qui in eo quod ait de taurorum hecatombis &c. sibi, inter alios, præeuntem habuit Philonem, qui quodam loco ita loquitur: *Omnis virtus sancta est: gratitudo verò, sanctissima. Quam non legitime Deo exhibent, quotquot putant eum placari adificijs, donarijs sacrificijs. Nam ne totus quidem mundus ad templum in honorem eius suffecerit. Sed præstat eum laudibus hymnifici colere, non decantatis voce sonora & tinnulâ, verum modulatis in animo puro &c.* Et ista Philo.

De plani.  
Nec.

Eodem facit & Ambrosij locus de mundi à Deo effectiōe dissetentis; eò notabilis, quòd tribus verbis tria illa quæ modò in Galeni sermone commendabamus, complexus est: *Fecit* (dicens) *quasi bonus, quod foret utile; quasi sapiens, quod optimum iudicabat; quasi omnipotens, quod amplissimum prævidebat.* Sic ille.

L. 1. hexam.  
v. 3.

Neque verò non meminisse possum, siue eius quod de Dei virtute Romanis scripsit Apostolus; sempiternam scilicet Dei virtutem, per eaque facta sunt, intellectam conspici; siue quod de eiusdem bonitate Arcopagita Dionysius; in rebus omnibus diuinæ bonitatis imaginem quandam atque resonantiam inesse.

Rom. 1. 20.

De diu. nom.  
c. 4.

At assero tamen, in eo trium tanquam diuinarum Charitum choro, quod ad nos attinet, primas quodammodo tenere Dei sapientiam, illam primam aperire se, primam in sensus ac mentem spectantium incurrere; cæteras velut magis latentes, & quasi obtectas sipario, non nisi præeunte & manu ducente sapientiâ, in theatrum ipsum hominumque conspectui venire. Quam rem quâ ratione mihi figurem, aut animo mecum ipse concipiam; in hunc modum enitar exponere.

Non paucas equidem nobis suggerunt in schola Philosophi; Theologique vias, ad summam viam Diuinitatis; sèti primi rerum vniuersarum principij, notitiam perueniendi. Sed inter omnes, ut doctis indoctisq; primum obuia, ita omnium facilissima & communissima est ea, quæ consistit è pulchritudine, varietate, nexu, concordia, ordine, colligatione & quasi cognitione, rerum vniuersarum; quâ nempe; & per se singule pulcherrima partium facultatum, actuum proportionē consistant; &

inter

inter se comparatæ , tametsi nonnulla sibi pugnantes videantur , tamen bellissimè conspirent atque contentiant , & artemperatè ad finem optimum efficaci quadam suauitate dirigantur.

Vt si faciamus quempiam repentinè velut ex humo , hominem perfectum exilire , mente sagaci , curioso ingenio , solitarium , nullâ disciplinâ , nullis de Deo mundiue parente antiparis informatum notionibus , atque vbi primùm ab eo stupore , in quem ipso tantæ nouitatis miraculo coniectus sit , se collegerit aliquantum , tum detum seipsum ac domicilium in quod inductus sit circumspicere , atque præ summa admiratione secum disquirere curiosius ; vnde ipse tandem , vnde ista moles admirabilis , vnde tanta rerum seu multitudo , seu varietas , seu pulchritudo , seu ad suos cuiusque fines aptissima dispositio , emerlerit ; quo autore existat tanta machina , quo rectore persint tam æquabiles atque constantes , immobilique lege contentæ , cælorum ac siderum conuersiones , statâ illa dierum atque noctium vicissitudo , perennis propagatio rerum , & ipsi indita seminum vis admirabilis , tempestatum annuarum successio , imbrium cæterarumque opportunitatum tempestiuitas , & innumera huiusmodi : continuo sanè illi succurrat , suspicari primùm , tum verò pro certo credere ; inesse mundo mentem aliquam ipso mundo superiorem , & rerum omnium Vniuersi facultatricem , digestricem , præsidem , moderatricem , arbitram : quam omnes Deum dicimus. Deprehendet enim aliquando , vt cum fecimus solerti esse ingenio , tam præstans opus tamque admirabile , neque forte aut casu extitisse , neque cæcâ quadam temeritate ferri , neque à seipso ortum aut existentiam habere. Siquidem neque absque arte aut consilio esse posse opus tam exquisitum , tamque elegans , tantaque partium varietate compositum ; neque autem absque mente aliquâ , quæ sapientiâ & consilio prædita sit ; neque demum mentem Vniuersi totius architectatricem , absque aliquo diuino Numine , quod & ipso mundo sit præstantius , & ipsum sibi per se sufficiens , neque ortum suum essentialiue cuiquam debeat , aut quidquam mendicet ab alio , cum ipsum primum sit ( quem admodum aliquid esse oportet ) & primordiale rerum vniuersarum principium.

Sic enim ( vt nostros interim omittam ) etiam Trismegistus sermone quodam ad Tatium filium , alijsque passim Philoso-

phi,

PARS SECVNDA. CAP. XVIII. 163

phi, ex ipso opere deprehenderunt artificem, & ex reluctente, in ipsâ Vniuersi harmoniâ, summâ sapientiâ conditoris, dari Numen aliquod, cuius iste mundus, & potestate contineatur, & gubernetur arbitrio, efficaciter comprobauerunt. *Quid enim potest esse tam apertum, tam confessum, tamq̃, perspicuum* (inquit in Octauio Minutius) *cum oculos in calum sustuleris, & quæ sunt infra circaq̃, lustraueris, quam esse aliquod Numen præstantissimementis, quo omnis natura inspiretur, moueatur, alatur, gubernatur?*

Quibus, alijsq̃, quæ ibidem subiicit, imitari visus est, quæ pluribus hoc de argumento disputat Tullius in persona Balbi, in secundo de natura Deorum.

Potro perantiquus Locrensiū legislator Zaleucus, hoc legum suarum præmiū, & velut fundamentum posuit, ita referente Ioanne Stobæo: *Omnes qui urbem ac regionem inhabitant, persuasos esse oportet existimareq̃, Deos esse. Quod manifestum sit, ex eali & totius mundi inspectione, rerumq̃, in ipsis dispositione pulcherrimâ & ordine: haud enim fortuita, aut humana, eiusmodi opera putare conuenit. Quæ item commendat & pluribus proponit Diodorus Siculus historiæ suæ libro 12.*

At expressè ad id quod modò contendimus, Plutarchus, libro 1. de placentis Philosophorum cap. 6. *Notionem Dei* (inquit) *suggessit primum conspecta eorum quæ in mundo sunt pulchritudo. Nihil enim pulchri remere & fortuito nascitur.* Obserua quod ait: Dei notionem exinde primum esse suggessam. Cui simile quiddam dixerat Plato in Phædo, & libro decimo de Legibus.

E Notis autem Eusebius libro 7. de Præparatione Evangelicâ cap. 2. de Hebræorum Theologia agens, hac ipsâ ratione eos ostendit in supremi Numinis cognitionem detinisse. *Deinde* (inquit) *quoniam neque à lapideus casu unquam sine artifice domus edificari, nec pannus absque texente fieri, nec naui sine gubernatore nauigari potest: cum animalibus rationalibus atque irrationalibus, & substantijs animatis atque inanimatis plenum hunc mundum viderent, non absque sapientiâ Dei hæc omnia facta putantes, à magnitudine atque pulchritudine creaturarum, puritate mentis, creatorem omnium immortalem agnouerunt.*

Prætermisiss autem Patrum plurimis, qui simili huic argumenti formâ vsi sunt; nonnullorum tantum verba producam; hæc loco dè præsertim opportuna. Ex Latinis S. Ambrosius, opus dicitur primum portractans, cum duxisset præclara opera, *etiam*

*Serm. de le-  
gib. & con-  
suet.*

*L. 1. hexam.  
6. 5.*

tacite artificis peritiam eius ostendere, ut operatori operis sui testimonium suffragetur: Similiter hic mundus (subdit) diuina maiestatis insigne est; ut per ipsum Dei sapientia manifestetur. Quem videns Propheta, simul & ad inuisibilia oculos mentis attollens, ait: Quam magnificata sunt opera tua, Domine! Omnia in sapientia fecisti. In quibus vides, non utcumque per sapientiam in opere mundi relucentem facillè cognosci Deum; sed eò propriè mundum conditum, quò per ipsum Dei sapientia manifestetur.

*Ecc. 3. 7. 14.* Hieronymus autem ad illa verba Ecclesiastę: Didici quod omnia opera quę fecit Deus, perseverent in perpetuum: non possumus eis quidquam addere &c. ita loquitur pro re nostrā: Idcirco Deus certā ratione cuncta moderatus est, & iussit humanis vñbus elementa servire, ut homines hac videntes intelligant esse providentiam, & timeant à facie Dei, dum ex rerum aqualitate, cursu, ordine atque constantiā, intelligunt Creatorem.

Ex Gręcis porrò S. Athanasius oratione 3. contra Arianos: Eādē ratione (inquit) etiam operibus indita est sapientia effigies, ut mundus per eam cognosceret sui Demiurgum, (sive opifex) Verbum, & per Verbum Patrem. Et postea ad illud respiciens, quòd Prou. 8. dicitur sapientia, principium seu initium viarum Domini, ex versione Septuaginta: Principium autem viarum appellat (inquit) quia ista imitativa sapientia (sive, quę typicè in rebus creatis elucet) est velut rudimentum, elementumq; ad cognoscendum Deum. Huic enim via aliquis insitens, & magis ac magis animo ascendens, animaduertensq; opificem sapientiam, tandem eò peruenit, ut in eū Patrem deprehendat. Sic ille appositissimè.

*Prou. 1. 7. 20.* Ex Hebręis denique pulchrè Rabbi Levi Ben Gherfon; ad illud è Salomonis Prouerbis: Sapientia in plateis dat vocem suam: Hęc omnia eò spectant (inquit) ut diuina sapientia in rebus pateat, admirabili quadam euidentiā: cum animaduertitur incredibilis Sapientię ratio, quę in rebus condendis est usus. Hęc ergo planè diuina Sapientia mortales sublimi voce vocat, quando in illorum animos incurrit &c.

*1. p. 9. 36. art. 2.* Quod omne isto breui dicto confirmat Doctor Angelicus: In ordine creaturarum productarum decor diuina Sapientia manifestatur.

Verum ipsum ordinem creaturarum, non quomocunque diuinam sapientiam manifestare, sed eundem primum occu-

rere creaturas consideranti, atque contemplatorem suum in  
 notitiam inducere supremi rerum auctoris ac moderatoris, sub  
 expressâ notione supremæ sapientiæ, apertè significant lubie-  
 cta eiusdem S. Doctoris verba, ad illa lobi 12. Interroga iu- y. 7. & 8.  
 menta, & docebunt te: & volatilia celi, & indicabunt tibi.  
 Loquere terra, & respondebis tibi: & narrabunt pisces maris.  
 Hoc ergo ostenditur. (inquit S. Thomas) quod omnia consentant  
 se esse à Deo facta: Tunc autem creaturas interrogat, quando eas  
 diligenter considerat: sed tunc interrogatè respondens, quando per  
 considerationem ipsarum homo percipit, quod tanta ordinatio &  
 convenientia, quæ inuenitur in ordine partium Vniuersi, nullo  
 modo esse potest, nisi ab aliquâ superiori Sapientiâ dispensante.  
 Hæc S. Thomas.

At facere non possum quin extremo loco proferam laudem  
 cuiusdam sapientisquæ virginis, memoratu dignam; atque ha-  
 ctenus dictis congruentem, Philosophiam. B. Macrinæ videli-  
 cet; quam ipsius germanus S. Gregorius Nyssenus, hæc ipsa  
 illius sentia referens; libro de anima & resurrectione, non aliter  
 ferè toto tractatu, quàm Magistram appellat. Aiebat igitur  
 illa inprimis; rationem Deum inueniendi, hanc videri maxi-  
 mè obuiam, quàm creatura rerum, per ea quæ in ea sunt mi-  
 racula explicat & enarrat; cuius creatura auditor est oculus, per  
 ea quæ apparent, resonante in corde, sapiente & artifice verbo.  
 Creaturam enim quodam quasi clamore palam indicare factorem;  
 ipsi calu (ut inquit Propbeta) ineffabilibus vocibus gloriam Dei  
 enarrantibus. Et verò fieri non posse, ut quis intuens & animad-  
 uertens harmoniam celestium & terrestrium miraculorum; &  
 quemadmodum, exempli causâ, elementa, naturâ inter se contra-  
 ria, ineffabili atque occultâ quadam societate atque communionem, ad  
 eundem omnia scopum, ad rerum scilicet Vniuersi conseruationem,  
 consociantur, atque conspirant &c. non manifestè doceatur, inesse  
 mundo diuinam vim artificiosam ac sapientem; quæ in vniuer-  
 sis rebus apparens, per omnia pertinet atque infusa, partes toti,  
 totumq; partibus attemperet, ut una quadam vi contineatur re-  
 rum Vniuersitas. Tum verò quasi rem ipsam compendio conclu-  
 dens, subiungit hoc breue dictum & commemorabile: Oculis  
 nobis existit interpres omnipotentis sapientiæ, quæ in rerum vni-  
 uersitate cernitur. Ita illa præclare.

## CAPV T XIX.

Appendix; &amp; conclusio proximè dictorum.

**Q**Uod ergo ostendere ceperamus: ex primis cæli seu mundi conspectu (scilicet id, quod per se fieri statim attendimus) non illico elucet Conditionis bonitas aut potentia; cum iam nondum constet, autoremne aliquem atque opificem mundus habeat; an ortum suum sibi debeat Vniuersitas; nullius mentis vi ac consilio in lucem educta, sed vel sortuito-nescio quorum corpusculorum, tanquam mundi sensum, in se incursum atque concursu coalita; vel exca quapiam ac brutâ naturæ necessitate, consistens.

At postquam ex arte deprehenderis artificem, mentem suæ præmiæ, primordiale rerum omnium principium; primam essentiam, ens entium, & causam causarum; eamque deinde ad opes suam magis oriosâ animi reflexione comparaueris: iam admiraberis excoluberisq; bonitatem eius, quod cum esset sibi summe sufficiens, suæ pax, quies, beatitudo, solius indolis ad benefaciendum prone incitatione, Vniuersum hoc condiderit, illudque tot rerum ac naturarum multitudine, varietate, perfectione exornauerit; ut esset quidpiam quod supremæ suæ essentiae, pro cuiusque capto atque modulo, particeps fieret, & in quo prolixè opes ac diuitias suæ bonitatis ostenderet. *Diligis enim omnia quæ sunt, & nihil odisti eorum quæ fecisti: nec enim odens aliquid constituisti aut fecisti;* ut dicitur in libro Sapientiae.

Exinde progressus ulterius, admiraberis item veneraberisq; quæ eiusdem Numinis supremam potentiam; quod vniuersam hanc mundi molem, idque (postulat ratio primi & infiniti principij) è nihilo, nullâ materiâ præiacente, nullo extrinsecus adminiculante, è fecundæ mentis æternis ideis, solo nutu, seu verbo, eduxerit; quod (ut cum Scripturâ, ista dicam) cælum sicut pellem, hoc est instar tentorij, extenderit, terram firmarit super aquas, mari terminos, procellis legem posuerit; quod denique molem Vniuersi, velut tribus digitis appensam, nullo labore sustineat, portetque omnia verbo virtutis suæ, auriga & currus cælestis orbis acque terrestres. Quæ equidem

dem figurâ sermonis, non tantum Scriptura diuina, sed vsus etiam est Seneca, quidam epistolâ ita scribens: *Deus illi mirum potensissimusq; ipse creauit omnia.*

Ep. 31.

Ita; quod exponendum susceperam, relucet quidem in Vniuerso summa Conditoris bonitas atque potentia; sed prima se prodit atque explicat eo in opere infinita eius sapientia, eaque quasi mauducante; Dei bonitas atque potentia videntur in notitiam nostram, & tanquam conspectum venire.

Demum id proprium esse diuinæ sapientiæ, præ cæteris Deo attributis, & in ipsius opere relucetibus; ut spectatorem suum ad conditoris notitiam, ipsiusque supremi Numinis venerationem ac cultum adducat; manifestè, ni fallor, ostendit Apostolus, illis epistolæ ad Corinthios prioris, verbis: *Nam quia in Dei Sapientia* (hoc est, in ipso opere mundi; ut infra) *non cognouit mundus Deum: placuit Deo per stultitiam prædicationis saluos facere credentes.* Cuius loci vim & energiam, quoniam exactius postea ponderaturi sumus, hoc loco sufficiat indicasse.

Cap. I. 21. 22.

Veruntamen demum adiungenda est, grauissimi viri Hugonis de S. Victore, prorsus huc faciens, atque anctis dictis consentanea planè sententia. Quippe qui tractatu quodam, *de ascensu mentis per visibilia ad inuisibilia Dei* (in quem fortuito demum incidi, postquam Opus hoc meum typis mandandum transmiseram) cum illud in primis, cap. 1. posuisset; *Tria esse inuisibilia Dei, quæ cognoscuntur per ea quæ facta sunt; potentiam, sapientiam; benignitatem.* Et potentiam quidem manifestari, per creaturarum immensitatem, siue multitudinem & magnitudinem; sapientiam, per earum decorem, dispositionem, ordinem; benignitatem denique, per earundem utilitatem. Exinde decimo sexto capite, expressè inquirens quodnam ex his tribus inuisibilibus Dei, primùm occurrat creaturas contemplantibus; disertissimè respondet Sapientiam, primam occurrere. Quia (ut ipse ait) illud inuisibile Dei prius in eâ contemplatione comprehenditur, quod in suo visibili simulacro expressius & manifestius declaratur. Hoc autem est Sapientia; quia scilicet simulacrum eius, quod est creaturarum decor, euidentius est, ac prius occurrit, quàm aut immensitas, aut utilitas, quæ sunt visibilia simulacra potentiae & benignitatis. Quod quidem postremum nonnullis confirmationibus, quæ apud ipsum videri possunt.

Nec difficile foret, si id quidem esset tanti, tam quoque rem  
 ex ipsius etiam Platonis doctrinâ affirmare; Videri potest Mar-  
 filius Ficinus ita differens, in compendio dialogi Platonis unde-  
 cimi de legibus: *Vbi, verò ait: (scilicet Plato) Palladem, Vul-*  
*cannemq; Martem artibus præfidere; ex multis Platonis myste-*  
*rijs, alibi atque alibi traditis; collige: Ioui summo mundi archite-*  
*cto, trinitatem quandam numinum, quam opificiam Platonem no-*  
*minamus, semper adstare. In qua quidem trinitate, prima sit Pal-*  
*las, secundus autem Vulcanus, Mars verò tertius. Sed quemad-*  
*modum trinitas tota ad Iouem ipsum, à quo est, refertur: ita ser-*  
*mo Vulcanus & Mars referuntur ad Palladem.*

Addit autem in Marte potentiam, in Pallade sapientiam,  
 in Vulcano igneam Spiritum (sive, ad rem nostram, bonitatis  
 atque amoris vim) ex Platonis mente adumbrari,  
 in qua sanè philosophandi ratione, manifestum est Dei sa-  
 pientiam in rerum molitione, primas præ bonitate atque po-  
 tentiâ obtinere: eodem fortassis alludente Lyrico Poetâ, qui  
 etiam Palladem Ioui proximam facit, ita canens:

L. 1. Ode 12.

*Proximos illi tamen occupavit  
 Pallas honores.*

Apud Es-  
 chium, Sui-  
 dem Gr.

Tanquam si Moses ille atticissans (quo modo Platonem Nu-  
 menius appellat Pythagoreus Philosophus) sub suæ Palladis sche-  
 mate; quam Ioui intimè adstantem facit, velut primariam di-  
 uinorum operum administram, id ipsum efferre tentauerit, quod  
 antea expresserat Salomon: qui mente subingressus cæli Re-  
 giam, Sapientiam istic agnouit, diuinarum sedium adestricem,  
 consiliorum participem, machinatricem & architectam operum;  
 quam proinde roget ad se demitti de cælis, ut sicuti Deo mun-  
 dum condenti adfuisset, eundemque nunc gubernanti assisteret;  
 ita illam ipse in regno providè administrando sibi assistentem  
 & collaborantem haberet.

Gnarus absque illâ nihil rectè geri ab hominibus: ipsam  
 potto libenter ad vsus nostros descendere; & per omnia vitæ  
 officia, actuosam ubique & impigram, in eodem nobiscum  
 sole, puluereque versari. Verùm hoc postea.



C A P V T XX.

*Ad extremum concluditur : Mundum hunc , ut proprium  
Sapientia Dei Templum , à nobis habendum  
& observandum esse.*

**S**ed enim auellamur hinc denique; & ad quod per has circuitiones & tanquam anfractus deuenire contendimus, extremâ hac deductione conclusum aliquando relinquamus.

Nam si ( quod hætenus multiplici viâ , ac ratione monstratum est ) magnam hanc mundi domum à se constructam, instructam, ornaram proprio quodam iure inhabitat Dei sapientia, si , præ cæteris Deo attributis virtutibus, in eâ sese eruditus mentibus clarè conspiciendam, agnoscendam, adorandamque præbet; si quamuis in partem huius Vniuersi te conuerteris, vbique agnoscas impressa rebus sapientiæ vestigia, immo expressa quodammodo simulacra; si creatæ res omnes, totidem voces sunt, & tanquam oracula sapientiæ, ad pietatem verissimam, sanctissimamque summi Numinis religionem, gentem humanam informantis ac manucentis: nihil sanè est cur dubitemus, ipsum Vniuersum Ædem appellare supremæ Dei sapientiæ. Cuius nos proinde vbique præsentis, & in omnibus apparentis, reuerentiâ, oporteat in mundo circumspicere, castè, sancteque degere, sensus omnes ac motus animi ad æternæ leges sapientiæ, atque instituta, exigere, neque manum pedemue quoquam, ac ne vocem quidem, nisi ex illius disciplinâ, proferre.

Sic enim habendum constituendumque solerti amatori sapientiæ: hunc denique fore totius illius inquisitionis, studijque fructum pulcherrimum; si inde discat, sollicitè sibi utendum esse tam promptè oblato atque obuio magisterio diuinæ sapientiæ, cuiusque ductum, in omnibus quæ ipse agitet moliarur, attentâ curâ esse sequendum.

Quando & id facile animaduertet; in disputatione præsentis, non illam à nobis commemorari commendariue sapientiam ( si tamèn sapientia dicenda est ) curioso otio, ac stentis rerum humanarum, diuinarumque, contemplatione contentam, aut inani etiam ac superuacua subtilitate laborantem; sed, quam

De vit. beat.  
c. 7.

lem suprà describere cœpimus, & prout Virtutem alicubi pingit Seneca, efficacem atque exercitam, arenę, pulueri, soli, sudori assuetam, artus coloratos, mannsque habentem opere faciendo callosas. Quò etiam rectè obseruat Philo, in libro de Perflugis: *Sapientiam atque Virtutem, nomen femininum, robur verò masculinum habere*. Vt illas intelligas, non vitæ molli, aut inertis otio natas, sed suapte indole ad pulchros labores, & facta grandia comparatas.

Sap 9. 7. 10.

Neque verò regum ille sapientissimus, ad mentis duntaxat exercitationem; ornamentumque, aut solatium, oblectationemque vitę; sapientiam deuocabat è cælo: sed *ut mecum sit*, inquit, & *mecum laboret*; atque (vt nonnulli ex Græcæ vocis vi colligunt) ipsi quoque meo labori præsit, ac velut operæ pensum exigar; *ut denique sciam*, (atque adeò exequar) *quid acceptum sit apud te*.

Sap 8. 7. 4.

Nam, velut etiam Parte primâ de sacro agentes tabernaculo admonuimus; non tantum vt numen quod in mundano templo colatur, spectanda venit suprema Dei Sapientia; sed, per quamdam quasi prosopopœiam, attendenda etiam vt princeps eâ in æde diuinitatis administra, cultores amatoresque suos; veluti ministros inferiores, suo magisterio ad summum Numinis notitiam, amorem, venerationem informans, diuinarum virtutum seu perfectionum (vt vocant) vim apertens, latentis in mundo providentię arcana pandens, quo cultu Deus, quibus victimis, quibus hymnis, quâ morum gratiâ venerandus, diligenter edocens. *Doctrix est enim disciplina Dei* (ait Sapiens) & *electrix*, seu, vt alij vertunt, *ponderatrix*, *operum illius*. Quem etiam locum, cum in Græco textu, pro *doctrix*, *mystis* habeatur, nonnulli ita vertere: *Scientia Dei sacerdos est*, & *operum eius antistes*. Perinde atque si (quod dicebamus) ipsum mundi opus, Dei templum sit, cui ipsa præsideat sapientia, vt propria sacerdos, atque suprema ædis antistes ac præses.

L. 3. de arc.  
fid. c. 3.

Quaquam huic itidem commentationi, qua mundum spectamus vt ædem propriam diuinę Sapientię, fauent Hebręi in libro Sanhedrin, vbi (vt testatur Galatinus) illa Prouerbiotorum verba: *Sapientia edificauit sibi domum*; de ipso Vniuerso accipiunt; septemque columnas, septem primæuos orbis cõditi dies interpretantur. Quorum numero accensendus est Salomon Hicades ab Antonio Giggeio editus. Eosdemque etiam è Christianis

PARS SECVNDA. CAP. XX. 171

Rianis scriptoribus secutus Potho Prumiensis presbyter, libro quem inscripsit, de magna domo sapientiz: *Sapientia Dei est, inquit, quæ edificauit hanc domum, excidit columnas septem. Sex igitur dies quibus in principio mundi Deus operabatur, & septima in qua requiescebat Deum ab operibus suis sacra Scriptura testatur, septem sunt columnæ, quibus mundi fabrica, quæ est domus sapientie, sustentatur.* Quas deinde dies fusiùs exponens, singulas mysticè constituit, assignatis iisdem sigillatim specialibus quibusdam operationibus, seu donis ( vt vocant ) Spiritus sancti: prout videre est in ipso autore, tomo 12. Bibliothecæ magnæ Sanctorum Patrum.

Ad extremum huc confirmandis etiam conducere videtur, quod à Christo se accepisse scribit S. Birgitta; videlicet ab ipso principio nomen mundi fuisse diuinam sapientiam. Quod quidni liceat hac ratione intelligere, vt dicatur hic mundus, Dei sapientia, tanquam ædes nimirum ac templum sapientiz? quemadmodum passim videmus vsu receptum, vt templum S. Petri, S. Petrus, S. Ioannis S. Ioannes appelletur. Quod autem subditur in eadem reuelatione: mundum nunc potius appellari debere sapientiam humanam; non sic accipimus, quasi spectatus in seipso mundus; aut secundum quod ab suo opifice Deo prodijt, nomen aliud mereatur: sed hoc ita dicitur per respectum quendam ad ipsos mundi habitatores, qui nempe principio Deum in opere suo considerantes, ad diuinæ scitæ sapientiz, cuius euidentes in ipso mundo notas recognoscebant, vitam omnem ac mores componerent; ac temporis lapsu, à Dei defecerint sapientiâ; vt iam solis mundanæ sapientiz, humanæque prudentiæ legibus omnia metiantur, ipseque mundus, aut gens humana, diuersam à primâ mereri videatur appellationem. Hoc etenim volunt verba illa Saluatoris ad sponfam: *Nomen mundi fuit diuina sapientia; quia principio mundus hoc nomen habuit, quod erat factus in diuina sapientia. Hoc nomen venerabatur ab omnibus; & laudabatur Deus à creaturâ suâ in sapientiâ suâ, & mirabiliter predicabatur. Nunc autem inhonoratum est nomen ciuitatis ( hoc est, mundi ) & immutatum, & accessit nouum nomen, id est sapientia humana. Iudices enim, qui prius iudicabant in iustitia & in timore Domini, nunc conuersi sunt ad superbiam, & homines simplices supplantant &c. Hæc sapientia nunc diligitur, mea autem data est obliuioni.*

L. 6. c. 55.

X

Denique

Denique hunc mundum sapientiam Dei appellandum ; & ex Cardinale Cusano , alijsque supra diximus , & ex præclaris Apostoli verbis , quæ modò exponam , efficacius approbabitur.

\*\*\*\*\*

## C A P V T XXI.

*Rerum à nobis antè dictarum plenior ex Apostoli verbis confirmatio atque illustratio.*

**P**roducendus est modò in rem nostram Apostoli Pauli locus egregius , cuius expositionem propterea in hunc locum distulimus , quòd non modò cuncta quæ docuimus bellè confirmet , sed ipsam etiam diuinæ providentiæ rationem , in huius Vniuersi constitutione , hominumque salute procurandâ ( quam in pauca recollectam proponere est animus ) contemplationi nostræ subijciat.

*Perf. 21.*

Sic igitur scribit Doctor Gentium prioris ad Corinthios primo capite. *Nam quia in Dei sapientiâ non cognouit mundus per sapientiam Deum ; placuit Deo per stultitiam predicationis saluos facere credentes.*

*Quid est autem in Dei sapientiâ ? quærit ibidem Chrysostomus. Et respondet de eâ agi sapientiâ , quæ apparet per opera , per quæ voluit cognosci. Propterea enim , inquit , & ea quæ sunt , eiusmodi construxit , ut conuenienter ex ijs quæ cernuntur , in admiratione haberetur effectus.*

Cùm igitur mundus , siue huius mundi homines , in ipsa Dei sapientia , quatenus relucet in huius Vniuersi opere ( siue , ut ibi Guilielmus Estius , in Dei sapientiâ metonymicè acceptâ pro ipso mundi opificio ) eâ ipsâ rerum mundanarum cognitione ( prout poterant , eratque conditoris consilium ) sapienter vñ , Deum non cognouerunt : placuit Deo , aliâ prorsus tentatâ viâ , per Sapientiæ suæ stultitiam , hoc est per Verbi sui incarnationem , mortem , ac crucem ( quæ mysteria *stultum* , seu stultitiam Dei ibidem appellat Apostolus ) homines ad sui notitiam , atque salutem adducere , & non iam per rationem , sed per fidem , eorum sibi mentes voluntateque subijcere. Sic enim Ioannes Chrysostomus : *Quoniam ergo per hanc sapientiam , quæ scilicet apparet in diuinis operibus , noluit ( mundus ) Deum cognoscere ;*

## PARS SECVNDA. CAP. XXI. 173

cere; persuasit per stultitiam quæ esse videtur prædicationis, non per rationem, sed per fidem &c.

Quod item aduersus Marcionem ita expressit Tertullianus: *l. 5. c. 3.*  
 Igitur quia homo in sapientiâ non cognouit Deum, & Iudeus in sapientiâ Scripturarum, & omnis gens in sapientiâ operum: ideo Deus idem, qui in sapientia sua non erat agnitus, statuit sapientiam hominum stultitiâ revertere, saluos faciendo credentes quosque, in stultam crucis prædicationem. Ista Tertullianus.

At eundem Apostoli locum præclare interpretans S. Anselmus; aut potius Hieronymus: Propterea, inquit, placuit Deo saluos facere credentes per stultitiam prædicationis, hoc est, per rem prædicatam quæ stulta videtur; id est per incarnationem & humilitatem Filij sui. Verbum quippe Dei, sapientia est. Sed stultitia huius sapientiæ dicta est caro Verbi. Vt quia carnales quique, per carnis suæ prudentiam, pertingere non valebant ad sapientiam; per stultitiam prædicationis, hoc est, per carnem Verbi prædicatam, sinarentur. Et hoc est: Quia in sapientia non cognouit &c. ac si dicatur: Cum Deum, qui est sapientia, nequaquam per sapientiam suam mundus inueniret; placuit, ut Deum hominem factum, per humilitatis stultia cognosceret; quatenus eius sapientia ad nostra stulta descenderet, & lucem supernæ providentiæ, luto carnis suæ illuminata, nostra cecitas videret: sicut ille cecus, qui luto super oculos accepto, illuminatus est. Hæc omnia ille, quisquis est autor.

Nec minùs acutè Guatricus Abbas: Quia, inquit, in sapientia sua non cognouit mundus sapientiam Dei, dignatione ineffabili, eadem sapientia Dei se stultitiam fecit; ut quamlibet idiotis & hebetibus se discibilem præberet, & per stultitiam prædicationis saluos faceret credentes. Confiteor tibi, Pater, Domine celi & terre, quia sapientia tua abscondisti à sapientibus & prudentibus, & reuelasti eam paruulis. Rectè quippe is autor hæc Domini verba cum illis Apostolicis, tanquam affinia & sibi cognata, componit: quando & qui modò sapientes dicuntur atque prudentes, isti expressi sunt mundi nomine; & qui hîc paruuli, ibi credentes sunt appellati. *Serm. 5. de Nativ. Math. 11. v. 25.*

Hoc enim illud est grande arcanum, & adoranda magis quàm inuestiganda, ratio celestis providentiæ: ut simplices quidem atque paruuli, Euangelicæ prædicationi, isti inquam Dei stultitiæ, autem ac mentem accommodantes, per humilitatem in ipsa secreta ac potentias Domini introierint, salu-

temque adeo consecuti sunt. Vbi sapientes atque prudentes huius sæculi, neque inuisibilia Dei, in Mundi sapientiâ, per cordis sui vanitatem, intellexerunt, & incarnati Verbi mylterium, trucilque sapientissimam stultitiam, per superbiam contempserunt, ac propterea perierunt.

Verùm huic seu Patrum expositioni, seu menti nostrę amplius firmandę, Angelici Doctoris verba plucula, at in tem presentem (meo iudicio) appositissima, claululæ loco referamus. Is igitur eundem locum, in quo nunc versamur, exponens:

1. Cor. 1.  
1. et 3.

*Assignat rationem (inquit) quare per predicationis stultitiam saluentur fideles. Et hoc ideo quia mundus, hoc est mundani, non cognouerunt Deum per sapientiam ex rebus mundi acceptam, & hoc in Dei sapientiâ. Diuina enim sapientia faciens mundum, sua indicia in rebus mundi instruit; secundum illud Eccli 1. Effudit illam super omnia opera sua: ita quod creatura per sapientiam Dei facta, se habent ad Dei sapientiam cuius indicia gerunt, sicut verba hominis ad sapientiam eius, quam significat. Et sicut discipulus peruenit ad cognoscendum Magistri sapientiam, per verba quę ab ipso audit: ita homo poterat ad cognoscendam Dei sapientiam, per creaturas ab ipso factas, inspiciendo peruenire; secundum illud Rom. 1. Inuisibilia Dei, per ea quę facta sunt, intellecta conspiciuntur. Sed homo propter cordis sui vanitatem a re-  
 etitudine diuina cognitionis variat. Vnde dicitur Ioan 1. In mundo erat, & mundus per ipsum factus, & mundus eum non cognouit. Et ideo Deus per quedam alia ad sui cognitionem salutiferam fideles adduxit, quę in ipsi rationibus creaturarum non inueniuntur; propter quod à mundanis hominibus, qui solas humanarum rerum considerant rationes, reputantur stulta. Et huiusmodi sunt fidei mysteria. Et est simile, sicut si aliquis Magister considerans sensum suum ab auditoribus non percipi per verba quę protulit, studet alijs verbis uti, per quę possit manifestare quę habet in corde. Haftenus summus Doctor.*

C A P V T XXII.

*Diuini consilij ratio, in mundo condendo, mittendo Filio, homine  
ad salutem adducendo, in pauca colligitur; sibiq; per  
omnia bellè consentiens ostenditur.*

**P**ORRò Apostolicis verbis in istam sententiam productis atque expositis; nobis iam liceat diuini consilij rationem, ac prouidentię ordinem vniuersum, in pauca collectum attentius recognoscere

Primum quippe Deus, cùm prę infinite perfectionis exuberantiã, sēle extra se diffundere, & quasi producere, veller, atque res aliquas demum extare, essentię suę bonitatēq; participes; mundum verbo suo & sapientiã ita condidit, vt cùm res singulę, tum ipsum potissimum Vniuersum, impressos pręferrent artis suę diuinę characteres certissimos, & vbique sparsa sapientię vestigia, quorum contemplatione informatus humanus animus ( cuius nempe gratiã, reliqua omnia condita sint ) ad mundi artificis atque parentis, suęq; itidem conditoris, notitiã, admirationem, cultum, amorem, ipsã subleuante ac conducente prouidentiã, haud sanè difficulter adduceretur. Suam etenim sapientiam Deus ( vt cum Siracide dixit modò laudatus S. Thomas ) *effudit super omnia opera sua*: vt sicut lucem hanc solarem ( quam meritò colorum reginam appellat S. Augustinus ) omnibus affusam corporibus, eorumq; colores  
L. 16. Conf. 34.  
fulcantem atque animantem, eãdem intentione vili attingit, quã colores ipsos intuetur: ita sapientię Dei splendorem, rebus omnibus non tam affusum extrinsecus, quã infusum atque imbibitum, discernere possit atque debeat humana mens, dum rerum istarum aspectu ac contemplatione occupatur. Vt qui in hanc domum & tanquam templum diuinę sapientię intromissus, atque hanc ipsam Dei sapientiam, tot rerum visibilium formis vestitam, factamq; quodammodo sensibilem, ac per vniuersę naturę voces sibi loquentem, Deiq; omnium conditoris noticiã ac gloriam sibi ingerentem, non attendarit, neque exaudierit, etiã autore diuinã Scripturã, meritò dicatur, & verò sit, inexcusabilis.

Sed contrã euenit quã sperabatur. Mundus quippe seu  
X ; mundani

mundani homines, capti atque decepti terum istarum externâ specie, solis intenderunt visibilibus; earumque insano amore obscuratum habentes intellectum, & similes facti iumentis insipientibus, non Deum in istis suis operibus agnouere, sed extremâ ducti insipientiâ ac vecordâ, ipsa Dei opera, ipsas inquam umbras atque extrema vestigia diuinitatis, Dei nomine nuncupauerunt & venerati sunt; & cum artificem in ijs possent atque deberent recognoscere, ipsi e contra ad factoris contemptum atque contumeliam abusi sunt. Quod siqui Gentium sapientes, ex huius mundi contemplatione, ad auctoris Dei cognitionem velut theoreticam, & merè contemplatiuam, peruenirent: attamen hi ( quod ait Apostolus ) *cum cognouissent Deum, non sicut Deum glorificauerunt, aut gratias egerunt: sed emanuerunt in cogitationibus suis* &c. Adeo ut vniuersè verum sit, quod eadem cum Paulo antea à nobis exposito mente, de Dei Verbo scripsit Ioannes: cum esset in mundo, vtiue ut in opere suo ( quia mundus per ipsum factus est ) eoque in opere, per impressas artis atque sapientiæ suæ notas, diuinam suam præsentiam satis aperte manifestaret; mundum tamen, ipsum non cognouisse.

Ergo ut ipsa nobis magis sensibilis & quasi palpabilis fieret Dei sapientiâ, perque eam nobis propinquiorem, & generi nostro veluti cognatam effectam, via faciliior ac compendiosior ad salutatem Dei noticiam humanæ menti pararetur; misit Deus vnigenitum suum in similitudinem hominum factum, & habitu inuentum ut hominem; quò iam aliam sibi ædificante domum Sapientiâ, Verbum ipsum in nobis habitans, nobis quasi contubernalis fieret; & carnem induta Sapientiâ, non iam per mutæ naturæ voces, neque per umbras & ænigmata, sed palàm ore suo loqueretur; & quam latentem in corde Patris, & à sensu nostro longè submotam, omnino nequibamus attingere, neque in suis se prodentem operibus satis perspexeramus; nobis concorporatam ac concarnatam, eoque humanis sensibus propiorem ac familiariorem redditam, deum agnoscere, contrectare, & tanquam gustare, possemus.

Quam in rem, vti ingeniosa, ita mihi sanè perquam suavis olim visa est, quædam B. Augustini commentatio: Verbum idcirco carnem factum, ut nobis paruulis lactesceret, sapientiâ Dei, & cibus ille Angelorum, cui capiendo per infantiam haud eramus idonei, humanitate nostrâ temperatus, & trans-

formatus

Rom. 1. 7.  
21.

Ioh. 1. 7.  
10.



## PARS SECVNDA. CAP. XXII. 177

formatus quodammodo, ad nostrum paruulotum captum atque gustatum accommodatetur. Quam cogitationem suspicari possumus etiam autorem suum delectasse, quando hanc ille sapius scriptis suis intetposuit.

Etenim in primis, Confessionum suarum libro 7. *Et quere. cap. 18. bam* (inquit) *viam comparandi roboris, quod esset idoneum ad fruendum te, & non inueniebam, donec amplecterer mediatorem Dei & hominum, hominem Christum Iesum, vocantem & dicentem: Ego sum via, veritas, & vita; & cilum, cui capiundo inualidus eram, miscntem carni, ut infantia nostra lactesceret sapientia tua per quam creasti omnia.* Et alio in loco: *Hoc credimus de forma ser- In ps. 109. ni, quod possumus capere, dum adhuc sumus serui. Hoc est enim illud lac paruulorum, quod temperauit, panem traiciens per carnem. Nam panis ille Angelorum in principio erat Verbum. Quibus ille quidem suauissimè commentatur, ut dicebamus: Dei Sapientiam eo consilio nostrâ carne commixtam, ut nobis lac esset, seu velut cibus infantum: quando neque ipsam vi in se purè subsistentem, seu ptout in cælo manducatur ab Angelis, gustare poteramus; neque verò sub istis oblata, naturæ rerum quasi ferculis, visa est admodum facere ad gustum nostrum.*

Expressius autem, ac luculentius, scribens in Psalmum 30. *Enutries me* (ait) *ut validus sim ad manducandam escam qua pascis Angelos.* Hic enim lacte nos nutriuit, qui nobis celestem cibum promisit, & usus est maternâ misericordiâ. Sicut enim mater lactans, eandem escam, cui sumenda idoneus infans non est, per carnem traiecit, & lac infundit: sic Dominus, sapientiam ut lac nobis faceret, carne indutus venit ad nos. Postremò commen- tans in Psalmum 33. concione 1. etiam pluribus idem repetit; pulchrè inter cætera incarnandi nomine ad eam rem ampliùs adsignificandam abutens. Ita enim loquitur: *Quis autem homo potest ad illum cibum?* (hoc est, Verbum Dei, quod manducant Angeli, & saginantur) *Vnde cor tam idoneum illi cibo? Opor- tebat ergo ut mensa illa lactesceret, & ad paruulos pertineret. Vnde autem cibus sit lac? Vnde cibus in lac conuertitur, nisi per carnem traiciatur? Nam mater hoc facit. Quod manducat mater, hoc man- ducat infans. Sed quia minus idoneus est infans qui pane vescatur, ipsum panem mater incarnat, & per humilitatem mamille & la- ctis succum, de ipso pane pascit infantem. Quomodo ergo de ipso pane panis nos Sapientia Dei? Quia Verbum caro factum est, & habitauit in nobis.* Hæc omnia Augustinus.

Hæc

Hæc igitur tandem diuini consilij ratio, hominibus ad Deum adducendis, efficax & idonea inuenta est: qui nempe occulta & incerta diuinæ sapientiæ, non iam in paginis elementorum, & voluminibus retemporum (velut suprâ loquentem audiuius B. Prosperum) sed in tenerâ virginæ carnis tanquam membrâ, familiariùs, & ad captum suum accommodatiùs, descripta legentes, intellexerunt denique & adamarunt: atque stultâ factâ sapientiâ huius mundi, per stultitiam Dei (vt loquitur Apostolus) hoc est, per Verbi carnem & crucem, reipsâ sapientes atque felices effecti sunt: *Quia quod stultum est Dei (inquit ille) sapientius est hominibus.* Neque in alio magis opere, quàm eo quod stultum videbatur, & Deum ipsum parum condecens, elucere visa est excelsa & supereminens sapientia Dei: amans videlicet cum ingenijs ludere, sensibulque mortalium, & per ea etiam quæ rebus ipsis incongruentia videantur, ad fines suos forriter suauiterque peruenire.



## C A P V T XXIII.

*Argumenti, capite superiore cepti, executio.*

cap. 33.

**V**eruntamen & ipsi rerum ordini conuenientissimum fuisse, vt eadem ipsa Sapientia Dei quæ mundum condiderat, cælo delapsa conuerfaretur inter homines, eisque ad Deum reducendis, verbo exemploque salutis viam ostenderet; idem Augustinus sapienter obseruat libro 1. de consensu Euangelistarum, vbi ita loquitur: *Quapropter cum sit ipse Christus sapientia Patris, per quem creata sunt omnia, cumq; nulla mentes rationabiles, nisi participatione ipsius sapientes fiant: consultum est diuinâ prouidentia mortalibus, vt eadem ipsa Dei Sapientia ad unitatem personæ suæ homine assumpto, congrua salutis nostræ dicendo & faciendo, patiendo & sustinendo, fieret hominibus exemplum redeundi &c.*

Sed ne adueniente in terras Dei Sapientiâ, & carne se nostrâ obuolente, nostrisque proinde obtutibus sese iam familiariùs præsentante, ad rem tam insuetam, arque adeò primo aspectu stultam, ipsâ tanti operis nouitate, miraculoque percussî, obtupefcerent sensus mortalium; ad id illi sensum ac vatriè;

PARS SECVNDA. CAP. XXIII. 179

riè, nec lapsu temporis exiguo, disponendi & comparandi fuere. Ergo in qua gente sedem fixura, & olim in carne apparitura, erat sapientia, huic tantò antè in ducem datur ac præsidem, vt paulò quàm antea familiariùs cum ea conuersans, ac tum ipsi populo sub vmbris varijs ac figutarum integumentis, tum Moyfi alijsque Prophetis sub humanæ carnis effigie manifestius apparens, suo aliquando in carnem aduentui ptoluderet, atque ita sensim hominum animos ad sui notitiam, cultum, amorem, desiderium conciliaret. *Oportebat enim* ( inquit loco citato Augustinus ) *vt aliquando in omnibus gentibus redderetur, quod dñs per vnā gentem promittebatur.*

Itaque quæ primùm in huius mundi templo, per impressos in natura rerum artis suæ diuinæ ac præsentis characteres, sese ipsi mundo spectabilem frustra fecerat; iam in manufacto tabernaculo remploùe, propiorem sese ac præsentiorē ostendit; tanquam in figurā templi illius animati, quod olim sibi sine manibus, in vtero Virginis ædificaret: dum seipsam denique in templo gloriæ, apertā facie & clarā luce, velut in se est manifestet, amatoresque suos, sui possessione, æternū beatos efficiat.

Ita, non dubiā diuini consilij ratione, & certā stabilique prouidentia, per omnia peruentem, omnes partes agentem, vbique vigentem atque regnantem, habemus Dei sapientiam: ac primū quidem, Orbem condentem, administrantem; cursum sæculorum, mundi que statum digerentem; tum populum Dei sibi dilectum, peculiari nomine regentem atque procurantem, & seu lege datā, seu suis per arcam oraculis, seu Sanctorum Prophetarum vocibus, seu multiplicibus mirisque prodigijs, eundem ad bona olim promissa disponentem; tandem assumptā carne mortali, nostræ informationi, redemptioni, salutis, admirabili ratione laborantem; ad extremum completo ordine cursuque rerum, possessores suos claro sui conspectu satiantem atque beatantem.

Vt in hunc sensum iam intelligam, quod de cā à Sapiente sap. 8. v. 11  
scriptum est: *Attingis ergo* ( siue protendit & exporrigit se ) *à fine usque ad finem fortiter*; ( hoc est, ab extremis primisque rerum initijs, ad fines vique complementumque sæculorum ) *& disponis omnia suauiter.* Quò item respicit egregia quædam in libro de Diuinis Nominibus Magni Arcopagitæ sententia; vbi, cap. 7.  
cū illud nobiscum dixisset, Dei sapientiam in omnibus &

ex omnibus agnoscendam : *Hæc enim ( subdit ) iuxta Scripturam, est omnium artifex, & semper omnia componit, estq; causa indissolubilis coherencia & ordinis rerum, finesq; priorum cum sequentium principijs semper connectit, & unam Vniuersi conspirationem concentumq; pulcherrimè efficit.* Ista Dionysius.

Atque isti affinem ordinem rerum, progressumque diuinæ prouidentiae, inuenio item quodammodo secutum Magnum Athanasium, dum tractatu de Verbi Incarnatione in hunc ferè modum philosophatur.

Orat. 3. contra  
Arianos.

Ante omnia autem illud statuit: cùm homo ex conditione suâ, sibi inditam accepisset, impressamque menti haberet, summæ diuinitatis imaginem, in diuinæ rationis & arbitrij luculentâ participatione consistentem ( vt enim idem alibi loquitur: *Sicut nostra ratio Verbi simulacrum existimandum est, ita sapientia nostra eius sapientiae imago* ) potuisse ex eâ, ac debuisse, ipsam dipinitatem agnoscere, & ex sibi insculptis intrinsecus diuinæ rationis ac sapientiae characteribus, & expressis quasi diuini vultus lineamentis, ipsum inuenire suæ conditionis autorem. Sed postquam primæuæ labis vitio, non ratione, sed sensu duci; neque iam ad sese respicere, aut in mentis suæ penetrati recognoscere diuinitatis imaginem, sed totus effundi extra se, & rebus istis visibilibus vnicè teneri cæpit: restabat, vt saltem in his sapientiae operibus, quæ illum adeò delectarent, nisi cæcus planè & excors esset, ipsum deprehenderet artificem, atque ex Apostoli sensu, per visibilia quæ fecit, ad inuisibilia ipsius intelligenda deueniret. At illa nimitum occupabant sensus, non erudiebant animum; & corruptæ naturæ infirmitati, peccandi potius materiam, quàm cælestis cuiusdam philosophiæ argumenta, suppeditabant.

Submissi igitur tum Prophetæ sunt, qui non iam muto eloquio, aut occultis quasi hieroglyphicis ipsi naturæ rerum insculptis, sed excelsâ quadam ac manifestâ prædicatione, populum electum ad veri summiq; Numinis notitiam, fidem, venerationem, ipsâ duce Dei Sapientiâ, nec sine potentis signisûe monstrificis, informarent; & quibus legibus institutisq; seruandis, quàm castis religionibus, quâ in vniuersum sanctitate morum, is coli se vellet, edoceren. Veruntamen & his minùs ex voto succedentibus; oportuit denique velut extremo diuinæ attis & bonitatis conatu, ipsam de cælo demitti Dei Sapientiam, quæ nostrâ susceptâ humanitate, visibilem se nobis

## PARS SECVNDA. CAP. XXIV. 181

nobis & quasi tractabilem faceret, & modis ad nostram, siue proteruiam reprimendam, siue infirmitatem roborandam aptissimis, se nobis viam, veritatem, & vitam proponeret, & diuinâ in nobis imagine reformatâ, sibi fide ac dilectione coniunctos, æternâ denique sui consortione bearet.

Quæ quidem ex Athanasij sensu, non item verbis, retulimus; sed quæ ille paucis indicauerit, hac dicendi formâ conuersita, in rem præsentem adaptauimus.

### C A P V T XXIV.

*Cælestem Ierusalem, seu Cælum, Beatorum sedem, Templum Dei augustissimum esse.*

**P**ORRÒ iam, ut ab Allegoriâ, in quâ præ materiæ vbertate, diutulè immorati sumus, ad sensum (quem vocant) Anagogicum paucioribus exequendum transeamus; demonstrandum nobis est hoc loco, quod minùs fortassis operosum erit efficere, cælestem illam ac diuinam domum, habitationem Sanctorum felicissimam, proprio quodam suo iure, templum diuinæ sapientiæ esse.

In primis igitur, cælum hoc, quod oculis mortales spectamus, apud veteres præsertim poëtas, templi nomine esse appellatum, notius est, quàm ut multis probari necesse sit. Hinc enim & apud Lucretium arque Ennium, *lucida, aut carula cæli templa*; & apud Varronem, *magna cæli templa commista stellis splendidis* &c.

*L. 6. de ling. Lat.*

Verùm cælum illud secretum à mortalium oculis, Angelorum hominumque beatorum sedem æternam, & in qua Deus specialiter habitare dicitur, templum esse Dei sanctissimum ac diuinissimum, & persuadet ratio, & diuinior conuincit auctoritas. Siquidem in Psalmis & alibi passim eius appellationis occurrunt exempla: ut cum Psalmo 10. v. 5. dicitur: *Dominus in templo sancto suo*; *Dominus in celo sedes eius*. Ad quæ verba Magnus Gregorius: *Templum etenim Dei superna patria est*; *de qua etiam per Prophetam dicitur: Dominus in templo sancto suo*; *Dominus in celo* &c.

*1. 1. Reg. 8.*

Nisi fortè quisquam, non istuc cælum templi, sed è contrâ templum cæli nomine venire putet; quod & illud Deus ut

domum propriam inhabitaret, & suæ ibidem præsentiae ac gloriæ illustria signa atque effectus proderet; dicente etiam Iosepho Iudæo, *tertiam templi partem sacerdotibus inaccessam* (hoc est, Sancta sanctorum) *cælum Dei quodammodo representasse*. Quæ tamen ratio, siquid efficit, è conuerso ostendit, sicut Dei templum cælum quoddam est, ita cælum quoddam Dei templum esse; idque hoc augustius atque sanctius, quod & in eo Dei præsentia multo atque immenso sit illustrior, & locus ab omni labe purior, & sanctiores ministri, & altare diuinius, & sacrificia acceptiora.

Simile est illud è Deuteronomio: *Respice de sanctuario tuo, & de excelsu celorum habitaculo*. Vbi coniunctionem & esse exegeticam, siue membri prioris expositiuam; ex Hæbræo apparet, vbi legitur. *Respice de habitaculo sanctitatis tuæ, de celo ipso*.

Verùm in Ioannis Apocalypsi, cælestis illa Dei sanctorumque habitatio, non semel designatur templi nomine: vt cum capite 11. v. 19. dicitur: *Et apertum est templum Dei in calo: & visa est arca testamenti eius, in templo eius*. Et cap. 7. v. 15. *Seruiunt ei die ac nocte in templo eius*: & alibi.

Nec refert quod Euangelista, describens postea ciuitatem sanctam Ierusalem, illam scilicet nouam atque cælestem, dicat se templum non uidisse in eâ.

Hoc enim duntaxat eo sensu accipiendum est; vt neget, se in eâ uidisse locum aliquem specialiter destinatum diuino cultui: quemadmodum in terrenis vrbibus, earum pars aut regio aliqua, templo istic erecto, ad sacros vsus & diuina sacrificia deputatur. Nam cum ipsa per se Diuinitas vniuersam cælestem Ierusalem numine suo atque gloriâ, maiestate ac sanctitate, æquè impleat, & vbique sese perinde videndam adorandamque præbeat; nihil opus erat partem eius aliquam priuatim dedicari Diuinitati; quando ipsa ciuitas quanta quanta, nihil nisi templum est: immo ipse Deus, in quo Beati illi arcano quodam modo inhabitant, iisdem pro templo esse possit. Secundùm quod ibidem subditur; *Dominus enim Deus om-*

*nipotens templum illius est, & Agnus*. Vnde & S. Thomas scribens in priorem ad Corinthios, sic ait: *Omne illud in quo Deus habitat, potest dici templum. Habitat autem Deus principaliter in seipso, quia ipse solus se comprehendit. Vnde & ipse Deus templum Dei dicitur: Apoc. 21. Dominus Deus omnipotens templum illius est.*

Ex

## PARS SECVNDA. CAP. XXV. 183

Ex quibus potiùs confirmabitur, quod dicebamus; cœlestem nimirum Ierusalem, summæ Diuinitatis maximè proprium atque intimum templum esse.

Obseruentur denique Apostoli verba ad Hebręos capite 9. v. 24 in hunc modum scribentis: *Non enim in manufacta Sancta Iesus introiuit, exemplaria verorum, sed in ipsum celum, ut appareat vultui Dei pro nobis.* Ex his enim manifestè habemus; vetera illa atque typica Sancta sanctorum, exemplaria seu ( vt est in Græco ) antitypa fuisse sanctuarij cœlestis; hocque fuisse verum ac proprium Dei templum, in quod Pontifex noster IESVS CHRISTVS introierit, vt appareat vultui Dei pro nobis: quemadmodum Pontifices Aaronici Sancta illa sanctorum manufacta ingrediebantur, preces & hostias pro vniuerso populo oblaturi.

Quamobrem si quis coniecturam recipiat Parte primâ à nobis propositam, de Salomonis templo supremæ Dei Sapientiæ propriè ac speciatim dedicato; ei prouum fuerit, & de templo cœlesti ( cuius istud vmbra atque figura fuit ) quiddam simile dicere: quemadmodum è contrâ si de templo cœlesti id in præsentî docuerimus; indicio erit, id ipsum & de templo Salomonico non immeritò dici posse: cùm necesse sit, vmbra corpori, figuram veritati, proportionem respondere.

\*\*\*\*\*

### C A P V T XXV.

*Patriam cœlestem; sedem esse propriam, regionem, regnum atque adeò templum, Sapientiæ diuinæ.*

**V**Eruntamen istud, quod modò faciendum suscepimus, argumentis huic loco proprijs, quoad consequi possumus, efficiamus.

Atque eò ferè argumenti vis in præsentîa reuoluitur; vt, seu autoritate, seu ratione doceamus: Patriam cœlestem, sedem esse propriam, regionem, regnum, æternę Dei Sapientię; huic illam sedi specialiter prælidere, ibi conspici, coli, regnare; proindeque templi illius diuinissimi ( qualecœlum esse modò dictum est ) hanc propriè præsidem atque Dominędiam esse.

Cui cogitationi in primis fauentem habemus Aurelium Prudentium,

dentium, eo poemate, quod Psychomachiam inscripsit: vbi cum animam Christianam in hoc sæculo militantem, repugnantemque suis cupiditatibus, vnaque Virtutum Christianarum de oppositis Vitijs, post acrem conflictum, victorias ac palmas detripississet; tum ipsam inducit Sapientiam, quæ hostibus omnibus, Virtutum sibi militantium ope, subactis, in animam sanctam ac Deo iam perfectè subditam, velut in ciuitatem cælesti Ierosolymæ æmulam (quippe iisdem gemmis, quibus illa cælestis, Fide & Concordiâ ædificante constructam, & ad Portas duodecim, toridem nominibus Apostolorum Agni inscriptam) triumphanti similis inuecta, ibidem in Æde septem columnis crySTALLINIS subnixâ, pacato iam regno præsideat. Quam in rem sic canit, inter cætera.

*Hoc refidet folio pollens Sapientia, & omne  
Consilium, regni celsâ disponit ab aulâ,  
Tutandiq; hominis leges sub corde retractat.*

Pôst verò à regno, quod in corde iustorum sibi in hac vita constituit ipsa Sapientia, ad æternum eius in cælo regnum, gradum faciens, ad extremum orat, plenam sibi concedi de suis vitijs, cupiditatibusque victoriam:

*Donec præsidio Christus Deus adsit, & omnes  
Virtutum gemmas componat, sede patâ.  
Atque vbi peccatum regnauerat, aurea templi  
Atria constituens, texat spectamine morum  
Ornamenta animæ, quibus oblectata, decoro  
Æternum folio diues Sapientia regnet.*

Quod non nisi in illa cælesti beatitudine futurum est; vbi cum ciuitatem, tum ciues ipsos Sapientia, pto regno ac templo sempiterno, est habitura.

Cap. 10.

S. Augustinus libro 9. Confessionum, illud commemorans diuinum ac dulce colloquium, quod cum Matre sua S. Monica, paulò ante eius mortem habuit ad Ostia Tiberina; vbi (vt ait) remoti à turbis colloquebantur soli valde dulciter, & per scalam rerum cteatatum ad Deum ascendentes, attigerunt denique degustaruntque modicè, & tanquam rapidâ cogitatione, futuram æternæ vitæ iucunditatem; de eâ sic ait inter cætera: *Et venimus in mentes*



## PARS SECVNDA. CAP. XXV. 185

mentes nostras, & transfuimus eas, ut attingeremus regionem vbertatis indeficientis, ubi pascis Israel in aeternum veritatis pabulo, & ubi vita sapientia est, per quam fiunt omnia ista, & quae fuerunt, & quae futura sunt &c.

In quibus oblerues ex Augustini mente, vitam aeternam aliud non esse, quam supremam quandam atque beatam participationem diuinę Sapientię, illamque proinde regionem vbertatis indeficientis, meritò sedem, ædem, ac regnum sapientię appellari.

Quò item facit, quod alibi ait idem S. Doctor: *Regnum calorum esse perfecta summaq; sapientia animę rationalis.* Item: *regnum calorum desiderandum esse propter sapientiam & vitam aeternam.* Qui rursum in Psalmum 58. ad iplum regnum calorum respiciens; *Est quedam (inquit) origo fontisq; virtutis, est quedam radix sapientia, est quedam (ut ita dicam) regio incommutabilis veritatis.* Lib. 9. de Serm. in Mont. c. 4. Serm. 74. de temp. c. 9.

Et alio in loco, hoc est libro 3. de Libero arbitrio cap. 25. ipsam beatorum felicissimam vitam describens, ait: *Tanta est iucunditas lucis aeternae, hoc est incommutabilis veritatis & sapientia, ut etsi non liceret &c.* At libro 2. cap. 13. multis inculcat, beatam vitam, in luce veritatis, & participatione summę sapientię esse collocandam; atque hæc inter cetera: *Et quid beatius (inquit) eo, qui fruitor inconcussa & incommutabili & excellentissimæ veritate!* Et rursum: *Immo verò quoniam in veritate cognoscitur & tenetur summum bonum, eaq; veritas sapientia est; cernamus in eâ; teneamusq; summum bonum, eoq; perfruemur.*

Expressissimè autem S. Bernardus, sermone 3. de Ascensione: *Redijt (inquit) ad regionem sapientia, Sapientia Dei Sanctus* De anim. De anim. 9.  
autem Gregorius Nyssenus, quodam loco dicens; *Sapientiam* resurr.  
*in superis partibus, quasi in arce, praefidere rerum vniuersitati;*  
apertè ostendit, iplum cælum, sedem, aulam, regiam sapientię esse.

Et meritò regio, regnum, ac templum sapientię; vbi non iam in paginis elementorum, libris celorum, voluminibus temporum, vmbis figurarum, ænigmatibus Scripturarum, inuolucris Sacramentorum, laboriosè quæritur, tardè deprehenditur, obscurè attingitur Sapientia Dei; sed in clarâ luce, vti in se est, seipsam exhibens, & Sanctorum animis intimè illapla, eorum mentes ita possidet, ut nihil iam intelligere possint,  
nihil

nihil amare, nihil velle, nisi secundum supremam Dei Sapientiam, cuius participatione beati sunt. Vbi eadem Dei Sapientia (teste Augulino) ipsis vita est, vbi cibus, vbi potus, vbi sagina mentis, & totius hominis satietas.

Cap. 3.

Sic enim in Psalmum 49. scribens hic S. Doctor: *Panis noster (ait) ibi iustitia est, potus noster ibi sapientia est.* Et libro citato Confessionum, de amico suo Nebridio defuncto loquens: *Iam (inquit) non ponit aurem suam ad os meum, sed spiritale os ad fontem tuum, & tibi quantum potest sapientiam, pro auiditate sua, sine fine felix.* Eoque felix videlicet, quod in ipso fonte iam bibat Dei Sapientiam, quæ est ipsa Sanctorum felicitas.

Psal. 127.

Vnde etiam ad illa verba Psalmi 62. *Sitit tibi anima mea: Sitienda est ergo sapientia (inquit) frienda est iustitia. Non eam satiabimur, non eam implebimur, nisi fuerit finita vita ista, & ad illud venerimus, quod promisit Deus. Promisit enim Deus æqualitatem Angelorum: & modo Angeli non sitiunt, quomodo nos, non esuriunt, quomodo nos, sed habent saginam veritatis, saginam lucis immortalis sapientie. Ideo beati sunt.* Et rursus in alio Psalmo, consolans animam Deum amantem, & præ illius desiderio gementem, atque interim se pane lacrymarum pascentem: *Veniet (inquit) Deus tuus, & ipse pro pane lacrymarum succedet, & te in æternum saginabit; quia eris tecum Verbum Dei, quo pascuntur Angeli.*

Quibus paria habes apud Magnum Gregorium, in caput 2. Canticæ Canticorum: vbi postquam dixit per cellam vinariam, nihil congruentius, quam ipsam arcanam æternitatis contemplationem accipi: *In hac æternitate (subdit) Angeli sancti vino sapientie inebriantur, dum ipsum Deum facie ad faciem videntes, omni voluptate spiritali satiantur.*

De diligendo Deo.

Atque hoc illud est, opiparum, splendidum, magnificum æternumque conuiuium; quod (vt quodam tractatu commentatur S. Bernardus) in cælis adornat ac celebrat Dei Sapientia, & ad quod inuitat amicos suos dicens: *Venite, bibite, & inebriamini, charissimi; vbi & transiens ministrabit illis, immo & seipsum in cibum ac potum sempiternum apponens.* Expresius porro Doctor Angelicus libro 3. contra Gentes cap. 51. Luca 22. (inquit) *Dominus dicit: Ego dispono vobis, sicut disposuit mihi Pater meus, regnum, ut edatis & bibatis super mensam meam in regno meo. Quod quidem de corporali cibo vel potu non potest intelligi: sed de eo qui in mensa sapientie sumitur, de quo à Sapientia*

## PARS SECVNDA. CAP. XXV. 187

*Sapientia dicitur, Prou. 9. Comedite panes meos, & bibite vinum, quod misui vobis. Super mensam ergo Dei manducant, quia eadem felicitate fruuntur, quâ Deus felix est; videntes eum eo modo, quo ipse videt seipsum. Hæc egregiè S. Thomas.*

Rectè autem illa mensa cælestis instrui dicitur & adornari à Dei sapientiâ; quod immortalī illius luce faciētur, & (Augustini verbo) saginentur, beatæ illæ mentes, atque ideo beatæ sint. *Beata quippe vita* (vt pronuntiat ista confirmans idem Doctor excellentissimus) *gaudium est de veritate.* L. 10. Conf. c. 23.

Ex quibus ad extremum elucet; quàm meritò dicamus, cælestem illam Ierusalem, esse domum, sedem, ædemque propriam supremæ Dei Sapientiæ; idque multò magis, quàm id de hoc mundo inferiore pronuntiauius: quando illic suis cultoribus, longè manifestiorem, augustiorem, venerabiliorem sese exhibet sapientia, eorumque mentibus, & potentiùs, & intimiùs, & dulciùs, & feliciùs allabitur; vt quorum vita est, ipsa immortalitas Sapientiæ; gloria, claritas Dei; beatitudo, summa & incommutabilis veritas.

## C A P V T XXVI.

*Ita conuersandum nobis in hoc seculo, quasi in atrijs celestis Ierusalem, æterni templi Sapientiæ, versemur.*

**E**X hac anagogica templi Sapientiæ contemplatione, operæ pretium fuerit, de more nostro nonnulla colligere, Christianæ vitæ informationi profutura.

Quorum primum illud sit: Sic nos animo affectos conformatosque esse debere; vt ita nobis intelligamus conuersandum in hoc sæculo, quasi in atrijs versemur, æterni templi Sapientiæ, siue Ierosolymæ cælestis; ad loci illius felicitatem aspirantes perenni desiderio, et nos aprare mosum nostrorum sanctitate satagentes, & quoad eius fieri poterit, eiusdem æternæ festiuitatis ac iuocunditatis beata gaudia, anticipatâ quadam delibatione, velut è propinquo præcipientes.

Nam cæsi, quod suprà demonstranimus, etiam hic mundus inferior quoddam templum sit diuinæ Sapientiæ; ita tamen ille huius ædes est, vt eius verissimum sacrarium, sedesque penetralis, non nisi in cælo reperiatur.

Z

Cui

Cui sensui meo illustrando proferri potest elegans quædam Philonis Hebræi commentatio : qui verba illa è Cantico Moïſis, Exodi cap. 15. v. 17. *Sanctuarium tuum, Domine, quod firmaverunt manus tue*; de mundo isto ſenſibili accipiens, ait illud dici ſanctuarium Dei, veluti ſplendorem (Græcè ἀνέκλυτος, quaſi dicas, relucentiam) Sanctorum cæleſtium, & tanquam imitamentum Sanctuarij archetypi; cò quòd omnia quæ in hoc mundo pulchra videntur, non niſi imagines ſint eorum quæ ſunt in mundo intelligibili. Ita enim loquitur Philo ex recepta verſione : *Idem carmen*, inquit, *cum his conſonat, quæ dudum de mundo dicta ſunt; eum eſſe inſtructiſſimam Dei domum ſenſibilem, eamq; factam, non increatam, ut quidam exiſtiant. Sanctuarium autem, quaſi ſplendorem è Sanctis redditum, exemplari imaginem. Nam quæ ſenſui pulchra ſunt, intellectui pulchrorum imagines ſunt.* Ita ille.

De plantat.  
Nec.

In pf. 26.

Apolog. c. 1.

Niſi illud magis lubeat dicere : Mundum hunc, non tam Sapientię templum, aut velut fixam domum eſſe, quàm eius temporarium tabernaculum; cò quòd in hoc ſæculo nobiſcum quaſi peregrinetur Sapiencia, ſole decolor, fuſca, puluerulenta (*Tabernaculum* enim, Auguſtino teſte, *peregrinantium*) iplum verò cælum, propria ſedes ſit atque manſura ſumme Sapienciæ, & certa regio incommutabilis Veritatis. De qua proinde Veritate ſive Sapienciâ agens Tertullianus adverſus Gentes : *Scis enim* (inquit) *ſe peregrinam in terris agere : cæterum, genus, ſedem, ſpem, gratiam, dignitatem in calis habere.*

Quapropter neque ſic teneri debemus, occupariſc, vòcibus illis tametſi prædulcibus, per res huius mundi inferioris nobis, loquentis Sapiencię; quin ſubinde aure magis arrecta, quoddam advertamus. excipiamusq; tanquam ἀνέκλυτος, ſive extremum, ut aliàs diximus, quaſi tinnitum aut repercuſſum cæleſtis ſymphoniæ, de illo ſupremo penetrali Sapiencię, quanquam ſubobſcurè & velut è longinquo, reſonantem, atque ad nos tanquam in atrijs aut veſtibuſo templi cæleſtis conſtitutos, pertinentem. Cuius utique ſoni dulcedine affecti atque recreati, erigamus tristem ac languentem animam noſtram; atq; inter huius exilij tædia, guſtum aliquem accipiamus dilectę patriæ; eiufq; ineffabilis voluptatis, quâ cultores ſuos amatoresq; iſtic inebriat. diua Sapiencia, particulam aliquam, ſolatiij gratiâ delibemus.

Quâ item ratione viddicet, ex S. Auguſtini ſententiâ, mæſorem

## PARS SECVNDA. CAP. XXVI. 189

rorem animæ suæ, gemitusque ac lacrymas, seclabatur Prophe-  
ta, cum diceret : *Hec recordatus sum, & effudi in me animam* 2f. 41. 7. 8.  
*meam: quoniam transibo in locum tabernaculi admirabilis, usque*  
*ad domum Dei: in voce exultationis & confessionis, sonus epu-*  
*lantis; siue (ut ipse legit Augustinus) soni festiuitatem celebrantis.*  
Quibus continuo subiungit Propheeta: *Quare tristis es anima*  
*mea &c.*

Vbi quanquam, secundum litteram, videri possit ipse Pro-  
pheta pro eodem sumpsisse *locum tabernaculi*, & *domum Dei*;  
quando & alioqui ex diuinâ Scripturâ compertum est, ipsum  
tabernaculum non raro dici domum Dei, immo & templum: *Iudic. 2. 18.*  
attamen S. Augustinus ad vsus suos illa distinguens, taberna- 7. 31.  
culi nomine præsentis temporis Ecclesiam, domus Dei nomi- 1. Reg. 1.  
ne cælestis templum, siue futuram Sanctorum habitationem, 7. 7. &c.  
intelligit.

Atque (quod ad nostram eruditionem in re præsentī face-  
re potest) piè atque dulciter commentatur: Sanctum illum  
Regem, ambulantem in isto tabernaculo, & opera Dei, quæ  
etiam in præsentī sæculo, electorum suorum gratiâ exhibet,  
admirantem, tandem peruenisse usque ad domum Dei; sensim  
inquam inductum ad præcipienda delibandas cælestis Sionis  
festa gaudia, dum illi quasi ad aurem cordis, de illâ cælesti  
festiuitate appellit canotum & dulce nescio quid; quam ille dul-  
cedinem, studiosæ mentis auditate quadam secutus, demum  
peruenit ad eius dulcedinis fontem, ipsam inquam æternam  
domum Dei: vbi nempe solenne conuiuium palam exhibet  
Sapientia, non sine voce exultationis ineffabilis, & cantu qui  
deceat epulas tantæ Principis, sempiternam illam festiuitatem  
cum amicis suis celebrantis.

Ita, quod etiam in superioribus admonuimus, à præsentis  
sæculi tabernaculo, facilis est transitus ad domum Dei; atque ex  
operum diuinorum contemplatione, quandoque assurgit, immo  
rapitur, anima ad gustum quendam sensumque cælestis dulce-  
dinis, atque ad insolita quædam gaudia, ijs ignota quibus mun-  
dus iste dulcis est, quique infectum habent palatum cordis,  
amore pestifero rerum istarum terrenatum.

Veruntamen quædam S. Doctoris præclara verba (ut est in  
hoc genere suauissimum) operæ pretij spiritualis gratiâ ponamus.

*Ecce iste (inquit) dum miratur membra tabernaculi, perductus in 2f. 41.*

est ad domum Dei. Percepit nescio quam dulcedinem, tanquam de domo Dei sonaret suauiter aliquod organum. Et cum ille ambularet in tabernaculo, audito quodam interiori sono, ductus dulcedine sequens quod sonabat, abstrahens se ab omni strepitu carnis & sanguinis, peruenit usque ad domum Dei. In voce, inquit, exultationis & confessionis, soni festiuitatem celebrantis. Et infra: De illâ eternâ & perpetuâ festiuitate, sonas nescio quid canorum & dulce auribus cordis, sed si non perstrepat mundus. Ambulanti in hoc admirabili tabernaculo Dei, & miracula Dei in redemptione fidelium consideranti, mulcet aures sonus festiuitatis illius, & rapit ceruum ad fontes aquarum.

Rursus, illud demonstrans, quomodo idem Propheta, præceptâ illâ cælesti dulcedine, inde solaretur ærumnas suas, & quasi increparet huius peregrinationis tædio tristem animam suam: Etenim ceruus iste (inquit) manducans die ac nocte lacrymas suas, raptus desiderio ad fontes aquarum, ad interiorem scilicet dulcedinem Dei, effundens super se animam suam, ut tangeret quod est super animam, ambulans in loco tabernaculi admirabilis usque ad domum Dei, & ita ductus interioris & intelligibilis soni iucunditate, ut omnia exteriora contemneret, & in interiora raperetur: adhuc tamen homo est, adhuc hic gemit, adhuc carnem fragilem portat, adhuc inter scandala huius mundi periclitatur. Respexit ergo ad se tanquam inde veniens, & ait sibi constituto inter has tristitias, & comparans hac illis ad quæ videnda ingressus est, & post quæ visa egressus est: Quare, inquit, tristis es anima mea, & quare conturbas me? Ecce iam quadam interiore dulcedine letati sumus; ecce acie mentis aliquid incommutabile superstrictim & raptim videre potuimus: quare adhuc conturbas me? & quæ sequuntur.

Huius igitur Prophetæ sancti, immo & ipsius S. Augustini, (cuius hac in parte certum de seipso testimonium alio iam loco memorauimus) aliorumque, præclaro exemplo, studeamus & nos, quoad possumus, mentem nostram ab his infimis rebus auellere, & (vti mox dicam) regnaturæ in corde nostro diuinæ Sapientiæ, sedem mundam, & tanquam solium condignum & condecorum aptare; illius quandoque, etiam inter huius vitæ tædia, experturi delicias ineffabiles, atque intimâ aure cordis percepturi sonum festiuitatis sempiternæ dulcissimum, sed si non perstrepat mundus.

1o 7f. 130. Nihil est dulcius (inquit alibi S. Augustinus) immortalis Sapientia:

## PARS SECVNDA. CAP. XXVII. 191

*piencia* : sed nimirum siquem iam non delectat caro & sanguis. Qui autem supra hæc, & supra seipsum paulum erectus, cælestis Sionis festa cantica aure cordis vel strictim attingere, eorumque capi dulcedine, ac sensu teneri cæperit; is, facile contempnâ fastiditaque rerum transeuntium pestiferâ dulcedine; ad ipsum vnicè aspirabit ac deveniet fontem degustatæ suavitatis, summum suppliciorum reputans, vel ipsâ duntaxat lucis æternæ iucunditate privari. De quo rursus idem summus Doctor: *Qui dulcedinem Sapientie & veritatis utcumque sentire cæperunt, In pf. 49. moverint quod dico; quanta pena est, tantummodo à facie Dei separari.*

### C A P V T XXVII.

*Æternum regnum diuine Sapientie, vel ex hac vitâ in nobis inchoandum esse.*

**I**Am verò cum suprâ dixerimus, Ierusalem cælestem, non domum templumue duntaxat, verum etiam regnum aut regiam esse Sapientie, vbi illa sui amatores omnino ita possideat, ita illos agat, moueat, in illis dominetur, vt non nisi ex eius impetio atque dictatis, quicquam siue velle, siue agitare valeant: æquum sanè fuerit, ab his qui se studeant clientes haberi Sapientie cælestis, eius item regni imaginem, quoad moralis fert infirmitas, in semetipsis, expressam repræsentare. Quæ ratione videlicet, in Sancti Doctoris Augustini mente, tanquam in templo suo, regnasse Dei Sapientiam, ex eo quòd illi vita, cibus, requies, omnisque voluptas Deus esset; testatur S. Prosper ijs versibus, quos infrâ opportuniùs referemus.

Regnet igitur in hominis mente, atque (ex suprâ laudatâ Aurelij Prudentij commentatione) aulam cordis teneat Dei Sapientia, itaque in eius dominetur affectibus; vr, cum sibi planè persuaserit, constitueritque, deinceps non nisi conuenienter æternis rationibus viuere, extincto in sese peccati regno, eius membra omnia ac sensus omnes, iustitię militent, seruiant Sapientie cælesti.

Quam in rem & illa accommodari potest Origenis Adamantij commentatio: qui nimirum ea, quæ Matthæi vigesimo quinto capite, de quinque fatuis virginibus & quinque prudentibus *Hæm. 32. in Matth.* dicuntur,

dicuntur, mortali ratione transfert ad quinque sensus humani corporis; quos, ut virgines illas prudentes repræsentent, ait vniuersus & singulos oportere agitari, regi, illuminari Verbo Dei, & tanquam instrumenta esse diuinæ Sapientiæ: quia, ut loquitur eo loco; *Vbicunque minus fuerit unus de sensibus secundum rectam doctrinam; ibi omnino & omnes sensus, quasi fraudati à Verbo sapientia insaniuntur.* Et mox de ipso Verbo diuino loquens: *Si unum (inquit) de sensibus fecerit sapientem, ut virgo constituatur; necesse est ut in alijs sensibus sapientiam suam effundat.* Quia videlicet ad perfectam sapientiæ rationem minus est, si quis odoratum gustumue cohibeat, tactui autem sterna laxet; aut si tactum coercens sæda loquatur, vel oculos suos ab illecebrosis non auertat aspectibus.

Quisquis igitur eâ ratione sapientiæ regnum in se tuetur, eique sensus suos omnes, tum interiores, tum exteriores ita permittit, ut ab eâ regantur, ei militent, ei studiosius obtemperent; is sapientiæ cliens effectus admittitur in eius atria, nondum tamen in domum intimam: quia, ut scribit idem *Hom. 2. in Pf. 38.* Otigenes: *In ipsâ sapientiæ imagine, & nondum in ipsâ sapientiâ ambulamus; quia nondum reuelatâ facie gloriam Domini speculamur.*

Veruntamen dictis affine quiddam apud B. Hieronymum inuenire est: quippe qui etiam in sensu morali exponens illa *Is. 19. v. 18.* *Isaïæ: In die illâ erunt quinque ciuitates loquentes linguâ Chanaan, & iurantes per Dominum exercituum;* ait, per illas quinque ciuitates à plerisque sensus nostros intelligi.

Itaque (inquit) quando videmus mulierem ad concupiscendum, visus noster loquitur linguâ Ægyptiâ. Similiter si ea audiamus, quæ non oportet, si viuimus in delitijs, & ptimis vngimur vnguentis, quando venter noster Deus est, aut si iungamur meretrici: auditus noster & sensus reliqui loquuntur linguâ Ægyptiâ. Sin autem è contrario leuauerimus oculos ad eum qui habitat in cælis; si circuncidetur aures nostras; si Christi bonus odor sumus in omni loco; si gustauerimus, quoniam suavis est Dominus; si manus nostræ contrectent verbum vitæ: tunc visus noster, auditus, & sensus alij loquuntur linguâ Chananitide. Quæ à nobis compendio præstricta, pluribus ille persequitur.

Potrò lingua Ægyptia, lingua mundi est; quam linguam  
alienam



## PARS SECVNDA. CAP. XXVII. 193

alienam & barbaram appellat Augustinus, in Psalmum 136. ita scribens: *Canticum delectationis seculi huius, lingua aliena, lingua barbara est, quam in captivitate didicimus.* Lingua autem Chanaan, eo quidem loco, lingua sancta est; & lingua sapientiae caelestis. Quam utique sonabunt sensus nostri, si illorum actus sapientiae consentanei sint, & foris ostendant, quâ ex scatebra, fontēque interiore proficiantur.

Beatus verò; quem hac ratione, etiam in hoc exilio totum possederit sapientia caelestis: ut cuius iam vita, imago quaedam sit futurae beatitudinis, usurpatio pacis aeternae; atque regni Dei, quod ut adueniat, quotidianâ prece petimus, in hominis mente inchoata praeformatio.

Hoc enim illud est *regnum Dei*, quod (ut Romanis scribit Apostolus) *non est esca aut potus, neque delitiae, opes, potestas huius saeculi; sed iustitia & pax & gaudium in spiritu sancto.* Iustitia inquam perfectissima, in omnium, quae in homine sunt, æquabili responso iustissimoque temperamento consistens; cum nimirum, ut dicebamus, ipsa mens Deo plenè subiecta, in omnibus agitur regiturque legibus sapientiae; atque huius potestas ac dominatus, ab ipsâ regiâ, siue mente humanâ, ad uniuersos regni fines, hoc est etiam ad corporis sensus atque affectus, protenditur; ita ut vndique exillat pax suauissima, nullâ cupiditate aduersus mentem rebellante. De quo regno S. Augustinus libro 1: de libero arbitrio cap. 9. *Eos (inquit) sapientes vocari veritas iubet, qui regno mentis, omni libidinis subrugatione pacati sunt:* qui rursum initio capitis 10. expressius docet, regnum mentis humanae, Sapientiam esse.

Demum in hoc ipso interiore regno mentis humanae, simulacrum quoddam atque imitamentum elucet summi illius ac sempiterni beatissimique regni, quo Deus secum, atque intra se, ab aeterno regnat, & regnabit aeternum. Eri enim Deus, ingens extra se regnum habeat, quo pro arbitrio rebus uniuersis, quas ipse condidit, dominatur, illudque praefertim, quo in suorum electorum cordibus, & modò regnat per gratiam, & aeternum regnabit per gloriam: atamen idem seipso fruens, seque ipsum perfectè possidens, ipse sibi, absque principio, initium quoddam, imperturbatum, atque beatissimum regnum est: de quo ad extremum audire licet antiquum Christianum poetam Claudium Marium Victorem (quem nolim in vnum confundas

confundas cum vestitiore Mario Victorino Afro, quem suprà memorauimus) libro 1. in Genesim, ita canentem :

*Regnabatq; potens in maiestate creandi, (ante mundum videlicet)  
Iam res, & causas rerum, casusq; futuros  
Et facienda videns, gignendaq; mente capaci  
Sacula dispiciens, & quidquid tempora volumus,  
Præsens semper habens; immensum mole beatâ  
Regnum erat ipse suum &c.*

Verùm quibus artibus ad veram aspirare Sapientiam, eiusque in nobis quoddam veluti sacrarium, sedem, regnum valcamus constituere, postremus iam sermo magis ex professo demonstrabit.



TEM-

# TEMPLI SAPIENTIÆ

## P A R S III.

Tropologica Templi Sapientiæ, & morum nostrorum sanctitatem propius spectans, expositio.

### C A P V T I.

*Etiam cuiusque nostrum animam, inhabitantis Sapientiæ Dei, templum efficiendam.*



Item, ad Tropologicum, siue Moralem, sensum quod attinet; id nobis denique hac extremâ Parte ostendendum est: præcipuo quodam nobis studio connitendum esse, ut nostrum etiam cuiusque mentem, ad exemplum cælestis Ierosolymæ, inhabitet, gubernet, possideat Dei Sapientia: in eoque (ut partim diximus in præcedentibus) demum sitam esse; supremam, quæ in hac mortali vita haberi possit, rationalis animæ felicitatem.

Atque, ut inde rem ordiar: Sanctissimam Christi humanitatem, propter diuinum Verbum, substantialiter, & (ut Apostolo Paulo loqui visum est) corporaliter in eâ inhabitans, propriâ ratione templum fuisse diuinæ Sapientiæ, suprâ Parte primâ indicauimus. Idque magno consensu tradunt SS. Patres; qui idcirco verba illa Salomonis: *Sapientia ædificauit sibi domum*; passim ac libenter de Unigenito Dei exponunt, in vtero Virginis sibi corpus humanum ædificante.

S. Augustinus libro septimo-decimo de Ciuitate Dei, locum. *Cep. 20.* illum Salomonicum ex versione Septuaginta Interpretum, de ipso Christo in hunc modum exponit. *Misit seruos suos (Sapientia) cum excelsâ predicatione ad craterem, dicens: Qui est insipiens, diuertat ad me. Et inopibus sensu dicit: Venite, mandu-*

A a

cate

cate de panibus meis, & bibite vinum quod miscui vobis. Hic certè agnoscimus Dei Sapiéntiam, hoc est, Verbum Patri coeternum, in utero virginali domum sibi edificasse, corpus humanum: & huic tanquam capiti membra subiunxisse Ecclesiam, martyrum victimas immolasse, mensam in vino & panibus preparasse; ubi etiam apparet sacerdotium secundum ordinem Melchisedech.

Ad quem etiam locum alludens in suis Confessionibus in hunc modum Deum alloquitur: *Verbum enim tuum aeterna veritas, superioribus creatura tua partibus supereminens, subditos erigit ad seipsam: in inferioribus autem, edificauit sibi humilem domum de luto nostro; per quam subdendos deprimeret à seipsis, & ad se traiceret; sanans tumorem, & nutriendum amorem.*

Ep. 13. Leo Magnus in quadam epistolâ: *Sacramentum reconciliationis nostræ, nullè implebatur figuræ; quia nondum superuenerat Spiritus Sanctus in Virginem, ut & mira intemerata viscera edificante sibi Sapiéntiâ domum, Verbum caro fieret &c.*

L. 33. c. 11. S. Gregorius in Moralibus. *Vnde bene per Salomonem dicitur: Sapiéntia edificauit sibi domum. Sapiéntia quippe domum sibi condidit, cum Unigenitus Dei Filius in semetipso intra uterum Virginis, mediante animâ humanum sibi corpus creauit. Sic quippe corpus Unigeniti, Domus Dei dicitur; sicut etiam templum vocatur. Pro quo videri potest Tertullianus libro 3. contra Marcionem cap. 21. ubi ait: Christum esse Catholicum Dei templum, in quo Deus colitur, constitutum super omnes eminentias Virtutum & Potestatum &c.*

Rupertus Abbas libro 1. in Cantica, de B. Virgine loquens: *Vt totum sanctum fieret habitaculum, in quo Deus totis nouem mensibus habitaret, tota omnino munda materia, de qua sancta Dei Sapiéntia domum æternam sibi met edificaret.* Et alio in loco docens, domum ædificatam à Sapiéntia, esse domum non manufactam, templum Dominici corporis; adiungit (consentaneè S. Augustino sermone quodam) eam quidem fuisse ædificatam in Incarnatione, sed dedicatam in Resurrectione. Quibus paria habet Potho Prumienfis libro de Magna domo Sapiéntiæ, sub finem.

L. 9. de glorif. Trin. c. 12. &c.  
Serm. 256. de temp.

Alij plures videri possunt apud istius loci Interpretes.

Simili de causâ Mariam Virginem dictam intelligimus sedem ac templum Sapiéntiæ; quod Verbum Dei, tum spiritaliter in eius mente, tum mensibus nouem in eius utero corporaliter inhabitavit: quam ob causam dixit S. Thomas: *Dei*

*Filium,*

# PARS TERTIA. CAP. I. 197

*Filium, qui ( inquit ) est Dei sapientia , singulari modo in ipsa* 3. p. q. 27.  
*habitasse.* art. 4.

Eandem Bernardus appellat *Domum Sapientia*. Alij autem *Strm. 9. ex*  
*plures tabernaculum Dei* : quippe qui de eâ intelligant , quod *parnis.*  
in Psalmo dicitur : *Sanctificauit tabernaculum suum Altissimus.* Ita *ps. 45. 75.*  
Athanasius, Hieronymus, Damascenus &c.

Ambrosius ad illud Apocalypsis: *Et apertum est templum Dei* *Cap. 11. v.*  
*in celo* : Possumus, inquit , per templum Dei , Mariam intelli- *19.*  
*gere* ; per arcam *verò testamenti* , Christum , qui ex ea carnem as-  
*sumpsit.* Quò etiam facit , quod apud S. Birgittam , eandem in- *L. 3. c. 19.*  
uenimus , templo Salomonis præclarè comparatam.

Tandem Patres Basilcenses, de conceptione agentes glorio-  
sæ Virginis, *quæ ( vt aiunt ) ipsam Patri sapientiam , Dei Filium* *seff. 36.*  
*eternum , in utero pertulit* ; subiungunt , eâ de re agi , *quæ san-*  
*ctificationem & dedicationem templi illius concernit , in quo ante sa-*  
*cula , antequam terra fieret , & ab aeterno , sibi mansionem ordinauit*  
*prima & aeterna veritas.*

Cæterùm & mentem cuiusque iusti, atque illius potissimùm,  
qui non modò virtute, quâ sibi, sed insigni etiam sapientiâ, quâ  
alijs profit, excellat; templum Sapientiæ censendam atque ap-  
pellandam esse, quouis facili colligat.

S. Doctorem Augustinum laudans S. Prosper in carmine de  
Ingratis, ita de eo canit inter cætera.

————— Nam cibus illi,  
Et vita & requies Deus est, omnisq; voluptas,  
Vnus amor Christi est, vnus Christus est honor illi :  
Et dum nulla sibi tribuit bona, fit Deus illi  
Omnia, & in sancto regnat Sapientia templo.

Aurelius potrò Prudentius ita canit Hymno de S. Romano  
martyre :

Ædem sibi ipse mente in hominis condidit,  
Vinam, perennem, sensualem, stabilem,  
Solui incapacem posse, nec destructilem,  
Pulchram, venustam, praeinentem culmine,  
Discriminatis inlucam coloribus.  
Illic sacerdos stat sacro in lumine,  
Foresq; primas virgo custodit Fides, &c.

*Peri seph.*  
*hymn. 14.*

Quibus illam ædem omnino videtur describere, quam in hominis mente ipsa sibi condit Sapiencia; cuius tum æditua, tum mystis, Fides sit, siue Religio, reliquarum comitatu cincta virtutum.

Idem alio in loco ita Deum iuducit loquentem, ut templum se dignum dicat esse mentem hominis; ei affine quod sua gloria, sua lux siue sapientia, ipsum inquam diuinum Verbum, in humanâ carne sibiimet olim ædificauit. Huc pertinent hi versus, aduersus Symmachum scribentis:

*Templum mentis amo, non marmoris. ———*

*Hæc domus apta mihi est, hæc me pulcherrima sedes*

*Accipit, æterno celestiq; hospite digna.*

*Nec nouus hic locus est; fluxit mea gloria in artus,*

*Et lux vera Dei, Deus, illustrauit alumnâ*

*Materiem, corpusq; Parens habitabile fecit*

*Ipse sibi, placido ut possit requiescere templo.*

Hæc Prudentius.

L. 5. de insit. c. 8. In eundem sensum disputans Lactantius Firmianus: Cuius templum, ( scilicet Dei ) non lapides aut lutum, inquit, sed homo ipse, qui figuram Dei gestat. Quod templum, non auro & gemmarum donis corruptibilibus, sed æternis uirtutum muneribus ornatur. Et alibi rursus. Firmius & incorruptibilis templum est pectus humanum. Hoc potius ornatur, hoc ueris illis numinibus ( uirtutibus inquam ) impleatur.

Quod autem ait, pectus humanum; in mentem reuocat quod de martyre Leonide, Origenis Adamantij patre, accepimus: cum scilicet in Origene suo adhuc puero, diuinitus indita celestis cuiusdam sapientie semina demirantem, dormientis pectus sæpenumero denudasse, atque ( ut ait, eam tem narrans Eusebius ) illud perinde ac si sacer Dei Spiritus idem ipsum sibi tanquam templum consecrasset, reuerenter osculatum esse.

Lib. 6. hist. c. 2. Demum S. Bernardus sermone quodam: Beatus ( inquit ) in quo sapientia ædificat sibi domum, excidens columnas septem. Beata anima, quæ sedes est sapientiæ; anima utique iusti. Templum enim sanctum est Deo ( ut idem alibi ) mens pia, & altare optimum cor eius. Quod iam olim dictum à Sixto, non Martyre, sed Philosopho, iisdem ferè verbis extat apud Augustinum libro de natura & gratia cap. 64.

et. li. 3.

Neque

Neque verò id tantùm nostris hominibus, sed inter externos etiam Hierocli Pythagorico Philosopho, compettum fuisse animaduertet, qui apud eum legerit: *illum solum nosse, Deum honorare, qui per Sapientiam atque Virtutem, animum suum, diuinum simulacrum faciens, mentem quoque suam, ad diuini luminis susceptionem, templum Deo ipsi construit.* *In eam. Pythag.*

A quâ etiam mente non abludir Philo Iudæus in libro de Cherubim, vbi cùm quæssisset: *Regi regum, & huius vniuersi mundi rectori Deo, comitatis atque humanitatis causâ dignato suam creaturam inuisere, qualem tandem domum oportet instrui? Etiam si tota terra (respondet) aurum, aut siquid auro pretiosius repente fieret, moxq; per opificum artes in porticus, vestibula, aulas, areas, aedificia, sacras impenderetur, ne scabellum quidem eius pedibus posset fieri. Dignum tamen eo domicilium anima est, si sit idonea.*

Pergit autem Philo deinceps ostendere, quibus illa rebus ad id munus idonea reddatur. In primis siquidem requiri generosam indolem, institutionemque præclaram, quibus virtutes honestæque actiones superstruantur. Atque ex virtutibus, earumque actionibus, munimentum firmum accedere ædificio: his tamen etiam orbem doctrinæ, humanarumque disciplinarum encyclopediam adiungendam.

A disciplinis enim encyclicis pendere totum ornatum animæ: hæcque esse velut picturas, tabellas, marmoratas inscriptiones, quæ vt ad firmitatem nihil conferant, ac afferant tamen delectationem. Atque ad taliter instructam domum, aduenturas à cælo Virtutes seu Potentias, leges (vt inquit) iuraque ferentes, & eam consecrent, iuxta Patris ipsarum iussa ac voluntatem.

Verùm nos, quibus præsertim artibus, anima iusti sese comparet, conformetque in ædem ac sacrarium Sapientiæ; quibus item vijs, decus illud suum exornet atque tueatur, magis à Christianæ Philosophiæ, regulâ, veræque scitis sapientiæ, age, tradamus.



## CAPVT II.

*Rectam indolem sincerumq; animum, ad Sapiëntia disciplinam, eiusq; in nobis adẽ excitandam, adferendum.*

*5 ep. 1. 7. 4.* **Q**uam in rem in primis ponendum est, id abhorrens non esse à Christianâ philosophiâ pronuntiarum. Quippe cùm notum sit istud è diuinis Oraculis : *In maleuolam animam non introibit sapiëntia, nec habitabit in corpore subdito peccatis.* Quod quidem licebit, rei nostræ gratiâ, triplici viâ, seu sensu, exponere.

Et primùm quidem vniuersè ac generaliter; vt, qui diuinæ Sapiëntiæ candidarus sit, sibi intelligat ab omni noxa atque peccato esse cauendum.

Deinde, vti speciatim nominatimque admoncamur; non posse quenuquam Sapiëntiæ templum effici, qui impuritate concelceratum animum, & luxuriæ sordibus tanquam pollutum atque incestum, habuerit.

Postremò, vt hoc quoque sensu dictum putemus, non habiraturam Sapiëntiam in corpore subdito, seu obnoxio, peccatis; quòd ipsa etiam sapiëntia corpus, requirat bene compositum, atque ad virtutem quodammodo factum atque pro pensum, indolem felicem, rectam, sedatam, neque villis virijs, seu grauioribus animi motibus ac perturbationibus obnoxiam.

Atque, vt de singulis horum dicturus, ab eo quod postremum posui, quodque huius capitis proprium est, incipiam: Satis compertum est inrer omnes, præclaram indolem, & emnens quidem, sed naturâ sedatum ingenium; plurimum scilicet ad insignem sapiëntiam, plurimum ad excellentis virtutis decus, præsidij atque opis adferre. Neque enim pueruërfa indoles, aut suopte ingenio quodammodo in vitium propensa, faciliè admittit disciplinam sapiëntiæ; aut diuinæ lucis imaginem bellè recipit ac reddit animus varijs communis affectionibus, neque pacatè secum consistens; sed huc illucue irrequietè, prout illum sua natura impulerit, perpetuò distractus atque dispersus.

Superius à nobis laudatus Philo, præstantem ac lætam indolem,



dolem, velut pro fundamento constituit, cui inædificatæ atque superstructæ virtutes, in hominis animâ I Deo dignum templum efficiant.

Eademque gratiâ Deo sibi que gratulabatur Rex sapiens, quod ad sapientiæ satus admittendos, bene fuisset à naturâ compositus, & tum *sortitus animam bonam*, tum etiâ *corpus incoinquinatum*, purum inquam à vitiosis affectionibus, bene constitutum, & cum animâ præclarè consentiens.

Arque olim quidem existimauere nonnulli, de cælo demissas grandes animas, pro sua quasi magnitudine, congruens sibi domicilium aptare, & siue venturas in corpus, dignum prius metari hospitium, siue cùm venerint, habitaculum fingere pro habitu suo. Vbi nos magis Christianè dixerimus, insertam ipsi mundo mentem, diuinam inquam providentiam, quos ad magna quædam speciali curâ destinet, his ad fines suos opportuna aptare instrumenta, ipsaque corpora ad destinatæ virtutis laudem (tanquam si ea meliore ex luto argillâue componeret) bellè attemperare. Eosque adeò, quos sibi futuros sapientiæ mystas, sacrosue ministros, constitueris, ijs etiâ indolem ad id idoneam, conspirantemque corporis habitum, ab ipso conceptu conciliare. Quò illud pertinet Græcum verbum, cuius veritatem sanctitatemque apud Boëtium ipsa commendat Philosophia: *Ἄνθρωποι τῶν οὐρανῶν ἀνθρώπων θεοποιεῖται*: hoc est, *Viri sacri corpus*

*Virtutes adificiant. Virtutes autem, Græcè ἀνθρώπων, hoc est Potestates.* Siue eâ voce vim ipsam diuinam intelligamus, aut facultatem quamuis Deo propriam: quasi ipsa Dei sapientia, potentia, bonitas, in hominis sacri, Deoque in templum ædificandi, componendo corpore, speciali quadam providentiâ allaborent. Siue Dei ministras potestates Angelicas; quibus id studij curæque incumbat, humanos conceptus (eosque maxime quos ad munia præstantiora destinari constiterit) ad diuinæ rationes providentiæ, modulari, & suis quemque finibus peridoneum instructumque reddere. Huc enim facit vetustum illud Tertulliani pronuntiatum: *omnem hominis in utero ferendî, fruendî, fingendî paraturam, aliqua utique potestas diuina voluntatis ministra modulatur, quamcunque illum rationem agitare sortita.* Quo ille nomine, potestatem Angelicam intelligit. Etenim sequitur: *Nos officia diuina, Angelos dicimus.* Ita Tertullianus.

Neque tamen, si eâ in parte quisquam minùs benignam atque

Sep. 8. v. 19.  
20.

Let. poet. id  
pungit.

L. 4. de  
fil. prof. 6.

De anima 6.  
37.

atque fauentem naturam expertus sit, continuò est illi sapientiæ possessio desperanda. Quanquam enim proba atque facilis indoles, auctoris naturæ proprium ac speciale donum sit; nec verò cuiquam sit integrum, in ortu suo qualem maluerit naturæ conditionem adoptare: attamen indolis minùs felicitis ac naturæ vitia emendare potest, tum sancta parentum accuratæque educatio, seueriorque iam à teneris disciplina; tum ipsius quoque, qui sese nonnullo cælestis sapientiæ desiderio incendi senserit, adolescentis, eò acrius atque contentius egregia-  
*studium*, rum artium, & aduersus improbos animi motus, priusquam conualecant, sedula & constans atque pertinax decertatio; super omnia autem, frequens ad Deum, Patrem luminum recursus, per vota, preces, suspiria: ita admonente B. Iacobo  
*Lac. 3. 7. 5.* Apostolo: *Siquis vestrum indiget sapientiâ, postulet à Deo: & dabitur ei.*

Nimirum neminem auersatur Dei Sapiencia: sed (sicut scriptum est) *facile videtur ab his qui diligunt illam, & inuenitur ab his, qui querunt illam.* Atque vt Clemens Alexandrinus libenter communicans *& humanum quiddam* (Græcè *κοινωνία καὶ φιλότητος*) est sapientia. Tantùm, seriò desideretur, constanter quærat, atque eius obtinendæ gratiâ, vis aliqua prauis inferatur naturæ cupiditatibus: quoniam (vt ibidem subdit Scriptura) *initium illius verissima est disciplina concupiscentia*; vbi disciplinæ nomine, secundùm Interpretes, significatur prauarum affectio-  
*P. 18.* num & cupiditatum castigatio.

His artibus quisque, ad extremum consequi poterit, vt indolis defectum diligenti suppleat industriâ, & (vti fieri amat in plantis agrestis ingenij) quod naturâ non habuit, quadam veluti infusione adsilcat; atque ita labore improbo, constantique conatu, dignam Deo sedem ac domicilium in suo pectore constituat.

At enim Platonem animaduerto, ea in parte, æquo fortassis austeriorem; vt qui in quadam epistola, ad spem aliquando adipiscendæ sapientiæ, tantum momenti ponit in indole, *Ep. 7.* vt nisi qui naturâ (vt ipse ait) *sapientiæ cognatus sit*, neget vnquam futurum sapientem. Qui etiam magni viri sensus, videri possit à formâ loquendi diuinæ Scripturæ nihil admodum abhorrere. Nam illa Ecclesiastæ cap. 7. v. 14. *Confidera opera Dei, quod nemo possit corrigere, quem ille despexerit*; mihi quidem videntur, posse in hunc sensum, ipsû textui valde congruentem,

gruentem, accipi; ut eum nimium videatur despexisse Deus, cui indoles deterior *pius*, distotta; & ad sapientiam atque virtutem minimè facta, contigerit. Ex quo proinde quispiam inferat, frustra fore, si quis in eiusmodi corrigendo, operè quicquam posuerit.

Veruntamen, quod ad Scripturam attinet, ex illius sensu etiam is dicitur non posse corrigi, qui non nisi difficulter valde corrigitur: secundum quod eiusdem libri cap. 1. v. 15. dicitur: *Perverfi difficilè corriguntur*; cum tamen in textu Hebræo eadem utrobique voces habeantur.

Et Platoni sanè dare possumus: si sapientiam hic accipimus, excellentem quandam rerum diuinarum humanarumque scientiam, ad eam frustra aspiraturum, qui non à natura ingenioque ad eam factus & comparatus sit. Verùm eam hoc loco paulo molliùs accipientes; eum etiam dicimus, qui alioqui minùs sit felicitis indolis, labore improbo curaque sollicità, ita formari, atque eò denique adduci posse, ut & genetalia quædam, magis obuia præcepta sapientiæ, capere & adamare condiscat, & ad ea vitam moreque suos accommodare, in eumque sensum ex sapientia & virtute vivere. Eoque proinde meritò recipiendum, laudandumque verbum illud Horatij, *Lib. 1. ep. 1.* in quadam epistolâ pronunciantis: neminem adeò ferum esse, qui non possit miscere, si modò culturam manumque formantis patiatur.

Quid enim valeat in teneris animis, quamlibet indole difficili, naturæ asperiore præditis, accurata & solers educatio; vel in belluis ipsius videre est, quarum fetus infantes (uti loqui amat Plinius) inter nos educti, nobisque assueti à teneris, sensim dediscunt indolem suam, neque ad vsus nostros finguntur tantum, sed velut in mores atque instituta transeunt, & si dicere liceat, quendam accipiunt quasi colorem, siue tincturam, humanitatis. Quam in rem licet Papinij Statij versus obiter recognoscas:

— Ut Leo, materno cum raptus ab ubere, mores  
Accipit, peccatq; iubas, hominemq; vereri  
Edidicit, nullasq; ruit nisi iussus in iras.

*Lib. 1. Achil.*

Erit igitur, siue diligenti alienæ ætatis institutori, siue unicuique, cum sese nosse ac respicere cœperit, in eo præsertim omnis ponenda industria; ut principiis obstet, naturæque vi-

tia, quæ seu ille in alumno suo, seu hic in seipso, deprehenderit, opportuno studio, curæque constante compellat; priusquam scilicet insita conualeseat improbitas, ubi morâ robustior facta sit, nullâ fortasse vi, indoltrinaue, conuellenda. Sed nos huius rei rursus commendandæ occasionem, in sequentibus captabimus.



## CAPUT III.

*Conditum in nobis Sapientia templum, animi puritate, corporisq; pudicitia tuendum esse atque colendum.*

**I**Am purus ille castimonie nitor, & corporeis animique munditia, quàm necessaria ratione, ad sapientiam, seu comparandam, seu conseruandam, adhibenda sit; licebit ex his intelligere.

Elegans est, & huc propriè faciens illud, ex suprâ memorato Afro Doctore, quodam expressum compendio: *Templum Dei esse animam nostram: cuius æditua & antistes sit pudicitia.* Etenim si in his templis quæ saxo constant aur marmore, cura præcipua munditiæ habenda est, eoque adhibetur ædituus, qui loci nitorem sanctitatemque tueatur: quanto magis templum pectoris nostri, quod magis propria, magisque chara diuinitatis sedes est, omni labe purum incorruptumque seruiabit?

*Ep. 30. ad Celsus.*

*Nihil enim quietius, nihil purius (inquit S. Paulus) nihil denique pulchrius eâ mente esse debet, quæ in Dei habitaculum præparanda est; quem non auro fulgentia templa, non gemmis altaria distincta, delectant; sed anima ornata virtutibus.*

*L. 1. de cult. sam. c. 1.*

Perficiè igitur Terrullianus, ut ipsas eius voces proferam: *Cum omnes templum simus, illato in nos & consecrato Spiritu sancto, eius templi æditua & antistes, pudicitia est; quæ nihil immundum, nec profanum inferri sinat, ne Deus ille qui inhabitat, inquinatam sedem offensus derelinquat.*

Neque verò ædi sapientiæ in nobis tuendæ conseruandæque congruenrior assignetur æditua, quàm ipsa pudicitia: quæ, & pro tuo proprio munete, spurcitiam omnem ab eâ longè aspellit, & quandam habet specialem atque intimam cum sapientiâ cognationem.

Atque ex illo sanè Gregorij Theologi viso, quod altero ab-  
hinc

hinc capite memorabimus, haud absurdè dicere liceat: germanas esse castitatem & sapientiam, easque inter se amicas aded, atque confertas; vt nec conciliandæ retinendæque castitati quidquam sic valeat, atque studium sapientiæ; neque ad hanc è contra pareat aditus, nisi sequestrâ & conciliatrice, & quasi manuducenre castitate.

Velut enim pronuntiat Apostolus: *Animalis homo non percipit ea quæ sunt Spiritus Dei*: ita videlicet, vt qui cordis gustatum spicæ voluptatis amarore infectum habeat, gustare non possit sinceræ virtutis, & lucis incorruptæ suauitatem. Atque atræ terræque nebulæ, nescio quo modo de limo carnalis concupiscentiæ exhalantes, mentem offuscant, rationem obnubilant, oculis eripiunt cæleste lumen, ne facilè valeant veræ sapientiæ decorem, & veritatis vim ac dignitatem aspicere. Denique veluti, nisi mundi corde Deum non vident: ita radium diuinitatis, quo nomine appello ipsam diuinorum intelligentiam, nisi mens munda non recipit.

S. Augustinus in psalmum scribens trigesium secundum: *Enarr. 1. Sapientia Dei, inquit, quam pulchritudinem habet? Per illam pulchra sunt omnia, quæ oculis placent. Ei videnda, complectenda, corda mundanda sunt: cuius nos amatores proficemur: ipsa nos componit, vt ei non displiceamus.*

Quapropter animum sapientiâ excolere volenti, contemnenda voluptas corporis: cuius motus vt quisque est maximus, (quæ apud Augustinum verba sunt Ciceronis in Hortensio) *L. 4. contr. ita est inimicissimus Philosophiæ.* Quod multo maximè verum videtur in præstantiore nostrâ istâ Philosophiâ; quæ sicut nobilem atque cælestem habet originem, ita se vilissimo terrenarum affectionum cœno misceri non paritur.

*Quæ enim de sursum est sapientia* (inquit B. Iacobus) *primum quidem pudica est &c.* perinde atque si in hoc sita sit prima atque propria eius laus; vt non nisi sedem pudicam amet, neque in corpore incesto, aut mente impuratâ, habitare patiatur.

Solâ nititur allegoriâ, sed rem ipsam tamen aptè declarat, quod modò subiicimus. Inter arcam Domini & Dagon Deum Azotiorum, quàm graues fuerint, quàmque capitales (si dicendum est) inimicitiz; vt in templum Dagon illata arca, eius simulacrum, neque iuxta se consistere, neque verò coram se integrum & incolume remanere pareretur: ex sacrâ Regum con-

7/95. 7. 4. Cuius aduersitatis quanquam ista potest communis adferri ratio: eo pacto demonstrandum fuisse, falsis gentium Dijs quanto præstaret Deus Israël; solus quippe Deus, & rex magnus & terribilis super omnes Deos: succurrebat tamen & hanc propriam subesse causam, peculiaremque potuisse: quo nempe daretur intelligi, quam inter se pugnent Veneris cura, & amor Sapientię; atque vbi cælestis Sapientia dominetur, fædę voluptati locum non esse; vti neque in voluptatis regno, sapientiam posse consistere.

Observandum quippe venit hoc loco; quemadmodum arca, ex ijs quæ primâ Parte diximus, sedes ac symbolum fuit diuinę Sapientię: ita Dagonis simulacro voluptatem impuram representari. Erat enim Dagon (velut speciatim annotauit Iosephus Scaliger in suis ad Manilij Astronomica animaduersionibus) idolum Veneris; quæ piscis formâ (vti Hebræa quoque vocis origo indicat) à Chaldæis & Syris, (Palaestinisque nominatim) colebatur. Quod quidem cum olim, inter studia iuuenilia, legendo obseruassem, simulque animaduenterem, in diuinâ Scripturâ, vbi de Dagonis clade sermo est, capitis quidem & manuum, sed nullam pedum, saltem in vulgatâ, eademque Hebræo textui consentaneâ, editione, fieri mentionem; facile in eam suspicionem incidi; id Palaestine Veneris simulacrum, Sirenis formam prætulisse. Quod demum vidi expressè traditum à Nicolao Serario nostro: qui id egregiè ex his confirmat, quæ de Derceto, Ascalonis Deâ, scribit Diodorus Siculus; eam scilicet, faciem quidem mulieris, reliquum corpus piscis habuisse. Cui auctori deinde alij interpretet assensere.

In Indic. c.  
16. q. 23.  
Lib. 2. c. 2.

Non stat igitur Dagon cum arca Domini, hoc est, Venus cum diuinâ Sapientiâ: vt quicumque cupit arcem tenere sapientię, intelligat sibi voluptatis caltra fugienda: commoneaturque egregiarum artium studiosa iuuentus, siquos, vti fit, præclarę virtutis aut nobilioris sapientię igniculos à natura Deoſe ſubimet inſitos ſenſerit, hos ne incautiſ occipiat prauis reſtinguere cupiditatibus, & æternam de ſe ſpem fallere, illecebris ſeducſta intempeſtiuę voluptatis.

Serm. 246. Intet B. Auguſtini ſermones, quidam habetur ad iuuenes, quem his inchoat verbis: *Ad vos mihi, ſermo, ô iuuenes, ſlos ætatis, periculum mentis.* Vbi, ei lubricę ætatis periculo obuiare volens, eos prolixè adhortatur ad voluptatis fugam, ſtudio- que

Serm. 246.  
de temp.

que celestis sapientiæ; cui multis contendit, nulla mundi bona, nulla sensuum lenocinia, vilo pacto esse comparanda. Vos ergo, inquit, o iuvenes, maximè monemus & hortamur, ut veræ virtutis pulchritudine capiamini. Nulla species terrena vel celestis, nullus fulgor metallorum, nulla nemorum amenitas, nulla florum purpure, nullus vel naturalis vel adhibitus carnis ornatus, nullus quarumlibet chordarum atque tiliarum sonus, nulla odorum incunditas, nulla saporum suauitas, nulli amplexus, pulchritudini, inspirationi, dulcedini, fomentis sapientiæ conferantur.

Tum & illa subdit: Ab his enim quæ turpiter amantur, non ab ipso amore, prohibemur. Amare vultis? Amate sapientiam, ambite ut perueniatis ad eam: proponite hanc adiungere vobis; ut sponsam videlicet: in illam suspirate, in illam inardescite, in illam deperite.

Demum ipso extremo sermone, quasi hæc omnia verbo concludens, eos ad Danielis adolescentis vocat exemplum: Danielis (inquit) desiderijs astuate. De quo nimirum hæc eodem sermone præmiserat: Daniel ab Angelo vir desideriorum appellatus est. Quæ erant illa eius desideria, nisi quibus in sapientiæ pulchritudinem ardentè inhiabat? nisi quia in iuuenili ætate calcavit lasciuiam? Quæ item adiunctione S. Doctor, satis id confirmat quod nunc agimus: ad sapientiam aspiranti adolescentiæ, huius desiderio fugam deliciarum, & cupiditatum refractionem, consociandam.

Quod vel ipse Plato adeò pro comperto habuit, ut epistolâ quadam serio affirmareque pronuntiet: Neminem omnium *Epist. 7.* qui sub celo sunt, si delitijs ab adolescentiâ innutritur, quamvis naturâ & ingenio excellenti præditus sit, unquam euasurum esse sapientem.

Quamobrem & Doctor Angelicus, cum suo etiam experimento comperisset, quàm necessaria sit sapientiæ amatori, prauarum omnium cupiditatum, atque illecebrarum iuuentutis auersatio, seque adeò meminisset, tum vitæ puritate, tum eâ (quam etiam Sapientiæ studiose iuueni per necessariam significat S. Hieronymus) orationis ad Deum instantiâ, angelicam illam sapientiam esse consecutum; hæc ipsa enixè solebat bonarum artium disciplinarumque studiosis commendare. Extatque adeò inter S. Doctoris opuscula, eiusdem (ut fertur) ad *Opus. 68.* quendam nomine Ioannem epistola, de ratione ac via ad sapientiam perueniendi. Vbi cum alia prudenter admonet, tum

duo illa iunctim commendat, puritatem atque precandi studium: *conscientia*; inquit, *puritatem amplectere, orationi vacare non desinas*. Satis utique gnarus; ei, quod quilibet in mente sua moliatur, ædificando templo Sapientiæ, hæc tanquam fundamenta firmissima, præstruenda atque præstituenda esse.

Restabat ex suprâ propositis tertium illud; ut generatim ostenderemus, peccatum quodlibet fugiendum cultori sapientiæ: sed quoniam video, me istud coniunctim in præsentis capitis tractatione attingisse, eritque aliàs eius exponendi locus proprius, cum ex professo demonstrabitur, peccatum ex suo genere cum sapientiâ summè pugnare; nihil nisi hoc loco adiungam, præclarum, & rei, quæ præ manibus est, perappositum Gregorij Nysseni testimonium. Ita igitur ait, oratione de formâ perfecti Christiani: *Siquis nimirum verè sit templum Dei, nullumq; in seipso malitiæ idolum aut simulacrum contineat, is à mediatore, ut diuinitatis particeps fiat, admittetur, cum purus sit & ad puritatem ipsam suscipiendam idoneus. Neque enim in malucolam animam, ut scriptum est, introibit sapientia*. Sic ille.



#### C A P V T IV.

*Ad hoc ipsum referre plurimum; siquis à primis annis sapientiam adamauerit, eamq; in sponsam sibi adoptare studuerit.*

**A**ffine est istud proximè dictis: attamen, ut suâ propriaque ratione subnixum, seorsum modò exponendum est.

*Epist. 98.*

Nam cum (ipso quoque teste Seneca) *Sapientia perfectum sit bonum mentis humana*, adeoque excellum & arduum, ut non nisi generoso conatu, assiduâ operâ, & longo labore quæretur: æquum sanè esset humanam mentem, continuò atque euigilauit, & tanquam excusso illo torpore, quo iners illam obligauerat infantia, exorientem lucem aspexit, splendoremque hausit, primis quasi radijs sibi alludentis, Sapientiæ; eiusdem specie atque decore captam, primis illam optare & affectare desiderijs, hisque inijs conceptum studium, ardoremque quendam amoris, in omnes deinceps ætatis annos propagare. Nam cur tanti boni, tamque sibi proprii, usurâ (quod

in



in ipsâ est) vel ad momentum sese carere patiatur? In cuius perfectam possessionem, si iam tum admitti nequeat; at potest tamen ad eam sensim aptare sese, & quandam illius inchoationem, rudimentum, gustulum, informationem præcipere.

Atque si (vt id ita dicam, ad quandam aspiciens, aliâs re-  
latam, Epicteti pulchram cogitationem) si, causâ exempli, pullus olorinus, iam à principio agitare occipit, quod olorum est, & luscinola, quod lusciniarum est, meditatur; atque vniuersè animantis cuiusvis tener fetus, iam tum affectare ostendereque gaudet sui generis indolem, & quibusdam velut futurorum operum tentamentis, infantiam suam, ad ea quæ sunt naturæ cuiusque cognata ac propria, erudire: quidni delectet mentem humanam, vbi primum illis, quæ dixi, vinculis exsoluta, sibi metipsi permissa est; primisque afflata honesti, pulchrique notionibus, indolem suam circumspicere, & seipsam quasi sentire cœpit; continuo ad boni illius sibi proptij blandum aspectum, illius amore inardescere, & iam tum proinde affectare quod est hominis, ratione regi, honesta sequi, demum naturæ conuenienter, hoc est, à sapientiâ vivere?

Sed quando ea felicitas admodum profectò paucorum est: ceteris quippe est ipso principio atque infitimus hominis animus, rationemque vixdum experrectam præuertunt auertuntque sensus corporis; demum, pueritiam puerilitas comitatur: id erit proinde omni studio & caurione providendum; vt qui ipso ætatis progressu sese cælitus sortitum animam bonam, & clarâ iam luce persusum senserit cælestis sapientiæ, à primâ saltem adolescentiâ, toto se pectore ad eius studia transferat, & amator factus formæ illius, cum mortalium sapientissimo, exquirat illam in sponsam assumere, eiusque amoris nihil omnino anteponat. Nihil scèdius infeliciusque ducens (sicuti teipsa res est indignissima homine) quàm si aliquando à luce auersus adamare sapientiæ, ac degener cælestis indolis, quamlibet exiguam ætatis suæ partem dedat stultitiæ; hoc est, eo cesset hominem vivere, ad brutam indolem, moreisque belluinos abiectus.

Ad quod nos studium, vt alia in præsens omittam, ipsum etiam sanè sollicitè impellatque diuinitatis exemplum. Vt nempe quemadmodum Deus id omni suo attendit in opere, vt (quod ait Scriptura) omnia in sapientiâ faceret, atque, vt

*Apud Arr.  
l. i. c. 16.*

*Sap. 8. v. 2.*

à no-

à nobis Parte alterâ demonstratum est, ab ipso sæculorum exordio, eam sibi ubique assistentem, & secum cuncta molientem, condentem, gubernantem haberet: ita nos pariter instituamus vitam nostram, ut, quoad eius fieri poterit, ipsos etiam annos vitæ primæuos dedicemus studijs sapientiæ, eamque adolescentiæ ducem atque magistrā, iuuentutis rectricem & consiliatricem, senectutis solatium ac præsidium habeamus. Illud omni studio providentes, nequa nos dies aut occasio, neque quis maximè vitiorum æstus, aut ardor lubricæ adolescentiæ, ab eius veluti dilectissimæ sponsæ suavisimis vberibus, castissimisque amplexibus, infelice casu, nec postea facillè reparabili damno, diuellat.

Paucis enim fortasse contigit, eorum qui æstu remerario iuuenilium cupiditarum abrepti, atque à verâ auerti sapientiâ, vitiolam egerint adolescentiam, cùm Francisco Petrarcha dicere: *Adolescentia me corrupit, iuuenta corripuit, senectâ corripuit.*

Cùm è contrario, ut est in malum quàm bonum propensior corruptæ naturæ conditio; plures, quorum ætas tenerior, per præclata virtutis atque sapientiæ studia, honestissimè exacta sit, ad extremum destituerit constantia; in hisque, aut subita tempestas, aut per inertiam sensim succrescens infelix vitiorum lolium, primos illos satus, quantumvis lætos atque felices, contagione suâ corruerit, & magnam illam spem miserè ac fœdè interruerit.

Atque, ne Regem Salomonem, acrem illum, & vel à teneris perstudiosum amatorem sapientiæ, aliosque plures recenseam, post minores annos, in ipso quasi sinu atque complexu sapientiæ, innocenter ac purè & eleganter actos, ætatis progressu, aut ipsâ etiam infelice senectâ, corruptos: Magnus Augustinus, cuius nos exemplis distilque in hac dissertatione libenter vtimur, ut sortitus erat & ipse animam bonam, admodum etiam adolescens, lecto Ciceronis Hortensio, qui

L. 3. Conf. c.

4.

liber exhortationem continebat ad Philosophiam, cuius nunc sola fragmenta supersunt apud ipsum Augustinum & alios; eo inquam libro studiosè perlecto, ita sese ait ad alia vota desideratque conuersum, ut repentinè vilesceret illi omnis vana spes, & immortalitatem sapientiæ concupisceret cæstu incredibili; excitatus scilicet eo sermone, ipsam quæcunque esset, ut diligeret, & quæteret, & assequeretur, & amplexaretur sapientiam;

# PARS TERTIA. CAP. IV. 211

tiam; cuius pulchritudinis lineamenta, tametsi rudia atque obscura, attamen talia quibus caperetur honestus, & pulchri atque decori amans animus, eâ in scriptione animaduertat. At mox inardescente malè cautè ætatis illecebrosâ concupiscentiâ, & quam animo iam informatat, immortalis sapientiæ speciem obnubilante, subito extinctus est ardor ille mentis pulcherrimus; ipseque adeò in transuersum actus, ijs erroribus miserisq; iactatus est, quas tantopere deplorat, dolenterq; describit, in suis Confessionibus. Tametsi is postea, verùm singulari ( vt ipse agnoscit ) Dei miserantis beneficio, ex his tandem fluctibus emerferit; eò attentior constanterq; diuinæ illius pulchritudinis amator futurus, quò illam seriùs quàm par esset agnitam, etiam serò nimis adamauerit.

Quo quidem propriæ infelicitatis documento, etiam aliorum adolescentiæ metuens, libris de Ordine, Eutropio cuius Lib. 1. c. 2.dam interscriptis atque transmissis, illum familiarem sibi que charum iuuenem, in quo indolem probam, animumq; ut ait, omnimodæ pulchritudinis amatorem, atque in hoc ipso argumentum quoddam futuræ sapientiæ,prehenderit; sollicitè admonet, vt animo sit expectrecto ac vigilanti; ne fortè ledectus rerum pereuntium falsâ ac fallaci specie, inditum iam sibi sapientiæ amorem, non turpiter modò & flagitiosè, verùm etiam periculosè, deserat. Verba Augustini sunt ista: *Quod signum in te futura sapientia, perniciosi cupiditatibus diuino iure præscribit, ne tuam causam deferas falsis voluptatibus illectus: qua præuicatione nihil turpius & periculosius inueniri potest.* Sic Augustinus.

Denique etiam Philo ludæus, omnes quidem ad apertam omnibus Sapientiæ Scholam inuitans, adolescentes tamen studiosius commonet, vt floridæ ætatis primitias ei studio consecrent; ne si secus fecerint, postea damnent deplorentq; præuicuos annos, in rebus nihili, curisq; superuacuis, inscitè, fœdè, infelicitèq; consumptos. Philonis in libro, *Quod omnis probus, liber;* verba sunt ista: *Et quoniam, ut ait Plato suauiloquus, inuidia extra diuinum chorum fisa est; nihil autem Sapientiâ diuinus, & magis expositum; nunquam claudis sium auditorium, sed patentibus ianuis admittit, sitientes sermonem dulcem ac potabilem, frequentatores suos fluentis doctrinarum abunde proluens, vt inebrientur sobriâ temulentia. Illi verò iam, & mysterijs initiati; furoresq; diuino perciti, damnant pristinam* suam

suam negligentiam, iacturamq; temporis, in rebus nihili contritâ vitâ per imprudentiam. Operapretium igitur fecerint (subdit) si quotquot ubique sunt iuvenes, ætatis florida primitias eruditioni dedicarint, tam in præsens, quam in futurum, paraturi sibi decus & præsidium. Hucusque Philo.

\*\*\*\*\*

## CAPUT V.

Concluduntur quæ modo dicta sunt : & quedam proferuntur, egregiorum iuuenum, Sapientiæ sponso-  
rum, exempla.

**A**damanda igitur etiam iuveni, etiam adolescenti, & si fieri potest, etiam puero, probisq; artibus ac studiis excolenda sapientia est, & semel susceptus illius amor, summâ fouendus flagrantia, summâ constantia retinendus. Vt enim rursum B. Augustinus, de suo agens Licentio, quem tum quidem memorat, à iuuenilibus illecebris ad Sapientiam totum conuersum, in eaq; secum adeò flagranter studioseque viventem, vt cum Romano patri (cui ista scribebat) non temere auderet ad imitandum proponere : *Philosophia est enim*, inquit (hoc est, ex eius mente, sapientia) à cuius vberibus se nulla ætas queretur excludi.

Quapropter quod olim apud Athenienses in prætorio, ferunt hoc schemate depictam fuisse Sapientiam; Regine instar in folio sedentem, viris duobus canitie spectabili, eius vbera utrimque sugentibus: non eo consilio factum opinor à sapientissimis hominibus, quasi ætatem adolescentem exclusam velent ab vberibus Sapientiæ, solumq; huius capacem esse ætatem maturam atque decoctam.

Sed vel eò tantum, quòd in senibus potissimum, ijs videlicet, qui (vt Sanctus ait Hieronymus) *adolescens suam bonestis artibus instruxerunt*, egregie vigeat, magisq; commendetur Sapientia, in quem itidem sensum dixit Origenes, sapientiam senum uxorem; & ille Comicus, sapientiæ ætatem condimentum esse. Vel certe quòd eos, quibuscunque illa obtigerit, etsi non admodum ætate fortè processerint, senes faciat, non annis, sed moribus, & vt loquitur B. Ambrosius, *canis cogitationibus & operationibus effulgentes*. Quippe vt dicitur in libro

libro Sapientiæ: *cani autem sunt sensus hominis*; siue, vt vertit S. Hieronymus, *cani hominis, sapientia eius.* Cap. 4. 29.

Nec verò defunt egregiorum iuuenum exempla, quos sibi addictos à teneris, suique amorè ac desiderio incensos, & ipsa cupide adamarit Dei Sapientia, ac velut in sponso adoptarit, visibili etiam quadam specie, formauit eleganti, oblata.

Quo loco in primis notum est, quod de Gregorio fertur Nazianzeno: Qui cum adolescens Athenis versaretur disciplinarum gratiâ, parique studio virtutes illas, quæ eam ætatem maximè concedent, sectaretur; *vidit per soporem* (pergam enim reliqua Ruffini edicere) *sedenti sibi & legenti, duas decoras satas, dextrâ lauat, feminas confedisse: quas ille castitatis instinctu oculo toruiore respiciens, quanam essent, & quid sibi vellent, percontabatur. At ille eum familiarius & ambiciosius complectentes, aiunt: Ne molestè accipias, iuuenis, nota tibi satis & familiares sumus. Altera enim ex nobis Sapientia, altera Castitas dicitur; & misse sumus à Domino tecum habitare, quia iucundum nobis & satis mundum in corde tuo habitaculum præparasti.* ProLis orat. Nazian-49. verbis

Ex quo intellexit ille tum quidem; & velim non tantum intelligat, sed altè etiam demittat in animum, verè sapientiæ studiola iuuentus: germanas (vt dicebamus) & quasi gemellas sorores esse, castitatem & sapientiam, amicas, socias, atque adco, contubernales; vt qui castitatis studium ex animo suo abiecerit; haud facillè vnquam ad castos sapientiæ aspiret amplexus.

Vulgare item est quod de seipso scriptum reliquit B. Laurentius Iustinianus, in Fasciculo Amoris: vbi eos adolescentes alloquens, qui rerum fluxarum amore detenti, pacem animi frustra querunt in infimis; suo illos exemplo reuocare contendit, verbis plusculis, sed quæ contractius aliquanto sic referuntur in eius Vita. Cap. 16. Cap. 1.

*Eram vestri similis* (sub annum scilicet ætatis vndeagesimum) *quærens astuanti desiderio pacem in rebus extrinsecis, nec inueniebam. Tandem virgo sole splendidior mihi apparuit, cuius nomen ignorabam. Hæc propius accedens venusto vultu placidè affatu: o iuuenis, ait, dilecte; cur effundis cor tuum, pacemq; sedando, per multa variaris? Quod quaris, penes me est; quod concupisti, tibi polliceor, si tamen me in sponsam habere volueris. Cum verò nomen ipsius, & genus, & dignitatem scire peroptarem; se ait Sapientiam Dei esse, quæ propter hominum reformationem,*

tionem, humanam formam suscepit, & (velut addit in amoris Fasciculo) quæ antè inuisibilis erat cum Patre, visibilem naturam, ut aptius amaretur, accepit ex matre. Assensu igitur (inquit) & dato pacis osculo leta discessit. Illa Iustinianus; quibus subdit, dehinc illam se habuisse pro sponsâ charissimâ, & cum illâ pacem antea frustra quaesitam, & bona omnia pariter inuenisse.

cap. 4.

Quibusdam fortasse minùs notum sit, quod subijci de Henrico Sifone, ex Ordine S. Dominici viro sanctissimo: cui summo opere atque anxie illam desideranti & sitienti, tali demum schemate se visendam præbuit Sapientia, ut his ipsis verbis refertur in ipsius Vita. Longè supra ipsum ferebatur in columnâ nubis, residens in throno eburneo, micans instar luciferi, & tanquam sol lucens in virtute suâ. Corona eius erat æternitatis, amictus felicitas, sermo suauitas, complexus, omnis boni satietas. Propè erat, & longè aberat, sublimis & humilis, præsens & occultus, familiarem se præbebat, nec tamen apprehendi poterat, excelsus celi fastigijs erat altior, & abyssu profundior, attingebat à fine ad finem fortiter, & disponebat omnia suauiter. Dum elegantis puella specie teneri videbatur, mox pulcherrimis inuenis præseferbat imaginem. Itaque dulcissimè ad eum se conuertens, & comiter, non tamen sine quadam diuinâ maiestate, illi arridens, hæc eum affata est: Præbe fili mi cor tuum mihi. Ad quas ille voces humi prouolutus, eam gratus accepit in sponfam, eamque exinde studijs omnibus officijsque, cum summâ animi deuotione, ita coluit, ut in Dialogis quos de Æternâ Sapientiâ inscripsit, sese Ministrum Sapientiae, velut proprio nomine appellaret. Scripsit etiam, sui aduersus eandem Æternam Sapientiam animi, partim contestandi, partim confouendi gratiâ, de ea, quas vocant, Preces Horarias, quæ non sine magno eisdem vsurpantium fructu, inter studiosorum manus versantur.

Istorum igitur, aliorumque complurium, egregiorum exemplo, par esset quemlibet ingenuæ mentis, & honesti, hoc esset, verè pulchri ac boni, cupientem animum, inflammari amore ac desiderio verè illius Sapientiae: cuius profectò formam, speciem, decus, suauitatem, quisquis purâ mente compertam, expectamur haberet, continuò scilicet polsthabitis omnibus (dicam & hoc Augustini verbis) ad huius pulchritudinem blandus amator & sanctus, mirans, anhelans, estuans aduolaret.

L. 1. contr.  
Acad. c. 2.

Nam

Nam si nonnulli prisce Philosophi, humanæ duntaxat (quam *De plant. Noë.* appellabant) sapientiæ, quæ quidem diuinæ, quam commendamus, nihil nisi umbra esse poterat, illius tamen, quæcunque esset, lucē conspectā, honesto illo decore capti, & (ut de eorum quodam Philo Iudæus) *insano correpti amore sapientiæ*, sibi eius gratiā, contemnenda cætera, ac floccipendenda existimarent: quid non suscipete aut ferre oporteat generosam indolem, summx veritatis ac lucis afflatam pulchritudine; cuius etiam in vita mortali cœpta atque præsumpta possessio, non modò (quod ait Sapiens) *immortalitatis radix est*, sed quædam etiam anticipatio prægustatioque sempiternæ felicitatis? *Sap. 15. v. 3.*

Ut meum hoc loco Lectorem meum, ad hos sanctos amores, castosque amplexus Sapientiæ, rursus Augustini verbis inuitem, de spontæ illius incomparabili suauitate ac delitijs ineffabilibus, ita suauiter simul & exaggeratè scribentis: *Pro delitijs omnibus huius seculi*, inquit, *quales vel experius es, vel augere ac multiplicare cogitando potes; immortalium deliciarum matrem concupisce sapientiam. Delectabit, & ineffabiliter delectabit, castis atque æternis veritatis amplexibus.* Cui utique Doctori sanctissimo iuxta ac sapientissimo, nemo iute fidem atque assensum negauit, non nisi ex proprio expetimento ita loquenti, & rem velut compettam tantā firmitate asseueranti. *in p. 110.*

Ad extremum suadet maretæ & rerum affinitas, ut relatis ex Iustiniano & Henrico Susone, Sapientiæ diuinæ descriptionibus, & hanc Iuperaddam, auctoris vitæque antiquioris (quippe S. Bernarðo æqualis) Petri Cellensis, non equidem, (quod latè apparèt) ipsi per visum aut soporem oblatam, sed proptio eius ingenio, iuxta hunc ipsum modum figurato sermone, in quadam epistolâ adumbratam. *Est quiddam, inquit, cuius nomen super omne nomen, cuius forma speciosior omni formâ, cuius statura & altitudo, à fine superioris cali, usque ad finem inferioris inferni. Imago est inimitabiliter nata, non facta. Unus est qui hanc de corde suo excogitauit & eructauit, non artifex huius, sed omnium, huius autem Pater. Huic conformari, est reformari. Hanc loquentem, & se exprimentem, aptis coloribus renitentem, sceptro imperiali cuncta regentem, calicolas cum terrigenis in brachijs coniungentem, inueni, adorauit, & tenui. Decor eius inassimabilis, dulcedo insatiabilis, claritas inaccessibilis. Tam suauè loqui de illâ, quàm admirabile amplecti illam. Ad hanc qui accedit, aut vix aut nunquam recedit. Oculis non satiatur visu, nec auris auditu.* *L...4. ep. 1.*

*Qui edunt, adhuc esuriens &c. Hac me osculata est osculo oris sui.*  
Ita Abbas Cellensis.

## CAPVT VI.

*Sapientiæ consuetudine castissq; amplexibus frui volenti, secessum à turbis studiosius exquirendum esse.*

**A**ddimus nunc & istud monitum, non inter postrema computandum: Vt, quando ex diuini Spiritus oraculo, *terrena inhabitatio deprimit sensum multa cogitantem*; mentemque auidam Sapientiæ, tot adeò siue turbæ curarum extrinsecus circumstrepentium, siue interiorum cupiditatum, cæci dicam an ludi, tumultus, ab ipsa Sapientiæ disciplinâ, ne intus loquentis admonentiq; voces audiat, importunè nimis atque infelicitè auertunt: capropter subinde sumamus, studiosèque deligamus tempus aliquod, quo remoti à turbis, curarumque ac negotiorum importuno strepitu, nosmetipsos primùm nobis rediamus, tum in sanctâ quadam atque tranquillâ mentis solitudine positi, permittamus nos magisterio sapientiæ; eiusque vocibus, suauissimis iuxta ac saluberrimis, pronam cordis aurem accomodemus.

*Ep. 2.* Sapienter Annæus suo Lucilio: *Primum argumentum*, inquit, *compositæ mentis existimo* ( atque adeò factæ & accommodatæ ad sapientiam ) *posse consistere & secum morari*. Qui proinde eidem philosophari volenti, solitudinem sic commendat, vt dicat: *Non inuenio cum quo te malim esse, quàm tecum.*

*Ep. 10.* Augustinus autem, cum sub suæ ad Deum conuersionis initia, incredibili teneretur amore sapientiæ, vt ipse testatur in primo suorum Soliloquiorum; quò se huic vni totum traderet; *Vellem* ( inquebat ) *me constringere, vt nihil aliud agerem, quàm reddere me tibi, cui me maxime debeo, atque ita Deo fieri, quod ait Horatius, amicum mancipium Domino.*

*Cep. 13. &c.* Non posse (quod aiebat Seneca) *consistere, & secum morari*, siue semetipsum, vt ita loquat, ferre non posse nec sui teneri consuetudine; argumentum est, aut indolis vagæ, inconstantis, errantis, atque hinc sublimibus studiis, disciplinisq; se parum idoneæ, nisi ingenij propensam volubilitatem cura coercet, emendet exercitatio; aut animi sanè suis virijs affectionibusque



# PARS TERTIA. CAP. VI. 217

nibusque perturbati, atque intestinâ dissensione laborantis, secumque pugnantis quodammodo, ac proinde pacem, quam dominon inueniat, forissecus in illa multiplici; siue personarum, seu rerum variarum tractatione, & sui in multa distractione, frustra, vt existimo, requirentis.

Pulcherrimè enim, & Paulinâ propemodum phrasi, scripsit Aristoteles, non vno loco suorum librorum de Moribus: Hominem diuersis agitatum perturbationibus, nec amicum sibi, nec sibi desiderabilem esse: quippe qui non vnus, sed tanquam in multos diuisus sit, sibi non constans, secum pugnans, & à semetipso grauiter ipse dissentiens. Verùm ipsa ecce Philosophi verba produco. Ethicorum ad Eudemum libro septimo: *Quatenus quisque vnus est (inquit) indiuisibilis & per omnia de-* cap. 7.  
*fiderabilis sibi est. Malus autem non vnus, sed multi, & die eadem varius, & importunus ipse sibi.* Et libro 2. Magnorum Moralium, cap. 13. docet, animam sibi ipsi amicam fore, cùm vna fuerit.

*Tum autem vna fuerit, inquit, cum erga inuicem consenserint ratio & perturbationes.* Cuius oppositum accidat in eo, qui vitiosis sit affectus perturbationibus: quoniam malus nunquam sibi amicus est; se namque semper oppugnat. Ita ille præclare. Similique phrasi S. Ambrosius lib. 2. de Iacob & vita beata: *Grande* cap. 6.  
*(inquit) est, intra se aliquem tranquillum esse, & sibi conuenire.* Quod quidem impio non competit; quia, velut antea dixerat: *Iussi vita quæta est, inuisus autem inquietudinis & perturbationis plenus est. Amplius suis suspicionibus affligitur impius &c.*

Etenim quæ pax sit hoc in homine, cuius *intima anima* L. 11. Conf.  
*viscera*, hoc est (vt exponit, qui sic loquitur, S. Augustinus) c. 29.  
*cogitationes affectionesque, dilantantur tumultuosis varietatibus?* Vbi autem pax non sit, nec locus vllus esse queat cælesti sapientiæ, quæ secessionem amat à turbis, & liberæ mentis tranquillitate delectatur. Et vetus sanè est ac verum verbum, *animam sedendo ac quiescendo sapientem fieri, siue prudentem.* Ex Philof. 7. 2. 2. 20. Eaque propter & ipsum Augustinum legimus, disciplinæ suæ curæque commissis adolescentibus præcipere solitum, *vt apud sese* L. 1. de or. 2. 3.  
*habitare consuefacerent animum:* quòd in eo crederet situm esse non leue ad magnam virtutem sapientiamque præsidium. Amet igitur secessum à turbis, secum moretur, idem sibi, ac secum vnus sit, quisquis ad beatos sapientiæ aspirat amplexus.

Intelligo

Prov. 1. 7.  
20.

Intelligo equidem de eâ scriptum in factis Prouerbijis : *Sapientia foris prædicat, in plateis dat vocem suam ; in capite turbarum clamat, in foribus portarum urbis profert verba, dicens : Usquequo paruuli diligitis infantiam &c.* Sed siue de eâ hoc ita dictum accipiamus ; quòd cuius hominum, etiam quantumuis occupatorum generi, passim & vbiuis sese magistratam sponte offerat ; cùm, & vndique insonent rerum istius Vniuersû voces, conditoris sui, seu præsentiam ingerentium, seu gloriam celebrantium. Siue id potiùs insinuetur ( quamquam istud ei quod modò dixi subnexum est ) facilem esse parabilemque unicuique veram sapientiam : quippe quæ sponte cuius occurrit ; atque, vt alibi de eâ prædicatur : *Præoccupat qui se concupiscunt, vt illis se prior ostendat. Qui de luce vigilauerit ad illam, non laborabit : assidentem illam foribus suis inueniet. Quoniam dignos se ipsa circuit quarens, & in vijs ostendit se illis hilariter, & in omni providentiâ occurrit illis :* Quibus equidem apertè efficitur, non adeò abstrusam aut inuentu difficilem esse, cælestem illam, & salutis nostræ conducibilem sapientiam, si modò quis eius obtinendæ complectendæque sincerâ cupiditate tangatur : vt quæ sese obuiam hilariter offerat, se quærentibus ; neque aliud malit, quàm vt sui cupidos, eoque se dignos, nanciscatur.

Sap. 6. 7. 14.

Attamen non illam sic existimabimus, plateas circuire, aut in capite turbarum clamitate, quasi turbas amet atque tumultum ; sed eò declamat in turbis, vt quos sui amote atque studio, desiderioque tangi senserit, à turbis auocet, atque opportune solitudini, sibi quæ ipsis adeò redditos, præclatis præceptis atque institutionibus imbuat, sensimque mutatos in homines alteros, sibi quæ propiùs adiunctos, arcanorum suorum, gaudiorumque, quæ vulgò cæteri capere nequeant, conscios & participes efficiat.

Serm. 8. de  
iun. X.  
mens.

Audiamus hanc in tem Magnum Leonem, eâ quæ solet orationis granditate personantem ; eoque indicentem fidelibus, oportere animam imperare corpori, illudque ab exterioribus frenare ; *vt à corporeis cupiditatibus sapius libera, in aula mentis ( vt ipse ait ) possit diuina vacare sapientia, ubi omni strepitu terrenarum silente curarum, in meditationibus sanctis, & in delicijs latetur æternus. Quod si in hac vita (subdit Sanctus Pontifex) difficile est continuari, potest tamen frequenter assumi. Quasi quemlibet operæpretij spiritualis cupientem ; yti modò taci-*  
mus,

mus, hortaretur, ut studeat interdum, & per quædam saltem intervalla tempotum, abductum à sæculi curis, seductumque rantisper animum; in sancto otio studijs occupare sapientis; & tanquam puriori æthere cælestique aurâ refectum; liberâ iam mente, aureque attentâ ac docili, ad divinæ illius magistræ, inter sacra illa silentia clarè scilicet intelligenterque docentis, voces ac disciplinam accommodare.

Cuius equidem rei si tibi libeat quandoque experimentum capere, & solitudinem hanc, otiumque nobile degustare; multas sanè accipies percipiesque cælestis veri rationes; notionisque rerum, tibi, tuæque paci ac felicitati in omne ævum necessarium, clarissimas atque certissimas; quas turbis immixtus, & siue vulgaribus occupatus præiudicijs, siue falsis ac perniciosus illectus cupiditatibus, minùs exaudire poteras.

Quà etiam præclarâ atque prædulci exercitatione, ubi ea te delectare cœperit, forsitan id assequare denique; ut sensim asurgens, ac maior effectus sensibus, votis, studiisque mortaliū, eaque exorsus cæcas tenebras, quibus plerique circumfunduntur, solâ iam delectari incipias luce cælestis sapientiæ, solamque amare pulchritudinem veritatis incommutabilis, quæ etiam in hac mortalitate puris mentibus intimiùs familiarisque revelata, tum illas capit ac detinet suavitate quadam admirabili, tum grande ipsidem ingignit inditque fastidium rerum istarum caducarum. Attestante etiam S. Augustino; libro de Vera Religione; quod quisquis aeterno spectaculo incommutabili veritatis adhærescit, non temere oculos demissurus sit, ut temporalia & inferiora cognoscat Qui item in alio tractatu, negat (in hoc sæculo scilicet) beatam vitam aliam nobis esse querendam. Et nos (inquiens) cum mentibus nostris, sine ullo strepitu, ut ita dicam, canorum & facundum quoddam silentium veritatis illabatur, aliam vitam beatam quarimus, & tam certâ & præsepte non fruimur?

Verùm expressiùs opportuniùsque B. Gregorius in sua Cantici Cantorum expositione tradit, sanctam ac sapientiæ culttricem & amatricem animam, otiosâ quadam contemplatione sub vmbra Verbi divini sedentem; fructus eius experiri suavissimos: quos dum mens capiens (ut ipse ait) avidè comedit, omnes mundi voluptates, præ eius dulcedine contemnit. Dulce enim est valde sibi, cælestia cogitare, in aternitate oculum intimum figere; ut aliquando in cælestibus etiam mens accensa com-

D d

pungatur,

Cap. 38.

 L. 2. de lib.  
arb. c. 13.

 In cap. 2.  
Cantic.

pungatur, & inter lacrymas subleuata, Angelorum cibo, ipsâ videlicet sapientiâ, quanto dulcius, tanto avidius pascatur. Inde est (inquit) quod subditur: Introduxit me rex in cellam vinariam, ordinavit in me charitatem. Quid enim per cellam vinariam congruentius, quàm ipsam arcanam eternitatis contemplationem accipimus? In hac eternitate Angeli sancti vino sapientiæ inebriantur, dum ipsum Deum facie ad faciem videntes, omni voluptate spiritali satiantur. Hanc sancta mens, si à sponso introducatur, postpositis omnibus temporalibus intrat, in qua ex illis Angelicis delitijs, quantum sibi conceditur, gustat. Et si adhuc, quia in corpore corruptibili detinetur, se perfectè non satiat, tamen ex illo minimo quod cursim sumit, considerat quantum debeat amare quod amat. Hæc omnia Magnus Gregorius.

Quæ etsi potissimum in eâ valent, quæ paucis in hac vitâ conceditur, supremâ & intimâ diuinæ sapientiæ contemplatione: attamen quicumque ei se studio exercitationique, quam in præsentî commendamus, addixerint; atque idoneis ad id delectis temporibus, captatâ nonnullâ animi corporisque vacuitate ac solitudine, sese in adyta cælestis sapientiæ aliquantò altius abdiderint; simili aliquâ luce perfundi, dulcedine simili, simili supernorum desiderio, terrenorum tædio atque negligentia, ipso usu affici se sentient. In quam subingressi diuinam lucem, perinde atque si iam solem alium, alia sidera nossent, aliouè in orbe versarentur, non eundem vultum ac formam in rebus istis deprehendent, quas prius insanâ cupiditate deperierint: mirabunturque iam tenebrarum illarum densitatem, quibus antehac occupati, tanquam vera bona atque solida adamauerint, quæ modò clarissimè perspiciant, non nisi umbras bonorum esse: cum interim ipsa vera, solida, sempiternaque bona, velut propter suam ab humanis sensibus remotionem (quemadmodum in his vsuuenit, quæ è longinquo spectantur) nimis exiliter intuentium sensus afficientia, in postremis ac minimis habuerint; quorum nunc, præ illis, quæ vnicè mundus æstimat, excellentiam incomparabilem, magnitudinem summam, pretium immensum, in ipso splendore diuinæ sapientiæ, magno animi sui gaudio, cuiusdemmodò certissimeque, & intelligant & sentiant.

Trist. 16. in  
Ioan.

Tanti est, interdum animum à consuetis abductum, tantisper velut in sequestro ponere, & temporis paxillum, ei quâ (teste Augustino) nihil fortiùs desiderat anima, veritati ferio pernoctandæ imputare.

CAPVT

C A P V T VII.

*Eundem in finem, etiam nemorum recessus, rurisq; secreti solitudo, obiter commendata.*

Quoniam autem quæ proximè diximus, partim de spiritali à terrenis tumultibus mentis secessu, partim de privati cubiculi dulci secreto per certa temporum intervalla degustando, præcipuè intelligenda sint: quod referri potest quod Celantæ nobili matronæ scribens, siue Hieronymus, siue Paulinus, inter alia præcipit: *Eligatur tibi opportunus, & aliquan-* Hieron. ep.  
14.  
Paulin. ep.  
30.  
*tum à familia strepitu remotus locus, in quem velut in portum quasi ex multa tempestate curarum, te recipias, & excitatos foris cogitationum fluctus, secreti tranquillitate componas:* eò tamen quoque valere possunt, quò recessum etiam, ab urbium strepitu, hominumque vsu secerum, pro suâ quisque opportunitate, propensione, genio, ei fini subinde deligamus arque admemus. Multum enim ad istud arcanum & sacrum sapientiæ magisterium conferre possunt, captata interdum loca deserta, & solitudo silvarum & vallium, vbi ab humano quoque convictu ac consuetudine expeditus animus, sibi quæ vel sic magis reddurus, puriori quadam (ut suprà monebamus) diuinæ contemplationis aurâ & æthere fruitur.

Gregorius certè Nazianzenus monachorum Ponticæ solitudinis (in qua ipse cum S. Basilio fuerat diu versatus) vitæ institutum describens, eos ex eo laudat, quòd *urbium frequentiam fugiant, cognatamq; (ut ipse ait) celestis Sapientia, quietem amplectantur.* Vbi cognatam vocat Sapientiæ solitudinem; quia Sapientiæ studijs solitudo amica est, & Sapientiæ solitudine delectatur. Quâ item ratione Columella in præfatione sui Operis *rem ac vitam rusticam, sine dubitatione proximam, & quasi consanguinam Sapientiæ,* similibus verbis, sed, quantum appareret sensu aliquantum diuerso, dixit.

Er quamvis in Platonis Phædro, rariorem suam ex urbe egressum sic excuset Socrates: *Ignosce mihi, optime Phædre. Nam discendi cupidus sum: agri vero & arbores nihil me docere possunt, sed homines qui in urbe versantur:* attamen in sensu quonunc loquimur, etiam ab agris & arboribus multa profectò

Dd 2

licet

licet discere; cùm satis constet, tum alijs multis, tum nominatim S. Bernardo, mutas arbores, silvasque racentes, pro disertis magistris, arcanisque ac familiaribus sapientiæ cælestis institutoribus, fuisse.

- Hinc enim illa est ipsius Doctoris melliflui, ad virum quendam discendi cupidum hortatrix oratio: *Experto crede: aliquid amplius inuenies in silvis quàm in libris; ligna & lapides docebunt te, quod à Magistris audire non possis.* Denique ipsummet iucundè solum dicere, se nullos habuisse magistros, nisi quercus & fagos; testatur Guilielmus Abbas in eius Vitâ. Atque eòdem transferri potest, & à nobis vsurpari, illa Plinij iunioris, villæ suæ non procul à mari solitudinem eo nomine commendantis, exclamatio: *O mare, ô litus, verum secretumq; musæum, quàm multa inuenitis, quàm multa dictatis!* Sic illi.

- Sed ne longius quàm locus postulet, in solitudinis, contemplationis gratiâ, per intervalla degustatæ, laudes excurram: cuius utique in Laurentino suo, *dulce otium honestumq;, ac pane omni negotio pulchrius*, commendat Plinius in eâ epistolâ; ad Tullium fortasse respiciens, qui & ipse Tusculani sui amicam quietem; suauitatemque, ex intervallo regustans: *Quid est enim* (inquit) *dulcius otio litterato; ijs dico litteris, quibus infinitatem rerum atque naturæ, & in hoc ipso mundo, cælum, terras, maria cognoscimus?* Sufficiat hoc loco admonitum esse studiosum, non iam naturæ rerum venatorem, sed cælestis cultorem amatoremque sapientiæ, locis equidem solis atque secretis ipsam delectari sapientiam, sed cordis præsertim solitudinem requirere; ut prouide quisquis in mentis suæ penetrâli, illius gaudere magisterio concupierit, aut veluti sponsæ dulcissimæ, amicæ & intimæ consuetudine perfrui, is sibi intelligat turbam vitandam, exquirendam secessum; & ante omnia tumultum istum siue curarum inanissimæ, siue indomitæ perturbationum, ab animo suo submouendum; quod paci intimæ, hoc est, sibi metipsi seipse reddens; tum ipsi se totum dedat adamatæ sapientiæ; ei adhaereat, in eius optatos volet amplexus. Sibi eâ causâ identidem occinens, quod sibi met olim de Deo agens dicebat S. Bernardus: *Ipse enim & secretum queris; & solitarium locum diligit. Fugiam ergo hominum solatia & colloquia, ut in secreto cordis mei Deum habitorem habere possim.* Sic ille in eo tractatu quem de Interiori domo, inscripsit.

C A P V T VIII.

*Quod in nobis est Sapientia diuina simulacrum, præstantissimarum virtutum cultu, perficiendum & exornandum esse.*

**N**ihil est in nobis mente diuinius. Ea quippe illud est, quod Græci dicunt, τὸ ὑψίστου, præstantissima pars animæ, & quâ solâ Deo ( qui, ex consensu sapientium, non est aliud, nisi summa quædam, infinita, sempiterna mens ) quoad fas est, similes efficimur, diuinarum virtutum ac proprietatum con-  
 fortionem quandam ac participationem adepti. Vnde etiam è Philosophis Plato, in Philebo quidem, siue De summo bono, mentem ὡς sapientiam nomina esse ait omnium pretiosissima; in primo autem Alcibiade, siue, De natura hominis, expressè docet, eam animæ partem, in qua inest virtus anima, sapientia, esse diuino, siue diuinitati, similem, neque aliam proferri posse eâ diuinio-  
 rem. Nec minùs disertè Platonis auditor Aristoteles, qui in decimo libro, Ethicorum ad Nicomachum, cùm istud præ-  
 clarè dixisset: *Dijs beata vita est: hominibus autem eatenus, qua-* Cap. 8.  
*tenus similitudo quædam eiusmodi operationis in ipsis inest;* ad extremum edicit: *Sapientem Deo charissimum (eod. felicitissimum) esse; propterea quòd Deus re omnium optimâ, sibiq; maximè co-*  
*gnatâ delectetur, mente videlicet, siquis eam (inquit) exco-*  
*luerit.*

Atque hinc etiam complures Patres, diuinam illam imagi-  
 nem, quam ( Scripturâ teste ) nobis impressam, ipsâ naturæ  
 conditione, accepimus; in humana mente quatenus rationis  
 est particeps, diuinæque capax sapientiæ, & ( quod est conse-  
 quens ) in Verbi diuini expressione quadam, siue in speciali  
 humanæ mentis cum ipsâ Dei sapientiâ cognatione ac simili-  
 tudine, constitutam esse censuere. Qua ratione Magnus Atha-  
 nasius, velot antea vidimus, aiebat; tum rationem nostram,  
 ut quoddam Verbi simulacrum, tum nostram item sapien-  
 tiam, ut sapientiæ eius imaginem, aspiciendam acque habendam esse.

Quod quidem disertè ante eum, expresserat Clemens in  
 sexto Strommatum, his verbis: *Est autem Verbum Dei intelligens,* Cap. 3.  
*per quod mentis imago & assimilatio in solo hominè cernitur. Quâ*

cap. 6.

item libro præcedenti expressè dixit: *Verbum esse imaginem Dei: imaginis autem imaginem, mentem humanam.*

Hoc igitur, in pectoris nostri velut intimo penetrati primitus Deo autore situm, & nonnullo iam labore nostro, eodem aspirante, in aliquam speciem, formamque augustiorem eductum, sapientiæ diuinæ simulacrum, ad extremum dicimus, excelsarum atque præstantium, ipsique adeò sapientiæ diuinæ cognatarum, virtutum accessu, omni studio perficiendum, locupletandum, ornandum.

cap. 8. v. 7.

Neque enim cum verè sapientem, vel Deo similem, ei-que charissimum, existimabimus; qui eam quidem mentis partem, quâ cognoscendi vi prædita est, rerum sublimium diuinarumque intelligentiâ instructam habeat atque ornatam; eam autem quæ animi affectus moresque humanos respicit, excollere ac perficere negligat, eoque præuè, scædè, probrosè, hoc est, insipienter ac stultè viuat. Etenim vera sapientia ( vt de eâ legimus in libro Sapientiæ ) *sobrietatem & prudentiam docet, & iustitiam & virtutem* ( id est, fortitudinem ) *quibus nihil est in vita hominibus.* Docet autem; non mentem duntaxat earum virtutum notionibus imbuens, sed practicâ quadam ratione affectum informans, & sensibus intimis eas ipsas virtutes ingignens: quoniam, vt ibidem in Græco textu legitur: *labores eius, virtutes sunt.* Quò eam proinde, istum in sensum, rectè liceat *Sapientiam morum* ( velut equidem vertit Ficinus ) cum Platone dicere: cuius valde huc facit perbreuis istæc epistola ad Aristodorum: *Audio te ante alios & nunc familiarem esse Dionis; & per omne tempus, sapientiam morum ad philosophiam spectantium in primis exercuisse. Nam firmitatem, fidem, sinceritatem, veram esse philosophiam existimo. Alias verò & ad alia declinantes scientias & facultates, siquis ornamenta dixerit, rectè, vt arbitror, appellabis. Sed vale iam, & in presentibus his perseuera moribus.* Sic ibi.

Ep. 10.

Quapropter neque nos ( quod antehac obiter admonitum, nunc, quia locus ita postulat, paulò expressiùs declarabitur ) sapientiæ nomine in hac dissertatione nostrâ, illam intelligimus, quam solam plerique describere Philosophi, rerum quantumuis diuinarum, per causas etiam altissimas, deductam scientiam; at per se inertem, sterilem inquam atque ieunam, nullo succo virtutis, nullo sapore diuinarum rerum imbutam; quam satis clarum est, parum aut nihil ad humanæ mentis veram felicitatem conducere. Sed eam tractamus opere toto, commendamusque



dāmusque sapientiam cælestem; quæ tamen si; ex ipsâ vi nominis, maximè & per se ad intellectum pertineat, quem nimitum informet rerum altissimarum scientiâ, & supremis quibuldam divini veri notionibus imbeat: atamen etiam in voluntate adiunctam requirit & adsignificet, motuum omnium affectionumque æquabilem rectitudinem; motusque dictatis sapientie consentaneos; sic ut eâ præditus, divina non tantum intelligat, sed gustet; atque ea ipsa quæ cognitione perceperit, in sensus intimos, affectus, ætus, suum inquam in succum; ac venas, ipsamque quasi vitam, convertat. Quâ ratione qui sese affectum aptumque animo senserit: hunc enim vetò verè sapientem dicimus; & tum ipsi Deo charissimum, tum, quantum fert huius mortalitatis conditio, verè beatum pronuntiamus.

S. Augustinus in libris de Ordine, hanc ipsam cælestem sapientiam exponens de eâ sic loquitur: *Hæc autem disciplina, ipse Dei lex est, quæ apud eum fixa & inconcussa semper manens, in sapientes animas quasi transcribitur, ut tanto se sciant vivere melius, tantoque sublimius, quantoque perfectius eam contemplantur intelligendo, & vivendo custodiant diligentius.* Lib. 2. c. 8.

Apenè nimirum significans, eam divinæ sapientie in mentes humanas detinuatam participationem, duo hæc requirere; nempe legis æternæ sublimem aliquam contemplationem, quod ad inrelligentiam pertinet; & vitam eidem æternæ legi consentaneam, quod ad voluntatem. Quod magis distinctè ac definitè alio loco expressit, dicens: *Quia sapientiam & scientiam distare inter se aliquid, alia quoque Scripturarum testantur eloquia; non incongruenter intelligimus sapientiam, in cognitione & dilectione eius, quod semper est, atque incommutabiliter manet quod est Deus.* Ista Augustinus: veram utique sapientiam, coniunctim Dei cognitione ac dilectione definiens: qua de re nos plura, cum de summo bono super omnia diligendo sapienti, disputabimus. In ps. 135.

Potro, ut Pythagoræ Platonisque in præfens omittam; Stoicos habemus in id manifestè consentientes. Nam, quando ex eorum placitis duo quædam ut certa ponenda sunt: primum, vitam beatam in perfecta virtute, ac perturbationum vacuitate, consistete; alterum; sapientem omnem eumque solum esse beatum: his inquam positis, necessarium est effici, absque virtute excellenti neminem esse posse sapientem. Ut planissimè ex

Stoæ

Stoæ sensu in quarto suarum Tusculanarum ita scripserit M. Tullius: *Ergo is quisquis est, qui moderatione & constantiâ quietus animo est, sibiq; ipse placatus, ut neque tabescat molestiis, neque frangatur timore, nec scienter quid appetens ardeat desiderio, nec alacritate futili gestiens deliquescat, is est sapiens quem querimus, is est beatus; cui nihil humanarum rerum aut intolerabile ad demittendum animum, aut nimis latabile ad efferendum videri potest.* Sic ille. Qui rursus postea, cum hanc Sapientiæ definitionem posuisset: *Sapientiam esse rerum diuinarum humanarumq; scientiam, cognitionemq;, quæ causa cuiusque rei sit;* consensum adiecit: *Ex quo efficitur, ut diuina imiteretur, humana omnia inferiora virtute ducat;* Quasi illud sollicitè providens: nequis quantacunque rerum, seu diuinarum, seu humanarum cognitione præditus, continuò sapiens existimetur; nisi hunc referat atque adiungat cognitionis huius fructum pulcherrimum, ut diuina scilicet imiteretur atque diligat, inferiora autem omnia, virtutis studio, & diuinorum amore contemnat.

Et sanè num quisquam sapientem cum rectè dixerit; qui cum cætera norit omnia, id tamen nesciat, cuius vnus gratiâ cæterorum cognitio querenda est? Adhuc inquam nesciat viuere, nec ratione se duci, sed agi perturbatione patiarur: expers proinde verissimæ sapientiæ, *quæ* (teste Tullio in primo de finibus, itemq; Seneca epistolâ 95.) *ars viuendi putanda est.* Vt non magis istum proinde sapientem, quàm citharædum cum dixerimus, qui sic citharædicæ præcepta norit, ut citharam tamen pulsarit nunquam, neque id, nisi imperitè, nec sine risu audientium, facere possit.

Ergo ad istius magni nominis dignitatem tuendam, etiam de externorum sapientum assensu, cognitioni rerum diuinarum, morum sanctitas subiungenda est; &, quod huius postulat inscriptio capitis, in mentis nostræ adyto prostanti, sapientiæ diuinæ imagini, affundendus morum sanctorum splendor, & magnarum virtutum honestissimus comitatus, dignitatis gratiâ, circumfundendus. Quod eò profectò quisque curabit studiosius, quò magis intelliget, sui in nobis imagine ac similitudine delectari Deum, atque eò quemque chariorem esse habiturum, quò in mente eius expressiora vultus sui, hoc est sapientiæ ac bonitatis, lineamenta recognouerit. Quare sollicitè providebit sapientiæ amator, nequa illi dies, ut dicitur, abeat sine linea: neque in se duntaxat, assiduâ operâ illustriorem

rem iudicis reddet diuinam illam imaginem; sed ad alios quoque, quos plus cultura capaces inueniunt, studium ac curam expostiget, ut in eorum etiam pectore, reformata atque instaurata diuinarum virtutum effigies, complura exstant in terris, incommutabilis sempiternæque sapientiæ vultus ac spirantia simulacra.

Mosen Hebraeorum Partem vidimus, doctum ornatores pictoremq; loci sapientiæ, à Philone Iudæo appellatum. At Moyses Atticus in libro 6. de Republica, postquam ex Homero quandam in hominibus Dei speciem & imaginem commemorauit, simulque philosophos, pictores esse, qui diuino utantur exemplari, ut illi humana contemperent, atque ad eam formam, simulacrum quoddam vitæ efficiant, dein appositè ac pulchrè sic subiicit: *Partim ergo debebunt Philosophi, partim describere* (seu, ut Ficinus vertit, *colorabunt*) *dones accuratè ordinata humanos mores, quantum quidem fieri poterit, diuinos planè effecerint, tot in illis quoque diuina illius imaginis res repræsentetur. Pulcherrima nimirum hac fuerit pictura.* Illa Plato præclare.

Qui dum Philosophi, seu sapientis, proprium id esse significat, aliorum mores præceptis suis, veluti pictores penicillo, ita formare, ut partem delendo, hoc est, vitiosas affectiones in hominum animis obliterando seu abolendo, partem etiam inscribendo seu colorando, id est præclaris virtutibus, velut diuinis coloribus, imbuendo atque illuminando, diuinam in ipsis, conformet imaginem: multò sanè maximè erga semetipsum id officij, ab eo sumendum scilicet existimabit; quo demum perfectum in suo pectore repræsentet & ipse puritatis diuinæ simulacrum.

Quò apè faciunt & illa B. Ambrosij: *Fugiamus ergo hæc mala, & transformemus animam nostram, ad illam imaginem Dei & similitudinem. Fuga malorum, similitudo Dei est, & virtutibus imago Dei acquiritur.* Ideo qui nos pinxit quasi autor, pinxit virtutum coloribus. Ecce ego, inquit ad Ierusalem, pinxi muros tuos &c. Legi item potest eà in causâ quæ quodam loco scribit Plotinus, sapiens admonens, ei qui diuinæ pulchritudinis contuendæ studio teneatur, sedulo expurgandum atque exornandum animum, & statum instar, vique eò elaborandum, excolendum, perficiendum, dum tandem Deiformis euadat.

L. de Sum.  
mij.

De bon.  
mistic 5.

Isa. 49. apud  
Sept. Em. 1.  
6. c. 9.

Et

Sed

Sed placet hunc locum, Gregorij Nysseni non absummi sensu concludere. Quippe qui in germani sui, S. Basilij laudatione, cum item demonstrat, exemplo Moysi, non sese duntaxat, sed uniuscuiusque animam, tabernaculum, in quo diuinitas inhabitaret, sermone suo effecisse; erectis in eâ columnis quae laboribus oppressam suffulciaut, hoc est, sanctis atque diuinis rerum aeternarum cogitationibus; pelues adhibeâs ad purgationem, candelabra ad lucem spiritalem, orationum aurêa thuribula; ac denique arcam mysticam, tabulas digito Dei scriptas continentem, unâ cum virgâ efflorescente, & unâ refectâ manna caelesti: quæ omnia Nyssenus spiritali quâdam analogiâ in rem istam explicat & insinuans, uti nos oporteat, nostram in primis, tum etiam aliorum mentes, nobilibus ornate & instruere virtutibus, quò Sancti Spiritus, aeternæque sapientiae tabernaculum dignum efficiantur.

Serm. 7. in  
Cent.

Nam virtutes illæ, quas S. Bernardus sermone quodam primitias spiritus appellat, Dei laudatio, continentiae vigor, contemplatio diuinorum, eodem teste, *non aliud sunt, quam primiti & purissimi fructus sapientiae*: in quibus proinde valde se amet ipsa sapientia, ipsæque, veluti ornatu sibi congenere, sedem suam exornari delectetur.

Finio; si prius ex disputatis toto capite, quod & post dictis prodesse possit, colligam: nimirum, prout est præsentis instituti ratio, cum præcipuè centendum appellandumque sapientem, qui & diuinarum humanarumque rerum, quantum hæc quidem ad diuinas conferunt, cognitione sublimi instructus sit, ipsæque exinde polleat artibus, quibus & seipsum ad magnam virtutem diligenti studio erudiat, & plures alios ad Deum & salutem adducat.

Quod etiam est ijs consentaneum, quæ secundâ secundæ tradit S. Thomas quæst. 45. art. 5. de ijs agens qui, ut ipse ait, altiori gradu percipiunt sapientiae donum.

C A P V T IX.

*Qui Sapientia in se habitantis sacrarium effectus fit, idipsum  
externo habitu, ipsaq; morum honestate ac sancti-  
tate, profecti debere.*

**E**T istud iuabit ex dictis, pro morum nostrorum infor-  
matione, deducere: providendum esse videlicet, ut qui  
se templum Diuinitatis, & Sapientiae sacrarium esse memine-  
rit, ita se componat ornetque externâ specie; ut vel ipso cor-  
poris habitu, modestiâ vultus, actionum honestate, sanctitate  
etiam sermonis, foris ostendat, quod intus se esse cognoscit.  
Quippe cum & ipsæ sacrarum Basilicarum frontes, aditusque  
ac vestibula, sacrum etiam quiddam præferant, quo spectan-  
tem quemlibet sanctitatis loci admoneant, & quam is postulat,  
concilient venerationem.

Enimvero, ad sermonem quod attinet, apprime huc facit  
præclara quædam, & à Stobæo alijsque, Socrati attributa sen-  
tentia: *sapientis os, velut ostium templi, quod cum aperuerit, serm. 3.  
apparet diuina sanctorum rerum simulacra.* Nam sicut cum templi  
valuz panduntur, continuo apparent, quæ in eo sunt sacræ  
imagines, rerumque signa diuinarum: ita vbi vir sapiens os  
suum, velut ostium templi Sapientiae, aperire sando cœperit, atq;  
ex cordis sui abundantia, sanctos animi sensus atque diuinas  
cogitationes auditoribus suis insinuauerit, hoc ipso demonstrat,  
habere se mentem, instar diuini sanctuarij, sanctarum rerum  
simulacris ornata, seu diuinis imbutam informatamque no-  
tionibus, ac veris illis numinibus (quo modo loquentem an-  
tea audiuius Lactantium) hoc est virtutibus, aptè concinne-  
que instructam. Quod referri potest & illud quod in Prover-  
bijs scriptum est: *Cor sapientis erudiet os eius; & labijs eius ad- 1. 18.  
det gratiam.* 1. 23.

In rem igitur nostram bellè conuenit hæc sententia; quem-  
cunque demum habeat autorem. Nam idipsum certe, aut affi-  
ne quiddam, non ab ipso Socrate prolatum, sed de Socrate ve-  
rius apud Platonem dictum inuenio; quod quia non abhorrèt  
à proposito, eandemque cogitationem video, Magni etiam Dio-  
nijsio placuisse, licet paucis in locum præsentem referre.

Alcibiades igitur in laudatione Socratis, quæ extat in Platonis conuiuio, siue dialogo de Amore, in hunc modum prædictis affinem, differens inducitur. At quippe illum perfimilem esse Silenis illis, aut Saryris, qui à sculptoribus figurabantur, fistulâ tibiae ludentes: qui si aperirentur, reperiebantur intus habere speciosas atque præclaras Deorum imagines. Sic enim Socratem, qui & ipso vulnè nonnihil ad Saryrum accederet, & inter amicos iucundè & hilariter agens, iocari videretur, attamen iatus in animo diuinas virtutum præstantissimarum imagines continere. Quamobrem ibidem ita subiicit: *Serio autem agens, atque intus apertus* ( scilicet Socratis ) *nescio verum quisquam vestrum, diuinas quæ intus latent imagines, conquam inspexerit. Ego certè quandoque eas aspexi* ( Socrate videlicet diuinis de rebus & virtutum officijs differente, & tanquam fores templi mentis suæ pandente ) *atque mihi visa sunt resque adeò diuina, & aurea, & formosa, & mirabiles, ut nullo modo fas existimem, aliter, quàm Socrates præcipit, agere.* Sic ille; satis insinuans, quantam ad animos virtuti conciliandos vim habeat, viri sapientis, ex animo suo ac virâ loquentis, oratio.

Cæterùm ad eum antiquum motem, ad quem verbis citatis alludit Alcibiades, etiam repexisse S. Dionysium, testantur præfati illius interpretes: S. Maximus ad illa verba capituli noni de diuinis nominibus: *Agedum quoque, hæc diuinorum nominum simulacra, quatenus nobis patere, intueamur; & Georgius Pachymerius, tum ibi, tum capite 2. de cælesti hierarchiâ, ubi sic loquitur: Hec ab Ethnicis receptum. Siquidem ipsi faciebant simulacra, manibus, pedibusq; destituta, quæ Mercuriales statuas ( siue Hermas ) vocabant. Faciebant autem in ijs tum ostia, tum concauitates, quibus Deorum quos colebant, simulacra imponebant. Apparebant itaque viles, sed intra se Deorum ornamenta continebant. Studiosi itaque illarum contemplatores, non tam statuis illis quadratis attendebant, quàm interioribus simulacris.* Eumq; in modum subdit, nos habere debere, diuina nomina, aut alia externa symbola, quibus diuina exprimuntur, considerantes.

*Ref. 13.*

Videant autem Scripturæ sacræ interpretes; an non huc fortè pertineant, ædes illæ Dianæ, Actuum 19. capite, quibus conciliandis Demetrius argentarius, eiq; subiecti artifices, faciebant non modicum quæstum. Nec enim videtur à vero aliena suspicio; si quis eas puret fuisse instar capsellarum eiusmodi, quæ equidem foris viliorè seu materiâ, seu opete, Hermam, aut figuram



*saurus inuisus, quæ utilitas in utrisque ? Sed quòd vana scilicet sapientiæ ostentatio fugienda sit; atque hæc potius loquenda factis, quàm oris strepitu, & sterili vocis prædicatione, commendanda.*



## CAPVT X.

*Ad sapientiam aspiranti, ante omnia falsas ac præposterar, de expetendis fugiendisque, vulgi opiniones, ex animo esse euellendas.*

**A**D bene beatequò viuendum, permagni referre com-  
pertum est; quibus anteceptis notionibus imbutum ani-  
mum ad id adferas; seu, quibus primis disciplinæ viuendi tan-  
quam principijs informatus quisquam, ad vitæ suæ rationes  
constituendas accesserit. Nam cum ita naturâ comparatum sit,  
vt humana voluntas non possit quoquam, nisi prælucente ac  
deducente intelligentiâ, commouere se, aut contendere; tanta  
esse solet facultatis vtriusque consensio, vt naturaliter eò con-  
sequatur voluntas, quò eundum esse præmonstrauerit intelli-  
gentiâ.

Igitur qui, exempli causâ, ita animo affectus ac persuasus  
sit, quasi absque opibus, voluptate, potentiâ, gloriâ, alijsque  
huiusmodi rebus, felix ac beatus esse non possit; is omne itu-  
dium in eo ponet, vt his ipsis rebus circumfluat, atque abun-  
det vt qui maximè, eoque collimabit in omni vitâ. E diuer-  
so qui solâ virtute honestique studio ( vtcunque cætera se ha-  
beant ) veram hominis felicitatem metiatur, is vni virtuti to-  
tum se tradet; cæteris neglectis atque contemptis, in quibus  
ad beatam vitam parum aut nihil esse momenti, certâ atque  
deliberatâ animi inductione præiudicauerit. Ita generatim ve-  
rum videtur: quam quisque rem sibi, non vagâ quadam &  
quasi à rebus abstractâ mentis assensione comprobationeque,  
sed practicâ ( quod aiunt ) & ad vsum vitæ propiùs relatrâ, per-  
suasione & inductione animi, tanquam supremum expetendo-  
rum, seu vt vitæ finem sibi proponat, cæterisque anteponat  
omnibus; eam affectu quoque præ cæteris secuturum esse in  
omni vfu, actuque vitæ; ad hanc cogitationes ac desideria, ad hanc  
sua studia, voluntates, conatus vniuersos esse relaturum.

Quò



# PARS TERTIA CAPITULUM IX.

133

Quid mihi proinde malum vidisse videantur: qui, liquis de vitæ rationibus constituendis, aut in meliorem mutandis, recte formandisque deliberet, huic primam ac summam operam in intelligentia; primis vestigijs rerum ad vitæ summam pertinentium notionibus; ambigenda atque informanda, ponendam esse præcipiunt, ut nempe serâ diligentique modulatione, euulsis primùm ex animiq; vulgatis, falsisque, ac salutis nostræ inimicis opinionibus, ad extremum id penitus inditum, sibi quæ intimè persuasum habeat; se Dei vñius; veri ac summi boni, adipiscendi gratiâ conditum; hunc tum vitæ suæ generatim; tum actionum sigillatim omnium; finem ultimum atque vñicum habere debere; hoc vno adepto, se summè felicem, amissos summè infelicem, futurum esse; extra hunc, nullum vitæ fructum, nullam animi pacem verumque gaudij, inuenturum esse. Hac enim positâ, atque in medullas altè demissâ, persuasione, cætera quæ voluntatem, eiusque motus, ac mores externos rectè conformandos respiciant, procliuia factu, neque iam adeò difficilis operæ fore.

Et enim rectè à S. Augustino in tertio de libero arbitrio cap. 8. scriptum est: *Solet autem et recta opinio ( id est, firma animi inductio ac persuasio ) pravam corrigere consuetudinem, et prava opinio rectam depravare naturam. Tanta vis est ( inquit ) in dominatu et principatu rationis. In quem item sen. Dial. 6. et lum illud Platonis accipies: Vbi dux veritas affuisset, fieri nullo modo potest, ut eam vitiorum chorus consequatur. Et quod, teste Clemente in sexto Stromatum, merito à Grecis cap. 4. quoque acclamatum est: Principium magna virtutis est regina Veritas.*

Disertissimè autem Romanus Philosophus prolixâ quadam epistolâ; ubi negans ad sapientiam, & quæ ex eâ pendet, vitam beatam, præcepta viuendi specialia sufficere, eoque contendens opus esse dogmatis, decretisue quibuldam generalibus, quæ in vniuersum componant hominem, atque adeò summam totius vitæ complexis; nominatim hæc tradit, ei in quo vestramus loco, peropportuna: *Ergo insigi debet ( inquit ) persuasio ad totam pertinens vitam: hoc est quod decretum voco. Qualis hæc persuasio fuerit, talia erunt quæ agentur, quæ cogitantur: qualia autem hæc fuerint, talis vita erit. Et paucis interiectis: Proponamus oportet finem summi boni, ad quem nitamur, ad quem omne factum nostrum, dictumq; respiciat: veluti*

nauti-

*navigantibus, ad aliquod situs dirigendus est cursus. Vita sine proposito, vaga est &c.*

Lib. 30. h  
miliarum  
hom. 16.  
Præfat. in  
2f. 148.

iii Sed elegans quoque est, atque huc faciens, neque yao loco à Magno Augustino proposita, ista cogitatio: *Quamodo de interiori palatio quidquid iusserit Imperator, per imperium Romanum emanat &c.* Sic in cunctoque nostrum, intus est Imperator in corde. Sed & si bonus, bona iubet, & bona sunt: si malus, mala iubet, & mala sunt. Atque Imperatorem hunc significat esse cogitationem; efficacem scilicet inductionem animi, quod hoc vel illud, hoc vel illo modo faciendum sit. In quem sensum proximè præmiserat: *Non potest fieri, cui habeat facta mala, qui habet cogitationes bonas: facta enim de cogitatione procedunt. Nec quisquam potest facere, aut ad aliquid faciendum membra movere, nisi præcesserit iussio cogitationis.*

Multum igitur fecert, etiam ex huius S. Doctoris mente, quænam persuasio cor possideat, generalis præsertim, & ad vitam summam, finisque ultimi præscriptionem, pertinens. Nam si hominis mentem æternis suis rationibus Sapiencia occupaverit, si in corde iustitia regnaverit, iam ex illa arte in partes reliquas emanante iusto sapientique imperio, membra omnia iustitiæ servient, rationi sensus obtemperabunt. Quemadmodum præclare ab eodem S. Doctore observatum est, rursus in Psalmum 125. ita scribente: *Custodi os cordis à malo, & immo, centes manus erunt, oculi, aures &c. omnia membra tua iustitiæ militabunt: quia Imperator iustus tenuit cor.* Sic ille.

De vit. bea.  
c. 2.

Igitur ad sapientiam aspiranti, illud ante omnia providendum est, ut de omni rerum expetendarum fugiendarumque ratione, non ex vulgi sensu (qui, ut rectè ait loco post laudando Seneca, *pestimus est veritatis interpret*) sed ex certissimis, clarissimisque supremæ veritatis regulis, iudicium ferre incipiat, & quos eius animo, siue indolis fortasse perversitas, siue præava à teneris institutio, siue usus vulgaris, ac vitæ consuetudo promiscua, minus rectos sensus impressit, in hæc penitus evellendis, primum ac summum studium ponat: certus, nihil aliudmodum in illâ (quam dicunt) arte viuendi profecturum se, nisi (ut in quadam epistolâ loquitur Seneca) *opinionem falsam, quibus laboramus, expuleris.*

Epist. 94.

Et, quando illud exploratum est; vulgares eo in genere, passimque indutos hominum sensus, à veritate ipsa distare quàm longissimè, eò sese quisque sapientiæ, salutique propiorum

rem

rem existimet, quò magis ab illis abduxerit animum, atque ad omnia illis aduersa, magis propensum se senserit. Illudque secum deliberatè constituat, quod apud eundem Annæum, ad profanum, & à sapientia auersum vulgus, loquens inducitur, seu Socrates, seu quivis alius Sapiens: *Nil magis persuasi mihi, quàm ne ad opiniones vestras, actum vite meæ flecterem.* Qua de re pluscula adijciemus in sequentibus. *De vit. beat. c. 26.*

Sed placet caput hoc opportuno admodum eiusdem Senecæ præcepto, velut auro & gemmâ, obsignare: *Quoties quid su- giendum sit, aut quid petendum, vobis scire; ad summum bonum, & propositum totius vite respice. Illi enim consentire debet, quid- quid agimus.* Sic ille. *Ep. 71.*

## CAP V T XI.

*Confirmatio dictorum: & quiddam, de tenerâ etiam ætate, ad honesti studium instituendâ, per occasionem adiectum.*

**P**Rincipio igitur ad sapientiam accedenti; ab illis officijs fallacijsque, quibus vulgus laborat mortalium, enubilandus, vt ita loquar, est animus, & sinceritati puritatiq; suæ restituendus, vt lucem veritatis, ac sapientiæ decorem possit aspicere. Ne, si vulgaribus præiudicijs occuparam mentem, ad diuinam disciplinam adferamus, nobis opprobrantem audiamus S. Augustinum, quod aduersus Manichæos scripsit libro de moribus Ecclesiæ Catholicæ: *Crassas omnino mentes, & corporeorum simulacrorum pastu morbidas, ad diuina iudicanda desertis: quæ nempe nequeat vlllo pacto, nisi animus purus capere, nec nisi mens sana atque sincera attingere.* *Cap. 17.*

Veruntamen quando (vt ex modò dictis colligere est) maiorum nostrorum ista ferè vnica, certè grauissima & communissima, causa est; quòd falsis quibuscum opinioibus, circa id quod bonum experendumque sit, occupati, ad vitæ nostræ rationes designandas instituendasque venimus; capropter impelli me sentio, vt quiddam hoc loco proferam, quod velut à nostris moribus, vsuque communi satis abhorrens, nescio qualiter accipiendum sit: magni videlicet, vt mea quidem fert opinio, fore operæpretij, atque ex vsu humanæ vitæ, teneram ætatem sic institui, vt non (velut assolet) ijs, vt res magnæ,

summeque expetendæ, proponantur, ea, quorum studio vulgò tenentur, incendanturque mortales; opes, gloria, deliriarum illecebræ; sed ante omnia commendetur illis honesti studium, cui nihil omnino in vita humana anteferendum sit, ostentetur virtutis splendor, quædam instillentur præcepta veræ sapientiæ, ad cuius decus sensim aspirent, & cuius luce ac suauitate, licet subobscurè & quasi è longinquo propositâ, capiantur tamen pro capto suo, & primo illius veluti sensu atque gustatu afficiantur.

Cui meo sensui paulò ampliùs exponendo, nonnulla hûc præmonenda sunt.

Primùm enim ( quod iam insinuaturn in superioribus, est, cum rectam indolem demonstrare plurimum conferre ad sapientiam ) unicuique insunt à natura, vel à proprio, quod aiunt, cuiusque genio, quædam velut virtutum vitiorumque semina; quæ quisque ferè sequitur in vitâ, nisi naturæ in bonum malumque propensionem immutet, aut à parentibus accepta educatio, eorumque vsus quibus conuixerit, aut à magistris insinuata disciplina. Itaque & à natura quosdam ipsoque ortu, quosdam habere animo anteceptas informationes virtutum, & tanquam insitos igniculos sapientiæ, qui si tantùm consententur atque exsuscitentur, continuò nativum fulgorem decusque suum latè explicent; tum ipsa demonstrat experientia; tum his verbis testatur Annæus epistola 95. *Quidam ( inquit ) ex hominibus egregiam sortiti indolem, in ea qua tradi solent perueniunt sine longo magisterio, & honesta complexi sunt, cum primum audierunt. Quæ sanè virtutum semina, eleganter Valerius Maximus appellat, quædam quasi cunabula & elementa virtutis, eo in capite, quo indolis præclaræ exempla nonnulla propositurus, ita præstat: *Attingam nunc quasi cunabula quædam & elementa virtutis; animiq, procedente tempore, ad summum gloria culmen peruenturi, certo cum experimento datos gustus referam.**

2. 3. 4. 1.

Quando & illud, hoc in genere, vniuersè verum est; alios ad alias artes suoque genio atque naturâ factos; vt quidam pictores, musici, fabri, aliisque generis artifices, non arte atque institutione, sed naturâ videantur existere. Quò facit quod Plato in Protagora, Promethei fabulam pertractans, Mercurium ait iussu Iouis, omnibus quidem hominibus pudorem indidisse & iustitiam; quòd ita esset conueniens: non autem, quemadmodum

modum artium, hæ quidem vni, aliæ alijs attributæ sunt; quòd vnus pro multis eâ in parte sufficere possit.

Atque iam istud est, quod ante omnia admonendum putamus, ætatis teneræ atque cereæ formatorem; vt siquod in alumino suo lumen ingenij; siquam indolis elegantiam, siqua semina sapientiæ aspexerit; hóc sollicitiore curâ sagat, quò ipsa natura ducit, obsequi, probisque artibus istud alere & erudire ingenium; vt ne infitos illos melioris mentis igniculos infelicitas restinguat lugenda formatoris inettia, & quod læta natura spondebat, peruersa abneget educatio.

Alioqui enim incautæ ætati, & formantium curâ destitutæ, occurrant illico geminæ illæ, quamlibet præstantis ac diuinæ indolis, corruptelæ ( quas item demonstrat in Tabula sua Cebes Thebanus, & M. Tullius initio tertij Tusculanarum ) fallaces nimirum vulgi opiniones, & prauæ iuuentutis illecebræ; quibus iam inde occupatus adolescentis animus, non facîle decore capitur, dulcedine, luce sapientiæ cælestis: quin & siquis illum primæque indolis vigor igneus ad sempiterna atque diuina sollicitet, is confestim, ijs quas dixi rebus, tanquam suffocatus opprimitur: & ( quod de nescio quo eleganter dixit, contra Academicos scribens Augustinus ) *illud decus animi, vel potius decoris quasi*

L. 1. c. 2.

*seminarium, erumpere in veram pulchritudinem nitens, tortuose & deformiter, inter scabra vitiorum, & inter opinionum fallaciarum dumeta frondescit.* In quibus obserues, bonæ menti insita honesti ac pulchri semina, inter eas quas dixi vitæ pestes, scabra scilicet vitiorum, opinionesque fallaces, ægre exoriri, maligneque succrescere. Quod loco laudato aliâ figurâ expressit Cicero: *paruulos nimirum à natura datos igniculos, celeriter malis moribus, opinionibusque deprauatis, restingui.* Vt rectè in prædicta Cebetis Tabula ( præclaro scilicet, & digno quod subinde inspiciat studiosa iuuentus, morum humanorum, vitæque decorè exigendæ, speculo ) inducatur, ingressos in vitam, sollicitè præmonens, bonus humanæ vitæ præses Genius, ne se Fortunæ incautè credant, neque Vulgaribus Opinionibus ac Cupiditatibus seduci sese patiantur. Alioqui enim, varijs circumuentos erroribus, nunquam ad germanæ veræque Sapientiæ possessionem, & ( quod est consequens ) nunquam ad summæ Felicitatis arcem, aspiraturos.

Tanti refert ad cælestes satus, vitæque beatæ disciplinam, sinceram mentem, atque à vulgi falsis sensibus liberam, tum

vitiorum quoque, stirpibus ac fibris perpuratum pectus, adferre.

Ceterum vel inde manifestius intelligas, in latâ indole rectè formandâ, quàm nulli curæ, nulliusque labori parcendum sit; quando id quoque competum est, in mollis ætatis institutione, eò maiore periculo peccari, quò præstantiore naturâ quisquidam, & vi ingenij excelsiore præditus sit. Neque enim à magnâ indolè, mediocri quiddam atque vulgare, sed aut magna virtus, aut magna vitia expectanda sunt, quamlibet in partem cuiusque mentem, seu informatio puerilis, seu adolescentis flexus ætatis, eopuertit, atque impulerit. Quare ut alia sanè per multa ad locum istum facientia, id etiâ rectè ab illo veteris Academicæ Principis observatum est: *Naturam optimam, si alieniorem quandam educationem consequatur, deteriorem eandem, quam vilem & inertem. Neque adeo putandum esse, magna scelera extremâ improbitatem, ex vili quadam ignaviâ, indolè, & non potius ex generoso & robusto quodam ingenio, educatione corrupto, proficisci.* Ita ille in sua Rep. Dialogo 6.

## C A P V T XII.

*Etiâ primam pueritiam videri, primis honesti notionibus, & quasi quibusdam rudimentis Sapientia, rectè & utiliter imbuendam.*

**I**Am verò quiddam adjicimus, ut huic loco proprium: quod, tametsi ut mores nostri sunt, videbitur potius ad quandam Remp. Platonicam, ideamque solâ animi contemplatione contentam, quàm ad rem ipsam usumque vitæ pertinere; ar dicatur tamen, quod fortè, saltem in eorum puerorum educatione, quos, siue ex ipsa conditione nascendi, (velut in Principum Magnatumque liberis) siue ex rara quadam indolè, parentumque studio, appareat in spem magnam crescere, atque ad usus Reip. salutare destinari, aliquando locum habere possit.

Eam videlicet quam prædiximus mollioris ætatis ad honesti studium sollicitam institutionem, non in ætatem adolescentem, extremamque aut etiam provectam pueritiam, quasi ei primùm ætati insit eius disciplinæ capacitas, videri dūctendam; sed à primis

primis annis, seu ab ipsa primâ pueritiâ, adhibendam atque experiendam esse. Quod equidem à nobis non nimis absurdè præcipi, neque omni seu auctoritate seu ratione destitutum esse; cognoscere poterit, quisquis ea, quæ nunc eam in causam subiuncturus sum, attenderit.

In primis siquidem huic nostræ cogitationi fauentes habemus ipsos etiam Philosophorum principes, Platonem atque Aristotelem. Huius quippe, ipso Platone laudato, ista expressa est, in Ethicis ad Nicomachum, sententia: *Quapropter* Lib. 2. c. 3. *(ut Plato inquit) homines statim à pueris sic esse instituendos, ut ipsi gaudeant docerentur, quibus gaudere doceretur, oportet. Hac est enim recta institutio.* Quibus, nisi fallor, ad id respexit, quod præscripserat Plato in Protagora: ubi eam commendat disciplinam, quâ (ut ipse ait) cum primum puer quæ dicuntur intelligit, ei demonstratur à moderatoribus, quid iustum, quid iniustum, quid honestum, quid turpe sit &c. Qua de re ipsam Platonis mentem ex professo exponens Apuleius, ita loquitur ex eius sententiâ: *Hominem ab stirpe ipsâ, neque absolutè bonum, nec malum nasci; sed ad utrumque procline ingenium eius esse. Habere quidem semina quadam utrarumque rerum, cum nascendi origine copulata; quæ, educationis disciplinâ, in partem alteram debeant emicare: doctoresque puerorum nihil antiquius curare oportet, quam ut sint amatores virtutum; vel inter se moribus & institutis eos ad id prorsus imbuere, ut regere & regi discant magistrâ institui. Quare præter cætera. induci ad hoc eos oportere, ut sciant, quæ sequenda fugiendaque sint, honesta esse ac turpia; illa voluptatis ac laudis; hæc verò dedecoris ac turpitudinis. Honestâ, eademque quæ sunt bona, confidenter optare eos oportere.* Hæc ille, eo libro quem inscripsit. *De Philosophia*: quæ etiam eâ stabiliunt, quæ modò capite superiori diximus.

Porro Quintilianus, futuri oratoris institutionem tractans, eam existimat (& verò studiosè præcipit) etiam à tenerâ puerilique ætate inchoandam: quam in rem etiam Chrysippi laudat Instit. l. 1. c. 1. sententiam; qui, ab illis quoque annis, quibus etiam sub nutrice c. 1. sint, iam informandam quam optimis institutis mentem infantium indicat. Nimirum (ut observat Fabius) quantum in infantia præsumptum est temporis, acquiri adolescentiâ: atque etiam dum aliud agitur, puta dum discunt conformare litteras, inter lulum, iocos, & animi causâ susceptas exercitationes pueriles, prima poni posse tanquam rudimenta secuturæ deinceps institu-

tionis. Vnde inter cetera ibidem in hunc modum præcipit. *If quoque versus, qui ad imitationem scribendi proponuntur, non otiosas velim sententias habeant, sed honestum aliquid monentes. Prosequitur hæc memoria in senectutem, & impressa animo rudi, usque ad mores proficiet. Etiam dicta clarorum virorum, & electos, ex poetis maxime (namque eorum parvis cognitio gravior est) locos edificare inter lusum licet. Ut nempe, quod ait ad Lætiam*

Ep. 7. c. 2.

scribens de filiarum institutione Hieronymus: *Lusus ipse, eruditio sit.*

Quæ quidem in rem quoque nostram ita transferri possint; ut & pro ludicris ineptisve nænijs, ætæna piæque cantica, & pro anilibus nutricularum fabulis, morati apologi, & pro varia occasione, dicta quædam præclata, versusque honestum quidpiam monentes, insinuantur etiam infantibus? quorum tamen vim eâ in ætate minùs sentiant; attamen hærebunt memoriæ, & tanquam semina molliori terræ credita, procedente tempore erumpent & assurgent in frugem. Itaque rursus idem Fabius de librorum agens ab adolescentibus legendorum delectu, inter ea quæ ait admonitione magnâ egere, hoc in primis curandum statuit: *Vt teneræ mentes, tracturæq; altius quidquid rudibus & omnium ignavis insederit, non modo quæ diserta, sed vel magis quæ honesta sunt, discant.* Quod quidem præceptum etiam in pueris minutulis, & ea quæ dicantur minùs intelligentibus, suâ quadam ratione tenendum est; ne scilicet ea quæ minùs honesta sunt, audiant: quippe qui postea, etiam scientes ægre dediscunt, quæ didicere nescientes. Admonente etiam sapienter Plarone in secundo de Rep. eapropter providendum esse, ne quilibet fabulas à nutricibus aut matribus formandi audiant pueri, *animisq; (vt ait) imbibant opiniones contrarias illis, quas cum adoleuerint, habere illos debere existimamus.*

Ibid. c. 8.

Formanda est igitur, (vel Philosophis autoribus) primis honesti rudimentis, & tanquam elementis sapientiæ, pro capite suo, etiam prima pueritia. Quam adeò gratam, si indoli suæ accommodatè tractetur, disciplinæ honesti & capacem & retinentem esse, Spartanorum olim puerorum, & Iaponiorum hodieque probat exemplum: quorum animi excellitas, & in summis etiam doloribus constans & inuicta patientia, si historiarum gentis credimus, magnam partem debetur educationi: quod ita nimirum instituuntur à teneris, ut honesti atque decori primam ac summam rationem habendam intelligant, neque, quavis seu poenâ, seu mercede propositâ, quicquam quod turpe sit,



sit, sibi committendum existiment. Cui proinde probæ institutioni etiam illud assignem, quod ille dixit, Plutarcho olim laudatus, senex: *Omnes quidem Græcos nosse quid sit honestum, sed eo solos veri Spartanos.* Quod nempe reliqui, quibus ea de-  
esset institutio, processu ætatis possent quid esset honestum cognoscere, non irem ad illud mores formare, prohibente peruersâ educatione.

Et sanè quid recti expectes, ab egregiâ quamuis indole, quam iam praua corrumpit educatio? Aut quid mirum erit aut insolens, si vnâ cum ætate crescat, exempli causâ, amor numeri, habendique studium; quando, quod aiebat in æui sui mores declamans Satyricus:

*Hoc monstrant vetula pueris poscentibus assem.*

*Inuen. sat.*

*Hoc discunt omnes ante Alpha & Beta puella?*

*14.*

Siue, vt de alijs indulgentioris educationis vitij Quintilianus: *L. 1. c. 2.* *Quid non adultus concupiscet, inquit, qui in purpuris repit? Nondum prima verba formare didicit, iam coccum intelligit, iam conchylium poscit. Antè palatum eorum quàm os instituimus. Gaudemus siquid licentius dixerint. Discunt hæc miseri, antequam fiant vitia esse &c.* Ex quo equidem fonte, pleramque manare morum in iuuentute licentiam & corruptelam, nullus sanè dubitem.

Quapropter nequaquam exaudiam, quod suæ (quam vocant) in teneros liberos indulgentiæ, at reipsa prauæ atque peruersæ educationis patrocinio, molliores parentes obtendunt: ferri posse eâ quidem ætate, ac dissimulari, ista non tam morum vitia, quam lætæ indolis atque exultantis argumenta. Respecturos se nempe adolescentes, vbi ad magistros venerint; suæque naturæ bonitati restitutos, quæ minùs decere, doctore monstrante, perspexerint, spontaneâ iam morum honestate, haud difficulter emendaturos.

Quasi nesciremus videlicet: cùm vniuersè, ea quæ pueri mollibus infusa præcordijs acceperint, durare soleant, attamen quæ deteriora sunt, hærrere pertinaciùs: difficili admodum ad primæuam indolem recursum, ex quo ipsa vitia, altera iam natura facta sunt.

Vt vel eâ causâ, sæpe laudatus hoc in capite Quintilianus, *L. 1. c. 3.* ætatem infirmam tum maximè formandam præcipiatur, cùm simulandi (inquit) nescia est, præcipientibus facillimè cedit. *Frangas enim*

*enim (subdit) citius quàm corrigas, quæ in prauum induruerunt. Protinus ergo nequid cupidè, nequid improbè, nequid impotenter faciat, monendus est puer. Habendumq; in animo semper illud Virgilianum,*

*Georg. 2.*

— *Adeo in teneris consuescere multum est. Sic ille.*

*Ad Nicom.  
l. 3. c. 3.*

Quo etiam loco meminisse possumus Platonis, quem aliàs edicentem audiuius, cum qui à teneris, delitijs assueuerit, haud temerè vnquam euasurum esse sapientem. Etenim (vt etiam obseruat Aristoteles) vnusquisque ferè prout affectus est, iudicat: sitque nescio qua ratione, vt qui ab ætate ineunte, res istas infimas, quas tanti mortales faciunt, & ipse æstimare, mirari, eisq; incauto amore adhærescere occorperit, earundem falsâ occupatus dulcedine, nihil iam sublime complectatur aut agitet animo, sed ea quibus assueuerit, quasi summa bona sint, ita præ cæteris expetenda sibi existimet. Vt hæc protus valeat, quod pulchrè scripsit idem Philosophus in magnis Moralibus:

*L. 2. c. 8.*

*Qui porrò voluptatem bonam esse contendunt, ij perinde faciunt, ac qui nectar incognitum habentes, Deos vinum potare putant. Nulla scilicet maiora bona, aut voluptates sinceriores, quàm quibus ipsi insueuerint, seu quæ ipso sensu experimentoque illis cognitæ ac compertæ sint, vquam superesse existimantes.*

Quo iam vniuersè difficillimum sit (ex laudatâ Platonis sententiâ) sapientem euadere eum, qui vitiosis moribus, ad quantumvis præclaram disciplinam, institutionemq; accesserit.

*Ad Nicom.  
l. 7. c. 3. & c.*

Quamquam enim cum faciamus, ingenij vigore, etiam sublimia sapientiæ præcepta comprehendere, laudare, quin & his, si voles, etiam teneri, cum dulci sensu aliquando deprehensæ atque exploratæ veritatis: attamen cum eorum vltus & occasio venerit, perturbatione præpediente non assumet, nec applicabit ea ad vltum vitæ; sed (quod de incontinenti in Ethicis scripsit Philosophus) in hac illaue retum specie, atque occurfu, vt sibi conueniens eliget, quod in vniuersum sibi vel maximè vitandum esse persualetit. Qua equidem in re, præclarè, neque vno loco, admonet claudus ille de Stoâ, sed non ingenio claudicante, Philosophus, præcipuam labem humanæ vitæ consistere.

*L. 3. c. 26.*

Nam (quæ ipsissima sunt Epicteti verba apud Arianum)

*L. 1. c. 32.*

*hec est causa mortalibus omnium malorum, non posse communes notiones aptare singularibus. Quod exempli causâ, in eo declaratur,*

### PARS TERTIA. CAP. XIII. 243

ratur, qui ex Stoicæ ( immo & Christianæ, ut in loco dicam ) disciplinæ præceptis, persuasum habeat, omnia illa quæ extra nos sunt, habenda esse pro medijs, seu indifferentibus ad vitam beatam, coque per se simpliciter neque bona, neque mala esse; qui tamen, cum in rem præsentem venit, aut siquis offertur v. g. eorum amittendorum metus, perturbatur animo, & quasi ea vera & magna bona sint, eâ gratiâ ab officio, atque honesto defectit.

Atque ex his demum, ut existimo, quisque faciliè intelliget, quantum intersit ad futuram virtutem, ipsamque adeò felicitatem humanæ vitæ; etiam teneræ ac molli ætati, quendam à principio instillari honesti sensum; & primum aspergi tanquam saporem sapientiæ; ne ( quod alioqui fieri asoleat ) dominatum rationis prævertat cæca cupiditas, aut lætam indolem infelix pervertat educatio. Quippe, ut hoc extremum cum S. Augustino adjiciam: *Tanta vis est consuetudinis, ut eâ inueteratâ, si falsâ opinione genita sit, nihil sit inimicius veritati.* L. 5. de mor. c. 5.

### C A P V T XIII.

*Sapientis esse, ab initio excelsum quiddam cogitatione præsumere, magnâq; mensurâ vitam suam metiri.*

**E**Quidem hoc lemma comprehensa propositio videri potest ex antè dictis explorata ac demonstrata esse. Nam si, velut suprà disputabamus, ad vitam rectè ac sapienter instituendam, tantum est momentum intelligentiæ, & quod dicebat Augustinus, tanta vis in dominatu & principatu rationis; confectum effici videbatur, absque excelsis cogitationibus nihil magnum posse confieri; easque proinde sapienti esse omnino necessarias, quando compertum est, ad magna quædam, nec vulgarâ, vocati sapientem. Veruntamen, cum in præsentiarum, non tam de rerum magnarum anteceptâ intelligentiâ, quàm de intentione ac destinatione animi, excelsum quiddam sibi sequendum proponentis, instituenda sit dissertatio, habeatque ea res vltum suum, ac præceptiones proprias; præsum, erit operæ, si nunc separatim, neque incuriosè tractetur.

G g

Atque,

Atque, ut istinc exordiar; in carmine quodam ad Nicobulum, rectissime scripsit Gregorius Theologus: *Sapientis, siue prudentis, esse; magnâ mensurâ vitam suam metiri.* Siue; (qui proprius est istius dicti sensus) magnam quoddam vitæ præclare honesteque agendæ exemplar, sibi ad imitandum constituit ac propinquare. Quod quidem liceat accommodatè & ad præsentem transferre tractatum: ut, quando, etiam ex ve-

L. 8. de cin.  
Dei cap. 5.  
et 9.

rislima certissimaque Platonis, à S. Augustino non vno loco comprobata, sententiâ; sapientia vera, ac vita beata in Dei notitia atque imitatione consistit; sapientis sanè sit, magnâ mensurâ vitam suam metiri: hoc est, in vitæ suæ rationibus consistendis, primum illud ac summum & perfectissimum omnis honesti ac pulchri exemplar, Deum inquam, ob oculos habere, atque in omni deinceps exercitio, actuque vitæ, ad Dei vitam moreque divinos, imitandi gratiâ, aspicere: quò sensim contendar, quoad permittit mortalitas, rudimentum quoddam in mente suâ præformare diuinæ imaginis, & vel prima saltem lineamenta ducere perfectæ illius atque supremæ similitudinis, quam ex lucis æternæ intimâ impressione accipiet, Deo iam fruens ac beata mens veri consummarique sapientis. Secundum illud dilecti discipuli: *Scimus quoniam cum apparuerit, similes ei erimus, quoniam videbimus eum sicuti est.* Ad quæ verba S. Augustinus: *Hæc claritas Dei est, inquit, ineffabilis lux, fons lucis sine commutatione, veritas sine defectu, sapientia in se manens, innovans omnia &c.*

1. Ioh. 3.  
v. 2.

Expofit. 2.  
109.

Marth. 5.  
v. 48.

Atque hoc, quod dixi, liquet non modò Platicum, sed Euangelicum, & maxime diuinum esse præceptum: edicente Magistro cælesti, ut perfecti esse contendamus, sicut & Pater noster cælestis perfectus est. Quod & illa confirmet B. Ambrosij in libro de fuga sæculi cap. 4. *Hoc est autem fugere, abstinere à peccatis, ad similitudinem & imaginem Dei formam virtutum assumere, extendere vires nostras ad imitationem Dei, secundum mensuram nostræ possibilitatis. Vir enim perfectus, imago & gloria est Dei. Vnde & Dominus ait: Perfecti estote, sicut & Pater vester cælestis perfectus est. Hoc est igitur similem esse Dei, habere iustitiam, habere sapientiam, & in virtute esse perfectum.* Hactenus S. Ambrosius.

Eodemque & istud refert licet, quod epistolâ quadam audenter pronuntiat Seneca: vbi de animi virtutisque perfectione agitur, hominem ipso Deo metiendum esse. Nam cum eo  
loco,

loco, suæ disciplinæ ardua quædam decreta tradetet: *Multu* Ep. 71.  
 (inquit) *videmur maiora promittere, quam recipit humana condi-*  
*ditio. Non immerito;* (subdit) *ad corpus enim respiciunt. Re-*  
*uertantur ad animum: iam hominem Deo mettentur.*

Quanquam enim ea vox videri possit, ex superbâ illâ va-  
 nitate profecta, quâ istius sectæ homines, sapientem dicerent  
 (quod quidem ad animum spectaret) Deo parem, Dei so-  
 cium esse, non supplicem: attamen etiam Christiano sensu  
 probè dixeris: debete se Deo metiri sapientiam. Ep. 31. 92.  
O<sup>6</sup>

Non quasi confidat, vilo suo conatu posse ad divinam æqua-  
 litatem pertingere: sed quòd magnam illam summi boni ac  
 pulchri mensuram propositam habens ob oculos, nullâ virtu-  
 tis mediocritate contentus sit, sed ad maiora semper aspiceret,  
 secum istud reputans, quod quocunque facto in sapientia vir-  
 tuteque progressu, adhuc tamen longissimè distet ab illo sum-  
 mo infinitoque exemplari, cuius imitationem, velut vitæ sco-  
 pum finemque, sibi præstiterit.

Ad extremum observo, inirio laudatum Atticæ Academicæ  
 Principem, Dialogo 4 de Legibus, cùm de imitando sequen-  
 doque Deum multa pulchrè dixisset; atque inter cætera, id  
 sapientis esse proprium, eiisque qui felix, ac Deo amicus fu-  
 turus sit, proindeque *dubium non esse, quin cogitare quisque de-*  
*beat, qua ratione ex eorum numero sit qui Deum sequantur:* id  
 ipsum demum quod hoc loco tradimus, iisdemque propemo-  
 dum verbis esse complexum, dicentem: *Deum maxime nobis*  
*oportere (U<sup>o</sup> multo magis quam quemlibet hominem) rerum om-*  
*nium esse mensuram.*

Ergo ut eam rem in pauca contraham, atque concludam:  
 Magna mensura est, æmulario divinæ vitæ; magna mensura,  
 vita Evangelica & Sanctorum morum, ab ipso Christo, Dei  
 inquam Sapientiâ, tum ore tradita; tum factis ipsis demon-  
 strata, perfectio; magna mensura, absoluta sui victoria, sum-  
 mum studium divinæ gloriæ, contemptus omnium quæ Deus  
 non sunt, & cùm generoso rerum transentium fastidio, so-  
 lius respectus æternitatis. Ad magna vocamus; cùm ad hæc vo-  
 camus Sapientiæ sectatorem.

Attamen, huic loco congruenter, magis uniuersè dixerimus:  
 Sapientis esse magnâ mensurâ metiri vitam suam; magnis in-  
 quam, & supra vulgi sensum, sublimibusque atque diuinis co-  
 litationibus: ne vulgaribus atque proteritis huius sæculi præi-  
 ualeat.

dicijs seducti, sapiamus ea quæ mundi sunt, aut in infimo certè consistamus virtutis gradu; sed magis ingenuè ac magnificè philosophantes, dicam id Afrorum Doctorum, Tertulliani, Minutij, ac Cypriani, phrasi, non cæca, non terrena, non vilia, sed magna, sed diuina viuamus.

Nempe vt de homine verè Philosopho Socrates, in sexto Platonis de Rep. *Cui cogitationis adest magnificencia, & totius temporis totiusq; substantiæ contemplatio, humana vita magnum quid videri non potest.* Obserua ad propositum nostrum, vero Sapienti attribui quandam cogitationis magnificenciam, quâ iam nihil ei magnum videatur in rebus humanis, æterna scilicet contemplanti, & sola diuina vt verè magna æstimanti. Et Lucilium suum, ad contemptum omnium quæ vulgo placent, ptouocans Seneca: *Cogita, inquit, in te præter animum nihil esse mirabile: cui magno nihil magnum est.* Eorum scilicet, quæ se inferiora despiciat, & velut indigna amore suo, quadam, vt dicebamus, cogitationis magnificenciâ, & liberæ mentis excelitate, contemnat. Vt meritò iam olim mihi sublimis, & ex summâ pfecta Philosophiâ, visa sit vox illa simplicis illius Sapientis: *Dim paruus eris, & infra iacebit, qui aliquid magnum æstimat, nisi solum vnum, immensum, æternum bonum.*

3. de imit.  
Chr. c. 31.

S. Cyprianus epistola 1. quæ est ad Donatum; eam admirans sensuum affectuumque commutationem, quam in eorum animis efficit diuinus Spiritus, qui in baptisinate Christum induti, toto animo conuertuntur ad Deum, ita loquitur in rem nostram: *Postquam autorem suum, celum intruens anima cognouit, solo altior, & hac omni terrenâ potestate sublimior, id esse incipit, quod se esse credit.* Quod eo sensu dictum opiner: quòd sese iam mundo maiorem credens & aspiciens animus, dedignetur iam humilia sapere; & memor læ dignitatis, quidquid infra se videt, generoso fastidio contemnat; aut illud, aut simile quiddam, identidem sibi cum Romano Philosopho occinens: *Vetas me celo interesse, id est, iubes me viuere capite demisso? Maior sum, & ad maiora genitus, quàm vt mancipium sum corporis mei: quod equidem non aliter aspicio, quàm vinculum aliquid libertati meæ circumdatum.*

Ep. 65.

Atque in eandem sententiam subiungi potest, quod apud eundem Cyprianum, in hymno quodam, seu carmine, de Pascha Domini, de his dicitur qui fructus crucis gustauerint, quod nos pari sensu de gustantibus fructus sapientiæ dicemus:

*Permu-*

*Permutant animos, & mentes perdere anaras  
Incipiunt, dulciq; hominem cognoscere sensu.*

Quasi iam omisâ animali vitâ, & omni depositâ terrenarum rerum cupiditate, incipiant primùm sentire hominem; diuinamque in se imaginem, & tanquam indolem, recognoscere; eoq; cælestes cogitationes ac mores Deo dignos induere.

Huc denique faciunt & illa Gregorij Nysseni: *Siquis, postquam in ipso diuina fuerit genita sapientia, quæ sursum sunt sapiat, tantundem terra attingens, quantum necesse est; hic extrema terra sub celo habitat, non in terrenas cogitationes demersus; huic celum sibi loco terræ preparanti, sapientia assistit.* Orat. 2.  
capit. 2.  
nom.

Ex quibus iam sanè subducere incipit, quod dicebamus: quantum ad virtutis excelsum decus necessariae sint cogitationes magnæ; atque à vulgaribus mortalium sensibus longè submotæ destinationes; eamque in rem etiam sub ipsa susceptæ disciplinæ initia, vel maximè nitendum contendendumque sapientiz amatori.

Quâ enim aliâ ratione, nobis non adscitum extrinsecus, sed ipsis medullis inditum probauerimus veritatis ac sapientiz studium; nisi, quod verbis propè Christianis scripsit Annetus, *queramus, quid nos in possessione felicitatis æterna constituat, non quid vulgo, veritatis pessimo interpreti, probatum sit?* De vit. beat.  
c. 2. Porro in susceptâ virtutis viâ, mediocribus esse contentum, remissi est & ignobilis animi, & eius qui sapientiz tantum alludat, non tam avidis ac rotis vlnis adhuc strinxerit; aut (quod aliâ ratione expressum video à Platone, quadam epistola) eius Epist. 7. qui non reuera sapientiz amator, sed opinionibus duntaxat extrinsecus coloratus sit.

Igitur ad magnam virtutem, magnæ cogitationes præsumendæ sunt, ipsæque, sub ipsa vitæ melioris iniria, altè imbuendus incirandusque est animus; ut tanquam nobiliter atque generosè educus, altè spectet, aspiret ad gradia, aut (quæ rursus est Senecæ phrasis) *alta cometur, & mente, maiora concipiat.* De vit. beat.  
c. 20. Quando vix est ut magnum aliquid ab eo expectes, qui animo humili atque remisso, nullo sublimi proposito, nullâ cogitationis magnificentia, arduum cælestis sapientiz ac virtutis studium atripuerit.

Quamobrem virum sanctum è nostro Ordine, eundemque rerum quæ ad spiritum spectant experientissimum, Baltazarem

Vir. P. Bal.  
c. 20.

Alvarez, Societatis nostræ tyrones suæ disciplinæ commendatos, accepimus, præcipuo studio ita solitum instituere, ut ab ipso vitæ spiritualis exortu, magnas atque sublimes, Deique filiis condignas cogitationes, induerent, in omnem deinceps ætatem, ad præclaræ virtutis exempla grandia profuturas: cum, inter alia fortia dicta, eisdem hac præclarâ voce identidem incitaret: *Nemo degeneret à sublimibus cogitationibus filiorum Dei*. Atque huius moniti crebrò à Magistro repetiti tanquam aculeum, tam altè inhæsisse in audientium animis, ut ab eâ disciplinâ nonnulli, cum in itinere Brasílico, in eas oras, duce P. Ignatio Azebedo, Euangelij gratiâ submissi, in crudeles hæreticorum manus incidissent, hac se maximè voce, ad mortem in causâ fidei fortiter subeundam hortati sint: *Non degeneremus* (aiebant sibi) *à sublimibus cogitationibus filiorum Dei*. Tanti est, à primis vitæ sanctioris incunabulis, eiusmodi excelsis cogitationibus, aduersus vim omnem, & casus acerbos, qui incidere possint, pectus armasse.

L. 9. Conf.  
c. 1.

Ad extremum hæc constitutandis concludendisque summi Doctores, S. Augustini, illustre in eam rem proferamus exemplum. Etenim, ut quod res est dicam, sæpe me illum, quem in hac nostrâ Dissertatione præcipuum ducem habemus, S. Doctores libros nonnullos, quos ille vix bene conuersus, & vel nondum tinctus, vel certè à sacro lauacro recens, de Ordine, contra Academicos, de beata vita, de libero arbitrio, aliisque de rebus egregiè scripsit, legentem, non mediocris incescit admiratio: hominem inolitis vitijs, voluptatibusque altè immersum, tum sæcularibus duntaxat imbutum literis, ad hæc Manichæorum cæcis nuper implicarum erroribus, non modò repenti ex illo cæno sic emetisse, ut (quod ipse scribit) illi subito suave esset, *carere suauitatibus nugarum, quas amittere metus fuerat*; Sed etiam (quod huc propriè facit) in eam iam rum assurrexisse generosæ mentis excelsum, eaque animo concepisse magnarum cogitationum semina, & tanquam principia exaggeratæ sapientiæ quibus ad germanum Dei amorem, robustamque virtutem, totâ deinceps vitâ conniteretur. Et mirabitur necum, ut opinor, qui studium aliquod in eo lectitando posuerit; potuisse illum sub ista iniitiâ abundare diuinis sensus, suolque tractatus (quanquam aliquatenus Rhetori, quod erat, quam Theologo propiores) tam præclaris, tamque sublimibus, atque ex intimo tanquam penetrati

veræ



veræ sapientię depromptis, illuminare, & quasi consecrare, sententijs, quarum etiam luce hos nostros sermones, hinc atque illinc, prout res tulit, libenter aspersimus.

Veruntamen, præter illustre atque eminens ingenium, indolemque virtutis cognatam, quam ipse describens in suis Confessionibus, ait sese etiam puerulum, *in ipsis parvis parvarumq; rerum cogitationibus, veritate delectatum*; eò in primis non parum contulit ingens, quo idem etiam imbecillâ adhuc ætate, lecto Ciceronis Hortensio, alijsque libris philosophicis exarsit; amor ac studium adipiscendæ sapientię; eòdem accedente postea, lectione Epistolarum Apostoli, quæ virum iam factum haud paulò vehementius inflammavere. Qua de re iuvabit illum audire, cum Romaniano chie suo, cui sese fatetur multis obstrictum nominibus, quemque ad eò exemplo suo ad idem decus ac studium prouocare contendit, libro contra Academicos secundo, ita loquentem: *Cum ecce tibi, libri quidam pleni, ut Celsinus ait, bonas res Arabicas tibi exhalarunt in nos; ubi illi flammula* (hoc est, primis illis igniculis ac desiderijs obtinendæ aliquando sapientię) *instillarunt pretiosissimi unguenti guttas paucissimas; incredibile, Romaniane, incredibile, & ultra quam de me fortasse & tu credis, & (quid amplius dicam) etiam mihi metipso de meipso incredibile, incendium concitarunt.* Sic Augustinus; cum, ut existimo, Celsinum Iulianum Numidam citans, cuius meminit Agellius l. 19 c. 7. & 10.

Adhæc voluit fortasse Deus, uti olim Paulum, ita & hunc futurum orbis magistrum, eidem infuso speciali dono sapientię, ad id muneris cui destinabatur, à principio idoneum reddere; eumque præ cæteris clariori lumine, rerumque cælestium penitiorē notitiâ, quâ ipsam deinde illustraret Ecclesiam, impertire.

Ut vel hinc intelligas, haud temere quenquam ad vitæ sublimis, excellentisq; virtutis decus, aspiraturum ac peruenturum esse, qui non ab ipsis salutarium studiorum exordijs, generosis instructus cogitationibus, non vulgaria, non mediocria; sed grandia præsumat animo: quando & ipsi Providentię, quæ ad fines suos rationibus aspirat convenientissimis, solenne est; siquos ad res grandes, & summa exempla destinet, vel his, iam inde ab ætate tenera, excelsas rerum diuinarum notiones, sensusque eximios indere; vel dum extra ordinem eos postea ad se converterit, eisdem quadam cogitationum mentisque magnificentiâ, & tanquam spiritu principali, donare.

## CAPVT XIV.

*Expenditur S. Ambrosij locus insignis; Beatam vitam in altitudine Sapientia, suauitate conscientia, virtutis sublimitate, collocantis.*

cap. 5.

Ceterum his quæ modò diximus paulò ampliùs illustrandis, audire iuuat S. Ambrosium, in secundo de Officijs, de vita beata differentem, eamque suis quasi terminis definientem.

Nam cum illud sumpsisset comprobassetque, pluribus & grauius, de Saluatoris Euangelio, sententijs; ea, quæ vulgo videntur bona, puta quæ corporis aut fortunæ bona dicuntur, non solum per se nihil conferre ad fructum beatitudinis, sed dispendio potius ac detrimento esse; consequenter subiicit, non in his proinde beatam vitam consistere, sed (quæ S. Doctoris pulchra verba sunt) *in altitudine sapientia, suauitate conscientia, virtutis sublimitate*. Et hæc ille quidem de vitâ beatâ, quæ possit etiam obueneri mortalibus; quam ibidem appellat fructum præsentium, cum vitam æternam dicat spem esse futurorum.

Quam autem eum dixerimus appellare altitudinem sapientiæ? nisi illam, quam commendabamus, mentis ingenue & verè liberæ excellentiam, quâ rem vnâquamque reducit ad causas altissimas, solumque Deum contemplatur in omnibus; neque verò abiectis rapi se sinit implicariue, vulgi imperiti atque profani opinionibus, sed veris, & summis, æternisque rationibus ducitur. Quando in hoc maximè sita est sublimitas atque eminentia cælestis illius sapientiæ, diuinæque indolis generositas; eoque præsertim (vti dicemus proximo capite) sapiens à stulto differre & distare videatur.

Conscientiæ autem suauitatem in eâ, vt existimo, animi pace collocat: quem nulla in primis grauior culpa remordeat, sed delectet vitæ innocenter actæ conscientia; nec vlla deinde sollicitè affectionum perturbatio, ipsis animi motibus rationi bellè consentientibus, & æquabili morum sibi metipsis congruentium harmoniâ attemperatis; quem denique inter casus aduersos, atque acerba mortalis vitæ, tum ipsa soletur præ-

sens

PARS TERTIA. CAP. XIV. 251

sens dulcedo, finiet conscientie sapientie, tum potissimum eius, quam suprema nobis proponit auctoritas, expectatio felicitatis. Quam animi pacem suavitatemque conscientie, quacunque temporum varietate, vicissitudine rerum, imperturbatum, quilibet non profus insulsus sit, neque peponem cordis loco habeat ( quod obiebat Marcioni Tertullianus ) quibusvis sensuum illecebris, aut vitæ quantavis corporearum voluptatum copiâ circumfluenti, nimium quantum antefereendam existimet. Istud enim quanto interius, tanto solidius est gaudium; ubi reliqua quæ diximus, siue ( ut Senecæ voces usurpem ) *hæc quibus delectatur vulgus tenuem habent ac perfusoriam* ( seu *Epil. 23.* quod vulgo dicitur, superficialiam ) voluptatem; *U quodcumque inuectivum gaudium est, fundamento caret.*

Iam verò virtutis sublimitatem manifestè illam intelligit B. Ambrosius; quâ humanus animus, quibusvis præsentis sæculi seu bonis, seu malis maior effectus, neque illis exultat ut veris bonis, neque his ut veris malis frangitur; sed velut in alta constitutus arce sapientie, despicit omne quod infra se est, neque quicquam nisi quod æternum sit, suâ contemplatione, desiderio, amore, admiratione dignatur. Quam in rem idem S. Doctor, tum Patriarcharum, tum maximè Sancti Iob profert exemplum; qui excelsâ animi virtute tot ærumnarum atque dolorum acerbiter obduxerit, & quasi non senserit, beatæ messis conscientie interpellantem. Quando & Tullio in secundo Tusculanarum obleruarum est; *amplitudinem, U quasi quandam exaggerationem animi, in contemnendis U despiciendis doloribus maximè enitere.* Cuius item beati viri ( Iobi inquam ) virtutis sublimitatem, cum altitudine sapientie coniunctam, describens S. Augustinus, in quo ea consistat satis ostendit, dum libro de moribus Ecclesie Catholice de eo in hunc modum philosophatur: *Neque illum commemorabo virum, à quo in magnis* *Cap. 23.* *cruciatibus corporis, U horribili tæbe membrorum, non modo sustinentur humana, sed etiam divina disputantur. In cuius singulis vocibus satis elucet, quis æquo animo attendat, quanti pendenda sint ista, quæcùm voluit homines per dominationem tenere, ab ipsis potius per cupiditatem teneantur, U rerum mortalium servi sunt, dum imperire Domini esse desiderant. Amisit namque ille omnes divitias, U factus repente pauperissimus, tam inconvulsam animam tenuit, U infixam Deo; ut satis demonstraret, non illas sibi fuisse magnas, sed se illis, sibi autem Deo.* Hæc magnificè S. Augustinus.

Hh

Verum.

Veruntamen absterrebit forsitan adeò exaggerata excelsitas amatorem sapientiæ; & illam, quam prædicat Ambrosius, seu altitudinem sapientiæ, seu virtutis sublimitatem (vnde religatus pendeat fructus ille desideratissimus, suauitas inquam conscientiæ) vt pauci, quos æquus amatit Deus, eam assecuti sint, maiorem censebit consuetis viribus mortalium; suis certè videri desperandam.

- At enim amanti volentique nihil est arduum; & ipsa difficultas, animo nobili pro stimulo est; seu, quod dixit Annæus, *Epist. 31. generosos animos labor nutrit*; & sensim etiam peruenit ad summa; & sine labore nihil magnum fit; & quocunque pretio digna est immortalitas sapientiæ, ac beatæ spes eternitatis. Quamquam neque rem istam adeò difficilem sentiet, siquis animo paulum supra vulgus erecto, paulatim incipiat atque consuescat mentem à sensuum consuetudine abducere, & res istas mortales, non vt vera bona, & quicquam per sese ad animi pacem, beatitatemque facientia, aspicere, sed, quod reuera sunt, vt vanas, fluxas, perituras, infimas, viles, & mentis humanæ excelsitate indignas, despiciere; eoque condiscat, quod ita commendat litteræ sacræ, in hoc orbe, velut in alieno, & tanquam peregrinus degere, aut, Saluatoris verbo, esse in mundo, & de mundo non esse. Quò quidem conniti, magni animi esse proprium, etiam Seneca sensit, his verbis: *Ideo magnus animus, conscius sibi melioris nature, dat quidem operam, Epist. 120. ut in hac statione quâ positus est, honestè se atque industriè gerat; ceterum nihil horum quæ circa ipsum sunt, suum indicat; sed ut commodatis utitur, peregrinus & properans.*

Hæc ille excelsè, præclatè; & quæ Chrysostomo, Augustino Lector tribuat, si non nominarem autorem.

Philo Iudæus libro de Somnijs, de mysticâ scalâ Iacobo Patriarchæ in somnis oblata agens, deque eiusdemmodi mystetijs; hortatur, ne à consecrandis occultis cælestis sapientiæ, villâ absterreamur difficultate, quæ principio offerri videtur, sese ad id studium exercitationemque conferentibus. *Ipsæ enim antistes*, inquit, siue factorum enarrator, (puta diuina Sapientia) *submonet, ne desperemus; donec nos introducat in penetralia, illarumque lumine, ostendat mysteria nunquam visa profanis hominibus.* Quasi nimirum ab alijs non sit difficilis futurus transitus in adyta; atque ad altitudinem sapientiæ demum peruenturus sit, quisquis illius gustu accepto, animum in dies magis

magis magisque à terrenorum contagione seuocauerit. Vnde etiam subdit laudatus auctor : *At vos anima, quotquot diuinum amorem gustatis, tanquam ex alto somno excitatae, discussa caligine, properate ad mirificum spectaculum &c.*

At verbis longè pulcherrimis & appositissimis Plotinus, de diuinâ pulchritudine perfectè contemplandâ disputans, ad quod via sola sit (quod dicebamus) siquis vana sensuum oblectamenta aspernetur, animumque suum ab omni auellat rerum corporearum consuetudine; in idque, eandem cum Philone vsurpans adytorum allegoriam: *Quis itaque modus, inquit, qua machina, qua ratio, quâ inestimabilem pulchritudinem contempletur? Pulchritudinem, inquam, in sacris adytis constitutam, neque prodeuntem foras, neque profanus inspiciat. Ingrediarur ergo & progrediarur quicumque potest in intima, extrarelinquens intutum oculorum, neque solita spectacula sensuum à tergo respiciens. Oportet enim hac insuentem, nihil corporea pulchritudinis ultra spectare; sed cognoscentem, corporea hac esse imagines, vestigia, & umbras, ad illud omnino confugere, cuius hac simulacra sunt.*

Enn. 1. l. 8.  
c. 8.

Quibus duo quædam tradit Plotinus, non tam à Platonis Academia quàm ex ipsis adytis Christianæ Philosophiæ (quam ex parte gustarit, præceptore vsus Ammonio Alexandrino, Philosopho Christiano) deprompta.

Primum: viam vnicam ad inestimabilis pulchritudinis contemplationem, siue ad intimum sapientiæ penetrabile aspirandi, hanc scilicet esse; vt quis à sensibus, eorumque illecebris animum, omninoque à rerum infimarum studio, consortione, cupiditate, seiunxerit. Neque enim mentem nisi ab his rebus, quas tantopere mortales affectent, seiunctam ac nudam, posse gustum vllum diuinæ illius suauitatis, aut intimæ sensum sapientiæ, accipere.

Alterum, quo veluti gradu ad prius illud niti possumus; oportere eum, qui à pestifera rerum corporearum dulcedine expedire sese ac distrahere, seducereque voluerit, temporalia cuncta, non vt vera bona atque solida aspicere (quod in superioribus, cum S. Ambrosio, nos etiam non semel admonuimus) sed velut vezorum, hoc est diuinorum, bonorum vestigia quædam; immo umbras duntaxat, atque imagines obscurissimas; attendere: quo equidem fiat, vt humanus animus, non iam capiatur illarum rerum umbraticâ specie, neque in illis supra suum

meritum, quasi ipsius amore dignis, improvidè ligatur & adhærescat; sed potius velut ab imagine transeat ad exemplar verissimum; ipsamque divinam pulchritudinem, quippe his infinito præstantiorem, & in quâ hæc ipsa multo nobilius atque excellentius existant, in illis spectare atque diligere consueſcat, totisque sitis ac suspirare præcordijs.

Cæterum nescio an ad ista Plotini respectum aliquem forsitan habuerit S. Augustinus; dum libro de vera Religione diversis capitibus, res istas sensibiles considerat & ipse, tanquam vestigia, umbras, imitamenta summæ pulchritudinis ac veritatis incommutabilis; atque eius libri cap. 22. capropter indicat nos, ab istarum rerum cupiditate, æternâ lege prohiberi; *ne umbris rerum decepti, ab ipsis rebus, quarum illa umbra sunt, alterremur*: & propius ad Plotini mentem, tradit cap. 49. nos, res eiusmodi inordinate diligendo ipsque tanquam primis pulchris inhiando, ab ipsa veritate excidisse; quia scilicet mens, rerum sensibilibus cupiditate, obnubilata & obscurata, iam non potest in illis, summam veritatem ac pulchritudinem, cuius sunt imagines, agnoscere; quin etiam nobis ab illis umbris ad ipsam veritatem assurgere. subinde volentibus, occurrant rerum, a quibus recedere conamur; impressa menti phantasmata, quæ inter res istas & summam veritatem interposita, velut iter obſident, nequâ valeamus ad illam contuendam & complectendam accedere. Placet autem ipsa Doctoris eximij verba, huic loco concludendo producere. *Sed diligendo talia. (inquit) excidimus à veritate, & non iam inuenimus, quarum rerum imitamenta sint, quibus tanquam primis pulchris intiamus; & ab eis recedentes, amplexamur nostra phantasmata. Nam redeuntibus nobis ad inuestigandam veritatem, ipsa in itinere occurrunt, & nos transire non sinunt, nullis viribus, sed magnis insidijs latrocinantia; non intelligentibus quàm latè pateat, quod dictum est: Cave ne a simulacris.*

De ver. Relig. c. 49.

De plant. Noë

Denique eam rem, etiam ante Plotinum Philo, & ipso pro ingenio Platonis, quodam loco quem iam Parte 2. memorauimus; breui dicto, sed acuto, complexus est, inquiens: *Nam quæ sensui pulchra sunt; intellectui, pulcherrime imagines sunt.* Quibus addere possumus, de sapientiæ mystice consultis Lydonicum Bloſium, in sua Institutione spiritali ita scribentem: *In hoc autem sensibili mundo, ea quæ videmus,*  
symbola

*symbola quedam & signa rerum sunt tantum, quæ cum tempore labuntur & prætereunt.*

C A P V T X V.

*Sapientem à stulto hoc maximè distare, quòd ille æternis rationibus, hic temporalibus ducatur.*

**Q**Uòd magis distinctè pronuntiati huius vis ac ratio petci-  
piatur, iuuabit in primis animaduertere: rationum æter-  
narum appellationem non vno modo accipi posse.

Primum enim, æternæ rationes appellantur idæ diuinæ,  
sive formæ rerum faciendum in diuinâ intelligentiâ existen-  
tes, secundùm quas velut archetypa rerum exemplaria, sive  
(vt Macrobius appellat) *originales rerum species*, quæcunque  
à Deo in mundo fiunt, vniuersa formantur. Sic enim S. Au-  
gustinus ideas diuinas describens, ait: esse *principales quasdam*  
*formas, stables atque incommutabiles, ac per hoc æternas; quæ*  
*diuinâ intelligentiâ continentur.* In quem etiam sensum, ali-  
bi ab eodẽ, Verbum Dei dicitur, *ars quedam omnipotentis*  
*& sapientis Dei, plena omnium rationum viuentium incommu-*  
*tabilitum.*

*Lib. 1. in  
Serm. Scip.  
c. 2.  
L. 83. qq.  
9. 46.*

*L. 6. de Tri-  
nit. c. 10.*

Atque æternis rationibus hoc primo modo acceptis, respon-  
det in rebus, propria in primis cuiusque rei, tum ipsius Vni-  
uersi, ratio; tanquam (quod non semel admonuimus) expressa  
nota, vestigium, character artis, omnipotentis artificis.

Alio modo rationes æternæ dicuntur ipsa Dei lex aut prou-  
identia, sive sempiterna ratio ac dispositio, secundùm quam,  
tum reliqua omnia, tum potissimum naturæ rationales, ho-  
minesque adedò singuli, ad fines suos; & (quod quidem ad na-  
turas rationales pertinet) ad finem æternæ beatitudinis, partim  
manifestis, partim occultis modis, suauiter ac fortiter, desti-  
nantur, aguntur, peruehuntur.

Istæ enim sunt, quas item agnoscit Augustinus, *æterna ra-*  
*tiones eorum, quæ temporaliter facta sunt; seu æterna temporum &*  
*quodammodo cardinales causæ; rursumque æterna atque incommu-*  
*tabiles Dei leges; quæ in Sapientia Dei viuunt; & in quibus*  
*ait Angelos Sanctos mutationes temporum ac temporalium præ-*  
*videre. Eodemque faciunt & illa Seuerini Boëtij:*

*L. 9. de Ci-  
uit. dei c. 22.  
et c.*

sup.

H h 3

O qui

L. 3. de consi-  
der. m. 9.

*O qui perpetuâ mundum ratione gubernas,  
Terrarum, celiq; sator; qui tempus ab æno  
Ire iubes, stabiliq; manens das cuncta moveri.* Et quæ sequuntur.

In qua acceptione, æternis istis rationibus, siue legi ac prouidentiz diuinæ, in rebus ipsis Fatum respondet Christianè definitum ab eodem Boëtio: *inherens scilicet rebus mobilibus im-*  
L. 5. pref. 6. *obilis dispositio, per quam Providentia suis quæque nestis ordi-*  
*nibus.*

Postremò, rationes æternæ importare possunt præscripta quædam atque dictata diuinæ mentis, non quæ iam ipsi sint agendorum ratio, sed regulæ potiùs ac præscriptiones humanæ vitæ; seu quibus, in constituendis exigendisq; vitæ suæ rationibus, niti oporteat naturam mentis arbitrijque compotem, ut ex sapientia atque virtute uiuat, atque ita sese ad finem sibi propositum, æternæ salutis ac felicitatis, promoueat. Ex qua descriptione animaduertes, rationes istas præscriptiones diuinæ mentis, non eò duntaxat æternas dici, quoniam ab omni æternitate ex diuinâ mente processerint, aut in eâ existerint; sed inde etiam, & quidem (si præsens scopus spectetur) vel maximè; quòd veluti finem, ipsam æternitatem respiciant, hominemque ipsum, non ad temporalem tantummodo felicitatem, vltimè adaptent mortalis vitæ, sed ad vitam perennem, fructumque conducant sempiternæ felicitatis.

De Magistro  
cap. 14.

His porrò æternis dictatis ac præscriptionibus, ad extremum respondet in nobis, tum ipsa ratio naturalis, ut est derivatio legis æternæ, *secretum illud* (vbi egregiè apud Augustinum appellabat puer Adeodatus) *Dei intus docentis oraculum*; tum fidei lumen, & infusæ donum sapientiz, quæ menti humanæ finem præmonstrant naturali lumine superiorem, & vias ei consequendo consentaneas certissimè dictant atque præscribunt.

In quem maximè sensum hoc loco dicimus sapientis esse, in omni consilio, in omni motu & actione vitæ, æternisdu-  
ci rationibus: tamen & ijs, quas antè posui, rationibus diuinis catenus obsecuturus est; ut & artis diuinæ, æternæque Sapientiz opera, non modò miretur, approbet, laudet, sed etiam inueniam in illis modularissimam dispositionem, ordinemque incommensurabilem, ad vitæ suæ rationes moresque rectè componendos, imitatione quadam atque expressione transferat  
utque



# PARS TERTIA. CAP. XV. 197

utque in æternis quoque decretis supremæ providentiæ, quidquid illa tandem vitæ in partem, siue vniuersæ, siue priuati ferant, pari ubique animi pace, immo (quod robustè, neque vulgatis viriutis est) cum dulci ac iucundo sensu Deo subditæ mentis acquiescat, etiam inter acerba vitæ. Quam rem nos pluculis Parte 2. pertractauimus.

Potest autem in præsentî capite à uobis asserta veritas argumentis euinci necessarijs; ijsque velut ex causæ viscèribus, ex ipsa inquam Sapientiæ naturâ, & propriâ notione, seu definitione petiis.

Primum enim, ut ex Philosopho non semel docet S. Thomas: *Ad Sapientem pertinet considerare causam altissimam, per quam certissimè de alijs iudicatur, & secundum quam omnia ordinari oportet.* Atque de ratione sapientiæ & sapientiis simpliciter est, ut spectet in omnibus causas altissimas simpliciter, (hoc est, Deum atque diuina) & secundum eas omnia ordinet; atque id non merâ sterilique contemplatiue. (quæ ex dictis supra non est digna nomine veræ sapientiæ) sed quæ etiam eos afficiat, mores informet, vitam dirigat: ita ut qui vetè sapiens dicitur, etiam agatur spiritu sapientiæ cælestis. Secundum quod etiam Doctot Angelicus, scribens in Tertium Sententiarum, ait: *quod homo per donum sapientiæ unitur altissimis causis, transformatus in earum similitudinem.* Qui igitur erit huiusmodi, is in omni viâ diuinis ducetur atque æternis rationibus, quæ expetendorum agendorumque causas continent altissimas, suique primæ ac summæ omnis vetè boni, pulchri, honesti præscriptiones.

Rursum: sapientis est similiter, in cunctis quæ intendit & agit, ad finem vltimum respicere humanæ vitæ. Finis quippe simpliciter vltimus, primum ac summum expetendorum est, atque aded p̃sima, & altissima, vniuersalissimaque regula ceterorum omnium expetendorum. Alioqui enim superuacaneæ atque ridendi laboris sit, eo omisso quod & sui gratiâ & per se summè expetendum est, totum occupari delassarique iam medijs, quæ cum non sint ipsa finis vltimus, non suo merito expetenda sunt, sed boni duntaxat vlterioris gratiâ, cuius tamen insectio negligitur. Ut is proinde labor merito possit cum Scripturâ Diuinâ, *labor stultorum* appellari. Quando igitur Christiano constat, humanæ vitæ finem vltimum, Deum esse, æternamque vitam, itaque ita naturam æternitatis, ut nisi dum

Metaph. L. 1.  
c. 2.  
22. q. 45. a. 2.  
1. q. 1. a. 6.

D. 34. q. 1.  
a. 2.

Eccl. 1. 9.  
v. 12.

viuit

1. cor. 11. 7.  
34.  
7/76. 7. 6.

viuit sibi in ipsam æternitatem consulat, summè infelix futurus sit; summè verò felix, si ei comparandæ, sanctitate morum aptauerit se, neglectis desiderijs, & *curis huius vite*: Sapiens est profectò (quod ait Psalmista) annos æternos in mente habere, æternitatem vnice spectare, ad illam suas cogitationes, consilia, actus, omnemque vitam dirigere, seu (velut in presenti loquimur) vniuersis in rebus ad rationes æternas attendere. Contrà autem, non nisi insipientis; vno illo necessario neglecto, rebus intendere superuacuis, & ea quæ per se ad finem humanæ felicitatis, hoc est, ad summum bonum, nihil conferunt, pro fine vltimo, seu tanquam pro rebus summè expectandis, habere; verbo, propter vltimum temporalium, æternorum fructum amittere.

lib. 12. de  
Trin. c. 7.  
S. Thom. 1.  
p. 1. q. 79. a. 9.

Præterea: ex Ethicæ scitis, ipsaque naturâ, notum est: oportere hominem, si naturæ humanæ conuenienter, & suæ dignitati consentaneè acturus est, in vita ducenda instituendaque, ad id quod in homine ipso supremum sit, attendere, atque ad id velut ad primam summamque eo in ordine regulam, actus morisque suos accommodare ac conformare. Cumque homini, vltra regulam sensuum, quæ ei cum brutis animantibus communis est, ratio insuper data sit, tanquam naturæ rationalis propria lex, & propinqua regula operandi: atque hæc (ex S. Augustini, aliorumque Doctorum sententiâ) in inferiorem superioremque bipertita sit; non reali istius facultatis in plures partes diuisione, sed solâ officiorum diuersitate; secundum quam, ea dicitur ratio inferior, quæ rebus intendendis temporalibus; superior autem, quæ intendendis æternis conspiciendis aut consulendis; conspiciendus quidem, secundum quod ea in seipsis speculatur, consulendus vero, secundum quod ex eis accipit regulas agendorum: hinc etiam manifestum euadit, eum qui supremam sibi inditam regulam sequi velit, intendere debere nitiq̃ue æternis rationibus. Alioquin sanè, velut homo non sit, qui sensu solo; non ratione ducatur: ita qui in agendo solam sequatur rationis inferioris regulam, vt homo sit, non fore sapientem.

Denique cum ex ipsâ etiam sapientiæ nozione exploratum sit sapientis esse, de rebus non prout apparent, sed prout in se sunt, verè ac rectè iudicare; & quod hinc sequitur, vnamque rem pro suo merito ac dignitate estimare: consequens quoque est, sapientis esse, verâ bona fallis, mansura caducis, æterna

æterna temporalibus anteferre; atque his despectis atque despre-  
 tis, ad illa suspirare votis omnibus, ad illa incenso studio, to-  
 toque conatu aspirare: & qui secus faciat, hoc est qui æternor-  
 um, aut fastidians, aut negligens, temporalibus eorum um-  
 bris ac simulacris totus incubet, itaque his hæreat affixus, quasi  
 ista sola aut vera, aut expetenda, bona sint; tamen id nullo  
 mentis errore, sed practicâ duntaxat animi inductione faciat;  
 merito censendum appellandumque insipientem. Quò illa per-  
 tinent B. Chrysostomi in Psalmum 48. ita scribentis: *Quid est  
 autem: simul insipiens & stultus peribunt? Mihi videtur verba  
 facere de impijs, qui toti presentibus rebus affixi sunt, eaq; suspi-  
 ciunt, de futuris autem nihil philosophantur; eâ de causâ vocans  
 eos insipientes.*

Ex quibus omnibus consequenter intelliges; quomodo ve-  
 rum sit, quod præfert Capitis inscriptio, eâ maximè re à stulto  
 distare sapientem. Nam cum (ut ostensum est) eò maximè sa-  
 piens dicatur, quicumque verè & absolute est sapiens; quòd  
 vnamquamque rem pro suo merito æstimans, temporalia, pro  
 brevibus parvisque seu bonis, seu malis habeat, æterna veto ut  
 vera, ut magnâ, atque solida aspiciat; atque rebus suis proin-  
 de ita provideat, ut cum se, quod ad animum attinet, immor-  
 talem esse meminerit, id vnum sit sollicitus in vita, qua ratio-  
 ne sibi in æternum bene atque beatè futurum sit, nihil interim  
 admodum pensi habens, quid circa se tandem terum agatur,  
 in diebus peregrinationis suæ; & tempore quod velut umbra præterit:  
 stultus autem eò vel maximè talis existimetur, quòd  
 contrariò modo affectus sit; quasi sentia solo, non ratione, ac  
 fide regatur; præsentium amator; futuri negligens, affixus tem-  
 pori, incuriosus æternitatis: sit ut hac ipsâ re à stulto maximè  
 potissimumque distet sapiens; cum ex Scholâ notum sit, per  
 hoc vnumquodque per se primò disterre, à cæteris, per quod  
 per se primò, in sua ratione, suoque esse constituitur.

Eccl. 7. 2. 1.

Eccl. 7. 2. 1.

Eccl. 7. 2. 1.

Atque et rei confirmandæ concludendæque, per idonea vi-  
 detur quædam Platonis vox; quam veluti de celo demissam,  
 præ cæteris illius dictis, merito divinam appellandam censeas, &  
 in Christiano etiam pectore altè ac penitus inscribendam. Ita  
 enim ille in quadam epistola: *Deus hominibus sapientibus & pru-  
 dentibus est lex: insipientibus autem & imprudentibus, voluptas.*  
 Quid enim est hominem sapientem in vita degenda Deum ut  
 legem attendere: nisi quod hic dicimus, æternis duci, siue di-  
 uinis

Epist. 2.

uinis rationibus? Insipientem autem, voluptatem pro lege habere; re ipsa idem est, atque in omni vita, instar brutę pecudis, trahi sensuum lenocinijs, & quidquid incidit, pro animi sui solâ libidine facere; æternarum autem diuinarumque rationum, nullum respectum, aut cogitationem habere.

Neque tamen quę modò diximus, in hunc sensum quisquam, vt existimo, accipiet: tanquam omni rerum temporalium tractatione abstinendus sit sapiens, atque extra anni solisque vias, hoc est, extra omnem humanam consuetudinem, rerumque vsum, ablegandus: sed quod in his, nimius inordinatusque animi affectus, præcidendus sit, & vsum rerum temporalium, ad rationes æternas referendus. Aliud quippe est temporalium rerum, prout temporum necessitas, instituti ratio, officijue conditio postulet, curam aliquam gerere: aliud in earum vsum, tractatione, administratione, temporales duntaxat rationes alpicere, his duci trahiis, atque ab his demum totum pendere. Quando & superius, etiam ex Senecę mente vidimus: magnum animum daturum operam, vt in hac statione quâ positus est honestè se atque industriè gerat: quanquam eis rebus, quę circa ipsum sunt, non attender quasi quicquam ad se pertinentibus, sed vt alienis & commodaris vretur, peregrinus & properans. Vretur igitur temporalibus rebus etiam sapiens, sed in harum vsum pendebit ab æternis rationibus secundum quas, velut altissimas regulas & vniuersalissimas, iudicabit de omnibus, & ipsa disponet ordinabitque temporalia, neque tempori ipse seruiet, sed huius vsum beatę subiunget & attemperabit æternitati. Vt enim pulchrè ac disertè Doctor

1. p. 9. 79.  
art. 9.

Angelicus: *Secundum viam inuentionis, per res temporales in cognitionem deuenimus æternorum. In viâ verò iudicij, per æternam cognita de temporalibus iudicamus, & secundum rationes æternorum temporalia disponimus.*

Interim, quoniam ad vitam beatam liquet in hoc multum esse momenti, placet paulò ampliùs eidem argumento insistere, & prociuioris vsus gratiâ, nonnulla obseruare particulim.

mi.

mi.

mi.

mi.

mi.

mi.

mi.

CAPVT

C A P V T XVI.

*Nonnulla iam dictis superadduntur, atque propius ad actus nostros, usumq; vite, applicantur.*

**I**gitur, si nomen ac munus suum, si professionem dignitatemque tueri velit; sempiternis tantum rationibus atque decretis, in vita agendam ducetur sapiens, non, quod vulgus sollet, temporalibus.

Siquidem plerique mortalium; siue ultimi finis, ad quem benignam Dei providentiam conditi sunt, aut ipsius veri ac summi boni, ignoratione; siue indolis vitio, curam in terras, & ad caelestia diuinamque parum propensam; siue quodam rursus quasi stupore, aut tarditate ingenij ad ea quae sensum fugiant attingenda, proferre sese & attollere non valentis; siue, & praecipue, quod sensuum occupati illecebris, & rerum istarum fugientium, vel falsam delusi specie, vel pestiferam consuetudine capti; ab his nequeant se, nisi violenter, auellere: his inquam de causis plerique mortalium, ut bonum suum sola temporali felicitate, ita vitam suam temporalibus duntaxat rationibus, metiuntur. Quos tamen acutos sapienterque in rebus praesentis saeculi, attamen diuini Spiritus nomenclationem imitati, stultos eam causam dicimus, quod in nugis serijs, in summis serijs, eternique momenti rebus, ludere videantur; ac de rebus nihili operose solliciti, in omnem deinceps aeternitatem sibi pessime infeliciissimeque consulant. Ex quo intelligas, non eos solos pro insanis habendos, qui vulgo tales habeantur; sed eorum quoque longe plurimos, qui passim prudentes & sapientes existimantur, etiam praeter istos esse insanos. Vade, ex Lucilio suo querens Seneca: *Quam tu nunc vitam dici existimas stultam? Epiſt. 19.* *Babe an Ixionis?* quos quidem oportet homines, notae fatuitatis eo xuo fuisse. *Non est ita:* respondet. *Nostra dicitur: quos caca cupiditas in nocitura, certe nunquam sciatura, praecipitat.* Quali si istas voces audisset, in plateis praedicantis diuinæ Sapientiae: *Vsquequo paruuli diligitis insaniam, & stulti, ea, quae sibi sunt noxia, cupiunt?* 9ron. 1. 20  
22.

In quem maximè censum Christianus peccator referendus est: quippe qui felicem infelicemque aeternitatem, pro ope-

rum cuiusque promittitis, vnumquemque manere intelligens, perinde viuit, quasi nihil restaret post hanc vitam; aut certe tanquam persuasum habeat (quod quidem non verbo sed factis videtur ostendere) temporalia bona, malaue, æternis seu bonis, seu malis esse anteponenda. Quid enim insanix (ne furori dicam) affinius? quam, cum ira credas, ita viuere; & propter modicum corruptibilis vitæ delectamenrum, scienrem, volentem immortalibus se pænis, ac sempiternæ confusioni objicere? Quò iam non inscitè excogitatum animaduertas illud, quod nullo certo autore passim circumfertur acroama: Vniuersæ turbæ peccantium, duos tantum carceres esse in orbe necessarios, quorum alter infidelibus, alter insanis, destinetur. Vel enim, qui Deum, summum, præpotens, sempiternumque numen, idemque omnium, quæ quomodocumque gerantur, conscium, scelere aliquo audet offendere, ea non credit, quæ de Deo vindicæ, & interminatæ suppliciorum æternitate, certissimâ nobis autoritate, proponuntur; atque hunc iam constat in catectem infidelium compingendum esse: vel sic credit, & tamen peccando, diuini Numinis aduersus seipsum iras prouocat; hunc iam enimuero esse insanum, atque ad carcerem insanorum ablegandum.

Quod igitur ad vitæ vsum attingere potest in præsentia; hoc primum nobis, idemque in primis conducibile, ac peropportunum, esto præceptum: Christiano homini, ex sapientiâ, hoc est, bene beateque viuere, atque ad extremum æternam vitam, hoc est, finem suum ac summum bonum, apprehendere volenti, enitendum esse ante omnia; vt menti suæ infusam diuinitus æternorum fidem, atque cælestem noticiam, non stabilem, modò, & inconcussam, & pectore intimo altè infixam retineat; verum etiam, ne clanguescat, & obtorpeat otio, frequenti illius exercitatione, animosaque propensæ mentis sub Dei supremam autoritatem, subiectione, exfulcitare identidem, atque animare, & tanquam alere satagat.

Hebr. 11.  
v. 1.

Etenim cum fides (prout eam definit Apostolus) *sperandarum sit substantia rerum*, seu, vt est in Græco, *hypothesis*; hac tanquam basi fundamentouæ, ex aliquo motu, siue succussu; in humano pectore vacillante, nutabit confestim æternorum spes, collabescet virtutis studium; nobisque incautis obreper, quod de prisca æui seu fortibus viris, seu eruditis hominibus, mansuram post fata æternitatem, in solâ gloriæ nominisque sui

fui ( quam sibi fingebant ) immortalitate, computantibus, in hunc modum scribit Severus Sulpitius : *quippe qui ( ut ait )* *Prof. vii.*  
*humanam vitam presentibus tantum actibus aestimantes, spes suas* *S. Mart.*  
*fabulis, animas suas sepulcris dederint.*

Iam verò si ipsa dormitet fides, neque crebrâ sui exercitatione, vicens, alacris, prompta, &, ut ita loquar, ad casus ususque necessarios expectata sit; nihil est factu proclivius; quàm ut vim illius prævertant, & animum occupent, sensibus nostris magis cognatæ ac familiares illecebræ; atque id, quod Scriptura memorat, fascinum nugacitatis, seu vanitatis, mentem obscuret, & illex animi concupiscentia, sensum etiam rectum transuertat. *Sap. 4. v. 12.*

Nam veluti supra ex Epicteti mente diximus, malorum omnium in humano genere hanc causam esse; non posse communes recti notiones, ( ut quod, exempli causâ, de honesto amando super omnia bona mortalis vitæ, quisquam generatim iam antè animo præceperit, secumque ipse constituerit ) rebus aptare singularibus; siue, regulas agendorum generales, ad casus ususque particulares, efficaciter & utiliter adhibere; concupiscentiâ videlicet ( ut cum Philosopho expressè tradit S. Thomas ) seu quavis altâ perturbatione, ligante habitum scientiæ uniuersalis, ne quis eo in præsentia, siue in hoc actu particulari utatur : Ita modò itidem dicimus, in Christianâ gente omnium fermè malorum hanc esse causam; non posse fidem ad usus vitæ particulares applicare, atque adiungere : siue quòd in multis fides ipsa modica, languens, dormitans, & quodammodo sopita sit; ex aduerso autem viuax & efficax illecebrarum mortalium per sensus facta apprehensio : siue, quòd eam ( uti iam loquebamur cum S. Thoma ) liget quælibet vitiosa affectio; ut eâ præuentus atque præpeditus animus, æternas fidei rationes non consideret, aut eas certè velut semisomnis aspiciat; ipsæque proinde, sic quasi è longinquo propositis, & tanquam ad sese, factumque præsens minùs pertinentibus, nihil admodum moueatur.

Non igitur hoc iam de nihilo est, quod sollicitius admonitum cupio sapientiæ Christianæ clientem, ut illam quam habet inditam pectori diuinæ lucis tanquam scintillam, fidem inquam suam, frequentiore usu exsuscitare instituat, & velut pabulo sanctarum meditationum alere; ne vel inertie quodam quasi cinere obruta, vel fallacium opinionum obducta fuligine,

Serm. 7. de  
Nat.

vel denique fumo cæcarum cupiditatum obscurata, minus valeat, ubi res postulet, & animæ forsitan agatur salus, aduersus sensuum illicia, vim suam exercere; aut abigendâ à mentis oculo (quod ait S. Leo) terrenatum caligine rationum, fulgorem suum explicare.

Pl. 72. v.  
16.

Alterum potrò quod submonemus, atque amatori sapientiæ valde commendatum esse cupimus, istud est: vt isto fidei tanquam fundamento posito, æternarum rerum ac rationum considerationi nonnihil subinde temporis concedat & operæ; atque intermissis tantisper externarum rerum irrequietis solitudinibus, subintret cum Rege Propheta in sanctuarium Dei, & velut abditus intra penetrale Sapientiæ, interim vacet & videat, quid distent æterna temporalibus; semotoque omni prauo affectu, qui solet recti iudicii sinceritatem corrumpere, vtrarumque rerum rationibus, iustâ, hoc est diuinâ, lance perpensis, pro rei momento, seriò cum animo suo reputet; quàm denique stultum sit, pro vilibus istis & infimis, &, qualiacunque sint, haud ita multò post amittendis; æternorum studium, quæ & in se summa sint, & ad hominis bonum ac felicitatem summè atque vnicè necessaria, negligere; quod in re ipsa non est aliud, nisi errore misetrimo, pro veris bonis ac solidis gaudijs, eorum umbras & imagines, assiduo labore, nec villo ad veram felicitatem operæpretio, captare.

Pl. 45. v. 11.

De vera re-  
lig. c. 35.

Ad quod utique pulcherrimum otium, diuinarum rerum contemplationi, æternarumque rationum ponderationi, fructuosè sepositum, inuitat nos Deus, ore Psalmistæ dicens: *Vacate & videte, quoniam ego sum Deus*: quem equidem locum, ex alia versione, allegans S. Augustinus: *Agite otium, inquit, & cognoscetis quia ego sum Dominus*: non otium desidia quero, sed otium cogitationis, vt à locis & temporibus vacetis. Loca offerunt quod amemus, tempora surripiunt quod amamus, & relinquunt in anima turbas phantasmatum, quibus in aliud atque aliud cupiditas incitetur. Ita fit inquietus & erummosus animus, frustra tenere à quibus tenetur exoptans. Vocatur ergo ad otium, id est, vt ista non diligat, qua sine labore diligere non possunt. Ista Augustinus, & verè.

Efficiet siquidem, ea quam commendamus, in diuinis sempternisque rationibus otiosè considerandis, per certa quædam intervalla temporum, constanter assumpta, & piè fideliterque usurpata, exercitatio: primùm, vt ne toti delixi hæreamus, immerisque



immersique in res istas infimas; sed ex his subinde nonnihil sublatocapite, vultuque in sublime erecto, captemus interdum haurimusque caelestem auram, & aliquâ saltem velut stricturâ lucis æternæ, & quodam spiritu atque odore diuinorum, afflemur atque recreemur. Quo deinde fiat, vt eorum gustatâ suauitate insolitâ, sanctisque illecebris captus animus, incipiat sensim animaduertere, non tanti esse hæc, quæ adhuc insano quodam amore deperijt, sed habere dulem illum cæli conspectum, rerumque æternarum memoriam, quod etiam præ mundi gaudijs illecebrisque, amari possit; atque ad extremum, temporalium omnium subeunte fastidio, dammare studium operamque in his hæctenus stultè positam, neque his iam affici occupariue propter seipsas, sed ita duntaxat quatenus æternis rationibus subserviant, quibus is vnicè teneri, duci, gubernarique constituerit.

Age igitur, sodes, amice lector, interdum in quadam, seu loci, seu tranquillæ mentis solitudine positus, istud degusta sanctæ cogitationis otium, & teipsum velut ex intervallo respiciens, tibi que temet ipse reddens, ita subinde tecum, Augustini exemplo, philosophare.

Enimvero quid agimus, anime? &, quid tandem tot anxijis curis, alioque semper atque alio labore, quærimus? aut quâ re denique, quo fructu, quâ ad extremum spe, ætatem, vires, animumque consumimus? Nam quousque cæci atque vecordes, & ( quod minùs ferendum ) sponte delusi ac miseri, inhiamus rebus fugientibus, merasque bonorum captamus umbras; & tanquam æternum in hoc infimo orbe mansuri, alterius vitæ, æuique futuri, immemores, in his quæ duntaxat in præsens iuuent, ( si tamen iuuent, & non magis angant, inquietumque & ærumnosum reddant amatorem suum ) in his inquam sectandis; tuendis, exaugendisque toti sumus? At, nonne vides, vt motibus suis ista transeunt ac deficiunt omnia; immo, quàm maximè possunt, fugiunt, nihil post se, nisi, vel sui hians infelixque desiderium, vel seram & inutilem penitentiam, relictura? Neque solummodo, si aduertimus, fugiunt ipsa per se singula, sed temet urgent impelluntque mutuo, veluti perire festinantia, ne in illis stultè defigatur mens, aut improvide amentur à vecordibus, cum communis Domini ac conditoris iniuriâ. Tanquam ea rerum labentium nusquam intermissa defectio, tacita quædam sit naturæ vox; admonentis, non se,

se, infirmam ac labilem, sed autorem suum, artificemque semper manentem, ab homine cordato diligendum; neque fallaci vanitati apponendum cor, sed veritati incommutabili, semperque stanti, affigendum.

Aug. loci  
cit.

At neque nos diu inter fugientia stabimus: non enim nos semper præsens ista tenebit vita Peregrini sumus & p[ro]perantes: heri venimus, & cras compellemur egredi. *Vita hæc misera est, mors incerta; si subito obrep[er]at, quomodo hinc exibimus?* Alio mox nobis demigrandum est. Quò autem? hîc summa est rei: quæ quidem nobis non leuiter, neque transcursum, sed priusquam hora suprema aduentet, seriò diligenterque, curanda. Neque enim nobis iam nunc tempus erit ampliùs; sed breui infelicique æuo longa succedet, atque immensa, neque sortem suam vnquam commutatura, æternitas, vnumquemque pro vitæ merito; interminatis seu supplicijs seu gaudijs, assignatura. Quid, verò nobis futurum censes, si solius temporis eorà susceptà, nullà æternitatis prouidentia, decesserimus?

2. 20

Hoc igitur, si quidquam sapiamus, dum vita superest, & summa bonitas respiscendi tempus indulget, hoc inquam fatagamus, anime: & quando id vnum summè & vnicè est necessarium, cæterorum posthac incuriosi (quibus vtique post tot expectationes, frustrationes, fallacias, satis iam sentias expleri non posse, mundo maiorem & ipsi beatæ æternitatis natam animam, solo nempe Deo cuiusque beatâ possessione, satisfandam) omne iam studium, intentionem, curas, cogitationes, desideria, ad felicem illam æternitatem conferamus, de solâ iam æternitate, soli æternitati laboremus. Ne, si secus facimus, sempiterno confusi opprobrio, inter summè stultos insensatosque deputemur; cum diuite illo infelice, qui in eo stolidè se amans; coque applaudens animæ suæ, quòd multa haberet bona posita in annos plurimos, Dei increpantis irridentisque voce, stultus audiret; ipsaque nocte subductus è vita, ad eam raptus est æternitatem, cui vt prouideret, nulla eius animum vnquam incessante cogitatio.

Luc. 12. 7.  
20.

His porro alijsque eiusmodi cogitationibus, Christianæ mentis semper obuijs; sed raro pro rei momento, in præcordia medullasque demissis, tanquam innutritus atque educatus animos; incipiet pro indole celesti, curas suas ad sublimia intendere, & velut ex alto humana terrenaque despiciens, non nisi æternis rationibus, actus suos vitæque gubernare. Quem admodum,

PARS TERTIA. CAP. XVI. 267

admodum; inter alios plurimos, facere solitum nominatim accepimus, Beatum nostrum Aloysium Gonzagam: qui in breui quadam institutione ascetica, quam sibi priuatim conscripserat, hoc scriptum reliquit inter cetera: *Alterum quo affectus tuos dirigas, hoc est: eo te religiosiorem magisq; piū ( addere potuit, & sapientiorem, felicioremq; ) futurum, quò tuam vitam diligentius secundum rationes aternas, minùs verò secundum temporales gubernaris.* Cuius proinde Angelici iuuenis exigua imaginem olim videre me memini, in gratiam piæ iuuentutis Belgico cælo in æs incisam: in qua is conspiciebatur, in quodam cælesti lumine meditabundus, bilancemq; prærendens manu, in cuius alterâ lance, coronæ, sceptra spectabantur, & siqua alia terrenæ potestatis ac felicitatis argumenta, in altera autem palma cælestis, flammans gladius, aliæque felicitis infelicitq; æternitatis symbola, nimium quantum prægrauantia; adiecto ad inum hoc lemma: *Eò religiosior magisq; pius futurus, quò tuam vitam diligentius; & cetera ut modò retulimus.*

Postremum hoc habeo breuiore monito suggerendum; nimirum in rem in qua modò versamur, nonnihil forsitan posse conducere: si ex his quæ quisque legendo meditandouē colligerit, selectas ac promptas habeat breues aliquas, fortisq; sententias, & velut effata ad rationes æternas pertinentia, quæ corde assidue, frequenter etiam ore versentur, ad vñs actusq; quotidianos profutura. Qualia esse possunt, tum ista de diuinis litteris: *Quid prodest homini, si uniuersum mundum lucretur? Et mundus transeat, & concupiscentia eius; & similia; tum vulgatum illud: Sine temporalia in usu, æterna in desiderio; aut illud Senecæ: Maior sum & ad maiora genitus, quàm res &c.*

Nam velut coorta pestilentia; aut cum aër grauis & corruptus est; consultum est, aromatum quiddam ore tenere, quò istis odoratis spiritibus ipsa recedantur precordia, & aduersus externos halitus pestiferosq; confirmantur: ita eiusmodi salutaribus sententijs, quarum vim probe comprehenderis animo, quasque usu tibi familiares effeceris, videbatur vtiliter posse commoueri cor, aduersus pestilentem auram huius sæculi, & late grassantes opinionum fallaciarum, morumque prauorum corruptelas.

Arque ei finì valde seruient, apprehensa animo, & constanti recenta memoria, quæ hoc Opere passim tradimus, tanquam

quam axiomata diuiniſſimæ ſapientiæ; quorum nos ideo ad extremum, paucis atque ſummatim recollectorum, velut ſyluam conficiemus proponemusque; poſtquam pauca quæ reſtant præſcriperimus, Sapienti noſtro inſtituendo, formandoque, non inopportuna.

## C A P V T XVII.

*Conſectorie deducimus, æquabilem vitæ inſtitutiſq; conſtantiam, cum Sapienti maxime propriam, tum eidem oppido decoram atque iucundam eſſe.*

Eccle. 27.  
7. 12.

**H**anc in rem in primis iſtud habemus diuini Spiritus, in noſtra quidem verſione vulgatâ, oraculum; *Homo ſanctus in ſapientia manet ſicut ſol: nam ſtultus ſicut luna mutatur.*

Cuius equidem diſcriminis, cum rationes plures adferri poſſint, tum illa præcipue, quod nimirum ille in vita ſua inſtituenda, conformandaque, æternis nititur immutabilibuſque rationibus; hiſ; à temporariis totus pendeat. Atque adeo ille nullâ perturbetur immuteturſue varietate rerum tranſeuntium: vt qui inſtitutum illis affixum non teneat; ſed in omni euſque ad diuinas æternalique reſpiciat; & ( quæcunque rebus hæc infimis variatio incidat ) in ſe ſtabiliter inconcuſſeque permanentes. Vbi iſte, quem Spiritus Sancti vocem ſecuti, ſtultum dicimus, ob contrariam rationem, incertus, fluctuans, & lutz inſtar inſonans eſt: quando & temporales rationes quibus nititur, ipſo tempore cui ſubjectæ ſunt, mutari neceſſe eſt; atque exinde, exempli cauſâ, qui ſecundis rebus nimium efferatur, aduerſis animo dejici; & rebus ex voto minus ſuccedentibus, alio vela conuertere; atque ipſo vitæ fine mutato, ad alia ſtudia atque inſtituta tranſire. Denique, qui in vitâ conſtituendâ, non tam certo aliquo conſilio, quam impetu animi ac perturbatione ducatur, cum ipſi in dies diuerſè afficiantur animus, & proinde res ipſæ aliter atque aliter appareant, non poſſe in eo quod ſemel ſuſceperit, ſtabilis idemque permanere.

Ex quibus videas, merito in diuinâ Scripturâ, ſapientem ſol, cui vultus ſemper vnus eſt, & ſtultum lutz ſemper variis comparari.

Cui

Cui diuino sensui, quàm consentiens sit etiam humana philosophia, ex his intelliges quæ de Senecæ mente plura subiiciam. Ex quo in antecessum istud accipe: ex eius Philosophi sententiâ, vitæ inconstantiam & inæqualitatem, ad eò propinquâ cognatione coniunctam esse stultitiæ; vt quodam loco, stultum & inæqualem videatur pro eodem ponere: *Illi ipsi* (inquiens) *stulti & inæquales &c.*

De vit. beat.  
c. 12.

Veruntamen, rei ampliùs explicandæ gratiâ, exposita à nobis discriminis ratio, videtur in sese tria præsertim capita continere.

Primum: quòd sapiens, cùm pro vltimo vitæ suæ fine, summum bonum, æternum, incommutabile, idemque ad pacem animi beatitudinemque perpetuam summè sufficiens, destinato sibi certoque consilio præfixerit; nihil causæ habeat, cur aut finem mutet, aut eius obtinendi, quibus insistit, vias certissimas: cùm cum qui sibi in rebus caducis instituendæ vitæ finem constituit; harum vel abscessu, vel assequendi difficultate; vel etiam obtentorum tædio (vti nihil est in rebus infimis, quod veram animæ satietatem ac pacem adferre queat) damnare sepiùs oporteat suscepta studia, & nunc huc, nunc illuc, vagâ quadam animi mobilitate ferri.

Quam rem bene explicat illa, quam tamen ab Epicuro inter secretiora dicta desumptam, magnificam vocem merito suo appellat Seneca: *Inter cætera mala, hoc quoque habet stultitia; Ep. 13.*  
*semper incipit viuere.* Subdit autem Annæus: *Confidera quid vox ista significet, Lucili virorum optime; & intelliges, quàm facta sit hominum leuitas, quotidie noua vitæ fundamenta ponentium, nouas spes etiam in exitu inchoantium.* Quod equidem ipse tum indignari, tum etiam mirari videtur. At mirum non erit istam eiusdem, quandam aliam epistolam obsignantis, vocem consideranti: *Nisi sapienti sua non placent: omnis stultitia Ep. 9.*  
*laborat fastidio sui.* Ex quo proinde oportet, hominem stultum, suimet & rerum suarum, atque ad eò vitæ, statimque suscepti tædio, alia atque alia vitæ fundamenta ponere, & damnatis votis prioribus, nouas spes assidue inchoare.

Alterum: quòd idem sapiens, quando rebus aduersis æquè ac prosperis vti nouit, & ad finem suum (qui omni istarum temporalium rerum successu altior atque eminentior est) quæcunque demum fors offeratur, vniuersa referre; etiam inter diuersos oppositosque rerum ouentus, possit idem vnusque,

& æquali semper tenore vitæ persisteret. Neque enim se ipse rebus; sed res ipsas sibi finique suo accommodat; & , quod  
 29. *Provid.*  
 5. 2. Seneca dixit, *manet in statu, & quidquid evenit, in suum colorem trahit.*

In quam sententiam dictum quoddam Socratis, quo Platonis conuiuium concluditur ( quanquam sanè nesciam, eademne mente ab eo prolatum ) proniùs vsurpem: *Eiusdem viri officium esse, tragiædram comædiamq; componere, eumq; qui arte tragicus sit, esse quoque comicum.* Quod bellè, quantum existimo, in rem præsentem, sapientemq; nostrum quadrabit: quem vtrique dicimus omnium temporum hominem esse, & siue ad læta, siue ad tragica, perinde factum. Nam cum, ut aliàs ex Augustini mente vidimus, res omnes quæ hoc vniuersum, ipsarumq; sæculorum seriem, velut particulæ constituunt, rectè syllabis litterisq; comparentur, ex quibus quoddam quasi cæmen pulcherrimum diuinæ artis exstat; atque  
 1. 1. *de gen.*  
 6. 2. ( uti obseruat Philolophus ) *ex iisdem litteris indifferenter comædia & tragiædia fiat*: nouit vtrique sapiens noster, ex his ipsis rebus, in quibus mortales alij, luctus argumenta, & tragici questus vberem materiam inueniunt, ex his ipsis inquam ( ut ita loquamur ) veluti comædiam efficere, & quouis euentu, diuinam laudando approbandoq; prouidentiam, etiam tristes rerum exitus in lætum cæmen & vocem exultationis conuètere. Quod nimis quàm clarum est, ab eo expectandum non esse, qui à rebus istis mutabilibus totus pendeat, & improvidæ mentis consilio, suas in illis spes, suam felicitatem reponat.

Tertium: quòd, cum homo sapiens nullis pulsatur violentis animi perturbationibus, aut ijs ita præesse norit, ut ab ijs duci se ac regi minimè patiatur; hinc etiam consequi aptum sit, ut sicuti intus in rationis arce idem permanet, sibiq; perpetuò similis; ita eius motes eandem semper faciem habeant, eiusq; vita vnus quasi coloris sit.

Cum è contrà stultus malusq; quod suprà diximus cum Philolopho, ob compugnantium affectionum dominatum, *non vnus, sed multi, & die eadem varius, & importunus ipse sibi sit*: eoq; fieri oporteat, ut & eius viuendi ratio, instabilis, vaga, incerta, fluctuans, atque aduersa sit sibiimetipsa; nullus vitæ tenor, nulla actionum consonantia. Ut ideo rectè quoddam epistolâ pronuntiet Seneca: *Maximum indicium est malæ mentis,*

mentis, fluctuatio. Et mox: magnam rem puta, unum hominem agere. Præter sapientem autem nemo unum agit: ceteri multiformes sunt; aut, ut Ambrosio in hac ipsa re loqui visum: per momenta varij & discolores; ob incursantes videlicet, sibi que invicem succedentes, diversas animi perturbationes. Sic enim & ipse, ut unum hominem quisque nostrum agat, exhortans: *Vetus dictum est, inquit: Assuesce unus esse; ut vita tua quamdam picturam exprimas, eandem semper servans imaginem quam accepit. Quomodo potest unus esse, qui nunc iracundia inflammatur, nunc pallore immutatur &c. per momenta varius & discolor?* Sic Ambrosius. Ep. 20.

Accedit, quod si qua virum, alioqui sapientem, perturbatio incesserit, id saltem animo persuasum fixè retineat, in isto quasi mentis nubilo, non esse quicquam immutandum in ijs, quæ antea pacato certoque consilio decreta sunt: ut qui probè compertum habeat, quàm malus sit consiliarius, perturbatio. Quod, non duxerat ascericum, sed etiam morale sit, atque ad omnes humanæ vitæ partes pertinens, præceptum illud, à magno vitæ spiritalis magistro, S. Ignatio, traditum in Regulis quas scripsit de moribus animæ discernendis: *Quod tempore* (quod Reg. 3. vocant) *desolationis, nihil deliberandum, aut innovandum est circa propositum animi, aut vitæ statum; sed in eis perseverandum, quæ fuerant prius constituta.* Cuius quidem præcepti usurpatio, plurimum (ni fallor) conferet, ad eum, quem sapientis proprium dicimus, constantem, æquabilem, sibi que per omnia consentientem, tenorem vitæ. Ut enim rectè, læpe hîc laudatus Philosophus: *non contingit tranquillitas, nisi im-* Epil. 95. *mutabile certumq; iudicium adeptus.*

Hæc igitur vitæ sibi consentientis perpetua constantia, uti magna res est, ac propè diuina, ita pacis internæ (in qua rectè dicimus sitam esse summam humanæ felicitatis) tum fundamentum & quasi radix, tum etiam effectus ac fructus est: in eaque proinde consequendâ, omnis conatus adhibendus, omne studium & industria collocanda.

Quid enim homini, solidâ & imperturbatâ animi pace iucundus? Quid beatius eo, qui ope celestis sapientiæ, velut in sublimem æthera subuectus, Olympo similis nubes excedit, & quicumque mundum turbines versent, omnem istum rerum infra se positarum tumultum immotus aspiciat, immò despiciat, tanquam in suprema collocatus arce tran-

quillitatis? Quid sedatâ, constanti, & sibi ubique consentiente vitâ, vel utenti dulcius, vel intuenti amabilius? In quo videlicet statim agnoscas, siue vitæ ac status beatorum mentium, quæ inconcussè summo suo bono adherentes, immutabili quadam æternitate perstuntur, adumbratam imaginem; siue tranquillissimi ordinatissimiq; cursus cælestium orbium: ut hic quodammodo illud contingat quod dicitur in libro Iob: *Nunquid nostri ordinem celi, & pones rationem eius in terra?* Quippe cæli ordinem ac rationem quodammodo in terra ponere, seu describere, est, ipsorum cælorum motus ac conversiones ordinatissimas, uniuscuiusque vitæ æquabilitate, constantiâ morum, actionumq; consonantiâ, in carne mortali repræsentare.

De B. Laurentio Iustiniano, ita scribit Bernardus Iustinianus nepos, in eius vitâ: *Erat autem verborum actionumq; tanta mensura, ut si inferiora hæc cælestibus conferri fas est, vix ego motus cælorum & revolutiones & gyros agi maiori ordine atque mensurâ, crediderim.* At de B. Virgine Dei matre (quæ Damasceno alijsq; Patribus, animatum cælum est) in suo, ut appellat, Canticordio, pluribus differens Cancellarius Parisiensis, eiusq; tum mentis tum corporis decentissimos motus attendens, de eâ sic ait inter cætera: *Videre erat in organo Mariæ corporeo (multo autem magis in eius mente) motum proportionatum primo mobili cælesti.* Ob illam scilicet motuum omnium ordinatissimam proportionem, æquabilemq; constantiam, ex suavissima modulatissimaq; affectuum omnium, totiusq; mentis compositione, efflorescentem. Quem quidem cælestem virginearum cogitationum, affectuumq; cordis, virtutumq; omnium, concentum atque harmoniam (quod tum Gerfonibidem, tum ante eum sermone quodam Fulbertus scripsit Carnotensis) ipsa creatrix & inhabitatrix eius, Dei Sapiencia delectabatur audire.

Adeò non hominibus tantum, sed ipsi quoque Deo iucundus est, ille quem in nostro Sapiente commendamus, æquabilis animi & constantis tenor in omni vitâ.

Neque tamen hæc ita dicimus; quasi debeat vir sapiens, in eodem quasi sapientiæ gradu immotus consistere, & non de virtute in virtutem proficere; cum è contrâ scriptum sit: *Iustorum semita, quasi lux splendens, procedit & crescit usque ad perfectam diem.* Sed, quod in hoc ipso assidue proficiendi studio, debeat tenere constantiam, & ex ipso suo instituto atque decretis,



# PARS TERTIA. CAP. XVII. 273

decretis, ad summam virtutis atque sapientiae excellentiam, tanquam passus eodem, immo gradu in dies citatior, contendere. Qua ratione Nepotianum admonet S. Hieronymus; quod senectus eorum, qui adolescentiam suam bonis artibus instruxerunt, aetate sit doctior, usu tritior, processu temporis sapientior, & veterum studiorum dulcissimos fructus metit. Epist. 2.

Porro, ut hoc obiter insereram, voces, usu tritior &c. in memoriam me reuocant versuum quorundam prisca poetæ Afranij, quibus apud Agellium, Sapientia in hunc modum de se loquens inducitur: L. 13. v. 3.

*Vsus me genuit, mater peperit Memoria:  
Sopbiam vocant me Gray, Vos Sapientiam.*

Eo, inquit Agellius, argumento demonstrans; ei, qui sapiens esse rerum humanarum velis, non libris solis aut disciplinis opus esse, sed oportere eum versari quoque, exerceriq; in rebus cominus noscendus periclitandisq; eaq; omnia acta & euenta firmiter meminisse; ac proinde sapere & consulere ex his quæ pericula rerum docuerint. Quasi videlicet eò dixerit Afranius, Sapientiam patre Vsu, matre Memoria genitam; quod varijs rerum experimentis prudentia gignatur & sapientia, quæ retenta sinu & tanquam vtero contenta memoriæ, ad occurrentes rerum casus, velut in lucem vsumque vitæ proferatur.

Quemadmodum etiam in re. affini scripsit Philo Iudæus; in scientijs nimirum comparandis, intellectum patris, sensum matris locum habere; sensu videlicet quasi materiam præbente intellectui, ex qua ille formet conceptus suos partusque mentis secundum illud in scholis tritum; atque ex S. Augustino desumptum: Ex obiecto & potentia (sive, ut Augustinus, ex cognoscente & cognito) paritur notitia. Quid deus pot. infid.  
L. 9. de Trin.  
c. 12.

## C A P V T XVIII.

*Christiani cuiusdam Sapientis effatum: Sine affectu & decore, cruci affixam, adorandam esse veritatem.*

**M**agni Patris (ut cum Dotlandus appellat in Chronico) & S. Bernardo dilecti, Guigois, Carthusiani Ordinis Generalis. V. Ieuius hoc in Opere alia nonnulla fortis dicta memorauimus; L. 4. c. 3.

morauimus, pronuntiatum istud est: quod, veluti ad quandam sapientiæ altitudinem maiestatemque pertinens, visum est hoc loco proponere atque illustrare.

Cap. 17. Quippe sapientia & veritas, non affines tantum, sed cognatę sunt. Et tamen passim sic distinguuntur, vt sapientia sit notio quędam ac perceptio sublimis veritatis, veritas autem id quod contemplatur atque percipit sapientia: tamen & ipsum Verbum diuinum, eò est rerum omnium veritas subsistens, quo est primigenia sapientia; & ab eo profectę deriuatęque notiones, & tanquam lumina humanę mentis, tum sapientię pronuntiata, tum effata veritatis, indiscretę dicuntur: ac demum hæc ipsa S. Augustinus miscere solet ac pro eodem sumere; vt cum, libro de Moribus Ecclesię Catholicę, ait: *Si sapientia & veritas non totis animi viribus concupiscatur, inueniri nullo pacto potest*; & libro de beata vita expressissimę: *Quid putatis (inquit) esse sapientiam, nisi veritatem?* Vt hoc quoque sensu possit accipi, quod dicitur in Platonis Philebo: *Mens vel idem est quod veritas, vel omnium veritati simillima & verissima.*

Dis. 3. Iam ad rem ipsam quod attinet: propositum à nobis hoc capere, istius (quemadmodum illum merito suo indigitauit) Christiani sapientis, effatum, etsi primà fronte nonnullis subobscurum videbatur, euolutum tamen, non modò reipsa inuenietur certissimum, sed etiam in ipso recessu continere quiddam accuratiorę contemplatione non indignum.

Quà gratiā in primis obseruo, ex ipsa verborum formulā, non obscurum eo in effato respectum haberi ad Christum, primam veritatem & sapientiam Dei primogenitam; qui & incredulorum oculis (vt est apud Prophetam Evangelicum) sine aspectu & decore apparuit, & odio sese insectantium, in crucem actus, ei que probrosę suffixus fuit. Quasi quod veritati ac sapientię primigeniæ, hoc item veritati ex illā expressę, nobis que propositę, vsuueniat; vt tam hæc quàm illa multos habeat sibi infensos, tanquam posita in signum cui contradicetur: & tamen vtrique (etiam sic reprobata & conuexata) ab his quibus oculos cordis ipsa aperuerit sapientia, non assensu modò ac fide digna inueniatur, sed etiam in amore, honore, veneratione habenda.

Porro vt de primis effati verbis, quibus etiam decoris expectari, affectum amandam adorandamque veritatem, Carthusianus Guigo præcipit, illustrationis gratiā pauca Alcan: Sane veritas

# PARS TERTIA. CAP. XVIII. 175

veritas illa celestis; ubique per se se, quod ait S. Augustinus;  
*et luminis et formosa est*; neque eâ quicquam, non modò  
 salubris, sed neque dulcis amaretur à nobis, si qualis est in  
 se, nuda & aperta, conspici posset; & non istis rerum, sensibus  
 nostris familiarium; formis vestitam se; ac subornatam, aut  
 nescio quibus velut umbris circumfusam; mentibus nostris ob-  
 jiceret. Quam uimiranotiam, salibi laudatus Tertullianus ele-  
 ganter innotuit, tanquam nobiscum in tectis peregrinabundam;  
 neque iam proinde nativo decore conspicuam; sed à sole sub-  
 fuscata, à pulvere sordidam, à multiplici, seu viâ labore, seu  
 sæli ignia deformatam atque decoloratam. Nempe veritatis  
 quasi patria, & propria sedes; exilium est; in qua regione lu-  
 cis æternæ, sese exhibebit suâ iam pulchritudine spectabilem;  
 ubique splendore admirabili & amabili, purâ scilicet loci re-  
 fulgens, (quidquid ipsa dicet præcipiat) mitificè rapiet, de-  
 guntibus in se defixos contemplantium oculos; quoniam, ve-  
 lut is ipse Guigo alio in capite submonet, *istic nuda mens nuda*  
*adheret queritati*; non

L. 2. Conf.  
c. 6.

Apolog. c. 1.

Cap. 13.

In hoc autem orbe caliginoso, neque ipsa veritas per se  
 nuda appellat ad animam, sed interposito sensuum nostrorum  
 ministerio; & ope phantasmatum infecta, ipsique ad id (quod  
 dicebamus) rerum insensibilium formis vestita, & tanquam cor-  
 porata, subingreditur.

Ut proinde, sicut lux ista solaris per vitrum transmissa colore  
 aliquo paulò sauiore intinctum; eodem & ipsa inficitur, ne-  
 que iam nuda aut pura appellat; sed ex rubro aut flavo v. g.  
 colorata, atque permixta; ita lux ista veritatis, per sensus de-  
 ducta ad animum, ipsâ transmissione, & quasi contagione sen-  
 suum, quodammodo infecta & decolorata, non pura ac nuda  
 perueniat; neque mentem ipsam, eâ quâ pollet sinceritate, ad  
 suavitatem efficiat.

Sed neque ad mentem nudam appellat; quam utique ipse  
 ait, siue vulgaribus occupatam opinionibus; siue diuersis affe-  
 ctionibus perturbationibusque obductam; ut quamvis ut dici-  
 tur, in tertio Esdræ, omnium formissima & potentissima sit ve-  
 ritas, tamen in animum ac pectus, tot illis quæ dixi integra-  
 mentis obseptum æque loticatum, vix habeat qua parte perua-  
 dat, illudque sibi subiciat.

Hunc igitur in morem, siue sensuum nostrorum naturali  
 propensione, siue inlicitis animi affectionibus, rationis ut in-  
 ferius

Cap. 7.

Cap. 1.

rioris præiudicijs aduersa veritas, non iam aspectus tantum decorisque vacua apparet, sed etiam cum primis horrída; eoque ingrata, quò inimica. Quo modo de Evangelicâ veritate Tertullianus in Apologetico: *cum odio sui capite veritas, simul atque apparuit inimica esse*: de quâ videlicet eadem dixerat, eam, ut peregrinam, inter extraneos facili inimicos inuenire. Ita, licet per se nihil sit veritate amabilius, eadem tamen decoris experiri & inamabilis apparet, ubi sensibus nostris; siue anteeptis animi cuiusque, vel persuasionibus, vel affectionibus, sese aduersam ostenderit. Cuius etiam lucē verberata mens atque conuicta, adhuc eam cunctatur ac reformidat tanquam veritatē amplecti, quòd id præoptet veritatē esse, quod, si non firmo iudicio, at animi tamen propensiori inductione, prauoque affectu, ut sibi præsertim conueniens desponderit atque præsumperit.

Cap. 23.

Quod quidem postremum, ut alia pleraque huius tractatus, de magnâ Augustini mente deductum est: qui libro 10. Confessionum, simili quæstione discussâ, non inuenit quî fiat, ut veritas odiosa sit, cum omnes ament beatam vitam, quæ aliud non est, nisi gaudium de veritate: *nisi quia* (inquit) *sic amatur veritas, ut quicunque aliud amant, hoc quod amant velint esse veritatem*. Id in humano ingenio efficiente videlicet cæca cupiditate, aut distortâ ac praua dispositione animi; ut cum quisque quod amat, saltē ipsâ affectûs persuasionē, optimum putet, id re ipsa tale videri velit: ne vel id cogatur ratione cogente deferere, quod improuidē adamauerit; vel probrosē in eo hæreat, quod sese agnoscat stultē & improuidē adamasse.

Ad Nicom.

l. 3. c. 3.

5. Th. 1. p. 9.

83. d. 1. ad 5.

1. 2. q. 9. a. 2.

+ . . .

Quo in genere quantam vim habeat naturæ propensio, aut affectio, quam animus sibi paulò aliùs induerit; vel illud ostendit effatum, ex adytis desumptum Philosophiæ Peripateticæ: *Talis unicuique finis apparet, qualis quisque est*. Ex quo etiam fiat, quod libro 2. de libero arbitrio cap. 9. obseruat S. Augustinus, ut, cum etiam diuersa sectantes bonum appetant, & malum fugiant; propterea diuersa sectentur, quòd aliud alijs videatur bonum: pro variâ scilicet siue naturæ, siue appetitûs, affectione.

Hinc enim etiam exempli causâ in re præsentī, pro variâ animi in vtraque gente comparatione, Iudæis tertenam tantum felicitatem spectantibus atque æstimantibus, Christus pauper, humilis, abiectus atque afflictus, scandalo fuit, Gentibus autem

# PARS TERTIA. CAP. XVIII. 277

autem ratione solâ humanaque sapientiâ cuncta metientibus, Deus homo factus, & in probrosâ Cruce moriens, insignis visa est stultitia: qui puris mentibus, & altiori lumine cælestis sapientiæ collustratis, summa Dei virtus est, & summa sapientia. 1. Cor. 1. 24.

Atque Evangelicorum istorum pronuntiatorum, *Beati pauperes. Beati qui nunc fletis. Beati eritis, cum vos oderint homines, & persecuti vos fuerint. Va vobis divitibus, quia habetis hic consolationem vestram. Va vobis qui ridetis nunc, quia lugebitis. Qui amat animam suam, perdet eam; & aliorum eiusdemmodi; veritas, quæ intimis Christi discipulis valde luminosa & formosa est; contrariè affectis animis, aspectu deformis, fœda, horrida videtur; eademque illa prorsus explorata Christianæ disciplinæ dictata, humano sensu refugee, etiam apud Christianos fidem vix inveniunt; aut certè quæ solâ mentis fide convictæ assensione recipiuntur, si dicere licet, etiam credentis affectui falsa sunt.* Luc. 6. 20. 21. 22. 23. 24. 25.

Ergo sinceram veritatis lucem pervidere ac complecti volenti, tum falsis vulgi præiudicijs, affectionibusque denudandus est animus, tum ipsa veritas, quacumque materiâ circumdata, hoc est, quocumque tandem habitu, humanæ menti objiciatur, in sua forma & tanquam nativâ simplicitate, contemplanda est, &, Guignonis verbo ac sensu, etiam sine aspectu atque decore, adoranda. Adoranda autem, hoc est, etiam sic habenda in honore, & cum veneratione suscipienda. Vt & in illo Senecæ: quò minus virtutem adorem, & ex internallo ingenti replebundus sequar. De vit. beati. c. 18.

Quod autem subiunxit noster sapiens, etiam cruci affixam adorandam esse veritatem; id inquam ex ipsâ ad Christum crucifixum comparatione; sic interpreter. Vt quantumvis mundo odiosa sūt præcepta divinæ veritatis, & à sapientibus huius sæculi, pro falsis reprobata, pro fatuis illusa, pro impijs damnata, atque omni probro ac contumeliâ diuexata; & tanquam cruci ac patibulo ad extremum dedecus confixa; non tamen proinde qui Dei Spiritu ducantur, hoc minus divinam in illis relucentem veritatem sibi colendam; adorandamque putent; propterea quòd ij, qui, cum magnâ mentis cæcitate laborant, sibi met (ut ait Tertullianus) videntur Deo consultiores, eam fœdè lacerent atque traducant. Verba eius Doctoris libro 2. contra Marcionem, ecce sunt ista: *Mundi autem habentes Spiritum,* cap. 2.

tum, non agnoscens in sapientia Dei per sapientiam Deum, consultiore fibimet videntur Deo. Quoniam sicut sapientia mundi, stultitia est penes Deum; ita & sapientia Dei, stultitia est penes mundum.

Sed abusi, vi illam mundi reatricem, & tum dominatricem atque imperatricem rerum omnium, tum quamlibet excelsarum mentium reginam veritatem, in cuius obsequia intellectus omnis in quandam veluti captiuitatem redigendus est, siue sensuum nostrorum bruiæ propensione, siue, adeo angustis terminis circumscriptæ humanæ intelligentiæ, siue quorumcumque mundi Sapientum cæcæ præsumptioni, temerariè ac stultè subijciamus.

Nam qui diuinam veritatem tunc recipit, cum iubet placentia, refugit cum ingrata præscripserit; rursumque admittit, cum suo sensui iudicioque consentanea, auertatur cum supra rationem aut captum suum quiddam dictare ac proponere videatur; is, etiam cum illam recipit, non diuinam adorat veritatem, sed suo sensui suisque defert affectibus; neque mentem suam ipsi veritati submittit, sed pro eâ colit, quod sibi pro libito formauerit, simulacrum quoddam, imaginemque veritatis.

Quam in rem præclare neruoseque S. Hilarius, aduersus Arianos disputans: *Muli enim sunt (inquit) qui simulantes fidem, non subditi sunt fidei, sibiq; fidem ipsi potius constituunt, quam accipiunt, sensu humane inanitatis inflati, dum quæ volunt sapiunt, & nolunt sapere quæ vera sunt: cum sapientiæ hæc veritas sit, interdum sapere quæ nolis.* Quibus quidem postremis diuinè pronuntiat: Eum qui verè sapiens sit, non eam duntaxat amplexandam, veritatem, quæ ad sensus suos atque affectus, & tanquam genium, accommodata & facta sit; sed etiam quam refugiat sensus, horreat voluntas, auertetur sibi motu permixta humana ratio; ubi sensibus & mente nostrâ maior autoritas, eam acceptandam adorandamque persuaerit. Neque vile quis putet, aut humanæ mentis excelsitati minus congruent, si eâ quam dixi reuerentiâ, sese summæ submittat veritati. Quia, ut eiusdem sapientis à quo inceptit, verissimo dicto caput finiam: *Quanto quæque creatura nobis hor est & potentior, tanto libentius subditur veritati: immo hinc potens & nobilis est, quia subditur ei.* Sic illa.

C A P V T XIX.

*Profana priscorum Philosophorum sapientia curiosum & immodicum studium; vera ac divina sapientia non mediocri impedimento esse.*

**T**Ametsi ea res in paucis fortasse locum habeat, illius tamen pertractatio digna est, quæ hisce ad veram sapientiam institutionibus, coronidis vice, adjiciatur.

Visum igitur est cautionis gratiâ, diligenter admonendum lectorem meum, si quisquam in istas paginas, antiquæ illius, atque his sæculis Christianis pænè antiquatæ, sapientiæ nimius admirator inciderit; eo in studio sapienti quodam temperamento opus esse: ne dum se diuino (ut appellant) Platoni, vel alteri cuiquam veterum Philosophorum nimis addicit, & tanquam in Magistri verba iuratus, illius placita, quantumvis per solam ingeniosæ exercitationis speciem, enixius defendere contendat, eò ad extremum sensum prouectus sentiat, ut ejus sectæ quam adamari falsa dogmata, non iam diuinâ fide corrigat, vti iam ipsam ad errantis Doctores sensa deflectat, ac demum præ diuina veritate, philosophici cerebelli commentum, aut ex vitijs quæ disciplinæ commitione foedissimum monstrum obtudat; Christianum perdens, neque faciens Philosophum.

Quod quidem & primis Ecclesiæ sæculis (velut in libro de Præscriptionibus demonstrat Tertullianus) longè plurimi, & nuperis quoque temporibus, inconsulte nonnulli, suo aliorumque magno, aut damno, aut periculo fecerunt. Ipsa denique hereses (inquit ibidem idem autor) à Philosophia subornantur, siue, ut alibi de iisdem agens Philosophus; Ipsi illi (inquit) sapientiæ professores, de quorum ingenijs omnis heresis animatur. &c. Vnde mox paulò commotior, & pro ingratia tanquam subiectus, exclamat, eo loco quem prius citauimus: Quid ergo Athenis & Ierosolymis? quid Academia & Ecclesia? quid Harætica & Christianis? Nostra instructio de porticu Salomonis est; qui & ipse tradiderat, Dominum in simplicitate cordis esse querendum. & idcirco qui Stoicum & Platicum & dialecticum Christianissimum protulerunt. Quod vtiqum dictum ipse seruasset, neque Dei & hominum Sermonem, Platicum magis quam Christianum protulisset.

cap. 7.

Lib. 2. ad Marc. c. 13.

V. Petan. Theol. tom. 2. l. 1. c. 5.

Quanam igitur & nos priscis illis moraræ Philosophiæ  
antistitibus, Pythagoricis, Platonis, Stoicis, in hac præser-  
tim tractatione aliquantum ducamur & delectemur; & siue  
variarum atque amoenarum eruditionis gratiâ, siue his obsequendi stu-  
dio qui istis etiam capiantur, siue, atque maximè, ut appareat,  
quàm sint ea præcepta quæ tradimus, humano ingenio consen-  
tanea, quando in eadem etiam externi sapientes, ipsâ sponte  
naturæ, aut rationis ductu, incidere; eorundem dictis, ubi illi  
præclarè & ex usu vitæ quicquam protulerint, etiam de Augustini  
sententiâ, scripta hæc nostrâ respergamus: attamen iidem nos,  
cum qui eiusmodi (ut Sanctus appellat Hieronymus) secularis  
sapientiæ, studiosus sit, in primis commonitum cupimus: Ut  
ne temere se, & absque solidæ Theologiæ præsidio, in ea stu-  
dia aut disciplinas altius immergat; sed si eos autores degusta-  
re est animus, quemadmodum in hortum solemus, respiran-  
di tantisper, aut scivius fructus obiter decerpenti gratiâ, sic  
apud eos sanè diuettat, non uti in eorum sensa, tanquam ha-  
bitaturus, immigret; neque illis se dedat ut suis, sed velut  
inter alienos, quid denique rerum istis agatur, exploret.

Epil. 2. Et æquum profecto fecerimus, si dum aut Platonem lætita-  
riss, aut Senecam, ij fuerimus aduersus illos, quædam ipse pro-  
fiteretur Annæus, fuisse sese erga alienos. Nam cum Epicurum  
frequens legeret, deque eius hortulis (siquam is vocem paulò  
fortiorem, & Stoico propiorem, emisisset) etiam Scam suam  
ornaret; Lucilio id ita excusar in quadam epistolà: *Hodiernum  
hoc est, quod apud Epicurum nactus sum. Solus enim & in aliena  
castra transire, non tanquam transfuga, sed ut explorator. Hone-  
sta; inquit, res est lata paupertas. Hoc enim illud est, quod is  
eà die de Epicuri scriptis, cum Lucilio suo communicandum,  
apprehenderat.*

Quod item monitum, figurâ sermonis hæc abfimili, tradi-  
diffe video etiam doctissimum Clementem, in his ipsiſ libris,  
quos tanquam variâ, immo pœuigenâ, etque præſertim quam  
Græcâ appellat; veluti ex Græcis ſeu Philoſophiâ, ſeu Ora-  
toribus, Poëſiſ deſumptam, eruditione reſertos, *Συμπλοκῆς* in-  
ſcriptâ. Vbi cum Chriſtianum ſapientem dixiſſet, ſingulari ſtu-  
dio circa ea quæ ſunt præcipua, hoc eſt circa cæleſtis disci-  
plinæ ſcien- ſemper verſari: *Sed ſiguan- do ei eſt utrum* (inquit) *U-*  
*tempus relaxande animi ab ijs quæ ſunt præcipua, loco alterius re-*  
*creandi etiam Græcâ attingit Philoſophiam; tanquam is qui ſe*  
*bellum*



*bellarium ad carnem illaturus, non est qui neglexerit ea quæ sunt præstantiora. Sic ille.*

Cæterum si quisquæ, siue pro æui forsitan genio, animiue sui lubentia, siue unde vnde iniecta atque suscepta, autorem aliquem eiusmodi, exponendi necessitate, paulò profundius in eius se placita penetraverit, eundemque sibi per familiarem atque intimum iam effecerit; huic tenenda restat huiusce moniti pars altera: ut scilicet norit in autore suo proba atque sana, ab his quæ prava sunt, aut errori certè affinia discernere; neque erga illum ita insulse afficiatur, quin exploratos deprehensolque eius errores detegat, castiget, emendet; aut ut ea quoque quæ suspecta sint; tueri velit: multò autem minùs, ut (quod dicebamus principio) fidei nostræ mysteria ad Doctorem sui peregrinos sensus & exoticos, periculosè detorqueat.

Sanè enim ubi non iam doctrinæ lusus, sed seria fidei res agitur: *siccantur flumina Eban, pereant doctrinæ ista Gentium, pullulent virgæ Ierusalem*; inquit Augustinus ad illa Psalmi 73. *Tu siccasti fluvios Eban.* Quæ vox hebræa, quoniam fortem seu fortitudinem significat, hinc per fluvios Eban, intelligit doctrinas Philosophorum, de virtute sua (ut ipse ait) præludentium.

Quam item in rem luculentum scilicet, non autotem modò, sed etiam exemplum habemus S. Doctorem Hieronymum, qui ita de se S. Damaso Pontifici: *Itaq; & nos facere solemus, quando in manus nostras libri veniunt sapientiæ secularis. Siquid in eis otile reperimus, ad nostrum dogma convertimus. Siquid verò superfluum de idolis, de amore, de curâ secularium rerum, hæc radimus, his caluitium inducimus, hæc in unguium morem ferro acutissimo defecamus.* Epist. 146.

Et alià quadam ad Magnum oratorem epistolà: *Quid ergo mirum si & ego sapientiam secularem, propter eloquij venustatem & membrorum pulchritudinem, de ancillâ atque captivâ Israelitidem facere cupio, & quidquid in eâ mortuum est, idololatriæ, voluptatis, erroris, libidinum, vel præcido, vel rado?* Epist. 84.

Quibus more suo alludit S. Doctor ad legem in Deuteronomio præscriptam, quâ constituitur, ut si quis pulchram mulierem inter captivos inuentam adamaverit (quo ille nomine, tum locis relatis, tum alià quadam ad Pammachium epistolâ, sapientiam secularem allegoricè intelligit) eamque sibi adiungere voluerit; id ei eâ lege liceat, si modò prius illius radat cælatum, Cap. 21. v. 12, Ep. 26. c. 44

& circuncidat vagues; id est quicquid in eâ est emortuum; nec cum sana fide probisue moribus consentiens, præcidat ad seletet, atque quoad eius licet, ex ancillâ ac peregrinâ Israëlitiâ, hoc est, de profanâ sacram ac religiosam efficiat. His consuequenter adiungere licet, quod Aldum Manutium religiosè sapienterque submonet Princeps Mirandulanus, quodam ad eum epistolâ: Tu (inquiens) quod te scribis facturum; attinge te ad Philosophiam, sed hac lege: ut memineris; nullam esse Philosophiam, quæ à mysteriorum rueritate nos auocet. Tum clausulæ ioco illam subijcit; quæ mihi semper perplacuit, estque reipsa Christiano Philosopho, & (pro more veteri) templa inscribi, digna sententia: Philosophia veritatem quarit; Theologia inuenit, Religio possidet.

Quo perbreui dicto, argumentum omne materiamque huius capitis, acutè perstrinxit, summatimque complexus est. Sæcularem scilicet sapientiam, ab his potissimum acceptam Philosophis, qui nobis propius accesserint, (quod de Platonici non semel proficitur Augustinus) siquis temperatè eâ vtatur, ad Christianam disciplinam, sine capessendam, siue tuendam, non parum conducere; non tamen (quamlibet sectam admet) ita ei adhaerendum esse Christiano, quasi apud illam inuenienda sit veritas, siue quod ad bene beateque viuendum possit sufficere. Sine fide enim, impossibile est placere Deo; inquit Gentium Apostolus. Neque vis humanæ rationis, quantumuis acuta ac perspicax, eò vnquam assurgit, vt vel finem ipsum per se attingat humanæ vitæ (quippe cum is transcendat omnem naturam, omnemque exuperet intelligentiam) neque quibus propriè præsidij, ex peculiari quibusque temporibus diuinæ prouidentiz ratione, ad eum securè ac cettò perueniri possit.

Siquidem (vti legimus in libro Sapientiz) Difficile estimamus, (seu, coniecturamus, vt est in Græco) quæ in terra sunt; & quæ in prospectu (seu, manibus) sunt; inuenimus cum labora. Quæ autem in calis sunt, quis inuestigabit? Sensum autem tuum, quis sciet, nisi tu dederis sapientiam, & miseris Spiritum Sanctum tuum de altissimis? Et sic correctæ sint semitæ eorum qui sunt in terris, & quæ tibi placent, didicerint homines?

Qua proinde cælesti sapientiâ diuinoque Spiritu destituti Platonici, etsi id habuere præ cæteris, quod intelligerent (vt de ijs testatur S. Augustinus) hominis animam, nisi participato lumine illius, à quo & ipsa, & mundus factus est, beatam esse non posse;

Lib. 10. de  
anit. c. 1.  
De vera re-  
lig. c. 9.

Heb. 11. 7. 6.

cap. 9. v. 16.

L. 10. de Ci-  
uit. c. 1.

posse; negarentque, vitam beatam quenquam assecuturum, qui non uni optimo, qui est incommutabilis Deus, puritate casti amoris adhaerit: attamen quoniam vim & energiam diuinæ illius charitatis, quam fidelium cordibus Spiritus sanctus infundit, isti ignorauere; neque viam sanctæ humilitatis, siue perfectæ humani sensus sub Deo suo subiectionis, sat exploratam, atque adeò magis quò eundum, quàm quā eundem esset, perspectum habuere; idcirco nec ipsi eam, quam se quærere profitebantur, felicitatem inuenerunt: *pulsatā salute* (vt de ijs scitè Tertullianus) *licet non aditā veritate.*

De resurr.  
carn. t. 1.

Quo de argumento cùm non vno loco eruditè disputet S. Augustinus, tum præsertim in suis Confessionibus; vbi tem ipsam oculis quasi subicete videtur, istac adductā pereleganti similitudine: *Aliud est, (inquiens) de siluestri cacumine videre patriam pacis, & iter ad eam non inuenire, & frustra conari per inuia, circumobsidentibus & insidiantibus fugitiuis desertoribus, cum principe suo leone & dracone: & aliud tenere viam illuc ducentem, curā celestis Imperatoris munitam, vbi non latrocinantur qui celestem militiam deseruerunt.* In quibus facilè perspiciet solers lector, istorum alterum Platonis illis Philosophis, alterum diuinā, seu Christianā disciplinā, initiatis, conuenire.

L. 7. Conf.  
c. 21.

Viam igitur pacis, veritatis, felicitatis, non humana ratio autoritasue, sed fides inuenit, quam diuina ingignit autoritas, cuius fundamenta argumentaque, ex factis litteris & diuinā Theologā petenda sunt.

Quod autem adiunxit Mirandulanus: inuentam veritatem religione possideri; eò illum dixisse existimem, quòd inuenta per fidem veritas, casto Numinis cultu, motumque sanctitate tenenda sit; neque ad veræ sapientiæ possessionem, vitæque beatæ vltimū fructum sufficiat, rectè sentire & prauè viuere, pulchra loqui, turpia facere; breuiter, se dictis sapientem, factis insolum, ineruditum, absurdumque præbere.

Audiamus sanè ex S. Cypriani sensu, quid propriè intersit inter iactabundam illam Philosophorum, & veram Christiani sapientiam. Is enim in libro de Patientiā (vbi iam antè indicauimus) cùm vanam istorum, vti sapientiam, ita & patientiam reiecit: *Nos autem, inquit, fratres dilectissimi, qui philosophi non verbis, sed factis sumus, nec vestitu sapientiam, sed veritate præferimus; qui virtutum magis conscientiam, quàm iactantiam nouimus; qui non loquimur magna, sed viuimus; quasi*

M m

serui

*serui & cultores Dei ; patientiam quam magisterijs celestibus discimus, obsequijs spiritalibus teneamus.* Sic Cyprianus: Minurium felicem, ut læpe aliàs, imitatus; cuius ista sunt: *Nos, non habitu sapientiam, sed mente preferimus; non loquimur magna, sed viuimus.* Quo de argumento etiam nonnulla, extremo nunc monito, adijciam.



## CAPVT XX.

*Admandum esse præ ceteris diuinarum litterarum studium. Quædam in rem nostram nuperorum cruditorum exempla.*

**P**ostremò igitur, qui aduersus eos priscæ sapientiæ doctores, ita ac prædixi affectus sit, mihi demum hoc loco rogandus, atque cohortandus est, harum ut litterarum lectionem in secundis, sacrarum autem in primis habeat: certus in his sese, non modò ( quod indubitatum est ) immenso maiorem utilitatem animi sui, sed gustum quoque, solatium, oblectationem incredibilem, ubi eas sibi familiares atque intimas habuerit, reperturum esse.

Quod quidem præclaro S. Augustini experimento comper-  
tum est: qui nempe, cum diuinas litteras primùm ob styli simplicitatem fastidiret, magisquæ scriptis Platoniorum capere-  
tur; postquam hortatore S. Ambrosio eas gustare cœpit, ita illarum sanctâ dulcedine captus est, ut iam non inueniret verba, figuratûc sermonis, quibus earum expertam suauitatem, ex animi sui sententiâ satis exprimeret, ac commendaret.

Hinc enim modò illas attendit velut dulces litteras è patriâ cælesti, ad solatium animæ peregrinantis submissas: modò ut blanditijs Spiritus Dei, alludentis infirmitati nostræ, atque ex illis mirabili ratione potionem quandam ad amorem suum nobis conficientis: modò ut siluas quasdam amœnitatè præcipuas, & frondosis emblematum, allegoriarumûc umbris opacas, in quibus cerui spirituales pastum suum, quietem, oblectamentum inueniunt.

Audiri possunt quæ eam ob rem ipse scribit, Deum alloquens, libro 7. Confessionum. *Sint casta delicia mea, scripture mæ. Neque enim frustra scribi voluisti tot paginarum opaca secreta: aut non habent illa filia cernos suos, recipientes se in eas,*  
et am-

L. 3. Conf.  
c. 5.  
Præf. de vit.  
beat.

In pf. 90.  
c. 2.  
In pf. 138.

cap. 26.

PARS TERTIA. CAP. XX. 285

*Et ambulantes, Et pascentes, Et ruminantes. O Domine, perfice me, Et reuela mihi eas. Ecce vox tua, gaudium meum; vox tua super affluentiam voluptatum. Sic Augustinus.*

Sed huc maxime facit egregia quædam S. Paulini ad Iouium epistola; quâ illum multis & fortibus hortatur, vt Philosophorum libris posthabitis ( ex quibus nonnihil profani sensus hausisse videretur ) ad sacrarum lectionem litterarum, vnde vera sapientia petenda sit, animum transferat. Vbi hæc ad illum inter cætera. *Erige in summam sapientia mentem tuam, Et ipsum* Epiſt. 32.  
*veri luminis fontem Christum pete. Omnium poetarum floribus spiras; omnium oratorum fluminibus ecundas, philosophia quoque fontibus irrigaris, peregrinis etiam diues litteris, Romanum os Atticis fauis imple. Vt istis occuperis, immunis es Et liber; Vt Christum, hoc est, sapientiam Dei, discas, tributarius Et occupatus es. Verte potius sententiam; verte facundiam. Nam animi philosophiam non deponas licet, dum eam fide condias, Et religione conſertâ, vtare sapientius; vt sis Dei Philosophus, Et Dei vates, non quærendo, sed imitando Deum, sapiens; vt non tam linguâ quàm vitâ eruditus, tam differas magna, quàm facias. Esto Peripateticus Deo, Pythagoreus mundo; vera in Christo sapientia prædicator, Et tandem tacitus vanitati. Hæc & plura Paulinus.*

Ex quibus omnibus facile colliget quicvis cordatus, sibi præ quacunque Philosophicâ disciplinâ, diuinas litteras adamandas & adhibendas esse; neque veram illam salutaremque sapientiam, ex Platonis scriptis aut Epicæti, sed ex Christi Domini, qui est ipsa Dei Sapientia, doctrinâ, factis, atque exemplis, esse petendam; atque in vsus nostros ac vitam, studiosâ imitatione, transferendam.

Quam in rem libet ad extremum, præstantissimi viri, Iusti Lipsij meminisse: qui cum, siue suo pte genio, siue susceptæ professionis ratione, multus, ac totus quodammodo, in Stoicorum placitis eruendis exponendisquæ fuisset, librum etiam de Constantiâ, ex horum aliorumque Philosophorum verbis sensusue conscripſisset; attamen sub mortem, cum è circumstantibus nescio quis, velut ad dolores fortiter ferendos, Stoicam illi apathiam suggessisset; *Vana sunt ista*, respondit, digitoque in Christi crucifixi imaginem, quam ad lectulum habebat, intento: *Hæc ( inquit ) vera est patientia; & ad ipsum Christum: Domine ( inquit ) da mihi patientiam Christianam.*

M m 2

Ita

Ita ille Stoicè scripsit, Christianè vixit: documentum: infigne futurus ijs, qui talium curiosiores extiterint; vt cæteris studijs antehabendam sibi parent Christianam sapientiam; & si literæ Zenonem, Platonemque souent, attamen Christum contemner, vita loquatur, mores ostendant,

Subjungamus Stoico Platonicum Philosophum, Michaëlem Mercatum seniore; qui cum in Platone bonam partem ætatis flagrantè posuisset, studiorum consorte Marfilio Ficino; postquam ei Ficinus (absente Mercato, & insciente, vitâ functus) ex condito apparuit, veritatemque eorum, quæ de futura vita traderet Christiana religio, testis locuples affirmavit, ita animo affectus est, vt damnato omni priore studio, totum se ad vitæ Euangelicæ exercitationem, perfectionemque conferret. *Licet enim antiqua probitatis vir esset* (vti proloquitur, hæc de eo referens Cardinalis Baronius) *innocentiamque & proficuum omnibus vitam excoluisset, prout decebat verè Philosophum; ex eo tamen tempore, valedicens Philosophicis disciplinis, solius Christianæ philosophiæ, cæteris eminentioris, propensor cultor effectus, quod reliquum fuit temporis, mundo defunctus, sibi soli vixit, specimen edens absolutissimi omnibus numeris Christiani, qui inter Philosophos sui temporis magna cum laude claruerat, nulli secundus.*

Anno Chr.  
411.

In cap. 13.  
Martii.

Adcò ad mordendum afficiendumque palatum cordis, nimio plus valer pusillum illud granum inapis, siue altè demissa in animum dictata Christianæ sapientiæ, præ quauis disciplina philosophica, præter splendorem eloquentiæ (teste magno Doctore Hieronymo) nihil in se mordax, nihil viuudum, nihil vitale demonstrante, sed ad extremum in olera flaccida, atque marcida ebulliente.

De anima  
c. 3.

Demum in nobilibus ciuisc rei, quam tractamus, exemplis, præterire non possum suprà laudatum Ioannem Picum Mirandulæ Comitem. Quippe qui etiam adolescens, cum æui prisici atque recentis disciplinas vniuersas, quamlibet abstrusas ac reconditas, magno studio coluisset, in ijsque ita versatus esset, vt ingeniorum sui temporis phœnix audiret: attamen deinde ita animo immutatus est, vt iam despretis illis omnibus (Tertulliani verbo) *philosopharum doctrinis hominum*, solam cole-ret Christianam sapientiam, solam adamaret Euangelicam illam arborem, arque vti vera volucris cæli, assidue habitaret in ramis eius. Auditus aliquando dicere: perfectis quibusdam quæ reli-

quæ

# PARS TERTIA. CAP. XXI. 287

quę erant lucubrationibus suis, sibi demum esse deliberatum; quod supererat facultatum in egenos dividere, sumptoque in manus Crucifixo, ac nudis pedibus ingredientem, per castella vrbesque Christum prædicare; prout restatur Ioannes Franciscus; eiusdem nepos, in ipsius vita.



## C A P V T XXI.

*De nonnullis effatis præceptisue salutaribus, ex his quę sparsim isto Opere tradita sunt, ad vsus opportunos, recolligendis.*

**F**Inem iam spectante tractatu, quem primitus animo destinaueram, in quo, seu veluti res ipsa postulare visū est, seu prout tulit scribentis animus, varia dispersè tradidimus præcepta atque instituta diuinioris Sapientię, humanę vię, nisi fallimur, feliciterque conducibilia: operæpretium, vt existimo, facturus sum, si ex his quę sparsim atque diffusè disputata sunt, ad extremum quædam selecta capita, atque effata, breuiori modulo recolligam, quę haud difficulter comprehendantur teneanturque memoriâ, ad vsus proprios particularesque opportunè adhibenda. Exemplum secutus monitumque Ioannis Chrysostomi, qui quandam ad populum orationem conclusurus, ne turba rerum (vr ipse loquitur) audientium obruat atque confundat memoriâ, necesse esse ait, vt ea quę dicta sint, summam ac paucis repetantur, ad idipsum allatâ, familiarari, sed opportunâ, neque inamcenâ similitudine. Sic enim Hom. 3. de reb. isrl. c. 6. (inquit) *Et matres facere solent: cum poma, aut bellaria, aut aliud simile quidpiam, in puerilem immittunt sinum; ne per puerorum negligentiam excidat aliquid eorum quę data sunt, contrariam undique tuniculam cingulo subiciunt, quò sint in tuto. Idem nos faciamus, subdit, orationem in longum porrectam contrahamus, memoriâq; custodiâ deponamus.* Sic ille.

Quod equidem & nos aggredimur in præsentia facere; præcipua quædam videlicet ac generalia huius institutionis ac disciplinæ pronuntiata, & tanquam bellaria sapientię, in vnum reducta atque collecta, velut in sinum commendaturi memoriæ; non ea fortassis ad vulgi palatum facientia, sed ipsi comperta atque probata sapientibus, ipsique qui cordis gustatum sincerum, neque infectum habeant, vti confidimus, non iniucunda.

Mm 3

Quem-

Quemadmodum enim ( vt tradit Boëtius in libello de Hebdomadibus, & S. Thomas, ac Gilbertus ibidem ) in metaphysicis alijsque eiusmodi disciplinis, aliquæ sunt communes notiones, quas non vulgus, sed soli docti approbant: qualiter, vt ibi Boëtius, communis est animi conceptio apud sapientes, *Incorporalia in loco non esse*, nimirum modo quodam physico & substantiam ipsorum circumscribente; aut, quod idem ibidem significat: *omne quod est, ad ( primum summumque ) bonum tendere*: ita in hac morali sapientiæ cælestis disciplinâ, Effata quædam sunt, incomperta vulgo, at ipsi veluti per se nota sapientibus; non quasi ex ipsa simplici vocum propositione, continuo per se manifesta sit eorum veritas ( sic enim iam essent vnicuique nota per sese ) sed quòd ei qui vocum ipsarum vim ac significationem paulo altius penitusque penetraverit, atque extremorum ( vt appellant ) habitudinem ad inuicem, responsum acutiùs peruidet, confestim per sese, hoc est absque alio intellectus ratiocinio, aut certè ( vt formam loquendi Cardinalis Aureoli in alio proposito, imiter ) *ex quodam imperceptibili syllogismo*, nota esse incipiant; vbi hi qui tardiores sunt, ampliori quadam ad eorum assensum animi dispositione indigent, disciplinâ inquam & exercitatione magis operosâ. In quem ferè sensum dictum videtur à Seneca: *quædam admonitionem Philosophia desiderare, quædam probationem*.

In 1. di. 2.  
part. 2. a. 6.

Epi. 95.

Igitur rectè appositæque eodem loco idem Philosophus, de sapientiæ ( quæ appellat ) decretis agens: *Sicut sanctiora sacrorum ( inquit ) tantum initiati sciunt: ita in Philosophiâ, arcana illa admissis receptisque, in sacra ostenduntur; at præcepta & alia huiusmodi, profanus quoque nota sunt*. Quod pluribus disputans Gilbertus Porretanus, præfatione ad suos in prædictum Boëtij libellum commentarios; Philosophos ait, non cuilibet totam speciem, & quasi formam Philosophiæ ostendere, sed prout est varia discipulorum comparatio, ita pro cuiusque capiti disciplinæ modum attemperare. *Paucos vero, inquit, quos intensiore studio vident attentos, & mentis acie perspicaciores, ac verè dignos quibus sapientiæ veritas exeratur, in quoddam quasi diuersorium, extra publicam rationalium viam, & huiusmodi sine alioquin, hoc est, speculationes, siue dignitates disciplinalium ducunt; vbi, quodam quasi sinu secreti, sapientiæ ipsius quoddam præ ceteris dignitatem ostendunt*. Sic ille. Qui item ( quod ad rem significatam attinet ) rectè admonet, istic à Boëtio hebdomades dici, conceptiones quædam magis

gis



gis abstrusas & altioris intelligentiæ, neque vulgo duntaxat, sed sapientibus quoque communiter ignoras. Quæ tamen ( siquis id curiosius inquirat ) cur à Boëtio isto nomine appellentur, non est facile sanè conijecere. Nam quod idem Gilbertus ibidem subobscure significat, per excellentiam, *hebdomades*, hoc est *conceptiones*, nominari; nemo, qui Græcè sciat, admiserit. Quod autem in Beati Thomæ in eadem hebdomades commentario, inter eius Opuscula, habetur; cum librum dici de *hebdomadibus*, id est de editionibus, quia in Græco *hebdomada* idem est quod editio; Adeò à vero abhorrens est, ut mirum sit profectò, quomodo id in textum S. Doctoris irreperit. Aptius ad vocis originem suspicabitur quispiam, conceptiones illas ita inscriptas, quòd vel septenario comprehenderentur numero, vel in septenas atque septenas essent distributæ: quomodo videmus, aut historias Liuij, decades; aut Plotini opera, Enneades inscribi; quod eorum Operum tractatus singuli, denis, nouenis libris contineantur. Nisi fortè quis malit eas Boëtianas hebdomadas, quemadmodum Agellij Noctes Atticas, Macrobij Saturnalia, Maioli Dies caniculares, Cresolij Vacationes autumnales, Bisciolæ Horas subleciuas, à tempore quo ij tractatus aut haberi esse aut conscripti finguntur, appellatas. Legodennique apud Agellium, extitisse olim etiam M. Varronis Opus inscriptum *Hebdomades*; ita appellatum ex materiâ, quòd ( velut apparet ex eo autore ) septenarij in eo numeri virtutes potestatesque tractarentur.

L. 3. c. 10.

At ille fortassis omnis in tenui labor est; neque est hic nobis (quod proverbio fertur) tanquam laureola in mustacco querenda.

Cæterùm eo consilio, ista dicendis præmittimus, quò studiosus lector admonetur, siqua illi fortè, ut principio assolet, in his pronuntiatis, & tanquam paradoxis melioris sapientiæ, hæsitatio aut scrupulus occurrat, non continuò ea incipiat habere pro minùs credilibus; ut qui eadem intelligat, tamen vulgo minùs iucunda aut plausibilia, attamen probari sapientibus; & certa ac manifesta fieri, paulò penitius in ipsa adyta disciplinæ celestis ingressis. Deinde, ne idcirco sibi desperet, diffidatque posse, in earum rerum notionem, & tanquam exploratæ veritatis possessionem, venire; certus unicuique studiosè persanari, ipsa tandem patere sapientiæ penetralia, nec vllum ingenuum amatorem à desideratis illius amplexibus excludi.

Quan-

Quamquam hæc omnis admonitio, inde in præfenti minus videatur necessaria; quòd ea quæ nunc iam subiungimus effata cælestis sapientiæ, homini saltè Christiano, non tam intellectu assensuue difficilia futura sint, quàm ipso actu, vique vitæ: quando & eorum pleraque à nobis in Operis decursu sufficienter exposita, ac demonstrata sunt; & modò sumus, quantum res postulate videbitur, iisdem aliquam apposuiti, siue probationem dicas, siue admonitionem.

\*\*\*\*\*

## C A P V T XXII.

*Quædam proponuntur veræ Sapientiæ effata, cuilibet homini ad bene beatè, vivendum opportuna.*

**E**ffatum primum. Res omnes creatas veriùs in arte Dei atque sapientiâ, quàm in seipsis, aut suâ propriâ naturâ, subsistere.

Quippe quæ ( vt antè ostendimus ) in arte & sapientiâ divinâ contineantur velut in causâ primordiali atque altissimâ; habeantque in illâ statum perfectum & incommutabilem, atque absolutum ab illo defectu multiplici, quem in propriâ naturâ annexum habent, ob multifariam essentia suæ circumscriptionem. Secundùm illud S. Augustini tractatu 1. in Ioannem: *Quid quid factum est, in illo vita est; ( scilicet in Verbo ) foris corpora sunt, in arte vita sunt*: quia videlicet, vt cum S. Anselmo Monologij cap. 34. obseruat S. Thomas in primum Ioannis: *Creatura in Deo, est creatrix essentia.*

Si igitur illas amare placet, in Deo amentur, vbi verè sunt & permanent; non in seipsis, vbi umbra sunt & deficiunt. Nam quando in illis delectare non potest, nisi in quo illæ, Deum imitando, de suprema eius perfectione participantur, non in quo, ob suam circumscriptionem, ab eius perfectione multipliciter deficiunt: stultum profectò est, illas in seipsis amare, vbi quæ offendant annexa habent longè plurima, & non potius in illâ primâ ac summâ essentiâ, vbi iam pura lux, pura pulchritudo, purum bonum sunt, potestque quod in illis delectat, absque villa offensione diligi. Vnde B. Augustinus: *Si placent corpora, Deum ex illis lauda, & in artificem eorum retor- que amorem. Si placent animæ, in Deo amentur.* Et generalius in

L. 4. Conf.  
c. 11. & 12.

6. libro de Musicâ cap. 14. *Quamobrem* (inquit) *neque in voluptate carnali, neque in honoribus & laudibus hominum, neque in eorum exploratione, quæ forinsecus corpus attingunt, nostra gaudia collocemus, habentes intimum Deum, ubi certum est & incommutabile omne quod amamus.*

At ista non capit immeritus terræ, & corporis sui sensibus obnoxius animus. Et plures ea quæ disputantur in præsentia, fortassis ne attendent quidem: perinde atque si, non ad veritatem, aut ex animi sententia, sed in speciem duntaxat, aut subtilitatis exercendæ gratiâ, dicantur: aut quasi, quod dixit M. Tullius, gloriosâ quadam ostentatione, *virtutes ebullire velimus & sapientias*; non autem legitimam tradere, & humanæ vitæ opportunam, disciplinam. Ut meritò Seneca, *quod ita nos* Epist. 38. *stultitia* (ut ait) *tum pertinaciter teneat*; hanc inter cæteras causam adferat: *quia illa quæ à sapientibus viris reperta sunt, non satis credimus, nec apertis pectoribus haurimus, leuiterq; tam magna rei infestimus.*

EFFATVM SECVNDVM: quod scilicet ex primo sequitur. *Vniuersa quæ sub sensu cadunt, non ut veras res, sed ut verarum imagines, aut velut earum meras umbras, esse aspicandas.*

Hoc ipsum superiùs cum S. Augustino, Philone, Plotino, dictum est: quibus ipsum placet Platonem adiungere, dum libro 5. de Rep. somniantibus comparat eos, qui ista pulchra existimant, cum non sint reuera ipsum pulchrum, sed pulchro similia. Quod ipsum non Socraticum modò ac Plaronicum, sed cæleste quoque, diuinumque esse præceptum, à nobis vberiùs, in huius tractatus Appendice demonstrabitur.

EFFATVM TERTIVM. *Quæ passim bona vulgus æstimat, hæc non verè bona, sed neutra seu indifferentia esse.*

Hoc lanè ex his esse videtur, quæ apud vulgum paradoxa sunt, immo paraloga, & solis nota sunt sapientibus. Nam veluti scripsit, Socraticè philosophans Satyricus:

*Omnibus in terris, quæ sunt à Gadibus, usque Aurotam & Gangem, pauci dignoscere possunt Vera bona.*

Ind. Satyr. 10.

Et ipse Socrates apud Senecam: *Hanc summam esse sapientiam, bona malaj; distinguere.* Epist. 71

Cæterum proposito dogmati, tanquam primario ac firmissi-

Nu

mo

mo non tota duntaxat incumbit Attica Porticus, nihil repugnante Academia, sed vel maximè innixi videtur ipsum etiam Christianum Euangelium. Ita præ cæteris attestante B. Ambrosio in libro 2. de Officijs: ubi capite 3. ita loquitur: *Nihil enim bonum Scriptura, nisi quod est honestum, asserit*: additque, hanc esse enodem & absolutam diuinæ Scripturæ sententiam. Et capite 5. *Sed & illa quæ videntur bona, diuitias, satietatem, letitiam expertem doloris, detrimento esse ad fructum beatitudinis, Dominico declaratum liquet iudicio, cum dicitur: Vae vobis diuitibus.* Et infra: *Certum est solum & summum bonum esse virtutem, eamq. solâ vitam præstari beatam.* Vnde & Clemens Alexandrinus: *Solum bonum honestum esse, nouit & Barbara* ( id est Iudaica, seu Christiana ) *Philosophia.* Nouit etiam Brachmanum natio; ut qui ( teste Strabone ) inter alia dogmata censerent: *Bonum aut malum nihil esse eorum quæ hominibus eneniunt: non enim fore, ut ipsæ alij angerentur, alij lætarentur, somniorum similes conceptus habentes.*

L. 5. Strab.  
c. 6.

Geogr. L. 15.

1. 2. q. 59. a.  
3.  
3. p. q. 15.  
a. 6. ad 2.

V. Lips. Ma.  
mod. l. 2. d. 5.  
23.  
1. 2. q. 114.  
a. 10.  
2. 2. q. 36.  
a. 2.  
Lib. de Phi-  
losophia.

Neque huic dogmati ( ut id admoneam, cautionis gratiâ ) quod ad rem attinet, repugnate dicemus Doctorem Anglicum; dum aduersus Stoicos contendit, temporalia esse saltem secundaria bona hominis. Quia neque Stoici, ita bona aut mala esse negant, ut non fateantur quædam in ijs esse *commoda aut incommoda*, siue ( Stoicâ phrasi ) *producta aut reiecta*: & S. Thomas locis alijs expressè docet; quod *temporalia bona si considerentur secundum se, sic non sunt simpliciter bona hominis, sed tantum secundum quid*, itemque, *eadem quasi nihil esse in comparatione ad bona futura.*

Quò denique facit quod apud Apuleium, velut ex Platonis mente legimus: *Corporum sanitatem, vires, indolentiam, cæteraq. eiusmodi bona extranea, item diuitias, & quæ fortuna commoda dicimus, ea non simpliciter bona nuncupanda esse.*

Ep. 120.

Ex quibus omnibus, eiusdem effati multiplex ratio potest erui, tribus tantum verbis insinuanda. Primum enim ( quod inculcat Annæus ) non potest vetè simpliciterque bonum censeretur, quo quis & malè uti potest, illudque adeo sibi in pestem, perniciemque conuertere.

Deinde, quomodo absolute bonum dicitur, quod bonum non facit habentem? Aut, qui censeretur hominis bonum, quod neque ipsa est vera hominis felicitas, nec per se conducent ad veram eius felicitatem? Immo verò quod ex genere suo,

cum

cum

cum virtute, sine qua nemo verè felix esse potest, vix queat consistere; adeoque rursus veram sinceramque animo paterni tribuit, sed illum porius inquietum reddit & ærumnosum? Si quidem ut rectè Plato scripsit, dialogo 6. de Rep. *Quæcumque bona vulgo dicuntur, depravant animum atque impediunt, formam, dimitte, corporis vires, & genus in ciuitate potens, & cetera generis eiusdem.*

Igitur, si rectè attendimus, solo ista errore vulgari dicuntur bona, cum verè non sint; ut vel eà causâ, eoquæ etiam solo nomine, meritò sint à viro sapiente, ingenuâ quadam excellentie mentis, atque animi magnificentia, contemnenda.

EFFECTVM QVARTVM. *Qui vulgo felices existimantur, Dei sapientumq; iudicio, potius infelices esse censendos.*

Quod utinam, quàm certò, siue diuinâ, humanaque viro- rum sapientum autoritate, siue ratione, experientiaque comper- tum est, tam promptè animis insouetur mortalium! Sed ni- mirum haud facillè creditur, quod ei contraheretur, quod ama- tur.

Audi interim, non iam tubam, sed tonitruum Evangelicum: *Veruntamen vobis diuitibus, quia habetis consolationem de- stram. Vobis qui saturati estis. Vobis qui ridetis nunc.* Luc. 6. 24. 25. Quod equidem *vobis*, toties ore diuino congeminauit, beatu- los illos, qui scilicet tales existimentur ab hominibus, non reipsa tales esse designat, sed sanè quàm miseros & ærumno- sos.

Audi & externos Sapientes. Disertè Plato epistola 8. *Locuple- tes verò (inquit) beatos appellare, sermo amens est & infelix; mulieribus puerisq; conueniens; atque eos qui id credunt, tales offi- ciens.*

Er apud eundem in primo Alcibiade, hæc duo coniunctim Socrates pronuntiat: *Nemo itaque felix esse potest, nisi sapiens bonusq; sit.* Et mox: *Non ergo qui diues sit, sed qui prudens (siue sapiens bonusque) miseriam vitat.* Romani Philosophi è pluri- bus locum vnum produco, in quo isdem propemodum ver- bis, id quod proposuimus effarus est. *Si quis recteque verborum ambiguitates diuincere, hoc nos docet: beatum non eum esse, quem cunctis appellat, ad quem pecunia magna confluit; sed illum, cui bonum omne in animo est &c.* Ep. 45.

Denique si expertis creditur, audi vnicum Ecclesiastep. *Co- cernavi mihi argentum & aurum, & delicias filiorum hominum.* Cap. 2. v. 8. 10. 11.

*nec prohibui cor meum, quin omni voluptate frueretur: & vidi in omnibus vanitatem & afflictionem animi, & nihil permanere sub sole.*

Non igitur possunt huius sæculi bona beatum efficere possidentem; idque (vt paucis multa complectar) quia *falsa & adulterina*, non *veta, bona sunt*; quia *caduca, fluxa, transitoria*, non *ætæna* sunt, quia *vilia*, & *humani animi dignitate longè inferiora* sunt, quia *cor & mentem & sapientiam auferunt*; quia non *finis* noster, *summum bonum*, sed, vt multum, *illius adipiscendi præsidia quædam & velut instrumenta* sunt. Et sapiens est, qui ista considerat.

Epist. 15. Addamus & illas Senecæ voces: *Discedent aliquando ista infidiosa bona, & sperantibus meliora, quàm affectus. Si quid in illis esset solidi, aliquando & implerent: nunc haurientium sitim concitant &c.* Et in alio tractatu: *Cum ad extrema venerint, serò intelligunt miseri, tamdiu se, dum nihil agunt, occupatos fuisse.* Quibus utique satis significat, omnem illam rerum temporalium sollicitudinem, vt quæ ad animi pacem felicitatemque nihil conferat, inutilem esse & superuacuum: quasi illud moneret de Euangelio; frustra nos turbari erga plurima; cum vnum, vnicum, sit necessarium.

EFFATVM QVINTVM. *Dementissima recordia est; rerum post uitam futurarum fidem habentem, totum teneri occupariq; presentibus; de æternis verò, quia futura sint, nec sub sensus cadant, tanquam ad se minus pertinentibus, sollicitum non esse.* Cui illud vnà operâ adiungimus, veluti subnexum, eodemque fecit recidens:

EFFATVM SEXTVM. *Suprema esse insipientia; immortalem animum, eundemq; suæ perennitatis, æternitatisq; conscium, sibi in præsens solummodo, siue non nisi in modicum corruptibilis vitæ tempus, providere.*

Enim supremam eo in facto imprudentiam insipientiamque versari, res ipsa loquitur, siquis animum ei duntaxat aduertit. Prudentia certe, teste Tullio, ex providendo appellata est; atque providere in futurum, constat ei maximè atque intimè esse proprium. Quod spectat illud Ecclesiastæ: *Melior est puer pauper & sapiens, rege senè & stulto, qui nescit providere in posterum.* Ad quæ verba præclare Laodiceus interpretis; qui (vt ait, eius voces referens, S. Hieronymus) *res magnas brevis sermone exponere contendens, more sibi solito hic etiam locutus*

locutus est : De commutatione ( inquit ) bonorum in mala , nunc Ecclesiæ sermo est ; insipientem hominem conans exprimere , qui futura non cogitans , presentibus & caducis , quasi magnis atque perpetuis delectatur . Sic ille appositissimè .

Nam si is imprudens & insipiens censetur humano iudicio , qui solis intendit hodiernis , incuriosus reliqui temporis , atque vnde sibi suisque in posterum consulat , nihil habens pen- si : quanto magis homo Christianus summæ imprudentiæ & insipientiæ diuino iudicio incusabitur , si , huic vitæ mortali , fragili , breuique solum prouidens , de æternitate , quæ illum manet , non recogitat ; sed similis factus iumentis insipientibus , ad ea duntaxat , quæ ob oculos habet , attendit ?

Admonente interim , & grauissimis præcipiente Saluatore ; quibus vtinam assiduus vocibus cordis nostri aures circum- sonent : *Operamini non cibum qui perit , sed qui permanet in vobis .* 1. Jo. 6. v. 27  
tam æternam .

Perinde ac si diceret : Nolite , mortales ( immo immortales , quando ad animum nunc respicimus ) nolite ; tot vestris tamque importunis laboribus panem duntaxat periturum quæ- rere , aut non nisi de istâ mortali vitâ sustinendâ , tuendâ , atque ornandâ cogitare . Nam , ne frustra sitis , & studio vos conuexetis inuiti , ad vitam æteram semper manentem atque æternam laborandum est ; eoque , vt vobis semper bene sit , omnes curæ vestræ , studia , labores , cogitata , vota con- ferenda .

Enimvero vt in hanc rem denique etiam Platonis verba quæ- dam vsurpem : *Annon ridiculum id est , in rebus minimis ( qua- Dialog. 8. de les ex sunt omnes , quæ huic vitæ tantum seruiunt ) omne stu- Rep. dium ponere , & obuixè contendere , quò quàm diligentissimè & sincerissimè peragantur : in maximis autem ( quales sunt vtique quæ æternitatem respiciunt ) leuem operam satis esse putare ?* Sic ille .

## C A P I T U L U M XXIII.

*Pronuntiata alia eadem fini subseruientia.*

**A** Finis dictis sunt, & quæ sequentur pronuntiata. Sed nempe res momenti præcipui, modis pluribus proponenda est; quod eius veritas, vel facilius penetratur à iudicioribus, vel (vè est varius cuiusque genius) congruente aliqua ratione in cuiusque animum illabatur.

**EFFATVM SEPTIMVM.** *Stultum est ac summè peruersum: rebus his creatis, quæ ultimo fini nostro querendo præidia solum sine atque adminicula, tanquam ipso sine ultimo, summòq; bono, frui; finis autem ad quem quisque factus sit, & quo solo beatus esse possit, nullum aut postremum rationem habere.*

lib. 1. de  
Doct. Christi.  
c. 3. 4. 5. 6.

Equidem, vè alio in loco cum Doctore maximo S. Augustino fortasse pluribus dicturi sumus; summa, immo tota, humanæ vitæ affectusque nostri peruersitas; in eo vnicè versatur, quod, contra ipsam rerum naturam, vtendis frui, & fruendis vti velimus. Ex quo necesse sit, nos, non stulto modò ac superæccio in rebus istis labore fatigari, sed etiam summè existere infelices; vt qui beatam vitam ibi quaerimus vbi non est; neglecto fine ac summo bono, in quo manifestum sit, illam vnicè esse querendam.

L. 4. Confess.  
c. 12.

Quod si ille ridetur vt fatuus, qui in hisce rebus infimis, quæ in vsus veniunt humanæ vitæ, sine omisso sistat in medijs, aut pro re quæ summè sit necessaria, eius solummodo instrumentis querendis occupetur: quam esse dicemus fatuitatem eius hominis, qui ita se gerat in ipso eternitatis negotio; vbi nempe agitur summa rei, & vbi error semel admissus, non potest deinceps vllò studio corrigi, vllà pœnitentiâ emendari?

**EFFATVM OCTAVVM.** *Nihil admodum cuiusque referre, qui sese hæc habeat mortalis vita, dummodo ei in æternum bene ac beatè futurum sit.*

Audiat hoc loco ille simplex sapiens ac theodidactus frater Agidius Assisias; cuius hæc fertur, inter alias, aurea sententia: *Homini qui expectat æternum bonum, quid mali potest facere*

Sent. 487.  
c. 2.



# PARS TERTIA. CAP. XXIII. 197

*cere quodcumque malum? & ei qui expectat aeternum malum; quid boni potest facere quodcumque bonum?*

Nimirum non exordia rerum, sed exitus præflectim spectandi sunt. Et, si, teste divinâ Scripturâ, *malitia hora oblivionem facit luxuria magna*; velut etiam è diverso, magnum aliquod gaudium oblivionem infert omnium præteritorum dolorum; quanto magis id verum erit, cum non longo mœrori succedit æterna lætitia, aut breuib. gaudijs tormenta lubeunt sempiterna? Ipsâ videlicet vtriusvis status æternitate, absorbente penitus, quidquid in vita antecessit aut mœroris aut gaudijs; & (velut indicat Apostolus) suo quasi pondere obruenre. Ecclesi. 11. 9.  
29.  
Ieron. 6. 7.  
23.  
2. Cor. 4.  
7. 17.

Preliosa igitur afflictio, cui succedent æterna gaudia! Infelix gaudium, cuius extrema lætus occupabit æternus!

EFFATVM NONVM. *Vitam paupertate alijsq. incommodis exercitam, amplius, ipso suo genere, ad veram summamq. felicitatem, quàm sæculi bonis ac delicijs circumfluentem, conferre.*

Et istud mundo paradoxum est; at in scholâ Christi, disciplinaque veræ sapientiæ, exploratissimum & indubitatum axioma: quando Christum, cœrum est, beatos pauperes, beatos esurientes, beatos lugentes, beatos afflictos ac persecutionem odiumque mundi tolerantes, pronuntiasse; & e contrâ, huius sæculi diuitibus, (prout antea ostendimus) itemque risu, satietate, delicijsque diffluentibus, *Ve multiplex comminatum esse.* Luc. 6. 20.  
27.

Vetuntamen & huic Evangelicæ Sapientiæ consentientem habemus etiam moratam Philosophiam; non nostram duntaxat, quam apud Boëtium audias, illi solando erigendoque, hoc ipsum effatum, & tanquam aphorismum, adhibentem: *Etenim plus reor hominibus adversam, quàm prosperam prodesse fortunam*; sed externam quoque, & loionaturæ rationisq. ductu constantem. Eò quippe spectant tum alia multa quæ de hoc ipso argumento exaggeratè disputat Romanus Philosophus, nominatim in libro de Providentia; Vbi & hanc commendat Demetrii vocem, quam meritò appellat magnificam: *Nil mihi videtur infelicius eo, cui nihil unquam contigit adversi*: tum illa ipsius Senecæ vox, etiam magnificentior: eademque adco supra totam Porticum, communemque sensum Sapienrum illorum erecta, ut non nisi veniam præstatur, & audaciæ specie excusata, eam is etiam suo Lucilio committere ausus sit: *Permitte mihi (inquies) mi Lucili virorum optime, aliquid audacius dicere. Si vlla bona* Cap. 3.  
Epist. 66.

bona maiora esse alijs possent, hæc ego quæ tristia videntur, mollibus illis ac delicatis præcussissim. Quibus quidem suppare sensus ac voces, in Euangelij discipulis iure laudamus; at ab Ethnico Sapiente profectas, nunquam satis mirabimur.

EFFATVM DE CIMVM. Veram æternamq; felicitatem minori labore, quàm falsam ac transitoriam, comparari.

Erit, ut existimo, etiam istud, plensque filiorum huius sæculi parum credibile, ijs videlicet, quos Spiritus Dei suauitatem, & illud, quod Scriptura commendat, securæ mentis, & in recte factorum conscientia, futurorumque bonorum expectatione acquiescentis, quasi iuge conuiuium, nondum experiri aut degustare contigerit. Quippe, ut acutè Socrates Platonicus in Philebo extremo; etiam primum voluptati locum boues darent & equi, & bruta denique vniuersa, ex eo quod eius illecebris mancipata sint: quibus ait plurimos fidem habere; eos nimirum, qui perinde atque illa, ipso sensu ac gustu affecti sint, neque puras illas, atque sinceræ voluptates, quæ (ut ibidem præmisit Philosophus) virtutis, tanquam Dea cuiusdam, pediseque sunt, exploratas habeant; aut verum illud, atque ex vero bono natum gaudium, siue (ut quodam loco egregiè definit Seneca) ex bonâ conscientia, ex honestis consilijs, ex rectis actionibus, ex contemptu fortuitarum, ex placido vita & continuo tenore, vnam prementis viam; ortum atque conflatum. Quibus in rebus tantum ponit idem Annæus, ut cum alio in loco quæstionem hanc proponeret: Quid est beata vita? Securitas (inquit) & perpetua tranquillitas. Eumque imitari visus B. Ambrosius libro 3. de Officijs: Beatam vitam (inquit) efficiunt, tranquillitas conscientia, & securitas innocentia. Et hinc consequenter, libro de Iacob & vitâ beatâ, de sapiente loquens: Etiam in ærumnis (inquit) beatus manet: quia non in delectatione corporis vitæ beatitudo est, sed in conscientia purâ ab omni labe peccati, & in eius mente qui cognoscat, quia quod bonum est, hoc delectat, etiam si asperum sit; quod autem indecorum, etiam si suauis, non mulcet. Ita S. Ambrosius.

Cuius quidem intimæ securitatis qui sensum aliquem atque experientiam habeat, simulque reflectat animum ad prioris vitæ curas inanes, angores, morsus, fastidia, ad illas incerti & fluctuantis animi, atque in harum rerum quibus se felicem fore speraret, prensatione sollicitâ, nunc desperantis, postea erecti, ac rursus illusi, iactationes, frustrationes, fallacias; ad illos

los postremò mentis sui consciæ, atque semetipsam assiduè, aut  
 refugientis, aut incusantis, pauores auxios, & tot alias dolorum  
 causas inter ipsa gaudia incuscentes, atque omnem falsæ volu-  
 ptatis sensum, aut auertentes, corrumpentesuè, aut amata ali-  
 quâ offensione diluentes : is sanè nihil iam dubitabit de præ-  
 sentis effati veritate, neque vilius difficultatis obtentu auertetur  
 à vetæ æternæque felicitatis studio; quam nunc intelligat, non  
 sanctiùs modò, vetiùs, securiùs, certiùs, sed minori etiam la-  
 bore, immo cum vero atque sincero, omnibusque mundi vo-  
 luptatibus antefereudo gaudio, quæri ac comparati posse.

Quamquam & qui eius, quam dixi, rei inexpertus sint, de eâ  
 meritò possint alijs credere, viris sapientibus, & vtramque sor-  
 tem, id est vtriusque vitæ studium atque institutum, expertis.  
 E quorum numero S. Augustinus, cùm iam recens esset, ab ijs, *Conf. lib. 8.*  
 quas appellabat *nugas nugarum*, aut ( ad sensum meum effica- *c. 11.*  
 ci voce ) *delitiosas lassitudines*, ad Deum & diuina conuersus, *Lib. 10. c.*  
 simili animi reflexione, expertam mundi seruitutem cum sua- *34.*  
 ui Christi iugo conferens, planè diserteque pronuntiat : *Labo-*  
*riofior est huius mundi amor.* Idemque postea in suarum Con- *sc. c. 14.*  
 fessionum libris, omnes annos suos Deo recogitans, & illa de-  
 plorans vitæ suæ tempora, quibus ( vt ibidem ipse loquitur ) *Lib. 6. c. 6;*  
*sub stimulis cupiditatum trahens infelicitatis suæ sarcinam, atque*  
*tarescens curis marcidis*, errabat longè à delitijs domus Dei; il- *Lib. 8. c. 1.*  
 larum deinceps sanctâ dulcedine, incredibiliq; suauitate com-  
 pertâ, cæcitatem pristinam in hunc modum inculcat, inter alia:  
*Vbi eram, & quàm longè exulabam à delitijs domus tuæ, cùm ac-* *Lib. 1. c. 2.*  
*cepit in me luxuria sceptrum? O tardum gaudium meum! Et ego*  
*ibam porro longè à te in plura & plura semina dolorum, superbâ* *L. 10. c. 27.*  
*deiectione, & inquietâ lassitudine. Serò te amavi pulchritudo tam* *L. 2. c. 10.*  
*antiqua & tam noua, serò te amavi! Te volo iustitia & inno-*  
*centia, pulchra & decora honestis luminibus, & insatiabili satieta-* *Ibid. c. 7.*  
*te. Quies est apud te valde, & vita imperturbabilis. Tu autem es*  
*plenitudo & indeficiens copia incorruptibilis suauitatis.*

Et quasi iam nollet solus secum gaudere gaudium suum, ad  
 similis gaudij experimentum passim inuitat fratres suos, cla-  
 mans, vt saltem fatigati fallacijs, ad Deum & cor suum re- *L. 1. c. 2.*  
 deant: quoniam ( vt ait Deum ipsum alloquens ) *Ecce ibi es in*  
*corde eorum, in corde consentientium tibi, & proijcientium se in te,*  
*& plorantium in sinu tuo post vias suas difficiles. Quasi illud di-* *Ep. 8.*  
 ceret, cum Romano Philosopho: *Rectum iter quod serò cognou-*

*ni, & lassus errando, alijs monstro. Vnde etiam sunt & illæ voces: Intimus cordi est, sed cor erravit ab eo. Redite prauaricatores ad cor, & inbarete illi qui facit vos. Quò itis in aspera, quò itis? Quò vobis adhuc & adhuc ambulare vias difficiles & laboriosas? Non est requies, ubi queritis eam. Quarite, quod queritis, sed ibi non est ubi queritis. Beatam vitam queritis in regione mortis: non est illic. Quomodo enim beata vita, ubi nec vita? Quibus sanè omnibus de Dei spiritu, & intimâ sanctę suauitatis experienciâ, ab eo sancto ac sapiente Patre prolatis, nihil expressius, certius, efficacius, pro veritate propositâ proferri potest.*

Atque huiusmodi pijs sensibus, sanctisq; animi ad Deum suum aspirantis affectibus, præ cæteris illius S. Doctotis Operibus, aurei illi Confessionum libri referti sunt; vt de ijs ipse meritò scripserit libro 2. suatum Retractionum cap. 6. *Confessionum mearum libri tredecim, & de malis & de bonis meis Deum laudant iustum & bonum, atque in eum excitant humanum intellectum & affectum. Interim, quod ad me attinet, hoc in me egerunt cum scriberentur, & agunt, cum leguntur: & multis fratribus eos multum placuisse scio. Sic ibi vtque ingenuè de memetipso profitear, eos ego libtos ab adolescentiâ, quodam è Magistris indicante, familiares habui, & iterum, tertio, sæpiusq; perlectos, semper equè iucundos ac salutare expertus sum, non sine pio dulcique sensu, ac fructu animi mei. Quò proinde, eisdem itidem iuuentuti studiosę, & sapientię salutisq; lux amanti, esse petuelim quàm commendatissimos.*

At enim me iam animaduerto, in his exponendis ( etsi non præter rerum metita ) attamen quem mihi principio modum formamq; præscripseram, disletendo prætergredi: abrum-po igitur, & istam duntaxat effatorum sapientię decadem priore subnixam, conglobarim, strictimq; subijcio, à cordato quouis absque aliâ probatione acceptandam. Ecce igitur illam.

1. *Quidquid finem habet & cum tempore transuolat, pro nullo aut leui esse habendum.*

In vita S.  
Ang.

2. *Non eris magnus, magnum putans, quod cadunt ligna & lapides, & moriuntur mortales.*

3. *Hominem Deo charum, vnicuique cætera se extrinsecus habeant, felicem atque beatum esse.*

4. *Nihil extra Deum atque diuina magnum esse, aut generosa mentis amore dignum.*

5. *Summi*

# PARS TERTIA. CAP. XXIV. 301

5 Summi boni capacem animam bonis istis infimis occupari posse, impleri ac satiari non posse.

6. Quidquid nobis adest, præter Deum nostrum, non est dulce. Aug. in ps. 85.

7. Spirituales puræ mentis delitias, omnibus huius vitæ voluptatibus antecellere.

8. Beatam vitam, siqua esse potest in isto orbe mortalibus, in animi pace imperturbata, ac rectæ conscientie suauitate, consistere.

9. Nisi qui se Deo eiusq; amabili providentia, quovis rerum occursu, perfectè subjecerit ac permiserit, mentis tranquillitatem ac pacem animi retinere non posse.

10. Nunquam tranquille bilareq; victurum, nisi qui paucis contentus esse didicerit.

Porro omnium dictorum clausula, coronis, & summa summatarum, hæc esto: Summè fatuum & infelicem esse, qui nihil nisi servit tempori: sapientem autem atque felicem, qui soli laborat aternitati.

## C A P V T XXIV.

*Quæ proposita sunt effata veræ Sapientie, non leniter atque transcursum obeunda, sed studio aliquo sollicitiore consideranda. Quamobrem otium cogitationis rursum ac serio commendatum.*

**H**Æc igitur habui in præsentiarum, quæ summatim comprehensa traderem effata divinæ Sapientie, & tanquam aphorismos disciplinæ cælestis: quæ fideli retenta memoria, multipliciter valere possint, ad humanæ mentis, in finem ultimum atque supremum, directionem, iudicij constantiam, pacem animi, consonantiam vitæ, actuumque omnium accuratam ac sanctam disciplinam.

Quod si hic fortasse quisquam obiecit; quod, Deum ex totâ animâ, totoque corde diligendi præceptum proponens, sibimet objicit S. Augustinus: ista nempe *quàm audis brevia, tam factu esse difficilia & ardua*; Primum, id quod solet in similibus, respondebimus: nihil esse factu tam difficile, quod non amore, & magna voluntate, vincatur. L. 6. de Trinit. c. 24.

O o 2

Deinde

Deinde, ipsa tractatione vsuque molliori omnia, cum assueueris.

Demum, plurimum eò confetre posse, si in aliquo otio cogitationis ( ad quod videlicet, velut multorum bonorum fontem, non sine causâ sæpe prouoco lectorum meum ) nunchius, nunc istius effativeritatem atque efficaciam, sincerâ atque accuratâ consideratione perpenſam, tibi que certò atque intimè petſuam, penitus admittas in animum, nullâ vulgi fallacis aduersâ opinione abolendam.

Habent enim ista intus quidpiam, diligentius dignum inspicere, quodque turbis immixtus, & ad tot alia distractus animus, peruidere non possit. Quâ gratiâ rursus rogatum te velim, lector optime, ne eam in rem te pœniteat, subinde partem aliquam temporis, aut curæ quiddam atque operæ contulisse. Neque enim quicquam est, mihi crede, seu homine dignius, aur honestius, seu vilius rursus aut pretiosius, eo otio, in quo, eruditis tranquillæ mentis exercitijs, ac sapientiæ cognatis cogitationibus, summam animo verles rerum tuarum, & negotiorum agas æternitatis.

Quod sanè otium cogitationis, quàm sit amicum, & ( velur dicebam ) quasi cognatum sapientiæ, vel hinc intelligas; quod in Siracide Sapientiâ, vbi sic legimus: *In medio insensatorum serua verbum temporis: in medio autem cogitantium assiduum esto*; cogitantium nomine; viros sapientes iorelligi, tum ipsa suadet insensatorum & cogitantium contrapositio; tum aliæ quædam versiones expressere.

Vt enim præclare obseruat Doctor Angelicus, eo Opusculo quo, post Gilbertum, Boëtij libellum de Hebdomadibus exponit: *Habet hoc privilegium sapientiæ studium, quod operi suo prosequendo magis ipsum per se sufficiat. In exterioribus enim operibus, indiget homo plurimorum auxilio: sed in contemplatione sapientiæ, tanto aliquis efficacius operatur, quanto magis solitarius secum commoratur*; Sese videlicet ( vt subiungit ibidem ) ab exterioribus ad mentem suam reuocans, ita vt ipse totus interiùs adsit, ne eius intentio ad diuersa trahatur. *Vnde dicitur ( inquit ) Sap. 8. Intrans in domum meam ( hoc est, in mentem meam, prout hic accipit S. Doctor ) conquescam cum illa, id est, cum sapientiâ.* Hæc S. Thomas.

Quibus & illam insinuat præcellam & incomparabilem, sapientiæ, seu sapientis animæ, supra hominum vulgus eminentiam;

# PARS TERTIA. CAP. XXIV. 303

tiam; quòd habens ( quod Seneca dixit) *bonis cogitationibus plena præcordia*, secum degere & commorari possit, & quasi per se sibi sufficere; quadam ipsius supremæ Mentis, vitæque diuinæ, nobilissimâ æmulatione. Sicut enim summa ac diuina Mens, nullius indigens extra se, sibi summè per se sufficiens; in semet collecta, sempiternum æuum placidissimè secum agitat, ipso fructu contenta suatum diuinarum cogitationum: ita ( etiam de Stoico sensu ) sapienti secum bene conuenit, secum morari & consistere potest, & in illo, quod modò commendamus, cogitationis otio, iucundè beateque acquiescit. Sic enim expressè atque excelsè Epictetus, sapientiæ amatorem cominans, *Opòrtes in hoc exerceri* ( inquit ) *ut possit sibi ipse sufficere, possit secum esse. Sicut Iuppiter secum est atque agit, & in se acquiescit, & cogitationibus fruatur se dignis.* Atque ante illum ex eadem Porticu Seneca, ( cuius verba videti possit, dum ista scriberet, Epictetus respexisse ) epistolà quadam illud exquirens; qualis futura sit vita sapientis, si solitatis, absque amicis, aut humano consortio relinquatur, puta in desertum aliquod latus eiectus: *Qualis est Iouis* ( respondet ) *cum resolutum mundo, & dijs in unum confusis, paulisper cessante natura, acquiescat sibi, cogitationibus suis traditus.* Quæ ita dicuntur ex quadam illorum sapientum opinione, nescio quam mundi inflammationem ac renouationem suspicantium; de qua plura Lippius libro 2. Physiologiæ Stoicorum dissertatione 20.

Adeò præcellens est atque diuinum, tum verò nec otiosum nec sterile, sed summè etiam frugiferum ac fructuosum, otium illud sapientis cogitationis

Quamobrem etiam Lucilio suo non semel Seneca: *Otium tibi commendo* ( inquit ) *in quo maiora agas & pulchriora, quàm qua reliquisti.* Et rursum: *Depono hoc apud te: nunquam plus agere sapientem, quàm cum in conspectum eius diuina atque humana venerunt.* Et in aliâ epistolâ: *Mibi crede, inquit: qui nihil agere videntur, maiora agunt; humana diuinâq; simul tractant.* Denique in libro de Tranquillitate animi, eodem sensu scripsit: *hominum maximas actiones in seductu esse.* Seductum appellans; quem frequentius secessum dicimus: tanquam is quidam quasi locus sit, quo animum nostrum, seu nosmetiplos, auocemus & seducamus à turba, veluti cum illo, siue nobiscum, seorsum ac secretò de rebus serijs atque grauib; collocuturi.

Cuius item seductus ille quoque fructus, & operæpretium

existat : quòd animus sibi tum redditus , diuinisq̃ue vacans atque æternis rationibus , quodam quasi viuendi compendio , etiam horis non multis multum uiuat , æuiq̃ue maligni fugaces moras , ipsâ suppleat viuendi scientiâ , & quadam (si ita loquendum est) grandium compenſet denſitate factorum.

Epist. 78.

In quam ſententiam non ſemel inuenio ab eo Philoſopho præclatè dictum : *Sapientis multum patere uitam*. Cuius ille vocis autorem Poſidonium laudat cā epistolâ , quâ Lucilio ſuo hanc ſpem faciens , venturum ſcilicet aliquod tempus , quo inter ſe iungi , atque dulciter philoſophari poſſint : *quantumlibet ſit illud*, inquit ( hoc eſt , quamlibet breue & exiguum ) *longum faciet ſcientia vtendi*. Nam , ut Poſidonius ait , *vnus dies eruditum plus patet , quàm imperiti longiſſima ætas*. Quia videlicet vir ſapiens rectè vti nouit ipſo tempore , & eruditum illud otium , quo ſecum eſſe , ſibiq̃ue vacare permittitur , in longum extendit & quaſi conduplicat , arte viuendi . Quò proinde & illud referri poteſt , quod de ſe ſcribit Iuſtus Lipſius , in ſuâ ad Stoicam Philoſophiam Manuductione : vbi illud pertractans iſtius ſectæ vulgò crèditum paradoxum : *Sapientis eſſe omnia* : quod ante omnes Zenonas & Chryſippos ( vt Sanctus obſeruat Ambroſius ) his verbis pronuntiarat Salomon : *Eius qui fidelis eſt , totus mundus diuitiarum eſt* ; eò quòd ( vt ibidem ex Stoico ſenſu Ambroſius ) *Domina omnium eſt & poſſeſſor Sapientia , quæ ſua putat naturæ munera , quoniam in uſum hominum data ſunt* : proindeq̃ue ea , quæ natura ipſa publica fecit , etiamſi in uſus aliorum ceſſerunt , ſua reputat , iſſq̃ue gaudet , atque frui nouit vt ſuis : hic demum exclamat noſter Lipſius : *O magna igitur & veræ opes ! veniamus in partem*. Ego conari aut ſacere me fateor ; & iſtos agros , ſiluas , hortos , fontes , ſtatuas , tabulas , & quidquid natura aut induſtria inſtruit , oculis & cogitatione uſurpo vt mea ; paſcor ſuauiſter , & ſinceriore gaudiij fructu , vel horulæ ſpatio , quàm Domini inſcripti , anno vel annis . Videſne , & in genere iſto , quid valeat animi ſapientia , & vt etiam rerum iſtarum , vel exiguam uſuram fructumq̃ue , longum faciat ſcientia vtendi ?

Epist. 61.

Quamobrem & de ſe pariter , verum propiùs ad rem præſentem , alibi teſtatur ipſe Seneca ; ſeſe iam ſenem id agere , *ut ſibi inſtar totius vitæ ſit dies* : ſanctis videlicet diuinisq̃ue cogitationibus , magnisq̃ue rebus atque actibus ( vt loquebamur ) denſatus ; quaſi & huc illos , quos Scriptura memorat , *dies plenos* poſſis agnoscere.

Ps. 71. 7. 10.

Quam



# PARS TERTIA. CAP. XXIV. 305

Quam itidem vocem, post hæc inuenio, etiam ipsi Senecæ  
 vfurpatam, dum ait: *Longa est vita, si plena est: impletur au-*  
*tem, cum animus sibi bonum suum reddidit, & ad se potestatem* Ep. 93.  
*suam transtulit*; Siue, cum improbis expeditis cupiditatibus, sui  
 iam iuris ac potestatis effectus est, bonique sui, id est, perfectæ  
 sapientiæ, compos.

Denique rem ampliùs explanans in libro de Breuitate vitæ,  
 ita pro meo sensu loquitur: *Sapientis ergo multum patet vita:* Cap. 13.  
*non idem illum qui ceteros terminus includit. Longam illi vitam*  
*facit, omnium temporum in unum collatio; quia ( ut ibi præmi-*  
*serat ) & præteritum recordatione comprehendit, & instanti uti-*  
*tur, & venturum præcipit. In quem sensum adiungit ( quod*  
*magnificè quidem, sed atrogantiùs dictum censeas ) omnia sa-*  
*cula illi, ut Deo seruire.*

Ex quibus interim id accipiemus in vfus nostros: sapientis  
 vitam in cogitatione præsertim, inque collatione & considera-  
 tione consistere, ac vitæ humanæ breuitatem suppleri posse sa-  
 pientiâ, vitamque ipsam longam effici, arte ac scientiâ vi-  
 uendi.

Credis te viuere fortassis, cum distraheris in plurima, cum  
 animum in diuersa diuidis, cum, istâ curarum ac solitudinum  
 implicatione, infelicem vitam laceras, &, quasi tuus esse no-  
 lis, in infinita remeripse, partim noxia, partim superuacua,  
 partiris? Occupatio ista, non vita est. Tunc uiuit animus; cum  
 se de medio citatum inanium, ac noxiarum cupiditarum erep-  
 tum, semer inquam ipse sibi reddidit; cum secum est, cum  
 se circumspicit, se intolpiciat, & rerum magnarum ac verè ne-  
 cessariorum rationem à se deposcit; cum sese inculcat errorum  
 conscientia, cum cælestis disciplinæ studio, sese in horas effi-  
 cit meliorem; cum se supra nubes ac mundum istum attollit,  
 cognatoque æthere stuitur; cum, annos æternos in mente ha-  
 bens, suam immortalitatem cogitat, & sese ad statum æter-  
 num puritate mentis, ardore sanctorum desideriorum, diuina-  
 rumque rerum, rum meditatione, tum imitatione, compo-  
 nit.

Tunc uiuit, cum se sentit viuere. Nisi etiam somnum, vi-  
 tam appelles; cui prorsus similis est ista occupatorum vita: cum  
 nihil admodum interesse videatur, sopore oppressus, an curis  
 distractus sit animus; quando sic etiam suus non est, nec sibi  
 seipsum, cui se maximè debet, reddit.

Assuecet

Assuecet igitur vir sapiens, vbiunque sit, suus esse; atque  
 Sen. ep. 62. inter curas, quas ei imponet officij ratio, ad se respiciet iden-  
 tidem, nec rebus se tradet, sed commodabit; atque vbi pri-  
 mum res ipsæ petmiserint, auhelabit ad dulcem, sibi que dile-  
 ctam solitudinem, & velut ab obscurâ caligine cæcoque tumultu,  
 ad lucem illam ingenuam, animique sui arcanam pacem,  
 & tanquam vnitatem, reuelabit. Nam quamuis ex verbo vete-  
 ri, quo non nobis solis nati dicimur, quoad res ac vires patien-  
 tur, promptus erit iuuare mortales, aliorumque salutem priuatim  
 ac publicè commodare; non ita se tamen alijs natum intelliget,  
 ut sibi viuere non meminerit. Ne in illum incurset, non sine  
 stomacho Tertullianus; dum vetus id verbum, seueritate cen-  
 foriâ, & quadam eloquentiæ toruitate, dispungens, libro de  
 Cap. 5. Pallio, extremo ita loquitur: *Errat olim ista sententia. Nemo alij  
 nascitur, moriturus sibi.* Bene, præclare!

Cæterum, ne eius otij, quod potissimum ex Senecæ dictis  
 isto capite commendauimus, seu vsum, seu fructum, vni vi-  
 deamur debere Philosophiæ; quem tamen ex diuinis litteris,  
 admonente S. Augustino, & vim ipsam ac nomen otij cogi-  
 tationis suggerente, in superioribus didicimus; libet eiusdem  
 sanctissimi Præfulis aliâ consimili atque præclarâ sententiâ, mo-  
 nitum hoc nostrum claudere atque obſignare.

Sic enim is rursus tractatu 57. in Ioannem: *In ijs (inquit)  
 qui vitam quietam in studijs dulcibus & salubribus agunt, sancta  
 delitietur Ecclesia, & dicat; Ego dormio, & cor meum vigilat.  
 Otium meum non impenditur desidiæ, sed percipiendæ sapientiæ.  
 Ego requiesco à negotiosis actibus, & animus meus diuinis se inten-  
 dit affectibus: & quæ sequuntur.*

\*\*\*\*\*

## C A P V T XXV.

*Ex traditis præſenti Tractatu ad extremum colligitur: vera  
 celestijſq. ſapientiæ studio nihil omnino eſſe in vita  
 anteponendum.*

**E**Quidem hac in re (quod etiam legenti, atque animum  
 ad ipsam instituti nostri rationem aduertenti, non obscu-  
 re, opinor, apparuit) potissimum versata est huius tractatus  
 intentio; ut lectorem mentis ingenuæ, generosi que pectoris,  
 varijs

# PARS TERTIA. CAP. XXV. 307

varijs hinc inde propositis incitamentis, ad veræ studium atque cælestis sapientiæ, posthabitis rerum infimarum, quibus tanquam magnis mortalium vulgus inhiat, superuacuis sollicitudinibus, seriò capessendum adducerem. Cui profectò nihil anteponendum esse in vitâ, vel istâ in primis, quam præsentî capite deducimus, ratione, planè conficitur.

Si enim (veluti variè in decursu Operis demonstratum est) omnis humanæ mentis, siue ad hanc vitam, siue ad futuram, pertinens felicitas, in ipsa consistit participatione diuinæ Sapientiæ: par est profectò, vt in huius amorem totis inardescamus præcordijs, atque eius summæ felicitatis vel nunc participandæ desiderio, solis occupemur exerceamurque cælestis disciplinæ studijs, ijsque nos sensim ad statum illum beatissimum atque optatissimum aptemus.

Et sanè cælestem sapientiam, quatenus illam in se continet, quam Scriptura appellat prudentiam iustorum, quâ quis videlicet practica ratione intelligat, diuino amorî ac gloriæ nihil omnino anteferendum esse, peccatum esse summum malorum, eoque fugiendum super omnia, temporalia omnia vanâ esse, atque æternorum amorî posthabenda, & his affinia Christianæ scita sapientiæ, quæ nos in Appendice tractabimus; nimisquam clarum est, ad diuinam amicitiam, veramque hominis felicitatem, esse absolutè necessariam. De qua etiam accipitur illud, quod scriptum est in libro Sapientiæ: *Neminem eum diligit Deus, nisi eum qui cum sapientia inhabitat.* Et similia. Lm. 1. 9. 179

Ea autem, quæ in hoc tractatu præsestîm versatur; sublimior sapientia, complectens in se, ex propria sua notione, non vulgarem rerum diuinarum humanarumque scientiam, cum intimâ ipsius diuinitatis, rerumque æternarum dilectione, sensu, & quasi sapore coniunctam, non est illa quidem ad æternam salutem, simpliciter & per se necessaria; ad quam utique illa sufficit, quam B. Hieronymus sanctam rusticitatem appellat: absque eâ tamen ausim dicere, ingenuæ indolis generosæque mentis hominem, & ad magna quædam, & vulgo maiora genitum (quod saltem attinet ad vitæ præsentis beatitatem, dulci quadam suimet experientiâ ac sensu constantem) non fore perfectè felicem. Ep. 103.

Nam quando ex S. Augustini cettâ sententiâ, tunc quisque expers miseris atque beatus dicendus est, *cum in suo genere perfectè esse cuperis*; atque, vt etiam agnoscit ac definit Seneca, ipsa

Pp

Sapientia,

*Epil. 89.* Sapiensia perfectum bonum est mentis humana; manifestè sequitur, humanam mentem, ut perfectà futura non est, si destituta sit sapiensia, ita absque eà esse non posse usquequaque felicem.

*Lib. 1. c. 2.* Et cum ex eiusdem S. Doctoris definitione, scribentis aduersus Academicos; aliud non sit beatè vivere, nisi secundum id quod in homine optimum est vivere, hoc est, secundum eam partem animi, cui dominantis obtemperare conuenit cetera quæque, quæ in homine sunt, quod est mens aut ratio: quæ quidem proprium est simulacrum diuinæ mentis, atque Sapiensia ipsius imitatio: rursum efficitur, beatam vitam, absque eà quam commendamus sapiensia, saltem perfectam esse non posse.

Ad hæc, quando mens ipsa duabus partibus, intelligente & appetente, constat, necesse est illam, ut usquequaque beata sit, utraq; esse sui parte perfectam. Atque ad partem intelligentem perficiendam atque ornandam, accedat oportet, veræ sapiensia beneficiis, non vulgaris rerum diuinarum humanarumque scientia: ad appetentem autem, dulcis ac fortis rerum diuinarum æternarumque dilectio, & gustus quidam ingenuus, saporque perspectæ ac deprehensæ veritatis.

Alioqui enim neque rerum naturam, causas, ac fines recte cognoscere, aut ipsam in suis quasi latentem operibus, inuenire, mirari, adorare diuinitatem, cuius rei gratiâ conditum hominem, atque in hoc mundi tanquam theatrum, inductum sensere viti sapientissimi; neque rursum satis seipsæ nosse, ac suæ indolis ælestem ortum recognoscere, suarumque etiam operationum, quibus nempe seipsum, in finem suum vltimum promouere debeat, introspicere vim, modos, adiuncta; aut etiam ijs fines nobiles, ac circumstantias conuenientes, præfigere; neque vllum denique, ut ita loquar, dulcem vitæ humanæ sensum, fructumque sincerum capere poterit; neque vitam sanè homine dignam, quam constet præsertim in bonæ mentis honestis exercitationibus sitam esse, sed sterilem, inertem, & (si ad rem ipsam animum suum sincerè reflectere voluerit) insuauem, & densis obductam obsessamque tenebris, sine luce & corde, vivere.

*Cap. 51. v. 28.* Hinc enim est illud, quod de se testatur Siracides, extremo libri sui capite ad ipsam nos exhortans, quocunque labore quærendam, comparandamque, sapiensiam: *Possedi* (inquit) *cum ipsa cor ab initio.* Quod scilicet ipsa sapiensia sit, quæ cor

# PARS TERTIA. CAP. XXV. 309

ac pectus hominib; tribuit, sine qua excors ac vecors, aut ( quod ille ait ) *corpus sine pectore*, futurus sit. Et quod itidem vit secundum cor Dei, Salomoni filio verbis extremis vouebat praecepiebatque, tanquam magnum momentum habens ad felicitatem: *ut intelligas* (inquit) *universa quae facis*. Ita videlicet, ut neque caeco errore ductus, neque animi impetu aut perturbatione, seu inconsideratè & quasi casu quicquam faceret, sed scitè, tranquillè, circumspicè, atque adeò ex sapientià; vniuersa operaretur.

Quomodo etiam Platonem videas (illum, Plinio, sapientie Antisthem) in primo Alcibiade sapienter obsecrantem: eum, qui, quae facit non intelligat, erraturum utique, eoque malum infelicemque futurum.

Igitur qui non aliquam ex his quas Apuleius Platonius in libro de Philosophia appellat fusciore animas, quasi ex ignibus obscurioribus, sphærisque ignobilioribus delibatas, sed nobilem genium, mentemque præclaram ac resplendentem, sortitus sit, huic dico vitam, absque caelesti sapientià, nec iucundam satis, neque felicem usquequaque futuram. Nam cui genius iniquior, istas tanquam alas negauerit, quibus nitaris ac sese efferat in sublime, is facillè fortassis suo modulo contentus viuet, neque concessis maiora affectans, tranquillis suà se involuet mediocritate. At è contrà magnus, suarumque conscius magnitudinis, proindeque nihil mediocriter spirans, animus, frustra se versabit, agitabitque, atque huc illuc iactabit in varia; nullam quippe pacem, felicitatemque veram ac solidam inueniens, donec, ceteris contemptis quae bona mortales existimant, vni totum se tradet, addicetque studio caelestis sapientiae, eamque admitteat ac sectabitur vitæ ducem, solaque se pascet, educabitque (quem utique vetum esse cibum & epulas animae, sapienter, apud Augustinum, etiam Monica mater aduertit) incommutabilis contemplatione veritatis.

Alioqui enim quonam modo scitè eleganterque viuet, cā destitutus quam summa ingenia artem definiunt, disciplinamque viuendi? Aut qua ratione excelsè ac nobiliter operabitur, qui non norit in vitæ actibus spectare causas altissimas; quod solius constat proprium esse sapientis? Quemadmodum autem, vel pacatus ager atque tranquillus, qui sapienti ratione nesciat, suis modetatis, dominatque perturbationibus? Vel quid decoram vitæ aequabilitatem, constantiamque tuebitur, (qua in re magna

pars est posita felicitatis humanæ ) qui , nullo certo proposito, vagus feratur , prout eum , siue affectionum suorum inconstantia, seu rerum quas amat mutabilitas , impulerit ? Aut quomodo rursum in se consistet, secumque libenter morabitur, qui verè solus sit cum solus est, siue, qui non possit secum colloqui, sese erudire, semet solari, ut cui meus adsit ieiuna, sterilis, neque eruditis fecunda cogitationibus ? Quo pacto denique animi pacem reperiat, etiam inter rerum aduersa, qualia necesse est permuta in vitam humanam incidere , qui non didicerit re quauis sapienter uti, & quamlibet ex æquo ferre fortunam ; nec possit ( quod dixit Annæus ) *quidquid euenit bono animo excipere*, eoque mala sua in bonum vertere, *casum suorum benignus interpres* ? Hoc enim vel maximè sapientis esse, insinuat etiam Plato in Theæteto, ubi quasi ex mente Protægoræ ita loquitur : *Hunc ipsum sapientem voco, qui conditionem illius, cui mala videntur, suntq, permutans, bona apparere & esse facit*. In quem etiam sensum accipiam illud diuinum oraculum : *Nen constristabit iustum* ( siue, hominem sapientiæ & virtute perfectum ) *quidquid ei acciderit* : quia scilicet ea, quæ passim mala censentur, alijs ipse oculis aspicit, eademque sibi in bonum vertit, scientiâ vtendi. Quâ interim arte qui careat, hunc manifestum est, esse non posse in vitâ degendâ felicem.

Vt iam illud omittam : ad partem aliquam felicitatis, atque honestatem, & tanquam splendorem pertinere humanæ vitæ, in eo ( ut ita loquamur ) sapientiæ gradu constitutum esse hominem, ut non sibi duntaxat, sed alijs etiam priuatim ac publicè prodesse possit ; ac voce, exemplo, omnique vitæ ratione philosophans, esse quidam veluti (quod de sapiente suo gloriôsius Seneca ) *humani generis pedagogus*, aut ( quod etiam veterum nonnulli dixerunt ) *quidam quasi terrenus Deus* ; diuinæ scilicet beneficentiæ æmulatione. *Deus enim est homini, iuuare mortalem, & hac ad æternam gloriam via*. Ut in hunc sensum religiosius vsurpem, quod irreligiôsè scripsit ( si mens eius spectetur ) Plinius, in Historia naturali.

Quò & illa faciunt Philonis Iudæi in libro de Somnijs : *Est autem vir civilis, non suum tantum, verum etiam publicum bonum*. Sicut enim Sol omnibus lucet habentibus oculos : sic sapiens omnibus, quotquot sunt ratione præditi.

Hæc porrò ita pronuntiamus hoc capite, spectatis humanis, consue-

De vit. beat.  
c. 15.

Preu. 12.  
v. 21.

Ep. 89.  
Trismeg. in  
claus. ad Tat.  
Clem. 7.  
Strom. c. 9.  
Chrys. hom.  
4. in Ep.  
Philipp.  
Lib. 2. c. 7.

# PARS TERTIA. CAP. XXV. 311

conſuetiſque communi rerum ordini, rationibus. Non quaſi non poſſit abſque illa de qua nunc loquimur, humano ſtudio ac labore quaſita, rerum diuinarum humanarumque ſcientiâ, hæc omnis homini ſubinde obuenire felicitas. Nam ſiquos diuina ſapientia, extra ordinem ſibi dilectos, ſpeciali luce ac dono cæleſtis cognitionis illuſtrauerit; vt magnum Antonium, vt Seraphicos Franciſcum, ac Tereſiam, ſicut hos negare non poſſumus fuiſſe in vita (quantum ſas mortali) verè felices; ita eos dicemus, abſque litteris ac diſciplinâ, fuiſſe verè ſapientes.

Sed enim ratiocinationem à nobis hoc loco propoſitam, in pauca licebit in hunc ſerè modum colligere. *Quandoquidem omnes eâ cupiditate ducimur, vt felices ſimus: atque, vt ſermone ſuperiori apparuit, tales efficiamur, cum & rebus utimur, & rectè quidem utimur, illius autem recti uſus rationem, felicemque ſucceſſum ſapientia ſuppeditat: omni ratione conſentaneum eſt, vnumquemque ita ſe comparare, in idque omni ſtudio niſi, vt quàm ſapientiſſimus exiſtat.* Quæ quidem non mea, ſed ſummi Philoſophi, & quem Arnobius piè ſanctæque ſapientem appellare non dubitauit, Platonis inquam in Euthydemo, perappoſita, & veriſſima eſt oratio.

Lib. 2. cent.  
Gen.

Quantò enim, certum eſt, neque humanâ tantùm, ſed diuinâ etiam autoritate, comprobatum, veram cæleſtemque ſapientiam, rebus vniuerſis, quæ à mortalibus optari poſſint, antecellere: tantò, maniſeſtum eſt, huius ſtudio, cæterarum rerum quatum cupiditate ducimur in vita, ſtudio anteponendum eſſe.

Nam cætera quidem hominum ſtudia, aut per ſe noxia ac pernicioſa ſunt, aut vana proſectò atque inutilia, niſi ſi ad finem veræ ſapientię referantur.

In primis ſiquidem, eorum quæ (vt pulchrè Seneca) *naniſ* *Epist. 86.* magna, magnorum ignorantia, credimus; puta opum, honorum, voluptatum, immodicum importunumque ſtudio, ad eò niſi ad pacem animi, veramque ac ſinceram felicitatem conſerre poteſt, vt potiùs (quod nos inter eſſe ſapientię poſuimus) miſerum; ærumnoſumque faciat, ſive ſectantem, ſive etiam ea poſſidentem.

Quod quidem pernoſſe, ad eò eſt de ratione ſapientię, vt eâ (veluti ipſe appellat) *breui formâ*, epistolâ ſuas concludendus obſignauitque cenſuerit idem Philoſophus: *Bonum tunc habebis* *Epist. 124.* *num, cum intelliges, infeliçiſſimus eſſe felices.*

Eorum autem quæ ad vñus vitæ necessarios faciunt, moderata, & personæ, loco, tempori attemperata conquisitio, vt sapiat generosæ menti, quodam sapientiæ quasi instinctu condenda est; cuius etiam studio providendum, ne fini viuendi ipsa obstant adminicula vitæ.

Porro artes omnes disciplinaque reliquas, vnamquamque in genere suo ancillari debere ac subseruire sapientiæ, magno sapientum consensu receptum est. Eò enim spectat, quod S. Thomas alijque Doctores, in eo quod Prouerbiorum 9. v. 3. dicitur: *misit ancillas suas &c.* ancillarum sapientiæ nomine, reliquas scientias naturales, allegoricâ ratione intelligunt. Expressissimè autem Philo Iudæus, libro *De congressu querenda eruditionis gratiâ*, logicam, musicam, astronomiam, aliaque artes liberales, tradit famulas esse sapientiæ; easdemque sese habere instar vestibuli, ante sapientiæ aut virtutis ædem siri, eò quòd ad hanc per illas adeatur. Proindeque etiam illas Agari comparat ancillæ Saræ, cum qua priùs Abraham congressus est prolis gratiâ, quàm vllam ex Sarâ Dominâ (quam ait refert sapientiam) sobolem, fructumque susciperet.

Quapropter eos, qui veræ sapientiæ studio neglecto, disciplinis illis inferioribus tori reueantur, pulchrè apud Plutarchum Bion Philosophus similes esse aiebat procis Penelopes, de quibus Homerus in Odyssæa. *Nam quemadmodum his, cum ad Domina nuptias peruenire non possent, cum eius ancillis consuetudinem habuerunt; ita qui Philosophiam nequeant apprehendere, eos in alijs infimi pretij disciplinis, atatem seseque conterere.*

Quam denique rem omnem fuluùs exequens in primo Scotomatum priscus ille scholæ Alexandrinæ magister: *Lam enim quidam (inquit) ancillarum inescati phyltris, contempserunt dominam Philosophiam; & ex ipsis alijs quidem consenuerunt in musica, alijs in geometria, grammatica, rhetorica. Sed quemadmodum liberales, (quas vocant encyclicas, hoc est circulares) discipline, conferunt ad Philosophiam, quæ est ipsarum Domina: ita & ipsa Philosophia conducit ad parandam sapientiam. Est enim sapientia domina Philosophiæ, sicut illa, eius quæ priùs auditur, disciplina.*

Hæc omnia Clemens: quibus confirmandis & illam subiungit à nobis ex Philone relatum, ipso etiam Philone laudato, Agaris serux & Saræ Dominæ, allegoriam.

Tandem artes illæ ac disciplinæ inferiores, vel circa ea quæ sunt extra hominem versantur, vniquæ seruiunt seu sustinentæ seu



# PARS TERTIA. CAP. XXVI. 313

ſeu exornandæ mortali vitæ; vel hominem in ſeſe, ſed tantùm in parte perficiunt: ſapientia autem ( quam artem artium rectè appellat idem Philo ) per ſeipſam eſt ars & diſciplina vitæ, ſolaque perfectum ac beatum efficit poſſidentem, ipſa de ſe verè atque excelsè prædicante: *Qui me inuenerit, inueniet vitam, & hauriet ſalutem à Domino.* Itaque reliquæ, quantumuis liberales, & ingenuæ, diſciplinæ, ſoli ſeruiunt tempori; hæc amatores, poſſeſſoresque ſuos beatæ aſſerit, atque tranſcribit æternitati.

Lib. de lib. mal.

Prov. 8. vii. 35.

Sed pergamus porro & modis alijs eandem quaſi incudem tundere, ſive, lectorem noſtrum, ad ſapientiæ cæleſtis amorem atque cupiditatem, incitare.

~~~~~

C A P V T XXVI.

Eiuſdem ſtudiij ac cupiditatis incitanda gratiâ, ſapientiæ cæleſtis dotes ac decora, fructus ac commoda, compendio reſenſita.

Solent amantes, ac maximè ſponſi, eorum quos ament, laudes ac decora, libenter ac cupidè celebrare, atque ijs crebro commemorandis & commendandis, ſive ignes ſuos amoremque fouere, ſive dilectis alludere atque blandiri, ſive denique eâ re demonſtrare audientibus, ſe non ſine cauſâ, nec amore indigno, eas quas ſic commendent, depetire. Id adeò, non in profanis modò, vel Theocriti Idyllijs, vel Virgilij Bucolicis vel aliorum vatum amatorijs carminibus videre licet; ſed in ſacro etiam Cantico, ſive diuino Epithalamio: vbi ſponſum ac ſponſam videas, tanquam amœbœâ alluſione, mutua decora commendantes, & alterum alterius formam, elegantiam, cultum, adſcitis vndique artis coloribus, ac luminibus orationis, deſcribentes.

Hunc igitur in morem, in libro diuinæ Sapientiæ, inducitur Salomon, cupidus ſcilicet atque ardens ſapientiæ cæleſtis amator, dilectæ ſuæ præclara decora, & laudes egregias enumerans; quibus ipſe captus incitatusque, eam amauerit, exquiſieritque à iuuentute ſua, & iam tum in ſponſam concupierit aſſumere. Quas quidem hîc placet quodam perſtringere compendio, vt & nos, earum contemplatione, ardenti, ſi fieri poſſit,

ſit,

sit, illius sponsę præstantissimę & amabilissimę, incendamur amore, cupiditate inflammemur.

Primum enim, si nobilitas quæritur; cælestem habet originem, natalesque diuinos. *Candor est enim lucis æternę, & præstans imago diuinitatis; quæ ex ore Altissimi prodicens, cum illo fuit semper, & est ante æuum: quippe quæ illi semper assistit, non modò vt sedium eius assessor assidua, sed vt intima etiam ac perpetua contubernalis.* Hoc enim etiam loquendi modo vřam inuenies vulgatam nostram; vbi sic legimus: *Generositatem illius glorificat, contubernium habens Dei; quasi dicat, interprete nostro Cornelio: Inde patet, quanta sit sapientię generositas & nobilitas; quòd scilicet ipsa habeat contubernium, vel vt gracè est, συμβίσιον, id est conuictum, siue summam consuetudinem, & familiaritatem cum Deo.*

Si excellẽtia, sublimitas, dignitas: maior est mundo, cælis altior; solo Deo, eiusque vřu intimo, contenta est; cultoresque suos verè magnos, illustres, beatos, immortalesque facit. *Quoniam, vt ait idem Sapiens, immortalitas est in cognatione sapientię.* Id est, ipsa sapientiã, cognatos siue amicos suos, gloriosos reddit & immortales.

Si potestas, autoritas, gloria: *concupiscentia sapientię (inquit) deducit ad regnum perpetuum.*

Si autem utilitas diligitur: *Labores eius magnas habent virtutes. Sobrietatem enim, & prudentiam docet; & iustitiã, & virtutem (siue fortitudinem) quibus utilis nihil est in vita hominibus.*

Si pulchritudo, decor, venustas: *Est hac speciosior sole, & super omnem dispositionem stellarum comparata inuenitur prior.* Ideoque rectè idem Sapiens: *super salutem (inquit) & speciem, dilexi illam, & proposui pro luce habere illam; quoniam inextinguibile est lumen illius.*

Cuius etiam obscurè & velut è longinquo propositę, tam eximia, tamque ingenua, atque natia pulchritudo est, vt eã causã in Philebo Plato scripserit: *mentem quidem & sapientiã nemo unquam, aut reuera, aut falso cogitauit deformem.* Et in eiusdem Conuiuio Diotima fatidica; amorem docet esse philosophum, siue cupidum sapientię; *quia scilicet (inquit) sapientiã pulcherrimum quiddam est; amor autem circa pulchrum versatur.* Vnde etiam est illud Socratis in Phædro extremo, siue Dialogo de pulchritudine, quod refert etiam, commendatque
Clemens

PARS TERTIA. CAP. XXVI. 315

Clemens Alexandrinus : *O amice Pan , caterig , dij indigetes , dare* L. 3. Sirum. 6. 6.
mibi ut pulcher intus efficiar , ut quaecunque extrinsecus habuero ,
internis sint amica Pulchritudinem appellans sapientiam (subiun-

git Clemens) *quia quod sapientissimum , id pulcherrimum.* Tan-
dem B. Augustinus , magnus & ipse , ardenſque cæleſtis ſapien-
tiæ & veritatis amator : *Quid admirabilis* (ait) *quid ſpectoſius*
ipſa veritate ? De verâ rē- lig. c. 49.

Si delectatio , iucunditas , ſuauitas ; quâ potiſſimum ſolent
duci mortales : nihil eſt ſapientiâ dulcius . Quando eam non
vanè de ſe prædicantem audimus apud Siraciden : *Spiritus enim* Eccli. 24. 7. 27.
meus , ſuper mel dulcis ; ut hereditas mea ſuper mel ut ſauum.
Quò fortè reſpiciens idem Auguſtinus : *Mel* (inquit) *ſapientia eſt ,* In pſ. 86.
primum dulcedinis tenens in eſcis cordis. Quoniam ſcilicet
humano cordi nihil eſt ſapientiâ dulcius : ſi modò ſincetum
palatum habeat , neque peſtifero illecebratum carnalium ſapo-
re infectum & inquinatum . Vnde idem rurſum alibi : *Nihil eſt* In pſ. 364.
dulcius (inquit) *immortalitate ſapientia.*

Demum iſtâ , ſibi adamæ ac concupiſcæ ſponſæ , ſuauitate
captus noſter Sapiens : *Propoſui* , ait , *hanc mihi aſſumere ad con-* Sep. 8. 7. 4.
tinuendum : ſciens quoniam mecum communicabis de bonis ſuis , ut
eris allocutio cogitationis , ut tadij mei ; id eſt , conſolatio leni-
mentumque curarum. Et infra : *Intraſ in domum meam con-* Ibid. 7. 184.
quieſcam cum illa : non enim habet amaritudinem conuerſatio illius ,
nec tadium conuiſtus illius , ſed Letitiam ut gaudium.

Si opes denique ac diuitiæ : generatim de ea Salomon , qui
ut erat mortalium ſapientiffimus , ita præ cæteris noſſe potuit
pretium eius : *Melior eſt* (inſit) *ſapientia cunctis pretioſiſſimis ;* Prov. 8. 7. 12.
ut omne deſiderabile ei non poteſt comparari. Quoniam ſcilicet (ut
habet liber Sapientiæ) *omne aurum in comparatione illius , arena* Sep. 7. 7. 94.
eſt exigua , ut tanquam lutum eſtimabitur argentum in conſpectu
illius. Multumque item oſtenditur in libro Iob , nihileſſe ei com-
parabile , homineſque neſcire pretium eius ; Cap. 28. 74. 12. 176.

Tandem prætermiſſis innumeris alijs , quibus in libris ſacris ,
qui officiotorum , morumque præcepta continent , ipſa commen-
datur ſapientia , ſufficiat Salomonem ipſum (ſive cum qui iſtæ
in eius perſona loquitur) vno verbo cuncta complexum de ſe ,
dicere : *Venerunt mihi omnia bona pariter cum illa ; ut letatus ſum* Sep. 7. 7. 14. 12. 14.
in omnibus : Inſinitus enim (ut ſubjicit) *theſaurus eſt hominibus :*
quo qui uſi ſunt , participes facti ſunt amicitiæ Dei , propter diſci-
pula dona commendati.

In Phædra.
1. de offic.
n. de finibus.

Hæ igitur sunt honestates, si ipsi diuino Spiritui credimus, hæc decora, hic splendor, & tanquam forma ac pulchritudo sapientiæ: quæ si oculis cernitur (vt, post Plaronem, non vno loco ait Tullius) amotes sui excitaret admirabiles, atque ardentissimos. Sed ita facti sunt, & comparati plerique mortales, vt instar brutorum animantium, ex solo sensu de rebus æstiment: illa autem serena atque cælestis pulchritudo, quæ solâ percipitur intelligentiâ, ne leui quidem suspitione, qualis aut quanta sit, attingant; amanumque putent & insuauæ, non dico studium & exercitationem, sed quantum est vtilitatum, ac fructuum disciplinæ cælestis; quos, qui sincerâ atque purâ mente degustent, experiuntur sanè iucundissimos, & omnibus carnis atque sensuum illecebris, nimium quantum præstabiles, atque antefereandos.

De vit. beat.
6. 1.

Quapropter vt modò, quod erat alterum ex propositis, eas quæ sparsim toto Opere, variâ occasione indicatæ sunt, veræ sapientiæ opportunitates, commoda, fructus, compendiarîa recensione regulemus: quid, amabo, in vitâ censeas opportunius & optabilius homini, & siue eius indole dignius, siue ad prædulcem animi sensum, puræque mentis oblectationem, accommodatius: quàm omni studio eam sui partem excolere atque ornare, quâ cæteris præstet animantibus, habeatque quod homo sit, diuinum animal, Deo propinquum ac simile, cuiusque fruendi, ac beatæ capax immortalitatis? Siue, vt in eam rem loquitur Seneca, *dies noctesq; bonæ menti laborare*, hoc studium anteferre cæteris, hac vnâ voluptate teneti, ijs neglectis atque despretis, quæ vel hîc viles & indignæ sunt, quod illi sunt cum equis, bobus, suibusque, communes?

Agnoscere sese eo fine inductum in mundum, vt operum Dei, hoc est imaginum, vestigiorumque ineffabilis eius sapientiæ, contemplator, testis, aptobator, admirator, laudator existat: atque capropter præ cæteris animantibus, vultu in cælum erecto consistere, quò se diuinorum contemplationi satum intelligat, & non pecudis instar, passus gratiâ, à naturâ in terram abiectum? Mundum hunc spectare, non veluti profanum, sibi que ac brutis animantibus commune domicilium, sed tanquam ædem, sacariumque diuinæ Sapientiæ, cuius ipse adeo sacerdos atque antistes sit; quem proinde purè ac castè in eo versari oporteat, nec nisi sancta cogitantem, nisi diuinis operantem?

Imitati

PARS TERTIA. CAP. XXVI. 317

Imitari Deum omnia in sapientia facientem, & solo illius inter filios hominum manifestandę desiderio, occupantem se ac delectantem. Subducere subinde sese turbis, curisque mortalium, & in alta quadam atque tranquilla solitudine positum, intra se recondi, Deumque in se inuenire, illi soli sibi que vacare; & nunc ipsam rerum naturam dulciter contemplantem, in re vel minimā demirari Dei sapientiam, & ipsam vbique sese prodentem agnoscere ac venerari diuinitatem; nunc ipsum attendere cūsum sæculorum, legesque ordinatissimas sempiternę providentię, & sæpe à nobis post Augustinum decantato, magno carmine, diuinoque cantico oblectare se ac pascere; nunc cum ipsa Dei Sapientiā familiariter iucundęque versari, in eius amplexu atque allocutione cuncta vitę mortalis tædiaponere, suspirare æternorum desiderio, atque ad intimum Domini gaudium, non sine pio dulcique sensu, aspirare. Ipsam denique Dei vitam, aut diuinę similem vinere; cūm, etiam teste Philosopho, Dei vita ac felicitas, suprema quędam contemplatio sit; eaq̃ue itidem operatio sit felicitas hominis, quę est illi diuinę operationi maximē cognata: velut etiam, supra memorauimus.

*Ad Nicom.
l. 10. c. 8.*

Aliās subire & efferre se cogitatione, velut in excelsum montis verticem; & inde tanquam ex illā S. Cypriani speculā, *despicere rerum infra se iacentium faciem, & oculis in diuersa portectis, à terrenis iam contactibus liberum, fluctuantis mundi turbines intueri, & cæcis ridere anxialęque curas mortalium, istud terrę punctum (vt inquit Seneca) ferro, & igni diuidentium, aut formicarum instar in angusto laborantium. Vt enim hęc iustius vsurpem, quod de suā scripsit (Horatij verbo) insaniente sapientiā, Lucretius:*

*Epist. 1. ad
Dom.*

*Pref. in l. 1.
99. ver.*

*L. 1. Carm.
ode 34.*

— Nil dulcius est, bene quā munita tenere
Edita doctrinā Sapientum templa serenā:
Despicere vnde queas alios, passimq̃, videre
Errare: atque viam palantes querere vite.

Lucret. l. 1.

Sive, vt potius, quod ab Ilaia de homine iusto magnificis verbis expressum est, ad sapientem nostrum transferam: *Ille in excelsis habitabit, munimenta saxorum sublimitas eius; panis ei datus est, aquę eius fideles sunt. Regem in decore suo videbunt oculi eius, cernent terram de longē.*

*Cap. 53. v.
17. 18.*

Hęc enim in primis ad illam pertinent sapientis animę sublimitatem,

Qq 2

Cap. 38. v.

14.

L. 31. 21. v.

c. 34.

blimitatem, qua homo, eiusdem Isaïę phrasi, *super altitudines terræ*, hoc est (vt Magnus interpretatur Gregorius) *super omne quod altum magnumq; in terra videtur*, sublatu, in quadam se positum conspicit, non excelsâ modò, verùm etiam munitissimâ arce sapientiæ; quò neque iam vlla fortunæ tela, aut turbinum vis, aut inimicus internæ pacis, anxiarum curarum, tanquam ventorum, inquietus status aspiret: quia, vt etiam antè laudatus Philosophus; *Talis est sapientis animus, qualis mundi status*

Epist. 59. *super Lunam: semper illic serenum est.*

Tum illam insinuant securæ mentis, atque tranquillæ, lætitiæ; quę scilicet diuino munere, nullo iam extra se indigens, sed sibi cum Deo sufficiens, sanctis cogitationibus intermisque pascitur delitijs, & ipsâ alitur quasi saginâ veritatis. Postremò & illam exprimunt, arcanam & intimam contemplationem diuinæ pulchritudinis, quâ nimirum semel attentè conspectâ & apprehensâ, pulchro fastidio despicit vniuersa, quę infrâ sunt, & ipsa non sunt; ac veluti factus diuinitati propinquior, *cernit terram de longè*, hoc est, vt rem abiectam, vilem, minimam, & iam oculis eius vix apparentem, seruo & ex animo contemnit.

Denique, vt paucis ad extremum cuncta concludam: quid dulcius, gloriosius, beatius; quàm, eiusdem cælestis disciplinę beneficio, sentire sese mutatum in virum alterum, & domiris, omnibus animi perturbationibus, in se experiri regnum sapientiæ pacatissimum; habere mentem vni Deo subditam, eidemque vni, amore casto inhærentem, dominantem cæteris quę infra se sunt, maiorem mundo, & extra omnem rerum labentium mutabilitatem positam, atque illâ, quam suprà memorauimus, tanquam arte viuendi, quâ & mala sua in bonum vertit, etiam ex hac vita, futurę fructum felicitatis præcipientem? Hinc enim est illud beatissimum: inter generis humani ruinas erectum stare, inter fluxum constantem, vnum eundemque intet varia, in periculis securum, inter aduersa atque prospera moderatum. Quod omne proprium esse sapientis, vel illa indicat apud Augustinum, in libro de beata vita, sapientiæ descriptio: quâ sapientiam ait nihil aliud esse, quàm modum animi, ita se librantis videlicet, vt vitæ tenore semper æquabili, neque efferatur prosperis, neque deprimatur aduersis. Ex quo nimirum suboritur, sæpe à nobis commendata, pax animi, mentis securitas, veritatis sapor, suauitas conscientię: in quibus

Diff. 3.

PARS TERTIA. CAP. XXVI. 319

bus illa inest, quam dicebamus, delibatio pacis æternæ, ac vitæ diuinæ atque felicitatis adumbratio. *Sapientia* enim (inquit alibi idem S. Doctor) *est contemplatio veritatis, pacificans totum hominem; & suscipiens similitudinem Dei.* Serm. de verb. Dom. l. i. c. 3.

Quin igitur, horum similiumque contemplatione, tandem expergiscimur, & assurgimus animo, ijsque damnatis quæ nos illudunt opinionibus, ac cæcæ pertæsi stultitiæ, toto pectore aspiramus ad sapientiæ cælestis amplexus castissimos, & fructus eius suauissimos degustamus? Auscultantes Doctori Sanctissimo, ad eius, sub lucis nomine, atdens studium, sanctumque amorem, his ipsis verbis nos adhortanti: *Hanc amemus, hanc intel- Tract. 34. ligere cupiamus, ipsam sciamus, ut ad ipsam, duce ipsa, aliquan- in Iona. do veniamus, & in illa ita vivamus, ut nunquam moriamur.* Sic Augustinus.

Ad extremum libet etiam Doctoris Angelici super his sensum, & verba proferre; quibus paucis quidem, sed efficacibus, eorum quæ diximus summam egregiè videtur esse complexus. Ita enim ille libri primi contra Gentiles cap. 2. *Inter omnia studia hominum, sapientiæ studium est perfectius, sublimius, & utilius, & iucundius. Perfectius quidem quia in quantum homo sapientiæ studio dat se, in tantum veræ beatitudinis iam aliquam partem habet. Vnde Sapiens dicit: Beatus vir qui in sapentiâ morabitur. Sublimius autem est: quia per ipsum homo ad diuinam similitudinem præcipuè accedit, quæ omnia in sapientia fecit. Vnde Eccli. 14. quia similitudo causa est dilectionis; sapientiæ studium præcipuè 7. 22. Deo per amicitiam coniungit. Propter quod Sapient. 7. dicitur; quod sapientia est infinitus thesaurus hominibus: quo qui vti sunt, participes facti sunt amicitia Dei. Utilius autem: quia per ipsam sapientiam ad immortalitatis regnum pervenitur. Concupiscentia autem sapientiæ deducit ad regnum perpetuum. Sap. 6. Iucundius autem est: quia non habet amaritudinem conversatio illius, nec radium consuetus illius: sed letitiam & gaudium. Sap. 8. Hæc S. Doctor.*

CAPVT XXVII.

*Non sine labore acquiri celestem sapientiam; proindeq; ad eam
ardens studium, & magnam animi alacritatem
adferendam.*

Sapientix quærendæ studium; rem sanè non levis operæ, sed assidui magnique laboris esse; tum ipsa paucitas sapientum ostendit, tum eorum etiam, qui eam deuique assecuti sint, certissima demonstrat autoritas.

Quam in rem in primis proferre licet, luculentum regis Salomonis exemplum: qui cùm adhuc puer, quemadmodum paulò antè vidimus, cælestis sapientix luce, decore, honestate, dulcedine, immortalitate captus fuisset: *Hæc cogitans apud me* Sup. 8. 7. 18. *(inquebat in libro Sapientiæ) circuitam quærens, ut illam mihi assumerem.* Etenim vox ipsa circumcundi, ambitionem quandam, sollicitamque prensationem denotat, & studium lagæ cuncta tentandi experiendique, siqua via detur, ad id quod adames, aliquando perueniendi.

Vnde eius libri Græcus interpres Mathæus Cantacuzenus: Ecc. 6. 7.
36. *Circuivit ipse (scilicet Salomon) dum diu multumq; elaboraret, dum se omnibus honestis actionibus exerceret, dum omnes, qui sapientiâ virtuteq; præditi essent, alios obseruaret, atque suspiceret, alios etiam in magistrorum ac pedagogorum haberet loco, ac prorsus in hoc studium totus incumberet.*

Similique modo circuibat etiam Sanctus Paulinus, quem epistolâ quartâ ad Severum, audire licet in hunc modum sese, alioque ad sapientiæ studium incitantem: *Omnis in Christo sapientis limina, ut iussu est, exterentes, ubique captemus cibum vite, ubique aucupemur Verbum Dei, de omnium fidelium ore pendeamus; quia in omnem fidelem Spiritus Dei spirat; & necesse est à minimo Dei seruo vel guttam celestis sapientiæ destillare, quæ ariditatem mei cordis irroret, & mihi, supra huius sæculi sapientum flumina, ad potum utilitatis exuberet. Quoniam Spiritus ubi vult spirat, & audio vocem eius, & nescio unde veniat. Igitur ubique auram capto, undecumque vel tenuem halitum legam. Pòst verò alludens ad sanctam illam peccatricem, in domo Pharisæi, circa Domini pedes vario piorum studiorum genere occupatam;*

PARS TERTIA. CAP. XXVII. 321

cuparam ; quod tunc argumentum stylo versabat : *Quocunque* (inquit) *vel in domum indigni, vel in domum Pharisei, audiam iustum venisse, contendam præripere hospitii gratiam. Cum reperero sapientiam, cum reperero iustitiam in alicuius penetralibus recubentem, curram ad pedes Christi, ut vel extremo sapientiæ vestigio signer.* Vbi, si aduentis, per Christi siue Sapientiæ pedes, minimum quemlibet, humilemque Christi seruum intelligit, à quo si vel stillam expectet cælestis sapientiæ, ad illum extemplo properaturus sit, avidus à quocunque discere, & sic vel extremo sapientiæ vestigio signari. Quali imitaretur, quod præscripserat Plato in Euthydemo: *Neque turpe esse, neque indignum, sapientiæ gratiâ, cuiuslibet servire, & honestis obsequijs unumquemque demereri.*

Circuibat etiam sapientiam quærens S. Augustinus; qui libros concludens, quos (ut ipse ait) cum se ad Christianæ vitæ otium contulisset, nondum baptizatus, contra Academicos scripserat, mentione iniecitâ sapientiæ, ita auditores, colloquutores suos, Alipium, Trigetium, Licentium, alloquitur: *Sed ut breuiter accipiat omne propositum meum, quoquo modo se habes humana sapientia, (id est, qua homines verè sapientes effici possint) eam me video nondum percepisse. Sed cum trigessimum & tertium ætatis annum agam, non me arbitror desperare debere, eam me quandoque percepturum. Contemptis tamen cæteris omnibus, qua bona mortales putant, huic inuestiganda servire proposui. Sic ille.*

Lib. 1. Res
tract. c. 1.

L. 3. contra
Academ. c.
20.

In quibus duo quædam obserua. Primum, id quod ait, propositum ac fixum sibi esse, contemptis cæteris, quæ bona mortales existimant, vni inservire sapientiæ: iam tum scilicet intelligens (quod à nobis sæpius toto tractatu inculcatum est, & ex altero S. Doctoris loco, quem mox subiungemus, confirmabitur) neminem ad veram sapientiam esse peruenturum, nisi qui sese ab infimis, seu bonis, seu bonorum vmbis, quædam cogitationis magnificentiâ, atque animi excellere, seduxerit.

Alterum, quod ait, sapientiam sibi inuestigandam; quæ vox, & ex vsu, diligentem quandam perquisitionem, atque indagationem significat, & ex ipsâ vi suâ, propria venientem est, scilicet per vestigia persequentium, atque adeò circuitu vario, nemora aut salus obeuntium.

Sane quidem sapientiæ studium (quod ad seipsum quoque præferentem

sentem facit) video à magnis viris, siue comparatum venationi, siue etiam venationem appellatum. Eò videlicet, quòd, quemadmodum venatorum est, feras latibulis, lustrilque suis excitatas, demum comprehendere: ita studiosorum sapientiæ, latentem abstrusamque veritatem, aliquandorandem deprehensam, in lucem apertumque proferre. *Trahitur enim sapientia de occultis*; inquit Beatus Iob.

Cap. 28. v.
18.

L. 5. Strom.
c. 2.

Vnde etiam Doctissimus Clemens Alexandrinus, illud exponens, quod per Isaiam dicit Spiritus Sanctus: *Dabo tibi thesauros tenebrosos*; siue, ut Septuaginta, *inuisibiles*, ut nostra versio, *absconditos*: *Dei thesauri* (inquit) *et quæ non deficiunt diuitiæ, est, quæ venatu est difficilis, sapientia*. Atque in Operis principio, de seipso agens, suilque in sacra disciplina institutoribus: *Cum autem in eum ultimum incidissem*, inquit (in Sanctum Pantænum videlicet, suum in Schola Alexandrinâ decessorem) *conquies in Ægypto, venans ea quæ latuerant*. Arcana nimirum diuinioris sapientiæ. Sic enim pergit de Pantæno: *Sicula reuera apes, Apostolici et Prophetici prati flores decerpens, sinceram quandam et incorruptam cognitionem ingeneravit, eorum qui audierant animis*. In quo item cupidæ atque argutæ apes exemplo, pratum floridum, prædæ gratiâ, circumuolantis, & in florum intima insinuantis se, eorumque occultos ac multiplices sinus scrutantis ac peruestigantis, exquirendæ vobis indagandæque solerti venatu sapientiæ, imaginem quandam ac formam potes agnoscere.

L. 1. Strom.
c. 1.

Porro inter opera subtilissimi Cardinalis Cusani, librum inuenies hisce expressis verbis inscriptum, *De venatione Sapientie*: in cuius etiam capite primo; *nihil enim sunt Philosophi* (inquit) *nisi venatores sapientiæ*. Quo modo etiam à M. Tullio, in primo de Natura Deorum definiri Physicum videas, *id est, ait, speculatorem venatoremque naturæ*. Er veritatis quoque inter filias venatum sapit, Horatianum illud:

Lib. 2. ep. 2.

*Scilicet ut possem curuo dignoscere rectum,
Atque inter filias Academi quærere verum.*

Cap. 16.

Ad extremum, sapientiæ studium, in quadam summæ veritatis solerti venatione consistere, illa etiam indicant Augustini verba, libro 2. de libero arbitrio ita scribentis: *Quid aliud agimus, cum studemus esse sapientes: nisi ut quantâ possumus alacritate, ad id quod mente contingimus, totam animam nostram quodammodo*

PARS TERTIA. CAP. XXVII. 323

dammodo colligamus, & ponamus ibi, atque stabiliter infigamus; ut non privato suo gaudeat, quod implicavit rebus transeuntibus, sed exuta omnibus temporum & locorum affectionibus, apprehendat id quod unum atque idem semper est? Deum scilicet, seu incommutabilem veritatem.

Apprehendat, inquam; quodam quasi venatu videlicet: quando prædam diu multoque labore quæsitam, apprehendere deum, venarum est.

Cuiusmodi divinos venatores, in Parte secundâ memoravimus; senem Macedonium, per desertâ locorum & aspera montium, Deum venantem studio infatigabili, & Seraphicum Franciscum, dilectum ubique per sua vestigia persequentem.

Ad quod denique studium, ipse Augustinus in alio tractatu, tanquam ad omnium nobilissimum ac divinissimum, simulque suavissimum ac beatissimum exercitium, Christianam animam invitans, atque unâ qualis esse debeat sapientiæ studiosi occupatio, vno veluti verbo indigitans: *Ad capiendum Deum* (inquir) *exercere. Quod semper habiturus es, diu desidera.* Quod perinde valet, ac si diceret: Habeant equidem alia alij, quisque pro affectu ac genio suo, exercitia. Exerceantur qui sæculo student, captandis honoribus, quærendis lucris, voluptatibus confectandis. Ducantur alij curiosis studijs, & disciplinis incubantes sæcularibus, humanam sapientiam indagent. Sectentur alij venarum feræ, & labore illo non ignobili, sibi que iucundo, exerceantur.

Tu qui melioris sapientiæ studiosus es, nobilioremque ac diviniorem prædam affectas; *ad capiendum Deum, exercere.* Hæc te una teneat exercitatio; hæc te præda delectet: quam si intimâ cognitione, sanctis desiderijs, castoque amore aliquando apprehenderis ac tenueris, nihil iam amplius ad ævi præsentis, futuræque vitæ felicitatem, desiderabis. Quid enim ultra desideret anima summæ veritatis, summique boni, pro modo suo, effecta particeps?

In quem scilicet sensum, idem S. Doctor alibi ea proloquitur, quæ laudarijs verbis vice commentarij esse possint. Ita enim ad illa verba Psalmi septuagesimi secundi: *Deus cordis mei, & pars mea Deus in æternum*, considerans homines (ut ipse ait) *cupiditatum diversitate dilanari*; seu, quod dicebamus, varijs quemque teneri exercitijs: *Eligat* (inquit) *sibi partes*

R r

genus

genus humanum. Eligant alij militiam, alij aduocationem, alij diuersas variasq; doctrinas, alij negotiationem, alij agriculturam. Istas sibi partes faciant ex rebus humanis. Clamet populus Dei: Pars mea Deus in sacula: Hec Augustinus.

Ex quibus, alijsque huiusmodi, prouenit ut cuique colligere, ad celestis sapientiæ studium, magnam animi alacritatem, & labori par pectus, esse adferendum.

Nam si, velut habet vetustissimum verissimumque verbum. *Dij laboribus omnia vendunt*: multò id maxime obrinebit, ubi de supremo diuinorum donorum agitur; hoc est, de verâ celestique sapentiâ. Quæ, uti de eâ etiam scriptum est in libro *Cap. 28. 7. Iob: non inuenitur in terrâ suauiter viuentium*: quia nempe non nisi diligenti studio, labore improbo, sed ingenuo, longâ disciplinâ atque exercitatione, ac super omnia, assiduo ad Deum patrem luminum recurso, non alio pretio, comparatur Edicente idcirco per os Sapientis Spiritu Sancto: *Quid prodest stulto habere diuitias, cum sapientiam emere non possit? Ut prorsus opus sit insana fuisse capita, Iohannem Maicollum, & Iohannem Cle-*
13. 16. mentem, quos ex Chronico Arelatensi memorant, Caroli Magni temporibus, Galliarum vrbes concursantes, diuinum hoc munus venale proposuisse; atque, uti propolæ assolent, pro-
Anno 791. clumasse: Quis vult emere sapientiam?

Equidem eundem Sapientem admonentem audio, in iisdem *Cap. 23. 7. sacris Prouerbij: Eme sapientiam, & noli vendere sapientiam & doctrinam*. Sed hiis illud duntaxat significatur; dignum esse sapientiæ donum, quod quouis pretio, id est quouis labore, quærat; idemque aliquando obtentum, conseruandum esse omni studio, neque re quacunque propositâ, amittendum. Siue, quod suâ versione expressere Septuaginta Interpretes: *Veritatem acquirendam, & sapientiam non esse repellendam.*

Recolenda igitur in proposito, & præ oculis habenda, illa Beati Augustini sententiâ: *Si sapientia & veritas non totis animi viribus concupiscatur, inueniri nullo pacto potest*. Cui similo quiddam tradit Romanus Philosophus, dum illam arguens stultorum inscitiam aut vecordiam, qui nullo fine proposito, nullâ arte viuendi, vitam instituunt: *Conteritur, inquit, vita inter errores, brevis; etiamsi dies noctesq; bona menti laboremus*. Etenim bonæ menti dies noctesque laborare, non est aliud nisi vitam omnem viresque animi, sapientiæ studio (quæ perfectum bonum est mentis humanæ) addicere.

C A P V T XXVIII.

*Laborem susceptum vera sapientia gratis, ipso tempore usus
dulcescere; quin etiam inter initia, ipso nobili conatu,
generosis animis iucundum esse.*

AT nequem fortassis à cælestis disciplinæ studio absterreat à nobis toties inculcatum laboris nomen; is in primis intelligat, etiam laborem ingenuum, & rei seriò deamatæ causâ susceptum, generosis animis dulcem esse. Nam si, ut iam capite superiori tradidit cœptam similitudinem exequar; in his qui venatu corpus exercent, quanquam sine labore id non faciant, ipse tamen illis dulcis est labor; &, ut præda desit, aliudûe pretium operæ, ipsa illis opera pretium est; delectatque nobiles animos, quodam velut belli simulacro rudimentoue, generosis prædam captandi, feramque conficiendi ardor, atque inter eius nunc propè capte spem, nunc insperatò elabentis frustrationes, gratâ varietate condita exercitatio. Quanto dulcior erit, sapientiæ cælestis quærendæ atque inuestigandæ labor? Cuius utique venatum amabilem, tantum necesse est, seu nobilitate, seu felicitate præcellere; quantum, siue corporis exercitationem, ipso suo genere præcellit ingenua mentis generosæ exercitatio; seu ferarum capturam, apprehensio immortalis sapientiæ; seu ludicram illam fugitiuæ prædæ captationem, certa atque secura aliquando tandem obtinendæ cælestis sapientiæ, hoc est (Sanctissimi Doctotis verbo) Dei capiendi ac possidendi, expectatio.

Quin & ipsi ad id primi conatus, ac studia animi ad sapientiam aspirantis, non sine lucro ac profectu sunt: quippe cum sapientiæ pars quedam sit, desiderare sapientiam; atque eam nosse, super omnes mundi delicias, gloriâ, opes, desiderandam. Delectantque non parum bonam mentem, sui que sibi profectus conscientiam, inductæ animo præformationes & rudimenta disciplinæ cælestis: dum sese in dies mutari sentit in melius; seseque iam suis cupiditatibus, atque ijs rebus quas prius stultè deperibat, ipsoque mundo, maiorem effici; subiaceri sibi petinâs pulcherrimas, quibus sublata terram de longè deficiat; aperiri sibi sensim sublimem ac purum æthera, regio-

nem inquam supremæ lucis, & veritatis incommutabilis. Quod cum peruenierit, & omnia ista inferiora, quæ eam à sincero æternorum intuitu, & ipsius Pulchri contemplatione impediunt, quadam liberi volatus eminentiâ, & calli amoris ingenuitate, transcendit; iam se intelligat manere imperturbatam requiem, pacemque animi suauissimam ac beatissimam, cunctis sæculi gaudijs ac delicijs antefetendam.

- Ad quam nos utique suo ipsius experimento prouocat Sira-
Eccl. 51. cides, pæne extremis suæ Sapientiz verbis edicens: *videte quia*
2. 35. *modicum laboravi, & inueni mihi multam requiem.* Modicus
 quippe est, tam præstantis boni respectu, quamlibet longus
 & assiduus, sapientiz quærendæ studio, impenitus labor. Quan-
 quam, si quod res est loquimur, non is reipsa longus assi-
 duusque futurus est: quando prima tantum deuotanda sunt tæ-
 dia disciplinæ viuendi. Nam post cliuuium istum, in cuius ver-
 tice posita est ædes Sapientiz, si non *uno spiritu* (quod Lucilium
Epist. 31. suum hortabatur Seneca) at animo tamen non degenero exu-
 peratum, plana deinceps inuenias omnia, & labore nullo, in
 ipsum intimum penetrale atcanæque adyta, te inferas; iam tibi
L. 2. de lib. ipsâ sapientiâ (quod S. ait Augustinus) *de interiore sede fulgente,*
urb. c. 16. *& de ipso secretario veritatis:* ubi iam beato in otio, susceptæ
 exercitationis fructus percipias amplissimos ac suauissimos.
Heb. 12. 7. Ut enim eam ipsam in rem diuinus Apostolus: *Omnis disci-*
11. *plina in presenti quidem non videtur esse gaudij, sed maroris;*
1. cor. 10. *postea autem fructum pacatissimum exercitatus per eam profert ius-*
titia.
 Quibus consentaneè, (ad illud Psalmi 72. *Labor est ante me,*
donec intrem in sanctuarium Dei) philosophatur S. Ambrosius,
 verbis egregijs & commemorabilibus; quæ eò libentiùs refe-
 ram, quod non tantum huic rei bellè seruiant; sed nostræ etiam
 illi cogitationi, qua Dei sanctuarium censebamus propriè di-
 catum fuisse diuinæ Sapientiz, non obscure fauere videantur. Sic
 igitur ait prædictum Psalmistæ versum exponens. *Id est, solus*
mibi superest labor, ut ingrediar sanctuarium Dei, ubi est Che-
rubim, id est cognitionis profundum; & non labor, qui est in in-
certis & vanis opinionibus. Ideo ingrediamur adytum cognitionum
 sacrarum, atque interiora penetralia veritatis, ut non sit nobis
 labor. Sapientia enim nos à sensu laboris abducit. Et rursum: *In-*
grediamur igitur sanctuarium Dei, ubi sunt Cherubim, in quibus
est recordatio sacræ cognitionis; & veri illius atque aterni lumi-
nis,

PARS TERTIA. CAP. XXVIII. 327

nis, in illo candelabro imago resplendet, quo possumus intelligere in nouissimo. Sanctus enim in ultimo cognoscit, & perfectam sapientiam processu ætatis adipiscitur.

Quasi illud nobiscum dicat: Non sine labore transcendendi cliu-
um disciplinæ cælestis: ac postquam ad eius sanctuarium per-
uenieris, iam in proclui esse omnia, ipsâ sapientiæ tandem pos-
selsæ dulcedine, omnem laboris sensum auertentē; atque eius
administris Cherubinis, qui in intimo sapientiæ penetrati consi-
stant, illius arcana atque occulta, in vero quodam æternoque
lumine manifestè pandentibus. Quippe quibus ptoprio nomi-
ne atque ex ordinis sui officio, peculiariter competit, quod in-
differenter de Angelis scripsit, in libro de diuinis nominibus,
Magnus Dionysius: illos scilicet esse *diuini silentij* (sive, latentis cap. 4.
diuinæ bonitatis ac perfectionis) *interpretes, & tanquam clâ-
ra lumina, eum qui in adytis latet, enuntiantia.* Ut qui in hanc
intimam secretamque scloam admissus sit, eum tanquam inter
Cherubinatorum chotos versanrem, necesse sit proinde sublimes,
beatas, vulgoque incompetas vetitates ac sapientias, sincero
cordis gustatu percipere, & (quod hinc sequitur) sublimia,
beata, vulgoque incompetata gaudia gaudere.

Quamobrem hoc loco, non sine causâ, fert animus; obiter
admonere cupidum cælestis sapientiæ affectatorem, ut illius
obtinendæ gratiâ, aliquem subinde, intet pteandum, ad
cælestes illos Sanctorum Cherubinatorum choros respectum
aut recursum habeat. Qua in re præeuntem habemus S. So-
phronium Ierosolymitanum, hisce intet alia verbis Sermone
quodam illos iauocantem: *O vos Cherubim, oculis plena, & Orati. de
quadriformia, quæ internis viribus forma vestra cognatis, Angelis.
ample magnificet, exculsa, omni, sapientiâ plena estis (quare
etiam cognitionis fontes & scaturigines appellamini) diuini
Verbi cognitione me expolite, & è terra in sublime potenter eue-
hite.*

Augustinus porrò B. Ambrosio consentiens, libro quem in-
scripsit, *De quantitate animæ*, capite 33. septem animæ, ut ap-
pellat, gradus, siue actus diuersos, petraetans, quos postea,
doctrinæ causâ, ita breuiter recolligit, ut *primus dicatur ani- Cap. 33.
matio; secundus, sensus; tertius, ars; quartus, virtus; quintus,
tranquillitas; sextus, ingressio; septimus, contemplatio*: cum in
alijs actibus, quibus aut virtuti vacat anima, aut quâ potest
pergis in Deum, id est (inquit) in ipsam contemplationem veri-

ratis, laborem aliquem agnouerit; in postremo gradu, siue in ipsa contemplatione veritatis, (ad quam etiam in vitâ mortali, constanti studio, & ipsâ iuuante Dei sapientiâ, peruenire liceat) eam animi pacem, eam gaudiorum siue copiam, siue suauitatem ac sinceritatem inuenit, vt illum putes, non aliquam quæ putis mentibus etiam in vita subinde obtingat, æternæ illius felicitatis delibationem, & quendam, p̄tout ipse appellat, æternitatis afflatum (de quo tamen eum recipi agere, præsertim ex fine capitis manifestum est) sed statum ipsum supremæ Dei visionis, beatissimamque regni cælesti quietem, describere. Ita enim loquitur eo capite. *Iam verò in ipsa visione atque contemplatione veritatis, qui septimus atque ultimus gradus est, neque iam gradus, sed quædam mansio, quò illis gradibus peruenitur, quæ sint gaudia, quæ perfructio veri & summi toni, cuius serenitatis atque æternitatis afflatus; quid ego dicam? Dixerunt hæc, quantum dicenda esse iudicauerunt, magnæ quædam & incomparabiles animæ, quas etiam vidisse ac videre ista credimus. Illud planè ego nunc audeo tibi dicere (alloquitur puerum Adeodatum, cum quo eo sermone colloquitur) nos, si cursum quem nobis Deus imperat, & quem tenendum suscepimus (etant quippe tunc Romæ, à baptisino recentes, & reditum meditates in Africam) constantissimè tenuerimus, peruenturos per virtutem Dei atque sapientiam, ad summam illam causam, vel summum autorem, vel summum principium rerum omnium, vel siquo alio modo res tanta congruentius appellari potest: quo intellecto verè videbimus, quàm sint omnia sub sole vanitas vanitatum. Ita enim tum hic, tum alibi legit illud Ecclesiastæ, licet postea in suis Retractionibus, vulgatam lectionem prætulerit.*

L. 1. c. 7.

Et quanquam his verbis videri possit S. Doctor, eam insinuare supremam Dei contemplationem, in quodam attractu intimo, & mysticâ, quam vocant, & sine medio adhæsiōe ad Deum, consistentem, quæ paucis & rarò in vita mortali conceditur; quippe cuius eum, iam tum odorem aliquem ac gustum accepisse, suspicio esse potest, ex eo quod sub idem tempus cum sancta sua matre habuit ad ostia Tiberina colloquio, diuinisquæ ac secretis sensibus, quos tunc sese expertos, ipse testatur ac dulciter describit in suis Confessionibus: attamen ex toto contextu magis est vt eum accipiantus, de eo stabili ac permanenti statu, quem accipit virtute ac sapientiâ perfectus animus,

Lib. 9. c. 10.

PARS TERTIA. CAP. XXVIII. 329

mus, cum ab omni iam cupiditate ac face rerum mortalium (ut ibidem ait) eliquatus, Deum seu veritatem purâ quadam mentis contemplatione apprehendit, eique amore casto protius inhaeret, neque vllotangitur infimarum rerum desiderio, sed totus in purissimis diuinissimisque desideratæ sapientiæ amplexibus acquiescit.

Cuius etiam felicissimi status nemo nisi expertus exprimat, quàm liquida & sancta sint gaudia, quàm dulces afflati: è vicinogustatæ, & tantùm non apprehensæ, æternitatis. Ipse etiam Augustino alibi dicente: *Hæc est hominis vita beata atque tranquilla, cum omnes motus eius, veritati rationisq; consentiunt, & vocantur gaudia, amores sancti, casti & boni.* Hæc ipsa denique est pax illa Dei quam mundus non potest tribuere, hoc legitimum mentis Deo penitus subditæ sabbatum, hæc vita perfecti consummatique sapientis.

L. 1. de Gen.
cor. Ma-
nich. c. 20.

Quamobrem idem sanctus eximiusque Doctor, post recusitatos & redaccensos in pectore suo primos illos bonæ mentis igniculos, seu illos quasi iuueniles, sed aliò deinde terrenis auersos illecebris, amores cælestis sapientiæ, cum ad eam serio conuersus, amplexuum eius suauitatem incredibilem, & illa, quæ suprà memorauit, casta gaudia esset expertus, aduersus eos subindignans, qui fallaci rerum temporalium iucunditate teneri se sinunt, ne diuino illo immortalique bono perfruantur, ita quodam loco exclamat: *Va qui derelinquunt te ducem, & oberrant in vestigijs tuis, qui nutus tuos pro te amant, & obliuiscuntur quid innuas: o suauissima lux purgata mentis, Sapientia! Non enim cessas nobis innuere, quæ & quanta sis, & nutus tui sunt, omne creaturarum decus.* Et infra: *Va, qui se auertunt à lumine tuo, & obsecrati sua dulciter inhaerent &c.* Atqui quod attinet ad illa Sapientiæ vestigia, quæ rebus omnibus impressa esse, in Parte secundâ pluribus declarauimus, iuvat hic postremum audire, quæ hoc ipso loco de ijs tradit Doctor noster, ubi videlicet, id quod de ipsâ Sapientia scriptum est: *In rois ostendit se illis: hilariter* (nempe se querentibus & amantibus) *& in omni prouidentia occurrat illis; in hunc ipsum sensum exponens: Quondam enim se reuerteris* (inquit) *vestigijs quibusdam, quæ operibus suis impressis, loquitur tibi, & te in exteriora relabentem, ipsi exteriorum formis interò remocat: cæcè quidquid te detinebat in corpore, & per corporeos illicite sensus, videas esse numerosum* (hoc est, harmo-

L. 2. de lib.
arb. c. 16.

Sap. 6. v. 17.

harmonicâ proportionem constans) *U' queras unde sit, U' ad teipsum redeas &c.*

Ex quibus denique; opportuno monito, illud obserues, quæ magna ex parte est præsentis Tractationis intentio: primam quasi labem, infelicitatemque mentis humanæ, in hoc esse positam; quod illice sensu seducta, & circa diuinæ Sapientiæ vestigia, vagis desiderijs oberrans, viam ad ipsam perueniendi non inueniat; sed, pro ipsâ, eius sequatur umbras, seseque conuexet catum captatione inutili; nunquam sapiens, tranquilla, felix, ac beata futura, nisi cum umbras illas egressa, ipsam in seipsa apprehenderit veritatem incommutabilem, eique fixæ ac stabiliter inhaerens, quandam & ipsa accipiet (quæcunque fors rerum mundum agitet) in animi sui summo vertice immutabilitatem.

Cap. 14.

Quò utique spectant & illa eiusdem summi Doctoris; in libro quem scripsit, *De Magistro*, operosè monentis, ut signa transgressi foris sonantia, vnum Magistrum agnoscamus intus docentem, diuinam scilicet veritatem & sapientiam: *ut ad eum (inquit) intrò conuersi erudiamur, quem diligere U' nosse beata Vita est; quam se omnes clamant querere, pauci autem sunt, qui eam verè se inuenisse latentur.* Hæc Augustinus.

C A P V T XXIX.

Extrema nostra, super hoc Opere, studiosi lectoris allocutio.

HÆc igitur habui, studiose Lector, quæ, pro argumenti suscepti ratione, partim de templo Sapientiæ myltagogicè, partim de nonnullis, ad benè beateque viuendum peropportunis, disciplinæ cælestis præceptionibus tropologicè, tecum dissertarem in præsentia.

Placuit quippe, siue animi causâ eò suâ sponte propensi, siue, & potissimum, tui operæpretij spiritalis, ab ipsâ Æde Sapientiæ, ad ei adiunctam morum cælestium Academiam, variâ occasione diuertere: aut etiam, ex veteri Ægyptiorum sacerdotum exemplo (qui, ut principio monere me memini, non nisi in ipsis ædium sacrarum penetralibus, arcanam suam sapientiam discipulis traderent) eandem & sapientiæ ædem, & sacræ disciplinæ scholam atque officinam habere. Cui vsui firmando

PARS TERTIA. CAP. XXIX. 331

mando & illud facit, quòd longa Hermetis Ægyptij de rebus diuinis, *Asclepius* inscripta disputatio, intra adytum habita ponitur; velut ex principio & fine apparet disputationis.

Leuit denique (vt hæc quoque viâ meum tibi institutum approbem) ipso nostræ scriptionis genere, vetustissimi temporis vsum, quo Deorum delubra, sapientium dictis, & ad hominum mores formandos accommodatis sententijs inscribebantur, reuocare atque repræsentare: quem quidem ab illis heroicis æceptum temporibus, quibus (vt superius admonui, ex Platonis Protagora) septem illi Græciæ Sapientes in templo Apollinis Delphici sapientiæ suæ primitias dedicarunt, ad sequentes inde continenter transisse ætates, tum illa indicat Macedonis Philosophi de quodam Aftanij versu, à nobis antea ex Agellio memorata sententia; tum cuiusdam Platonici dictum de primis Evangelij S. Ioannis verbis, quod S. Augustinus sic commemorat in decimo de Civitate Dei: *Quod initium* (inquit) *Evangelij cui nomen secundum Ioannem, quidam Platonici, sicut à sancto sene Simpliciano accepimus, qui postea Mediolanensi Ecclesia præsedis Episcopus, solebamus audire, aureis litteris conscribendum, & per omnes Ecclesias in locis eminentissimis proponendum esse dicebat.* Quod quidem præsertim aptè vlurpetur eo in templo, quod ipsi factum sit Sapientiæ, quam utique datum sit, his tanquam proprijs sibi que cognatis insignibus luminibusque libenter ornari, & (Scripturæ verbo) *eruditis oblectari cogitationibus.*

Neque ad extremum id alienum sit, ab eâ quam profitebamur Dissertatione Mytagogicâ: quando Mytagogix nomine, à S. Dionysio alijsque Patribus, sacram disciplinam, diuinarumque rerum informationem significatam intelligimus.

Quod autem Opusculum istud, externorum quoque Sapientum dictis, passim & variè, ac fortè etiam libetalius quàm pro quorundam ingenio, respersimus & tanquam illuminauimus, id quidem studiosè à nobis; eius, quæ exinde spectari posset, utilitatis contemplatione, factum est. Vt hi videlicet, qui asceticis scriptis, velut ieiunioribus, austerioribusque, non capiuntur, istâ miscellæ eruditionis illecebrâ, ad hæc legenda ponderandaque deueniant; eoque agnoscere incipiant, quàm rationi veritati que consentanea sint Christianæ effata Philosophiæ; quando in ea, vniuersa consentit, hoc est, & nostra diuinior, & ista externa secularis que sapientia. Siquidem & in hos nostros tractatus illud conuenit, quod de suis sic scribit Clemens

Sf in

in primo Stromatum cap. 2. *Continebunt autem hi libræ, qui dicuntur Στραματίες* (tanquam variâ eruditione contexti) *admixtam, decretis Philosophiæ, Veritatem.*

Alioqui enim parum interest, quid Plato senserit, quid Zenon, Cleanthes, Seneca: sed non leue est operæ præmum, posse aliquem ex his ad veram virtutem, & Christianam proficere disciplinam.

Tandem, etiam ex Apostoli mente, alienæ utilitatis salutisque gratiâ, omnibus ingenijs seruiendum est: quod hoc loco pro virili fecimus, non sine aliquo in re affini S. Doctoris Augustini exemplo.

Quippe meo quodam quasi iure fecero in præsentia, si, quem (vti non semel in Operis decursu professus sum) in toto Tractatu ducem habui præcipuum, cum in hac causâ etiam patronum asciscam. Cuius tamen verba priusquam profero, pauca quædam nobis de rei totius argumento præmittenda sunt.

Scripterat B. Augustinus, sub lux conversionis initia, de Musica; hoc est de vocum numeris, versuumque dimensionibus, libros quinque; idque (vt ait ipse præ modestiâ; possetque respici) ira videri, nisi opus excuset finis operis) *plane pueriliter.*

Lib. 6. c. 1.

Verùm istis libris sextum atque vltimum additurus, in quo seriâ iam disputatione, *res* (vti loquitur in primo suarum Retractationum) *digna cognitione versatur, quomodo à corporalibus, & spiritalibus, sed mutabilibus numeris, perueniatur ad immutabiles numeros, qui iam in ipsâ sunt immutabili veritate; & sic inuisibilia Dei, per ea quæ facta sunt, intellecta conspiciamur:* priorum librorum descriptionem his verbis excusat, quæ etiam, siqua opus fuerit, excitationi nostræ licebit obtendere: *Quam nostram nugacitatem* (inquit) *apud benevolos homines facile fortassis excuset officiosus labor: quem non ob aliud suscipiendum putauimus, nisi vt adolescentes, vel cuiuslibet ætatis homines, quos bono ingenio donauit Deus, quibusdam gradibus à sensibus carnis, atque carnalibus litteris, duce ratione auellerentur, atque vni Deo & Domino rerum omnium, qui humanis mentibus nullâ naturâ interpositâ, præfideat, incommutabilis veritatis amore adhaerescerent. Illos igitur libros qui leget, inueniet nos cum grammaticis & poeticis animis, non habitandæ electione, sed itinerandi necessitate versatos.* Hæc Augustinus.

Lib. 6. c. 1.

Quæ equidem proportionem quadam, in causâ nostrâ vsurpare possumus. Nam neque nos habitandi electione; cum externis Philosophis isto in Opere versati sumus; sed solam per illos quasi

quasi

PARS TERTIA. CAP. XXIX. 333

quasi itineris opportunitatem captauimus: quò nimirum ij, quos ex genij sui conditione, ista capiunt atque delectant pronuntiatã sapientiã secularis, per illa ad veram deducerentur sapientiã; in contemptu rerum transeuntium, & solã proinde veritatis incommutabilis notitiã, cultu, æstimatione, ac sincera denique dilectione, constitutam.

Neque tanquam idcirco vellemus lectorem nostrum in istis prisclæ Academix siluis, aut Atticã, Romanusq; Porticu, detineri & consistere; sed eo duntaxat quasi transitu, atque vltioris meliorisq; disciplinæ gratiã, vti: velut Epictetum videas, eum qui amorem sapientiæ ostentans, in studijs tamen eloquentiæ, alijsq; eiusmodi nimio opere adhærescat, rectè admonentem: *non hoc eundum fuisse, sed hac; & non nisi, ut transitus fuit.*

Arriã. l. 2.
c. 23.

Veruntamen neque hi (quos appellat Annæus) *clarissimi sacrarum opinionum conditores*, in ijs quæ rectè atque ex veritate dixerunt, velut externi, aut à nobis alieni, aspiciendi sunt: quando ipsa veritas (teste S. Iustino Philosopho) vbicunque inuenta, siue à quocunque prolata, nostra est: quomodo videmus ipsum Senecam à Tertulliano, *sæpe nostrum* appellari; quòd sæpe nimirum voces emitat Christianis decretis atque præceptis consentaneas. Admonente etiam S. Augustino: *Siqua fortè vera & fidei nostra accommoda dixerunt Philosophi, maxime Platonici, ea esse ab ijs tanquam iniustus possessoribus in usum nostrum vindicanda.*

De breuitate,
c. 14.

Apol. ad Scã
nat. Rom.

De Animã
l. 20.

l. 2. de deitã
Christi. 404

Quod siqui fortassis in hæc scripta nostra incident, qui illis externæ sapientiæ scitis minùs ducantur, hos, pariter cum ipso Sancto duce nostro, admonebimus; ne ad ista legenda descendant, scientes non sibi, sed alijs esse conscripta. *His enim hæc scripta sunt* (inquit de suis illis libris S. Augustinus) *qui litteris secularibus dediti, magnis implicantur erroribus, & bona ingenia in nugis conterunt, nescientes quid ibi deleat. Quod si animaduertentes, viderent quã effugerent illa retia, aut quisnam esset beatissima securitatis locus.*

Quemadmodum enim Sanctus hic Doctor, eum, de quo agit scribendi laborem, eò à se susceptum commemorat; vt qui litterarum sæcularium studio, atque adeò seu versuum modulari, seu numerosã oratione capiuntur, & quasi irretiuntur, ij per corporeos sensibilesq; illos numeros, ad spiritales, qui in animã de illis sonoris numeris iudicante reperiuntur, & per hos, qui etsi spirituales, suo tamen modo mutabiles sunt, ad veritatem, incommutabilem, quibusdam gradibus peruenient; intelligerentq; cum in numeris illis sonoris, æqualitas sit

§ 2

quæ

quæ delectet, eam quæcunque sit in quibusvis numeris mutabilibus, ab illâ primâ & incommutabili æqualitate procedere; cuius vtrique imitatio sit, quidquid extra illam numerosum est, & non nisi quadam illius similitudine atque imitatione delectat. Cui affine quiddam etiam in Plotino inuenite est; Enneadis primæ libro tertio, de musico, amatore, philosopho, ad ipsum mundum intelligibilem, siue ad Deum, reducendis disputante. Ita nos scilicet satagimus hoc in Opere, vt ab eâ seu veritatis vmbâ; seu sapientiæ imagine, quæ in externorum sapientum dictis præclaris, acutius sententijs placere potest; sensim deducamus lectorem nostrum, ad concupiscendam illam fontalem atque primæuam sapientiam; vtque vniuersè istud denique intelligat, qui hac veritatis, æqualitatis, pulchritudinis particulâ, & tanquam stricturâ, quæ in rebus infimis subobscurè reluet, adeo capitur; immenso amplius delectare posse, summam ipsam sempiternamque veritatem; quæ nempe, vt prima omnis veri, boni, pulchrique ratio, in vniuersis quibus oblectantur tenenturque mortales, occultâ quadam ratione, etiam nescientes delectat. Quod quidem loco antè citato, à S. Doctore Augustino insinuatum, in Appendice huic Operi, si Deus dederit, subiungendâ, paulò vberius disputabimus.

~~~~~

### C A P V T XXX.

*Sapientiam amantis & desiderantis animæ, pro eâ calitus obtinendâ adipiscendâq; ad Deum patrem luminum suspirationes.*

Q Voniâ intelligo, conducibile admodum esse, dulceque animæ peregrinanti, atque ad rêgiõem æternæ lucis anhelanti, crebris votis ac suspirationibus, à Deo sapientiæ fonte, cæleste lumen exposcere, quo duce secuta rutaque pergat inter tenebras vitæ mortalis, tandemque ad finem optatum, sempiternam inquam diuinæ lucis ac sapientiæ participationem, possessionemque, perueniat: eapropter visum est ad calcem Operis, nonnullas piarum aspirationum formulas, è sacris Scripturis, & S. Augustini scriptis ferè desumptas (prour etiam in margine parim indicabimus) vsûs gratiâ subicere; quæ vel ad manum esse possint, has ipsas, vsurpare volenti; vel certè esse instar exempli, ad quod alias similes quisque conformet, affectui suo ac genio magis opportunas.

*Domine*

# · PARS TERTIA. CAP. XXX. 335

*Domine Pater & Deus Vita mea*, qui me ad imaginem & similitudinem tuam benignissimè condidisti, ut in mente meâ diuinæ tuæ sapientiæ templum secretum; tibi quæ acceptum, constitueres; *da mihi sedium tuarum assistricem sapientiam*, & noli me reprobare à pueris tuis; paruulis illis videlicet, quibus non alta, non curiosa, non terrena, sed tibi placita sapientibus, arcana & occulta sapientiæ tuæ, præ sapientibus ac prudentibus huius sæculi, reuelare dignaris. Donum quippe tuum est cælestis illa sapientia; & frustra est omnis humanus labor; cura, studium, exercitatio; nisi tu dederis sapientiam, & miseris Spiritum Sanctum tuum de altissimis, & sic quæ tibi placent didicerint homines. Mitte igitur illam de cælis sanctis tuis, & de de magnitudinis tuæ; ut intelligam vniuersa quæ fecero, & sciam quid acceptum sit apud te. Solam enim iam amo, solam exquiro sapientiam quæ de sursum est: ut qui te docente didicerim, sapientiam huius mundi, utpote falsam atque fallacem, stoltitiam esse apud te; sapientiam autem carnis, tibi qui primæes, & summa, ac pura veritas, aduersam esse & inimicam.

O dulce lumen occultorum oculorum meorum, vera & æterna Sapientia. O lux quam videbat Tobias, cum clausis oculis istis filium docebat vitæ viam. Lux, quam non attingunt oculi carnis, sed quæ solâ mente, eaque purâ, percipietis. Quando ita afficies cor meum, & persuades viscera, atque medullas animæ meæ; ut seriò ceitòque agnoscat, quàm vana sint omnia, quæcunque amantur & desiderantur extra te! O si te filij huius sæculi cognoscerent!

Cognoscam te Deus meus, æterna veritas; & ita cognoscam, ut nihil mihi iam sapiat, præter te. Væ pristinæ illi & inueteratæ cæcitati cordis mei! Væ densitati tenebrarum mearum! Væ caligini intercludenti mihi serenitatem veritatis tuæ! Væ tempori illi, quo non noueram, nec amabam te! Veni nunc, & posside cor meum, & in medio eius regni tui sedem constitue: ut omnes iam vires animæ meæ, omnes facultates ac sensus meos, plenè gubernes atque dirigas in omnibus ne quæ exorbitent à lege tua, æternisquæ primi ac summi veri rationibus. Sim totus deinceps filius lucis, & ambulem in splendore tuo, ut non me tenebræ comprehendant, horribiles, vltices, æternæ, inextricabiles.

O æterna veritas, & vera charitas, & chara æternitas. Tu es Deus meus, ad te suspiro die ac nocte. Illumina tu mirabiliter à montibus æternis; & penetra totum spiritum meum; ut tandem com-

prehendam ac sentiam, quòd absque tuâ æternitate, vanitas sum; absque veritate, umbra sum; absque charitate, nihil sum.

Dona te mihi, chara lux mea, & sapientiæ sempiternæ splendor amabilis; perfunde cor meum lumine tuo, ut ei sapiat æterna veritas, solisque ducatur certis atque diuinis rationibus. Non me seducat sensus carnis, non me rapiat torrens opinionum fallacium, non me decipiat gloria mundi, & rerum istarum inanes umbræ, ludibria oculorum, & simulacra per inane volantia.

Illucesce mihi, lux amabilis, lux suauissima, lux pulchritudinis & claritatis immensæ; & disijce nubem illam magnam & tenebrosam, quæ est ante oculos vanitatis meæ, ut discussis vanis imaginibus, formisque rerum huius sæculi, tibi soli intendam, te solam ambiam, tibi semper fixè atque amanter adhæream. *Quoniam apud te est fons vitæ*, abyssi inexhausti luminis, torrens immensæ & inestimabilis voluptatis.

*L. 2. de lib. arb. c. 16.* O suauissima lux purgata mentis sapientia, dulcesce mihi, & intus meis sensum aliquem tuæ suauitatis infunde; ne prædolci tuâ aspiratione destitutus, infelicitè amem familiares mihi tenebras, & obscuritati meæ dulciter inherens, per cæca viarum lapsabundus incedam, ac corruam denique, & in illam deuoluatur terram tenebrosam & opertam mortis caligine; ubi umbra mortis, quia nullus eò vitalis aspirat cæli radius; ubi nullus ordo, quia nulla sapientia, ubi sempiternus horror in habitat, quia mentibus infelicitissimis extrema incubat, alta, profunda desperatio. O noctem horrendam! chaos magnum & usquequaque imperuium: quod diuidet lucem à tenebris, filios lucis, posuit in regione pacis, à filiis tenebrarum, constrictis in regione umbræ mortis.

*Ps. 37. 7. 10.* Domine, ante te omne desiderium meum, & gemitus meus, & timor meus, à te non est absconditus. Illumina oculos meos, ne vnquam obdormiam in morte, ne videam vanitatem, & umbras amem, & ab umbris detrudar in tenebras, quas nulla vnquam consoletur lux, sed vna foueat atque propaget nox perpetua, & ipsa addenset & conduplicet plena horroris atque desperationis æternitas.

*Luc. 11. 7.* Pater cælestis, da mihi spiritum bonum, spiritum principalem, spiritum veritatis, spiritum cælestis sapientiæ; quem te promptè amanterque daturum ijs qui à te illum peterent, apromisit ipsa sapientia tua, & conscius arcanorum tuorum Vni-genitus tuus. Non à te postulo terrenas opes, mundi gloriam, carnis delirias, non vitæ mortalis annos plurimos, non præsentis cui transitoriam felicitatem. Quippe quæ intelligam, ad veram



PARS TERTIA. CAP. XXX. 337

ram animi solidamque pacem ac beatitatem nihil facere; quæ-  
que ru proinde, secreto iustissimæ providentiæ tuæ consilio,  
reprobis potiùs & à te avertis abunde largiris; cùm electis tuis  
atque amicis, in hoc mundo omnia his contraria promiseris.  
Verùm illud à te vnicè peto, quod à te in primis postulari de-  
sideras; nempe spiritum sanctum tuum, spiritum lucis ac veri-  
tatis, spiritum immortalis Sapientiæ; quo repletus cælestia sa-  
piam, ignorem quæ mundi sunt, & totus pacatus atque tran-  
quillus, sub alis abscondar incarnatæ Sapientiæ tuæ, gallinæ in-  
star, infirmatæ propter nos; ibique requiescam ac protegar ab  
omni incurfu rerum istarum temporalium, donec in meri-  
diem æternæ lucis conuertantur umbræ mortalitatis.

In 9. f. 88.  
canc. 2.

O vera lux mentium, & puri cordis iucunda serenitas, sa-  
pientia æterna, affulge; cotulca, & plenè dissipa reliquias re-  
nebrarum mearum. Amoue à facie cordis mei, umbram sæcu-  
li, spesinanes, & mendaces infanias. Opto quidem & nitor æter-  
na sapere: sed adhuc in præteritis & futuris rerum motibus  
volitar cor meum, & adhuc vanum est. Nisi ru reneas & figas il-  
lud, ut paululum ster, & paululum rapiat splendorem semper  
stantis æternitatis. Quod si ru mihi felix aspices, & efficaci vita-  
lique fulgore tuo percurias intima cordis mei, discutientur falla-  
cæ umbræ, & tenebræ meæ erunt sicut meridies.

L. 11. Conf.  
c. 11.

Isa. 38. 7. 10.

Admite me in scholam sapientiæ tuæ, æterna Veritas; & fac  
me attentum, assiduam, docilem auditorem disciplinæ cælestis.  
Amoue à me errores sæculi; mentem erudi atque informa di-  
vinis præceptionibus, & pectus iam rui avidum æternis rationi-  
bus imbue. Silear mihi tumultus carnis, silear strepitus anxiarum  
solicitudinum, sileant importunæ rerum, quæ me circumstant, ima-  
gines: ut in intimâ quadam atque secretâ solitudine, loquaris tu  
mihi ad aurem cordis, dictesque tranquille audienti, opportuna ef-  
fata, atque æternæ meæ saluti pernecessaria, instituta sapientiæ tuæ.  
Infunde illa intimis sensibus; scribe illa in tabulis cordis mei; ut ea  
assidue recogitem, illa mediter, in his me exerceam, atque ex  
eorum præscriptione, puram ac tibi placentem vitam degam.

L. 9. Conf.  
c. 10.

O omnium artifex Sapiencia, creâ & finge in visceribus meis cor  
nouum, cor mundum, cor ad disciplinam tuam docile; quod iam  
vanitatem non diligit, aut mendacium quærat, sed ductum motio-  
nemque tuam sequatur in omnibus. Aperi oculos cordis mei; ut  
semper & ubique te videam, tecum conuerſet, & iam non ober-  
rem in vestigijs tuis; sed in vniuersis diuinis operibus te recognos-  
cam,

Sep. 7. v. 21.

L. 2. de lib.  
arb. c. 16.

cam, admirer, amem, & ab illis ad te facili motu, perueniam.

*Ap. 12. v. 1.* O quam suavis est, Domine, spiritus tuus! quam amœnus splendor tuæ sapientiæ! quam decoralux, & speciosa faciès incommutabilis veritatis! Amator factus sum formæ illius; opto illam in sponsam perpetuam assumere. Iunge illam mihi fœdere stabili; ut, despecto fatuo rerum pereuntium amore, huic vni amori indulgeam, eâ me oblectem, cum eâ conuiuam, cum illâ suauiter atque tranquille acquiescam.

*Ibid. c. 8. v. 2.* Ad te suspirat peregrinatio mea, dies æternæ, quem sol facit qui nescit occidere; & inter tenebras vitæ mortalis, luce tua recreari desidero. Quousque teneor hoc cæco & tenebroso carcere, ne euolem ad te lumen meum, & claro diuini vultus tui splendore lætificer? Tædet me diuturni huius incolatus. Nimiùm habito cum habitantibus Cedar, densis scilicet vndique circumfusus tenebris. Consolare exilium meum. Aspira interdum, & interlucere mihi quasi per rimas mortalitatis; ut in luce tuarum miserationum interim respirem, *quantum patet aura in domo sanctâ.*

*Ecdi. 36.*

*v. 1.*

*L. 9. Conf.*

*c. 7.*

O Pater luminum, fons vnice veræ atque beatæ vitæ, ne despicias misellam hanc animam, in ista conualle caliginosa, procul à vultu tuo peregrinantem: sed inter obscura atque perplexa æui mortalis, custodi, gubernâ, deduc, dirige spiritum meum; dum exolutus vinculis corporis, quæ eum impediunt, ne te purum lumen, tuæque faciei serenissimum iubar aspiciat, euigilet in diem æternam, tandemque emendatus ac purus, liber ac felix, tuique similis, in diuinæ faciei tuæ desiderio conspectu respiret, absorptusque immenso gaudio, in summæ lucis ac veritatis incomprehensibilis beatâ conquiescat immortalitate.

Concludere libet hæc suspirationes, eâdem clausulâ, quâ similem ad Deum (ut ipse appellat) patrem veritatis, patrem sapientiæ, patrem veræ summæque vitæ, patrem beatitudinis, patrem boni & pulchri, patrem intelligibilis lucis, pro obtinendâ sincerâ veri cognitione longiusculam precationem, initio primi suorum Soliloquiorum institutam, Magnus Augustinus in hæc ipsa verba concludit.

*Cap. 11*

Tandem oro excellentissimam clementiam tuam, ut me penitus ad te conuertas, nihilq; mihi repugnare facias tendenti ad te, iubeasq; me, dum hoc ipsum corpus ago & porto, purum, magnanimum, iustum prudentemq; esse, perfectumq; amatorem perceptoremq; sapientiæ tuæ, & dignum habitatione, atque habitatore, beatissimi regni tui. Amen.

FINIS.







1-5-2

23

